

خاطرات نیازی



یا خود

تاریخچه انقلاب کبیر عثمانیہ در صحیفہ

قول اغاسی : رسیده لی

احمد نیازی



استانبول

(صباح) مطبعہ سی - باب عالی جاہ

۳۲۶



خاطرِ نیازِ

باضور

تاریخچہ انقلابِ کبیر عثمانیدن برصغیر


قولِ اغاسی : رسنہ لی

احمد نیازی



استانبول

(صباح) مطبعہ سی - باب عالی جادہ سی نومبر ۷

A decorative rectangular frame with ornate, symmetrical scrollwork and floral motifs at the top and bottom centers.

(صباح) مطبعه سی باب عالی جاده سی نومرو ۷

رسنه ملی طاہوری قوماندانی فداکاران اخواندن قول اغاسی رسنه لی رفعتلو نیازی
 بکک [خاطر آتم] نامی التده قلمه الدقتری اشبو رساله هیئت اداره نك اولبابده کی امر
 عالیسی موجبجه بالمطالعه طرز تحریری سلسله وقوعاته حرفیاً موافق ومطابق بولندیغنی
 تصدیق وکندولرینی موفقیات واقعه سنه ضمیمه اولان شواثرک جمع ترتیندن طولانی ده
 عن صمیم القلب تبریک ایلرز .

فی ۷ ایلول سنه ۳۲۴ .

جمعیت مذکورہ قضا هیئت اداره سنندن مناستر عثمانلی اتحاد وترقی جمعیتی ولایت هیئت اداره سنندن
 مناستر مرکز قوماندان معاونی قول اغاسی الای ۱۳ طوپ سریع آتش ک ۲ ملازم اول
 حسین عولی یوسف ضیا به صارم

مومی الیه نیازی بکک اشبو اثری عندالتدقیق بالاده کی تصدیق موجبجه موافق
 بولنش اولمغله اولوجهله تصدیق وکندیلرینی بویله قیمتدار بر اثر وجوده کتیرملرندن
 طولانی ده تبریک ایلهرز .

فی ۸ ایلول سنه ۳۲۴

عثمانلی اتحاد وترقی جمعیتی
 مناستر مرکزی





مقدمه

تاریخ عثمانی دقتله مطالعه ایدنلر، بردورک وقوعاتی ادوار سابقه‌نک اعداد و تهیه ایتدیکی علل و اسباب متسلسله‌نک نتایج و مسیبات طبیعی‌سی اولق اوزره قبولده تردد ایتزلر. بناء علیه شو ویا فلان زمانده کی وقوعاتک مؤثراتی اوزمانک محیطده دکل، زمان سابقک وقوعاتنده آرامق ایجاب ایدر. تاریخ عثمانی دوت مهم دوره ایله وقوعات متسلسله‌یی یکدیگرندن حدود طبیعی ایله آیرمش وینه او صورتله یکدیگرینه ربط ایتشدیر. وقوعات، حادثات هپ مسلسل و متصل اولق اوزره برآهنگ اوزرینه جریان ایتشدیر. (۶۹۹-۸۵۷) دور ظهور و تأسیسک شانلی تیمیلاتی (۸۵۷-۹۸۶) دور استیلا و اعتلای موجب حادثات مکمله‌یی حاضرلدینی کی بو دور اقبال و کمالک خدمت‌هایه ایرمسیله غنای ثروت و اقبال (۹۸۶-۱۱۸۰) دور عطالت و توقفک اسباب و مؤثراتی تهیه و اعداد ایتشدیر. (۱۱۸۰-۱۳۲۴) دور انحطاط و اضمحلال ایسه، دور ثالثک گرفتار عکس ضربه اولان دور توقفک رجعت طبیعی‌سی اولق اوزره قبول ایدیه بیلور. قانون طبیعتک احکامنه توفیق حرکت ایده‌رک تقیلب حادثاتده اثبات ده ایدن دور اول و ثانی حکماسه اقتفا ایده‌ماملکه بر کرداب اضمحلال و انقراض حاضرلیان دور ثالث رجالی او دور اقبال و اعتلایک مؤثرات معکوسه‌سی جریانلرینه قاپیلتمده مضطر قالدینی کی بوندن ده مؤثر بر طاقم شرائط افسادیه تحتنده محاط اولان دور رابع قهرمانلری ده عینی مسیباتک تحت نفوذده عدم موفقیتله مقهور و کلام اولمشلردیر. یوز الی سته‌دنبری جریان روز کار حادثاتک آنافورلرینه قاپیلهرق بر وادی انقراض و اضمحلاله قوشان دولت عثمانیه ایسه بوتأثیرات مده‌شه آلتنده ملت هیج بروقت ناامید بولیه‌رق دائماً مقاومتیه مستعد بولمش، امکان حیاتدن امیدوار اولهرق یشامشدیر. یالکز دولت دوچار اولدینی علتی تشخیص ایده‌ماملش ایدی. افرادی عمومیتله گرفتار بلای جهل اولان ملت، اصول اداره‌نک شرائط حیاتیه و اجتماعی‌نک مؤثرات ردیه‌سی آلتنده ایکلیوردی. کرچه عشره مبشره‌دن معدود صرهمسیله اون بیوک

حکمدار عالی تباری یتشدیرن دودمان نجات عثمانی؛ او ادوار مظلمه و مشؤمه ایچنده بيله محمد رابع کبی قهرمانلر، سلیم ثالث کبی داهیلر اظهاریه شجره سلاله عثمانیه نك هنوز نصیبه دار زلال حیات اولدیغنی اثبات ایتمش و علم و تجربه و اصول استشاره ایله اداره ملکده یکی برچیغر آچان بو حکمدار جلیل الشانک پرورده عرفان ودهاسنی اولان محمود ثانی کبی، عبدالمجید کبی نوین وریقه لرلده تنوج و ترهر ایتمکده حائز نصاب حیات و انقلاب اولدیغنی کوسترمش ایسه ده و قوعات بو علت مزمنه دولته حکمدارلرک چاره ساز اوله مدیغنی و اوله میه جغنی اثبات ایتشدر. دولتی کرداب اضمحلاله القایه سائق اولان دور رابع و قوعات سلیم ثالث حسن نیت شاهانه سیله، عرفان ودهاسیله بردنبره تبدیل شکل واستقامت ایلش، خون دظلوم مشارالیهک بغیر حق اراقه سی، وقعه شهادتی دماغ حکومتده اجرا اولنش برعملیه مهمه کبی نظر انتباه و بصیرتی آچشدر. بو فلاکت محمود ثانی نك، عبدالمجیدک مریمسی کبی تلقی اولنق لازم کلور. رشید و مصطفی فاضل پاشالرک تربیت و حمایت کرده لری اولان اعظم سیاست، اکابر ملت مدحت پاشالر، شناسیلر، کمال بکلرینه او آغوش بلندی عاظقپوریدن التقاط کمال ایلش، جمله سی سلیم ثالثه مدیون شکران قالش اولدیغنی کبی، سیاست مدحتک، ادباً شناسینک، فکر آحیه کمالک اولاد مغویسی اولان شمیدیکی انقلابی کنج ترکرده تسلسلاً او منبع دها و عرفاندن اقتباس معرفت و قابلیت ایلشدر.

شهید اعظم سلیم ثالث مرحومک باشلایوب شهید محترم مدحتک اکلانه ساعی اولدیغنی اودور جدید دردنجی قارا دورک شانلی بر شب یلدا ی استبدادی، فجر کاذبی حکمنده در. مدحتک شهادتی ایله و قوعات حال سابقه رجعت ایتمش، دردنجی دور مشؤم بوتون قرا کلقلریله عودت ایدرک ینه او هیولای ظلم واستبداد سلیم ثالث ابتدای دور حکومتده کی چهره تند و ملعنیه کورونمشدر. بوندن صکره کابوس دنائتک تضیق ثقلی التده وطن، ملت ایکلمش، بو تأثیر جهنمی التده شدتلی بر قوه دافعه حصوله کتیرمشدر. ایسته ۱۰ تموز انقلابنک مؤثرات حقیقه سی! اوت یوز شوقدر سنه اول باشلانوب ده اوتوز ایکی سنه قدر توقف ایدن بو انقلاب کیر بر حکمدارک ویا برداهینک تأثیر و نفوذیه حصوله کلامش، و قوعات متابعه، مصائب متعدده یه معروض قالان ملتک تمایلاتیه ظاهر اولمشدر. کوریلورکه شئونات، حادثات اشخاصک ویا انلرک نابوسم اوله رق وضع واحداث ایلدیکی اصولک دکل، طبیعتک الجا آتی تحتده جریان ایتشدر. قانون طبعی تکاملک بو مؤثراتی ارامق، الجا آته تابع اصوللر ایله استقبالی حاضر لاق

لازمدر . خصائل مفطوردسی هر بر ملتن زیادہ قدرت اتساعہ ، استعداد اعتلا یہ مائل اولان ملت عثمانیہ هنوز کنجدر . ملت استعداد طبیعی ایله متناسب واسع بر مبنای سلطنت تأسیسہ ہمت ایتدکن صکرہ انی محافظہ ایدہ جک یردہ مغلوب احتراصات اولہرق حدود طبیعیہ آشمش ، لزومندن زیادہ قوشمش اولدینی ایچون لزومسز توقفلرہ ، تدنیلرہ دوچار اولمشدر .

۸۵۷ دە داخل اولدینی شاہراہ ترقیدہ دولت عثمانیہ مواقف طبیعیہ دیکلنمک و بو وسیلہ ایلدہ ا کمال نواقص ایلک لزومتی دوشونمیرک بیوک بر حرص و تہالکہ ایلرولمش ، حدود طبیعیہ کچمش ، اصول تدریجی طبعیہ ، حکم قانون تکاملہ توفیق حرکت ایلامش اولدیغندن ۹۸۶ سنہ سندن صکرہ حرص اقبال ، مغرور اجلال اولمہ نک انجامی ، سیئاتی چکمشدرد . وبوصورتلہ اوصرہ لر دہ کوندن کونہ توسع ایدن حدود مملکت عثمانیہ داخل عناصر جدیدہ مختلفہ نک خلیطہ عثمانیہ مزج و ترکیبی لزومی اہمال ایدلمش ، قوت زمان سوء استعمالہ اوغرا دلشدرد . شمدی بز اوچ یوز سنہ اول ، اوت تام اوچ بیوک عصر اول یاپیلہ جق ، ایشلر قارشوسندہ بولنیورز . ہم دہ غیر مساعد بر وضعیئلہ اوقوت ، او زمان ، او امکان تمامیلہ مفقوددر . مع مافیہ یأس و نومیدی یلدہ محل یوقدر . اوزمانلر سعادتتی حکمدارلرک عنایت وعاطفتدن ، صدر اعظملرک ہمتندن بکلین ملت عثمانیہ ، بوکون نعمت سعادتتی ، حریتی کد یمین غیرت و ہمتیلہ تأمین ایتدی .

سليم ثالثك ، مدحتك تشبثاتی کی تشبثمرك عكس العملہ دوچار اولیہ جغندن امین اولہ ییلورز . چونکہ تشبثمز ، دہاتدن بر شخصك تشبثی کی شخصی وضعیف دکلدر . تشبثمز عمومی ، موفقیتمز ملی در . بناء علیہ ملت سعادت حالنی ، امنیت استقبالی حاضرلیہ جق بر قوتہ مالکدر . یالکز سکونت ، بصیرت ، قناعت ، صبر و متانت لازمدر . یالکز اوت ، یالکز احتیاج مسارعئلہ بر دعوای مسابقت آچقدن اجتناب ایدلمسی ، لزومندہ افکارک اتحاد ایتیمی شرطدر .

رسنہ لی

نیازی





اخوان جمعیتدن یوز باشی مجدالدین افندی قارداشمدن

تشبثات واقعه اوزرینه بیان تبریکی متضمن

آلدینم مکتوب صورتیدر

رشنه چته سی قوماندانی نیازی افندی یه

قهرمان قارداشم، محترم ومقدس وطنداشم!

محقق براولومی کوزه آلدیره رق سلامت وطن نامنه طاغله چیقدیغکی هریری برر
آتشباره حمیت اولان ایکی یوز وطنپرورکده سکا پیرو اولدیغنی، آلچق آلچق اولدیغی قدرده
قورقاق اولان حکومتی ولوله یه وین بیاننامه لرینک مطالعه سندن استبشار ایلدم. بوتشبت
قهرمانانه بی بتون حمیتپروران امت کبی بنده عاجزانه تقدیر ایدر، عرض تبریکات ایلرم.
افراد ملتک وبلکه بتون جهان انسانیتک نظر تقدیر و امیدینی جلب ایدن بوابتدائی
وشانلی تشبثک عن قریب مظهر موفقیت اوله جفنه جمعیتمزک امید قویدر. هله بن، سنی
دائما بوکبی تشبثات مهمه ابتدائیه نک باشنده بولندی ان طالمکک قرت وجاذبه سندن امین
اولدیغیم اچچون دهها زیاده امیدوار اولیورم. سن ینه سرفراز حمیتپروران، سردار قافله
فداکاران اولیورسک. میدان حیتی کیمسه یه براقیورسک. اقبالک اولیه مراد ایدیور.
سنی دائما وطنی قورتارانلرک باشنده بولندیریور. بوندن اون ایکی سنه اولده عینی تجلیاته
مظهر اولمش ایدک. یونان سفرنده تسالیا موفقیتی حکمسنز براقه رق وطنی مخاطره یه القا
ایدن یانیه هزیمتنی مبدل مظفریت ایدن تشبثات قهرمانانه بی البته تخطر ایدرسک. ینه او وقت
برآلای فداکارانک مسئولیتی اوزرلرینه آله رق یابدقلمی تشبثک باش طرفنده بولمش
ایدک. اوت. اوت. او وقت ینه سن یانیه قرل اردوسنده محضا حسن نیت واقتداردن

محروم بر قوجه مان اردونك الحقلنى تيجه سى اوله رق بلا حرب و جهاد، رذيلانه بر رجعت و انهزام ايله حدودى، مواقع مستحكمه يي او ير يز طييعى استحكاملاره صرپ طاغلر كچيدلر . بوغازلره مستحکم و قابل مدافعه اولان وطنى ، تفنك باطلا تمقيزين ترك ايدرك و اوفق بر دمدارله رحمت قهقره يي ستر ايتكى اولسون دوشونميره ك يانيه اووه سنه قدر فرار ايدن پريشان اردونك، اوت قوه معنيه سى محو اولمش يكرمى بيك كشيلىك روحسز و قانسز بر اردونك يانيه اووه سنده قزمزى كايسا جوارنده بر خطيب مقدس و محترمك قانلى ياشلر ايله ايراد ايتديكى كلمات افسونكارى سايه سنده اكتساب حيات و اعاده انتظام ايدمه بيلن فداكار قطعاى ايجنده بولهرق سوق حيله ميدانه آتش ، موقع مخاطره يه دوشن وطنى ، پايمال اولان ناموس عسكرى يي قورتارمق ايجون اك باشده بولمش ايدك . معلوم يا . او وقته قدر دشمن مال بولمش مغربيلر كي بلا حرب هزيمت و مغلوبى قبول ايدن بو روحسز قطعه لك تحايه ايتديكى بوغازلى ، طاغلرى ، صرتلرى ، تپه لرى قلعه لرى طوتمش ، برقات دها تحكيم ايتش ايدى . بو صورتله لكه لشمش اولان ناموس عسكرى يي قورتارمق ايجون اولومى ترجيح ايدن ميرالاي مصطفى بك ايله ارکان حريه بيكباشيسى رجائى بكك تشويقتانه امثال ايدن فداكار طابورلر اك ايلروسنده حرکت ايدن طابوركك بيكباشيسى احمد سياوش بك، دها طوغرى سى طالع سنى اك اوكد يوروين بلوكك باش اوچنده بولندرمش ايدى . بش بيكار قلعه سنده يرلشن دشمنى ايلك ضربه هاست و فداكارى ايله تتره دن اورجعت رذيلانه مزى دشمنه بريلان صورتنده تلقى ايتدين سنك صولت قهرمانانه ، اوت سنك بتون ارقداشلىرىكه نمونه امثال اولان حرکات قهرمانانه اولمش ايدى ، ايشته طالع ينه سكا توجه ايتدى . ينه سن پيشواى ارباب همت اولدك . جمعيتك سكا قارشو بسلمكده اولدغى فكر اعتماد و حرمت لياقتكى كوستره جككدن قطعاً امينم . ناظم بك مسئله سندن دولايي مظنوناً و فقط اصولاً استانبوله جلب ايديلان انور بككده سلا نيكد نابدید اولدغى رسماً تبليغ ايدلدى . محقق اولان برشى وارسه مير مومى اليكده سلا نيك ولايتده عيني تشبثاته كيريشمك اوزره غائب اولدغى در . غالباً بوكونلرده بزده مساعده ايدم جكلردر . بتون ضابطلر ، اوت قطعاته بالفعل قوماندا ايدن بتون ضابطلر بزمله برابر در . ياسلامت وطن ، يا اولوم ! ايكي كوزلر كدن اوپر ، باجله اخوان حيتشسانه تقديم كلدسته سلام و احترام ايلرم .





باشلامزدن اول

محترم و طنداشلرم، عزیز قارئلرم . خاطر آتمی یازمغه باشلامزدن اول سزه بر قایچ سوزله حیاتی تشریح مسارعتی اقدام وظائف عدا ایدرم . خدمت ناجیزانه مک لزومندن زیاده تقدیر اولندیغنی عرض ایتک ایستورم . شخصمک ، خدمتمک اورتبه آلقشلمه دگری اولندیغنی اکلاتمق، اثبات ایتک اوزره خاطر آتمی یازمغه مجبور اولدیغمی سولک ایستورم . بن نه یاپدم، بیللم ؟ جمعیتدن آلدیغ برامری ؛ بنی رسنهده بولندیران طالع بشقه بر ارقداشمه توجیه ایتسهیدی بندن دهآ آزمی چالیشه جقدی ؟ اکلامق ایسترم . حرکاتم انقلاب عظیم عثمانیک ، اوت بوانقلاب کیر مسالمتک باعث یکنهسی اولق اوزره کوسترلکدن صکره ، شخصم اورتبه بیوتیلیور ، که متأسف اولیورم . وجدان عمومی ی عمیقاً جریحه دار ایدن بو حکم بر خطای فاحشدر . بر افترای محضدر . طرز اقبالک، دور جدید انقلابک بو صورت تلقیسی حقانیه، عدالته بر ضربه در . حقیقی اولدیغی کی افاده ایتک لازم کلورسه بوشرفی شخص معنوی جمعیته ، وانی پرورده ایدن قابلیت ملییه بخش ایتلیدر . اوت ملت ! معلومدر که ملت هر وقت لایق اولدقلری حکومتلری بولشلردر . ایسته حقیقت بوندن عبارتدر . بزه انقلابی حاضر لایان ؛ تهلمکه استبدادی آتلاتان ، حریتی قزاندیران ، ملتک بر آن بیله دوچار یأس و کسل اولیان امید استقبالی ، استعداد ترقی و کمالی ، قوه نامیه اجلالی ، حق اقبالیدر . اوتوز ایکی سنده نبرو زنجیر بند ظلم و اسارت اولان ملت ، بر دقیقه بیله غفلت ایتدی . عثمانلی اتحاد و ترقی جمعیتی کی مدعش و غیر مرئی بر قوت ، بر سیاله دهشت وجوده کتیرن دهاسیله اقتداری ایله چالیشدی . بازوی عرفان و اقتدارینی باغلایان ظلم زنجیرلرینی بر طرفی بیله اینجتمکسزین بهار تیه ، سیاستیه پارچه لادی . فیرلاندی آتدی . حر اولدی ، مسعود اولدی . ایمدی بنم و بنم کی خدمات مودوعه لرینی ایفادن غیر بر بیوکلکی کورلین واسملری حرمتلر و حریتلرله ذکر ایدیلن افراد و مطا - و عتهداک خدمت لرینی بورتبه بیولتمکه بزی ، بو قدر شدتله القشلامغه محل اولدیغنی ادعا ایدرم .

خاطر اتم ناميله تاريخ انقلاب عثمانيدن نقل ايدلمش بر صحيفه دن عبارت اولان شوا اثرمله اتيان مدعا ايدم بيلمش ايسم يك بختيار اوله جغم .
 اوت، تاريخ انقلاب عثمانينك يك اهميتسز بر فصلنى ، جمعيتك يالكز معرفت عاجزانهم ايله واقع اولان اجرا آتى مصور اولان بوترده يالكز خاطرات عاجزانهم ، حسيات شخصيه ، خاطرات قديمه كوريله چكدر . بناءً عليه قارئين كرامدن جمعيتك صورت و تاريخ تأسسندن، جداً شايسته تقديس و تجليل اولان مؤسسين محترمه سندن معلومات و تفصيلات بكلاما ملرني صورت مخصوصه ده رجا ايدرم . اساساً برسر اولان بويوك خدمتى ايفايه اقتدارم غير مساعددر . بودقيقه مهمه يه رعايت مجبور يتيله خاطراتمى بيله تماميله يازه مديغمدن ، ملتكم قوه ناميه واستعداد تكاملنه اك واضح برهانلرى صايه مديغمدن طولايى متأسفم . بالضروره اختيار اولنان شوقصانى چير ايتمش اولقى اوزره خاطراتمى مكتب عالمرندن باشلايه رق ابتدائى تشبته قدر بي لزوم بر طاقم تفصيلاتله قاريش ير مغه مجبور اولدم . باعث كلال و صداع اولان تفصيلات زائده دن متولد قصورك حسن نيتمه ياغشلا نه جغندن اميدوارم .



خاطرات نيازی

برنجی فصل

مکتب خاطراتی

بيك اوج يوز اوج سنه سی دها اون درت یاشنی اکمال ایتماش بر مکتب طلبه سی
ایکن وطنک یاندیغنی، ملتک حکومتک باتدیغنی طومش، پادشاهک خائنر ایله صارلدیغنی
اوکرمش ایدم. مناسترمکتب ملکی اعدادیسنده رحله تدریس و عرفاننده کالات انسانیه
ومرشدانه سنه مقتون اولدیغم بروسه لی یوزباشی طاهر افندی [شمعی منمن طابورنده
بیکیاشیدر .] کبی معلمره مالک اولمسی حسیله انجق رشیدی عسکریه ده فیضیاب
اوله بیله جکمی ودرونده بر داغ بر داغ خونین اولان شو سقوطلی یه وارلغمله
چالیشه بیلیمک ایچون انجق عسکری مکتبلرنده اکتساب سرمایه ایله بیله جکمی
تأمل ایده رک ملکیه اعدادیسندن رشیدی عسکریه آتلاش ایدم. مکتب رشیدی
عسکرینک صوک سنه امتحانلرینی متعاقب تعطیل و قتلرینی کچیرمک اوزره
مناستردن رسنه یه کچدم . اقربا و اودا بنی عسکرلک کبی شرقلی بر مسلک
انتساب هوسندن طولای تبریک ایتمکه برابر مکتبلی ضابطانک هیچ پروتنده عثمانلی
اردونسک اسکی شان و شرفی محافظه ایده مدکلرینی ادعا ایتدیله . بنی فکرمدن جایدره فیه
چالیشدیله . ملتیمک بیوکلکندن فقط حکومتک، حاکمک، مابین دنیلان هیئت فاسده نک
اهانت و دنائتدن، اردونک ضعف و سفالتدن بحث ایتدیکه و صوک عثمانلی روس سفرنده
بر منفعت مقابلنده پادشاهی احاطه و اغفال ایدنلرک تأثیرات خائنانه سیله امکان غلبه نک

نه صورتله محو ومنسلب اولدیغنی اکلاندقجه قلب معصومانم اغلیور. خاشردن، دنیلردن انتقام المن اقتدار وفرصتی بخش ایلسنی جناب حقندن تضرع ایدیوردیم. استطلاعات واقعه ایله عسکرلکه اولان میل ورغت ناقابل مقاومت برحس محبت ومقنویته منقلب اولدی. آرتق محبت وطنیه فکرمی کونش کی تنویرایتش، قلبی جهان قدر آجش ایدی. اورایه نه یرلشدیرلسه ینه بروشلق، براحتیاج اعتلا کوریایوردی. اورایی یالکز وطن محبتک طولدیره یله جکئی بکا برهاتف غیب، ترانه سیله دائماً تکرار ایدیوردی.

اقریامدن، دوستارمدن هیچ برینک نصیحتی وجدانمدن یوکسلن بو صدایه غلبه ایدم یوردی. سوق حب وطنه عسکری اعدادیسنه یازلدم. بوراده اوچ سنه دوام ایدن مدت تحصیل خاطرانی یازمق احتیاجنده دکم. بوراده کچن حیات براز استبداده محکوم ومقهوران اولقله برابر ناموسکار وچالیشقان برعائله حیاتی ایدی. فرانسیزجه معلمی یوزباشی اورخان وتاریخ معلمی یوزباشی توفیق افندیلر علی الاکثر ازدیاد محبت مقدسه یی موجب صره دوشوردکجه بمحضر آچیور. حمیت، ترقی، انسانیت، وطن محبتدن دم اورییور. اسکی عثمانلورک وفرانسزلرک وطنپرورلکلرینه دائر حکایه لر نقل ایدیوردی. بناءً علیه مکتب نامه بو عالی بناده عالی درجه ده دوام ایدن تحصیلدن ایتدیکم استفاده لر یالکز بوکا منحصر قالمش ایدی. مکتب ارقداش لرمه وافراد اهالی ایله احوال عالمندن دم اورلدقجه کمال بکک، بوادیب اعظم ومحترمک نامی، نام کلمات اسمایی، آثاری موضوع بحث اولیور، بو آثارک دلاتلیه اعظم ملته، اکابر سیاسته، فداکاران امته انتساب ایدیلیوردی. بودرجه فضل وعرفانه، اوقدر شایان تجیل اولان بودهایه، واجب الاقتدا بولتان مسلك حمیت وفداکاری یه رغماً مشار الیهک نزد دولته منفور ومنکوب اولسی بی دوشوندورییوردی. دم طوفان حسیات ایچنده غلطان اولان روح، وارلغ ایله اواعیلای طبعی یه حائل اولان موانعی محو ایتمک یوئسنده فدای نفسی بر شرف عظیم صاییوردیم. کندی کنیدیله اکثریا ارقداش لرمه شو یولده خطاب ایدیوردیم: - بز ملتک، عسکر عنوانی حائز شرفلی افرادینک، افراد غضنفر نهادینک ضابطلری اولمق اوزره یتشدیریلیورز. وظیفه من محافظه وطن، دفع تجاوزات دشمن اوله حق دکلی؟ نهدن اصول تدریس مزده، پروگراملر مزده وطنندن، تربیه فکریه دن اثر یوق. بز دینا، عقلاً، منطقاً مقدس اولان برطاقم حسیاتی کیزلمکه مجبور ایدیورلر. اونلرک نمو وتعالیسنه خادم اوله حق اثرلری اوقوتیورلر؟ نیچون تاریخک ادوار مختلفه سندن، بتون مالی واقوامک صورت تکاملندن اورنک آله رق شو سقوط بدینی یه چاره ساز اوله حق

شبان وطنی تربیه ایتیمورلر؟ بزه وطنپرورلک ایچون قرانسزجه اثرلر او قوتیورلر . آردی آراسی کسلیمان بویچونلره « ییلدیزک منفعی ایچون ! » دیمکدن بشقه نه وجدانم ونه ده ییلدیزک مک عرفانی برسبب، برسبب معقول و مشروع کوستره میوردی . مناسترده ییلدیزک لکرمدن ورسنه طانیق لردن ایشیتدک لرم، اوکر ندک لرم کوندن کونه کسب صحت ایدیور . استاد محترم طاهر افندیگ ملکیه اعدادیسنده کمال بکک وسائر قدما ی ادبانک انارندن بلندیکی روحلی منظومه لک، مؤثر شعرلک تأثیراتیه بنی سرمست ایدن محبت وطنیه قلبی، او قلب معصومانه می انقلابره حاضر لیوردی . کمال بکک متانت قلبیه می تأمین ایدن ومغلوب یأس اولوق مهلکه سنه معروض اولدیغ هنسکاملرده استخلاص نفسه مددرس اولان شو :

حقیر اولدیسنه ملت شاننه نقصان کلیر صانع

بره دوشمکه جوهر ساقط اولماز قدر وقیمتدن

بیقی کبی درر معانی حقیقته مزین اولان شعرلی حالا آفاق حسیاتمه طنین انداز اولمقده در . بیک اوچ یوزاون سنه سنده پانفالتیده مکتب فون حربیه شاهانه یه کیردیکم زمان کندیمی برزندان بلادده اسیر اولمشجه سنه مکتبدن، عسکر لکدن نفرت حس ایله که باشلامش ایدم . کمال بکک وامثالک آثارینی واسمارینی آغزه المق کبائر دن صاییلان بر محله بولنیوردم . اوراده اوتدر انبساط وانکشافه مستعد اولان کواکل ، اقلیمک ، مناظرک واستانبوله او وقت بر درجه یه قدر سربست اولان کتبخانه لک، کتابلک، تربیه فکریه سی سویه کالی بولمش مکتبیلرک، مکتب مأذونلرینک تشکیل ایتدیکی محیطک، محیط منبسطک تأثیریه بستیون تعالی یه، اکتساب سربستویه میل ایلیش ایدی . حیفاکه چنبر ظلم واستبداد اولنسته استعدادی تضییق ایدیوردی . بوتأثیراته قارشوینه روحک آزیق اولسون انبساطنه، وقایه استعدادینه کتابت معلمی قول اغاسی رجب، قرانسزجه معلمی بیکباشی احمد، تعییه معلمی ارکان حربیه قائممقامی اسعد بکلرک [که بزدها مکتبده ایکن ارباب فساددن اولدق لری اخباری اوزرینه وطن جدا ایدیلرک ممالک حاره یه نفی واجلا ایدلشلردی .]

درسی ائناسنده تربیه فکریه یه خادم بیاناتی ، افادات محرکانه سی کفایت ایلیشیدی .

ابتدا استانبوله ، مکتبه بیوک برشوق ومحبت ایله کیردیکم حالده ضابط اونیفورمه سنی بخش ایدن مکتب هیئت اداره سنک ، یعنی بر سورو جاسوسلرک بر سورو عیار وطن خائنلرینک (ذکی رضا ثروت اسماعیل پاشالرک) مهرلریله مصدق دیپلومه یی الوب چیقدیغ زمان مکتبه استانبوله بر نظر غیظ ونفرتله وداع ایدرک حیمه مش ایدم . چونکه اواره لق وطنک برکلزاری فقط ترکرک مزاری ، پولتیقه اربابنک جای ابتصاری اولان اوکوزلم بی بدل



قهرمان حریت بیکباشی انور بك

كريد اطهسى مسئله سنده باب عالينك [خير، خير باب على ديه ميه جكم. زيرا او يوز اللهى
 سته دنبرو سد ايداش، يرينه مابين وييلديز قائم اولمشدر.] ييلديزك اختيار ايتديكى مسلك
 سقيم دنائشكاري ضابط اولمق اوزره او بنای عالیده بزرگي زنجير بند اسارت اولان قلوب
 معصومانه بي جرشدرمش، ييلديزي تلاش ویرن مراد بکك اوروپايه فرار و شمرياتيله شبان
 وطن پروراني جانلندرمقده اولدينى بر زمانه مصاف بولمش اولديغندن وطنى تخايص ايچون
 حاضر لئان جمعيت خفيه يه انتساب ايش ايدم. مراد بکك عودتندن اول مکتبک معلمين



رسته‌لی : نیازی

ومتعلمینی میاننده ظهور ایدن [*] بر ایکی بدطینت جاسوسك مهارتيله اوجمیت معصو -
مانه مزك تارومار ایدلمسی هنكامنده مكتب هیئت اداره سنك ارتكاب ایتدیکی غدر و جنایت
ارتق اولانجه قوتله غیظی مایینه و اوکا خادم اولان هیئت و افراد حکومت علمینه تحریک
ایلش، دیپلومه لك حین تسلیمنده ذکی پاشا طرفدن سوبلنوب طرفدن تکرار ایدیلن
تحلیف سوزلری یرینه قلمده وطنك سلامتیه خادم حقیقی کیملر ایسه یالکزر اولنره
صادق اوله جغمی قلباً سوبلیه رك او یولده یمین ایتیش ایدم. ارقداشلرمدن بو اصول تحلیفه
قلباً اشتراك ایتامش یالکزر بعض اصیلزاده لری ذکر ایده بیلیرم .

دور بلوغدن سن رشده و ملتك باب حکومتته خدمتکار اوله رق کیردیکم دوره قدر
کچن حیاتی، حیات معصومانیه یی بوراجقده بیترمه که ، فکر انقلابك کرک بنده کزده ، کرکه
بتون ضابطان ارقداشلرمدنه نه قدر قدیم وقویم اولدیغی شو صورتله ایضاحه مجبور
اولدیغمدن طولای قارئین کرامدن عفور دیلرم. بناء علیه (العبدیدر واه یقدر) حدیث
شریفجه ترکرك و عثمانیلرك بر انقلاب آسایشپورانه یه آز زمان طرفنده و آز برهمتله
موفق اولسی اسبابی استکنانه ایدن اورویایه و بتون عالم مدنیه صورارم . اعلان حریت
کونی عمومی بر مسرتله قبول ایدیلن فکر اتحادك تأمین حصولنه یالکزر بر قاچ فداکارك
سعی و غیرتی کافیمیدر ؟ ایشته بوراجقده ملتكم بتون اوصاف علویتنی ، بتون میل
و محبت حریتی کوزوم اوکنه کتیره رك ترجمه حال حقیرانه می دکل ، انجق بو فکر سلیم
حقینانه یی اثبات ایچون تا چوققلغمندن بری خاطراتمی یازمق صورتيله ملتكم بو انقلابه
نه یولده مستعد اولدیغی ونه صورتله حاضر لاندیغی وفدا کارلرده کی انطباعات و احساسات
عالیه نك انجق بو زمین فیضك ملیده نشوونما بولدیغی وطنداشلر مه و بی تقدیر ایدن
بتون اورویا افکار منوره سنه ا کلامق ایستیورم . بو بر حقیقتدرکه انك ردی ایچون
اقامه ایدیه لك میدانده لك بر دلیل بیله تصوری ممکن دکلدر .



ضابط اولدقدن صکره

ضابطلكك اولانجه معنای تفوقیه تکمل ایتکی دوشونه رك ، بو صورتله ایفای وظیفه یه
ساعی اولمقی درپیش امل ایدن بتون حیثپرور مسلکداشلرم کی بنده کزده آسایش
و سعادت مملکت نامنه نشر ایدیلان قوانینه فرط رعایت و مربوطیت لزومنی حس ایتیش

[*] صنف رفیقلمزدن قندیله خیرالدین ودها بر ایکی رفیق ملعتی .

وانحقق بوحس عالینک تشویقات و تسویقاته قابیله رق برمسلك انخازینه مجبور اولمشدم .
ایلك مأمور اولدیغم قطعه یه مواصلتمده قانون یرینه تعاملک حکم سوردیکی بوقطعه ده
ارزوی اولی الامرک عندیات ، شخصیات ، ذاتیدن بشقه برشی افاده ایتین اوامری ، بدعت
واعتیادات ذاتیه نك تأثیراتی کورمکدن متولد بریأس ایله چالیشمغه باشلادم . مأمور اولدیغم
نظامیه یکر می برنجی آلایک دردنجی طابورنده بنده کزدن دها اول کلن لسقویکلی ملازم
کامل افسدینک دلالت وارشاداتیله حقیقت حاله یواش یواش مطلع اولیوردم . سلسله
مراتبک قدمات مختلفه سنده بر بوشلق کوریور ، دها طوغریسی مراتبک خلاف قانون
شرائط دائره سنده ناهللره تودیغ ایدلش اولسندن متولد نظامسز قلومشاهده ایدیوردم .
بتون سلسله مراتبی بالاستحقاق طی ایدرک مقامات عالییه اعتلا وارثا ایلدکری
فرض ایتدیکم ارکان وامرای عسکر یه دن برطاقنک اوشاقلقدن ، دامادلقدن ، اولادلقدن ،
جاسوسلقدن ، یتیمه برکروه متغلبه دن صرف معاش ایچون ، منحصرأ قایمق وچالمق ایچون
چالیشوب یشایان بر طاقم مداهنلردن عبارت اولدیغی آکلایوردم . قونطورا تجارله
او یوشمغی ، خزینه یی صومغی ، عسکرک استحقاقی چالمغی ، رزیدن عوائد آلمغی ،
چاقچیلغی مکملأ اوکر نمش بر سورو حیادید واراذلک کسوه فاخره ملیه اولان صفت
عسکر یه آلتده اجتسار ایتدکری ارتکاب منفوره قارشی وارسته مسئولیت اولملرینه
بر درلو عقل ایردیره میور ، بو معمای مشکلی بر درلو حل ایده میور ، هر بر قطعه ده
وهر بر اردوده عمومی وسیان اولدیغنه قانع اولدیغم بوفسادک منبع ومنشأی مایندن عبارت
اولدیغنه حکم ویرن بر سورو مسیباتک ازاله سی ایسه اصول اداره عثمانیده قوتلی بر
انقلابه وابسته بولندیغی دوشنیوردم . افق استقبال ملتئ تحدید ایدن بو محیط ملوث
ایچنده بعض جوهرلرک هیچ بر تأثیردن مایوس اولیه رق و هیچ بروجله سونمیه رک نشر
حقیقت ایلکده اظهار متانت ایدیشی بزم کی شبان حمیتی دوچار یأس ونومیدی اولمقدن ،
بوجریان ملوثک شدائد مقاومتسوزینه قایلمقدن منع ایدیوردی . استقامتک ، صداقتک ،
محض جنت ، باخصوص جدیتک ، عین اهانت صابلدیغی ، حقانیتک صوصدیغی ، عدالتک
خائف وخاسر قاچدیغی برملکده ، بتون دواثر وشعبات دولته اولدیغی کی اردومزده ده
عین حالده دوام ایدن حیاتشکن بتون بو یواسزلقلره موجودیت وحیثیت ملیه یی آلچاللدان
شو رذیلانه یولسزلقلره ، ذلیلانه وضعلره قارشی منفردأ هیچ بریمزک ، اوت قبلری بر
احتیاج نامتساهی ترقی ایله یوکسلن بتون ارباب حمیتدن هیچ برینک یالکز باشنه
چقیقشه میه جنی حقیقتی خورشید منور کی ذهنلر یزی تنویر ایدیور . بوسیلابه انقراض

وفایه قارشو امیدمقاومته چاره جوی خلاص اولان افکارعالیه دائماً شوقوتک اوکنده یک آهنگ ویک آواز اوله رق مطیع وفرمانبر بروض احترام وانقیاد الیوردی . اتحاد ! شکل اداره نك تبدیل واصلاحی لزومنده متفق اولان افکار حریتپروران بر چوق موانع ، موانع امیدشکستنه قارشوسنده خیلی وقلر یکدیگرندن تباعدایدرك دوجار یأس وخسران اولمش ، مدهش بر قوتك حملات اهانتکاریسنه معروض قالمش ایدی . نفاق ! ایسته بو قوه ردیته ، اوت یالکز بو قوه فاسده مانع اتحاد وانقلاب اولیوردی . نهایت افکار متشکته قانون اساسی یی اساس مقصد اتحاد ایتک صورتیله ائتلاف واتحاد ایده بیلدی . یالکز امنیت منسلب ایدی . اوچوز اون یدی سنه لرینده قدرافکارده انتظام وارتباط یوقدی . اوده تأسیس ایدلدی وبو سایه ده عثمانلی اتحاد وترقی جمعیتی تشکل ایتدی . یالکز بر آز کچ طاورانلادی . اساساً بو استعداد وانهماک ده قایمیدن موجود ایدی .

دها ضابطلکمک ایلک سنه سی ایدی . یونان سفری اعلان ایدلمشدی . فکر انقلابیک شدتلی مجرالر حصوله کتیردیکی بوزمانده حکومت بوتمایلات شدیدیه بوسفرله سد چکمک ایستیوردی . ارکان حربلر ، کنج ضابطلر ، مکتب معلملری ، معیت مأمورلری ، مهندسلر ، آووقاتلر وبعض حمیتلی واعظلر ، کنج فکری مدرسلر ، وبتون مکتب طلبه سی اندیشه پرور ، وتجربه دیده سالخوردلر بیلدیزدن ، اومنیع متعقدن جراده منتشیره کبی درت طرفه یاییلان میقروبلرک ، جاسوسلرک تعقیبات وتصنیعانه رغماً کیزلی کیزلی اجتماع ایدیوره وطن ایچون ، اوت جدی و بیوک برتهلکه قارشیسنده استنادسز قالان او والدۀ مقدسه ایچون بر چاره نجات ایجادینی مذاکره ایدیوردی . عرب ، ارمنی وطنداشلمزک آناطولیده ، یمنده ، استانبولده یاپدقلری اختلالر ، کریده کی قانلی حادثات میل انقلابک ، میل اتحادک اک قوتلی اماراتیدر . لزوم اتحادک ماهیتی ، شدت وسرعتی احساس ایتدیرسنه رغماً عناصر ومذاهب مختلفه ایله بشقه زمینلرده آکلاشمغه ، حکومتک نظر ترقب وتجسسی آلتنده اوزون وادیلرده طولاشمغه مجبوریت واردی . محاورات ومخابرات پردۀ اختفا ومحرمیت آلتنده جریان ایتدیکی ایچون بطائله ، تردده حرکت ایدیلوردی . میانه احرارده اکیلن تخم نفاق وشقاق تأثیرات مخربانه سیله امنیتی سلب ایتمش ایدی . هله اعلان حربله برابر نظر اسلام بسبتون معکوس بر نقطه یه اماله ایدلمش ایدی .

او اراق افکار عمومیه نك مدار استادی اولان مراد بکک ، برسورو اطفالک ، بر سورو نونهال امید استقبالک نقطۀ اتحادی اولان مراد بکک عودتیله نوکید اولان بعض

بد طینت لرك، محبت عمومیه، امنیت عمومیه کبی دنیا نك كوش و آلتونلر ندان دها قیمتدار اولان برئوت و سعادتق آلتونلر ایله سلطنته دكیشمسی، اووقته قدر عمومك نظر محبت و حرمتنی قزانش اولان کنج لری مدھش بر موقع مسئولیتہ آتمش، وجدان عمومی یه قارشو محکوم ایتدیرمشدی. ارتق سلامت وطن ایچون اتحاد، حمیت دیه بار بار باغیرانلری مفسد لیکله، آلاچاققلقه اتهام ایتمك لازم کلمش ایدی. یونان سفرندن صکره ۳۱۷ سنه سی، حتی دها عمومی بر صورتده دیه بیلیم که ۳۱۹ سنه سنه قدر کنج ترکر بومشکل موقعده قالمش چیرینورلردی. مراد بکک طرز اجتهادی عموم کنج لره شخصه مربوطیتک و معاملاتده علنیت و امنیتک مضرتی تسلیم ایتدیردی. بوفلاکت آتی ایچون چوق کوزل بر درس عبرت واستفاده اولمش ایدی. مراد بکک ریاستی تحتده تأسس ایدن جمعیتک اصول وقانونی بر حکومت مستقله نك شرائط اجتماعیه سندن پک آز فرقلی ایدی. جمعیت شخصک تأثیر و اھمیتی آلتنده ازلیوردی.

یالکز رئیسک دھاسندن، عرفانندن، اقتدارندن ثباتندن امید وار اولیوردی. او شخصک سقوطی مادہ و یا معناً سقوطی جمعیتک سقوطی دیمکدی. آنک ایچون بتون عناصر غیر مسلمہ کبی وطنمرك عناصر اسلامی ده سوء اداره دن دها زیاده مضطرب اولدقلری حالده بوشکل اجتماع واتحاد ایله برایش یاپه مدیلر. رئیسک سقوطیله برر برر طاغیدیلر. افکار اتحاد محو اولدی.

امنیتک انسلابنه، افکار جدیده نك شوصورت انہزامنه دها بر چوق سیلرک تأثیراتی منضم اولیوردی. ازان جله هیئت حکومتک، هیئت عسکر یه نك اکثریتله افراد مسلمہ دن ترکیبی، عناصر مختلفه ایچون مکاتب عمومیه نك تفریقی، افراد غیر مسلمہ نك حقوق اجتماعیه دن، شرافت حاکمیتدن محرومیتی، بین العناصر فکر تعصبک تقویه و تمیہ سی یولنده اصول اداره مستقله نك نتایج مضره سی امنیتک حصولنه قطعاً امکان بر اقیور، آنک ایچون کنج مسلمانلرک عدالت، مساوات، اخوت نامنه در عہده ایلدکلری نشریاتک تأثیری، فائده سی اوله میوردی. اصدقای امتک، ارباب حیتک، نشریات مفیده و محرمانه ایله اشتغال ایدن فداکاران ملتک « انکیزیسیون » جلادلری طرفدن عقل و خیالہ کلمز اشکنجه لر آلتنده محو و تغیری، نفی و تبعیدی صورتیله فکر تجدید واتحاد اصحابنه قارشو کوستریلن شدت، کردن مظلوم ملتہ حواله ایدیلن ساطور اھانت کنج لردن کیمینی مجبور رحلت، کیمینی ده کرفقار بلای هجرت ایلشیدی.

شو صورتلرله ییلدیزک جاذبہ طاقق سوزینه مجلوب و مغلوب اولان حیتسزلر ییلدیزی،

حکومتی ، بستیون قوتلندیرمش ، کنجلیکی اساسندن محو ایتشدی . ارتق ییلدیز حکومتی اوروپایه قاچان کنجلیری تلطیف صورتیه جلب ایتک کلفتدن وارسته قالمش ، علینده قلم قوللانانلره ، یازی یازانلره ، سوز اکلادانلره سلاح قهر واستبدادینی کوسترمشدی .

ملکی وعسکری جزا قانوننامه لری بو یکی جرملری جنایت عد ایدرک مرتکبلرینی اعدام ، نفی مؤید ، قلعہ بندلاک کبی شدید جزالره تهدید ایدیجی یکی یکی ماده لر ، فصلارله طولدیرلمشدی . بک اوغلی محکمه لری ، طاش قشله دیوان حربلری ، ییلدیزک انکیزیسیون دورینه رحمت اوقوتان استنطاق دائره لری هپ بو مهم جنایتلرک دوسیهلریله اشتغال ایدیوردی . اعلان حربیت کوننه قدر شدتی کوندن کونه مزاید اولان مظالمک خطاطین ملغت آیینی ملکک دوت برطرفنده آجته لر آچمش ، صداقت نامیه بعض رؤسای دوائر حکومته بو وظیفه منفوره بی تحمیل ایتشدی .

اکثریانتسین حکومتدن اولان کنج ترکارک ، مسئولیت اساسیه سی جاسوسلقدن عبارت اولان وظائف مودوعه بی برحس مسابقتله ایفایدن بومین مظالم آمر ورئسلرک نظری التده برلشمکدن ، فکر اتحاد طوغری یوریمکدن بر آن بیله فارغ اولمدقلرینه او محکمه لرک ، اودیوان حربلرک قیوداتی شاهددر . کنجلیکک بو ییتمز توکمز قوتنه ، میل تجددینه قارشو ایجاد تدیردن عاجز قالیان ییلدیز ، اومنع ظلم وفساد ، اوقوه قاهره استبداد برارالق اوروپاده [جهان تقرر ثبات پای ارباب حمیدن] وصفه لایق اولان نداکاران احرار اقی نظر ملتدن دوشورمک ایچون حیلهدده مراجعت ایتدی . صداقت وحیت ماسکالریله تجهیز ایتدیکی خائسلری ، جاسوسلری اوروپایه کوندردی . بونلره حریتپروران نامی التده انواع رذالت ودنائت ارتکاب ایتدرمک صورتیه کنجلیکک اوت لزوم اتحادی ، حقیقت حالی نشر وتوصیه دن بر آن بیله خالی قالیان کنجلیکک ، ترکیانک احتیاج حیات وترقیسنه قانع و طرفدار اولان اوروپا انکار منصفانه سنک ، افکار حقیقانه سنک ، فائل محبت وتوجهی اولان کنجلیکک اخلال حیثيته ، اسقاط اهميته بو اغورده عادتاً صرف تقدینه حیات وموجودیت ایلدی . بر چوق پاره لر صاحدی . بوترز حرب ایسه افکار حریتپرورانی آلت اوست ایتش ، امید صلاح وانقلابی کوکندن صارصمشدی .

مایینک آلتونلری ایله یاییلان وجدانلرک محاکمات بدینانه سی ، او آلتونلره حیثیلرینی صافان غزته لرک ملاحظات مفسد تکارانه سی بر اره لق بتون جهانی اولدینی کبی صاف ومعصوم اولان وجدان عمومی ملتی ده علیهمزه چویرمش ایدی . هله یونان سفیری آجق ایله افکار عمومی بی قزانان حکومت نشوه غرور ملتندده استفاده ده ذهول

کوسترمدیکی ایچون آندن صکره حیت، خدمت، صداقت وطن کبی حسیاتدن دم اورانلره ژون ترک نظریله، خائن وطن، مفسد نظریله باقیلیوردی. بر ادهلق کنجلك نظر ملتده بودرجه آچلمش ایدی. فقط بوباقیشلر چوق زمان امتداد ایتدی. قوه استبدادك آرتمی، کریدن عسکرک آلمی، ظفرله ختام بولان شو مشوم سفرک مغلوبیتندن بیک قات آجی ومؤل بر نتیجه آلمی افکار ملتی یکیدن حکومتک علینه وکنجلك لهنه تحریک ایتش ایدی. حقیقی اولدیی کبی ادرا کدن عاجز اولان جاهل وزوالی ملت بوانقلابات مشوشه اده سنده بی آرام وبی قرار بر وضع مکنک آلمش ایدی. بن بیله او قدر شدتلی علیهدارلق ایله غلیان ایدن قائمه بر سکونت حس ایدیوردم. نه اولمش ایدی؟ یونان محاربه سی ائناسنده حکومتک جدیت ظاهره سنه آلدانمش، غلیان ملتی تسکین، افکاری تطمین مقصدیله آچیلان بوسفرده بر حسن نیت، بر دامت اثری حس ایتش ایدم.

بش بیکار محاربه سنده چوجق لغمه ملتک مکتبلی ضابطان حقه ده کی اعتقادینی امثال فداکارانه ایله تصحیح ایلمکی قطعاً عهد ایتش ارقداشلم کبی وسع طاقت بشرک فوقنده بر غیرت فداکاری ایله چالیشمش ایدم. اکثریا اثنای حربده قوانین عسکریه نک بکا تعیین ایتدیکی موقعلری ترک ایتمکه، دائماً ایلریده وبتون شجیع و صبر سز نفزلرک اوکنده کورونمکه چالیشمش ایدم. مکتب حربیه نک، مکتبیلرک مقام پادشاهی یه، پادشاهه صداقتی اثبات ایتک بتون مکتبلی ضابط ارقداشلم کبی بنمده صورت قطعیه ده وظیفه ایدی. پادشاهک امناسنک مکتبه، مکتبیلره قارشی حسن ظن و اعتقادینی تأمین ایتک لازم کلیوردی. هیات! ارکان حرب ضابطلرینک و بعض ناموسپرور جدی آمرلرک کوزی اوکنده ایتدیکم فداکارلق قرارکاه عالیدن تقدیر و امثال سز عد ایدلیدیکی ایچون رتبه ملازم اولمکه ترفیع ایدلمش و بر لطف عال العال اولق اوزره بش بیکار محاربه سنده بلوکمله اسیر ایتدیکم یونان عسکرینی درسعاده سوجه مأمور اولمش ایدم. اکمال مأموریتله استانبولدن عودت ایتدیکم زمان فکر انقلاب اساسی حقه ده کی فکر و اعتقاد دیمی ده تقویه ایده جک معلوماتی اکمال ایش اولیوردم. اولاً اثنای راهده مناستر ده واصلتمده قوماندان اردو وکیلی ورؤسای اولان ذوات شو مأموریتدن استفاده ایله اوغلرینی، متعلقاتی قایرمق، خزینه ملته قارشو چاپول یا بمق آرزوسنی اظهاردن کیر و طور مدقبری کی سلا نیکده ده ذات سامی مشیری فرصتدن استفاده یه شتابه قصور ایتدیلر. ملتک آووج طر لوسی پاره سنی آلان دولتلور کوردم که ملت و دولتک امورندن زیاده کندی منفعتلرینی تأمین



قول آغاسی نیازی

بیوک برادرم
مراضی افندییکنم
حقکوچک برادرم
شمان فهمی

قیدی ایله مقیددرلر. هله حضور عالی حضرت سرعسکری به !! کتورلديکم زمان مجلس عالی عسکریده هنوز اردومزده عسکرک ایاق قابلری حقهده برقرار ویريله مدیکنی اوکرتجه حیرتله ایچنده قالمش ایدم. سرعسکر پاشا چاریق، یعنی ویا چیزمه دن هانکیسنک مرجح اوله بيله چکی حقهده کی مناقشه به نهایت ویرمک اوزره فکر ومعلوما تمه مراجعت ایلش ایدی. بوزمانه قدر سرعسکر لر من، رؤسامن، مشیرلر یغما کلاشیلوردی که وظیفه لری ایله اشتغال ایتیمورلر. حالبوکه حرب باشلامش ویتیمک اوزره بولتمش ایدی. مایین منسوباتندن ومتعلقاتندن آلا ی آلا ی قوردونلیر حرب باشلا یوب ظفر اماره لری کوروندکن وحقی ختامه ایردکن صوکره بيله کوکللی صقیله مختلف عنوانلرله ضم معاش واحسانلرله آقین آقین میدان حربیه قوشیور، ارباب استحقاق واهلیته قارشو بر حرب خفی اجر اسنه کیریشیور، رتبه و نشانلری یغما ایدیوردی. قوماندانلرک تسالیاده یغما کرلکه تنزی، یاریش ایدرجه سنه تجارته سلوکی (حق پاشدن ماعداسی) یاورانک، مفتش لک فرصتن استفاده به قویوله رق برر صورتله خزینة ملتی صویمقهده کی تهالک ومهارتی کاملاً شیوع بولش، بنم کی حکومتک حسن نیته، تبدیل مسالک ایدیشه قانع اولان صافدلانی تنویر ایتیمش ایدی. هله مابینده مکتب ومکتبیلر علیهنده حس ایتدیکم سوء ظن وامنیتهزلکن، کوردیکم آداب معاشرت طرز حیاتدن، حیات ملیه مزدن نفرت ایتمه درجه سنده متأرولش ایدم. مابینده رتبه واسمی صور دیلر. بش بیکار محاربه سنده مکتبدن چیقدیغیمک، سکنجی آینده ملازم اوللکه ترفیع ایدلش اولدیغمدن استحقاق سز ایکنجی بر توجه مظهر اولوق بدبختلغنه میدان ویرمامک ایچون ملازم ثانی اولدیغمی سویلدم. عرض عتبه علیا قلندقهده ملازم اوللکه ترفیع ایدلديکم تبشیر ایدلش واون لیرا احسان شاهانه به مظهر اولش ایدم. حالبوکه مشیر کاظم پاشانک بنم ایله برابرکن واسیرلری آلوب اوتنه ده بروده عرض اندام ایدن اون اوچ یاشنده کی مخدومی ایکی یوز لیرا احسان وایکی درجه ترفیع صورتیله تلطیف ایدلدی ویاوران سلکنه ادخال اولندی. مابینه اتسایم حقهده کی وعدو لطفی ده ردایلده. شو معاملات ایلده دولته بنفسه امید صلاح وانقلاب اولمدیغی حقهده کی اعتقاد مه قوت کلش ایدی. حرب بیتدی. بیتمزدن اول مابیندن بتون شعبات اداره حقهده ارباب حمیتدن اولدیغی کی اصلاحات عسکریه، تنسیقات مقتضیه ایچون ده قوماندانلردن ارکان حز بلردن امرادن ده لایحه لر طلب ایدلش ایدی. حالبوکه زمان بونلرکده صریح برر مانورا اولدیغی کوستردی. بوضورتله میدان امتحانه آتیه جق ارباب حمیتی آولامغه مخصوص بر

طوزاق قورولدی . بودام احتیاله طوتیلان رجال ملت محو اولدی . احوال ملکیه من کچی احوال عسکریه مزده اسکیسندن بدتر برحاله کتیرلدی .

یونان محاربه سندن صکره کوستردیکم فعالیت و غیرته رغماً قسم ردیفه نقل و مأمور ایدلدم . طالع بنی مملکتیم جوارنده اوخری طابورینه آتمش ایدی . ایشته بنم ، یونان محاربه سندن ۱۳۱۹ سنه سنه قدر کنج ترکلرک ، موقعلری پک فنا آلچالمش اولان کنج ترکلرک اعاده ناموس و اعتبار ایتدکلری زمانه قدر شومشوش زمانلرده کی حسیاتم ، انطباعاتیم بومرکزده ایدی .



بلغار اختلال و عصیانی

مراحموت اجنبیه

اوپ یوز اون طقوز سنه سنه قدر بو طابورده دبوی مأموری ایدم . همشهریلردن ترکلر ، ارناوود ، بلغارلرله چوق تماسده بولنیوردم . درت بش سنه کوندن کونه ارتان برسی ، برسی جدی و مدیدله بلغارلرک بیوک برانقلابه و قاتلی فجایع و وقایعه حاضر لمتقده اولدقلرینی ایشیدیور ، کوریور و تحقیق ایدیوردم . طیربان ، قوصا و امنالی آلات جدیدۀ زراعیه فابریقه لرینک سیار مأمورلری صقتیلۀ تا اوچ یوز اون بردن برو ما کدونیاده نشر تحم و نفاق ایدن روس ارکان حرب ضابطانی و میسیونرلرینک و بلغار ضابط و پاپاسلرینک تأثیرله باشلایان بلغار انقلابی انجق ۳۱۹ سنه لرنده تشکیلاتی ا کمال ایتش ، بلغارلری قیام عمومییه بو قدر کچ حاضرلیه بیلمش ایدی . فکر انقلاب ، فکر تجدد او قدر بطائله ایلرولمش ایدیکه ایلک سنه لر ناشرلردن شکایت ایدن کویلولر بو افساداتی حکومته اخبار ایتش ایدی . فقط نافله حکومت روسیه علیهنده حرکتی حمیه ، شعار محبتۀ منافی بولمش ، بو فساد تخم لرینک ا کیلوب بیچلمسینه مساعده ایتشد . بوضره ده حکومتک درجه غفلتی کوسترمک ایچون اوخری قائممقامی علی آصف بک کی برطاقم خائنلرک وظیفۀ حکومتی ایفا ایدم جک یرده اخبار ماده ایدن حمیتی ، حقیقی عثمانلی خرسیتانلری تحقیر ایدرک باب حکومتدن طرد ایتش اولدیغنی ذکر ایتمک کفایت ایدر . بلغارلرک داخلی تشکیلاتنه رسنه

بلغارلری نظارت ایدرهك [*] قومیتہ تشکیلاتی بورادن باشلادیغی کبی ۳۱۹ سنه سنده ظهور ایدن ایلک قیام وعصیانده بورادن باشلامش ایدی . عثمانلی اختلالی ، عثمانلی قیامی ینه عین محلدن باشلامش وبتون عصیانلر بونقطهده ختامه ایرمشدر : بلغار عصیانلری روم ایلیده آسایشی اخلال ، نفاق وشقاقی نشر واعلان ایلدیکی حالده عثمانلی قیامی بالعکس بلغار اختلالنک طاغندیغی افکاری برنقطهده طوبیلامش ، اتحادی و بالنتیجه حریتی استحصال ایله آسایشی اعاده واکمال ایشدر . بدرجهیه قدر انتظامی ، قانون پرورلکی ظن وتسلیم ایدیلان هیئت عسکریهیه نسبتله پک کریده اولان هیئت ملکیه ، ضابطه بوحرکاته ، بوتحولاته بتون بوتمايلات واستحضاراته قارشو لاقید طورییور وبتون افکار دور بینانه ایله برلکده بند کزده دلخون اولیوردم . پولیس ، ضبطیه ، عدلیه ، ملکیه مأمورلری بلغارلرک خصوصیتی ، شدتی ارتدیره حق معاملاتدن توقی ایتیمور ، اهالی اسلامیه بلغارلری حقلی کوریور و فقط حکومت مأمورلرینک تسهیلاتی ، اغماضی ، لاقیدیسی سایه سنده سلاح دیوبلرینه دونن بلغار کوبلرنده کی تدارکاتک بالاخره کندی علیملرنده اوله جغندن اندیشه ایدرهك مدافعه حقوق ایچون قانلرینک صوک دامالارینی اقیتمغه قرار ویریورلردی .

اوتده بروده محل آسایش ظهور ایدن وقوعات واوروپا دولتلرینک اصلاحات حقنده کی تکلیفات وتضییقاتی بالنهایه فردایی بیله خاطره کتورمیان دوتلور ایچون موجب تلاش اولمش ، حکومتلرینی ادامه ایچون برطاقم تدابیر موقتهیه مراجعت ایللری لزومنی بیک بلا ایله کندیلرینه قبول ایتدیرمش ایدی . بوباده محاکمک ، کوی بکجیلرینک ، التزامک ، ضبطیه نک اصلاح وتنسیقنه قرار ویرلمش ، مطالعات صورولمقده ، ایشه یارامیان مأمورلرک تبدیلی تأمل قلمقده ، التزام اصولنک لغوی ، کوی بکجیلرینک ارباب ناموسدن تعینی امر اولمقده ، اوچ ولایت ضبطیه الایلرنده کی امی ، اقتدارسز ومرتکب ضابطانک مکتبلی ویامقتدر آلایی ضابطانله تبدیلی توصیه قلمقده ، التزام یرینه اراضی اوزرینه اعشار ایچون مقطوع برویرکو ترتیب واحداثی اصولی مطالعه اولمقده ایدی . موقع تطبیقه قونیهلحق بو اصلاحات واجرا آت ایچون مفتش عمومیلک مأموریتی احداث ایدلمش ایدی . بوکاده اجبیلر نظارت ایده جکدی . حالبوکه سنه لردن برو حریت ایچون حاضرلرنا

[*] رسنده کی بلغار کلیساستنک حین انشاستنده وضع اساس رسمنده حاضر بولنقی مقصدیله هر طرفدن بلغارلردن دامیان غروبیه ویوانچه کتیان وسائره کبی برجوق کیمسه لر طوبیلا نه رق قومیتہ تشکیلاتی ایچون عهد وميثاق ایلشدر واورماندن اعتباراً بلغار اختلالی بده ایشدر .

«ودیشلرینه قدر مسلح اولان بلغار قومی باخصوص تحریرات اجنبیه تأثیرندن قورتیله مدینه ایچون حسن نیته مقرون اولیان حکومتک بو پروژه سنه قطعاً امین اوله مدیلر .

«کریددن ، ارمنستاندن ، استانبولدن ، حاصلی هر طرفده کوریلن وقایعدن بیکلرجه عبرت آلمشردی . بیلورلردی که : سیئات اداره ، حکومتک اشخاصندن زیاده شککنده ، اصولنده در .

«بوشکل و اصول اداره تبدل ایتدکجه و بوشکل و اصول استبداد تبدل ایله مشروطیتک قبولی امرنده مسلمانلر طرفدن برتمایل ، برتمایل جدی و برسی و خواهش طیبی کوسترلدکجه ،

«امللرینک ، مقدس امللری اولان حریت ، عدالت و مساواتک حصوله قطعاً امکان بولنه میه جق ایدی . بو یچارکانی ، بوتشنکان حریتی قاننه صوصامش ، اولومی کوزینه آلمش ، کفی بولنه صارمش بوزواللی جدی و ثباتلی قومی اداره سنه آلان اجنبیلر ترکلرک ، مسلمانلرک شو غفلت و مسکنتندن و حکومتلرینک ، اوت یالکز ، منافع شخصییه تأمین ایچون بیک دنائت و خیانت ارتکابندن چکینمیان حکومتک اها نتندن استفاده ایچون بوندن دهها مساعد بر زمان اوله میه جغه حکم ایتدیلر . بلغارلر طبقی ارمنیلرکی ، بلکه آلتردن زیاده بر مہارت سیاسیہ ، بر فطانت حازمانه ایله آوروپاده چالیشدیلر ، فریاد ایتدیلر ، حقوق طبعیہ لرینی طانتدیلر ،

«افکار عمومیہ یی قزاندیلر ، برلین قونفره سندہ واضع الامضا دول معظمہ نک کفالتیہ حکومتک وعد ایتدیکی اصلاحاتی یامدیغندن بحثله وظیفہ کفالتی ادا ایلمسی لزومی آوروپایه آکلاتدیلر . آوروپانک مداخله سنه حق بخش ایدن براختلال مدہش ایله

«انظار مرحمت کائناتی قزاندیلر . ما کدونیاده یاپیلہ جق اصلاحات ایچون روسیہ ایله آوستریا ارسندہ مرعی اولان استاتوقو — محافظہ حال حاضر — استلافامہ سی دنیلہ .

«یلورکه ما کدونیاده اوقانلی وقایع و لجاجتک محل جریانی اولان او صحنہ خونینده بو ایکی مشوقک ، اوت بوتون بوفناقلردن مسئل مطلق اولق لازمکلن بو ایکی منفعت پرست دولتک هر درلو اتهامه قارشو نظر مدینته اوزاندقلری بر برائتہ ایدی . آوروپا دول معظمہ سی میانده منفعتلرینی ترکیاده انقلاب و ترقیہ مربوط اولان برایکی حکومت بیلہ

«او ایکی منفعت پرست حکومت طرفدن حاضر لانان حکم انقراضی تصدیقده تردد ایتبور ، یالکز صورت تطبیق و اجرا سندہ اختلاف ایدیوردی . مسلمانلرک ، اوت حاکمیت اسلامیہ یی ادامه ایتک خصوصندہ معند و مصر طانتدیرلمش اولان یالکز مسلمانلرک هیچ برس و شمانه چیقارمیہ رق کیزلی کیزلی حاضر لقلرینہ عدم وقوفدن ملت اسلامیہ نک

«کوستردیکی لاقیدیدن ایلری کلن بو حکم ظالمانہ آوروپا مدینتی ، آوروپا سیاستی شکله جک برکریوہ سوق ایدیوردی . مادامکہ : « مابین ، باب عالی ، حکومت ، ترکیا »

ملته حاکم اولان حکومت مستبده هر نه صورتله تعبير ايدر لسه ايتسونلر، روم ايلیده، آناطولیده وعد و تعهد ايتدیکی اصلاحاتی تطبیق و اجرادن اجتناب اید یور، دائماً اغفالاته وقت قرائیور، برلین عهد نامه سنه وضع امضا ایله مرتبه کفالتده وظیفه دار اولان دولتلر بونک ایچون، چاره جو اولیور لر دی . نیچون عین تاثیر استبداده معروض اولان بوتون عناصره قارشو خیر خواهانه برمسلك بیطرفی اختیار ایلدیلر ؟ بالعکس منفعتلرینی کوزتدیلر . باب عالینک پولتیقه سنندن ، غفلت و جباتندن استفاده قیدینه دوشدیلر . روسیه و اوستریایی ، مسئله ده اک زیاده علاقه دار اولدقلری ایچون محکمه دولیده شاهد صفتنده بيله قبول ایتاملری لازم کلان بوا یکی دولتی اجرا آت و اصلاحات مقررده نک تطبیقنه ناظر و مأمور تعیین ایلدیلر . ضبطه آلایرینک ژاندارمیه تبدیلی ، مسلمان کوی بکچیلرینک افراد خرستیانیه ایله تبدیلی ، درجات محاکمک تویی ژاندارمیه نفوسی نسبتنده خرستیان اهالیسنک قبولی ، برحق مأمورینک حزلی صورتیه مفتش عمومینک تطبیق ایتدیکی اصلاحات فرعییه قارشو شمالی ارناوودلغک طغیانی اناطولیدن کتیریلن برفره عسکر ایله مواععدن طوبلا تدریلان قطعاتدن مرتب فرقه یی تقویه و تحشید صورتیه منع ایتدیلر . هر وقت مسلمانلرک محق و مشروع مطالب قارشوسنده وقوع بولان اجتماعلرینی طاغتمغه موفق اولان شمسی پاشا بوبابده بیوک بررول اجرا ایلدی . بیکلرجه کسانک نفی، قلهلرک تخریبی صورتیه ارناوودلغی تدهیش ایتدی . بوارالق لوما ارناوودلری غایت محق مطالب ایچون معروضاتده بولیور لر دی . بوتون ارناوودلغک زمین ایتلالی بر پروغرامه تابع ایدی . حریت ، عدالت طلب ایدیور لر دی . من القدیم یینلرنده حکمفرما اولان وارناوود قومی عطائله تدنییه محکوم ایدن قان دعوالرینه چاره ساز اوله حق بر عدالت ، بر حکومت ایستیور لر دی . فقط حرکات اختلالیه کوزل بر ادارهیه تابع اولمیدینی آرناوود بکلری اختلال ضمننده منفعتلرینی کوزتدکلی، حکومتده قائللری مجازات یرینه رتبه ، نشان و احسان صورتیه تلطیف ایلدکلی ایچون مقصد حقیقی احرار ضایع اولیور دی . حکومتک اولانجه قوتیه آرناوودلقدده چالشدینی ، مفتش عمومیلکک اولانجه قوتی - مادون مأمورلر تطبیق ایله نفوذ اسلامک تدنيسنه - تنفیذده مضطر قالدینی بر صروده بلغارلر تشکیلات داخلیهلرینی اکمال ایلور لر دی .

بلغارلر حکومتک تنسیقاتندن استفاده اید یور، یعنی کنیدلرندن پولیس ، ژاندارمه ، بکچی یازلق صورتیه پلانلرینک نقصانلرینی اکمال ایلور لر دی . حکومتک فرعی اولنله برابر سطحی و غیر جدی بر صورتده یاپدینی ایلک دوره ژاندارمه و پولیس تنسیقاتی »

تصاحب ، شفاعت و رشوتك تأثیرندن قور توله مدینی ایچون بلجیقا واسو یجره ضابطلرینك نظارتنه رغماً نتیجه مطلوبه یه یاقلاشمقدن بك اوزاق ایدی . اساساً بك فنا حالدۀ اولان ضبطیه آلایلرندن بر ایکی یوز ضابط ایله بیک بشیوز نفره یول ویرمك لازم ایدی . ییلدیزه قارشو بونك تطبیقی قولای برشی دکلدی [*] سنه لردنبری اكمكنی ، معیشتی بویوزدن تأمین ایدن بر سورو عائله لك انفاقی کبی مهم بر مشغله یه بونلردن قاله جق یرلره مناسبلك تدارکی امکانشلنی منضم اولیوردی . اساساً مفتش عمومینك روم ایلیده وضعیتی ییلدیزك تحت تأثیرنده بك دارو محدود ایدی . ییلدیزك قوتلی برواسطه اجراییه سی اولمقدن بشقه بر رمزیتی حائر دکل ایدی . مأموریتده استقلالیت افعال یوقدی . وظیفه سی باب عالینك دها طوغرایی ییلدیزك کوز بویامق قیلندن اولان بی اساس برطاقم اصلاحات فرعیه سی تطبیقندن عبارت ایدی . بلغارلك بر طرفدن افعال حکومتی مدققانه بر اصول ایله تفتیش وفرصتلردن استفاده بی تأمین صورتیله آوروپایه قارشو رفع ایتدکلری آوازه شکوالری قبول ایدلمش اولدیغندن اوروپا فعلاً مداخله یه باشلادی .

داخله وخارجده احرار عثمانیه بوکا قارشو یالکزر اهلینك افکارینی آچق ، نشر حقیقت ایله اوغراشمقدن بر نتیجه حقیقه میه جفی اکلاملشدی . بروقتلر اوروپاده داماد محمود پاشا اوغللری ایله ، اسماعیل کمال بك ، قائم مقام اسماعیل حتی ، سیرت بکتر ، موسوروس بك واوروپاده بولنان دیگر احرار عثمانیه داخلدن احرار عثمانیه بی اوروپانك معاونتی طلب ایتمکه تشویق ایدیورلردی .

ماكدونیاده شوراده بوراده وقوعی اكسیك اولمیان عصیانلرك ، فریادلرك منبی ، سبی تركلرك ، اسلاملك ماهیتلرنده دكل ، حكومتلرینك شكل واصول دائرۀ سنده ارامق لزومك اوروپایه اعلانی اخطار ایدیورلردی .

اوروپاده احرار عثمانیه نك بوصورت نشریاته ، اتحاد حقننه پارسده کی قونغرملرك مقرراتنه اخوانمدن از میرده ، دها صكره سلانیکده بولنان ملازم (شمدی یوز باشی) مجدالدین افندی ایله کوروشه رك خبردار اولمش ایدم . سلانیکده بو اراق ، حتی بوندن بر آاز اول اوروپاده کیلرله جریان ایدن مخبریه واسطه اولان مومی ایله اك صوكره بی

[*] قوصوه ولایتندن آجیفه چقاریلان ایشه راماز و طاغ مکتبتندن یتشمه ضابطلری مابین ، حربیه نظارتنك مطالعه سی آلفسزین برر درجه ترفیع ایله بونلرك اردوده استخدا منی امر ایتش ، سلانیک ، مناستر ولایتلردن آجیقده قائللری ده یمنه ودیگر ولایات بعهده تعین ایتدیرمش ایدی .

سلانیکده احرار اسلامیه دن مرکب بر قومیتہ نک وجودندن خبردار ایتش، متعاقباً اوروپاده کی احرار عثمانیه دن احمد رضا طرفدارانندن ماعداسنک ترکیاده یاپیله جق اصلاحات ایچون طبق ارمنیلر، بلغارلر کی اوروپا مداخله سی، معاونتی دعوت فکرنده بولندقلرینی وشایان التفات اولمدیغنی اکلایمش ایدی. او وقتدن صکره احمد رضا بکک نشریاتنه [*] بیوک بروجدوانهماک ایله صاریلان کنجلر من، ضابطلر من، بزده فرعی اصلاحات ایچون دکل، عمومی اصلاحات ایچون برانقلابه، کوتلی واساسلی برانقلابه احتیاج بولندیغنی فکرنی قبول ایتش، بر نقطه ده اتحاد ایش ایدی. قانون اساسینک استرداد! اوت ۹۲ سنه سنده روسیه نک اثر تشویقله استانبولده دول معظمه طرفندن علمیزده اجتماع ایدن قونفرانسک کشادی کونی اعلان اولنان قانون اساسینک استرداد وتطبیقی انجق بو علت مزمنه اضمحلاله چاره ساز اوله ییله جکنه قانع اولش ایدی. شرقده خریستیانلرک حامیسی صقیله، حاللری دیگر کون اولان خریستیانلرک مجرد استحصال سعادت کی بر حسن نیت ظاهری ایله ایکیده برده اورته یه آتیلان روسیه امور داخلیه مزه مداخله یه انجق اداره مستقله ومستبده سایه سنده موفق اوله یلمش ایدی. بواصول اداره یی دیکشدریمک روسیه ایچون بوفرستلری محو ایتمک دیمک ایدی. ترکیایی محو ایتمک ایچون خریستیانلره امتیازات ویردیرمک، ترکیاده تدریجاً بر طاقم حکومتلر احداث ایلک صورتیله آوستریا ایله مشترکاً تطبیق ایلدکلری قراری انجق بو اداره مستبده سایه سنده ترویج ایتدیرمک بیلورلر ایدی. قانون اساسی ایله خریستیانلرک حریت کامله ومساوات مطلقه یه مظهریتی ایسه، روسیه ایله آوستریایی مسئله اصلاحاتده سیرجی بولندیرمک جقدی. بر طرفدن آوستریا ویلیدیزک افساداته قاپیلان شمالی آرناوودلغک بواساس علیهنده اجتہادی، دیگر طرفدن روس ضابط و راهبرینک ماکدونیا ده کوی کوی قوصا صاتمق صورتیله خریستیان قریه لرند طولا شہرق ماکدونیا ده روس آمال وپولتیقه سنک تأمین رواجی بواساسک قبولنه مانع اوله جق نقاط اختلافی مکمللاً حاضرلمش ایدی. ترکلر، حقیقی عثمانیلر بو مانا ورالره سکوت وسکونت ایله سیرجی طورده ماز-لردی. آنلرده بر طرفدن ییلدیزدن، روسیه دن، آوستریا دن بویدبخت شبه جزیره یه یاییلان میقرولبری آیقلاقمه چالیشیور، او میقرولبرله دوچار ضعف وفساد اولان عناصرک امکان اتحادینی ایجاد ایدمک اسبابی تهیه ایله اوغراشیوردی. ساده وقولای اولمان بومسئله نک، بو مشکل معمانک حل قوته محتاج کورینور ایدی. افکار متشتته اسلامیه یی اوله

[*] احمد رضا بکک مشورت، وشورای امت، وظیفه مسؤولیت، عنوانی تحتده نشر ایتدیگی کلیاتی تنویر افکار خصوصنده فوق العاده حسن تأثیر حاصل ایلشدر.

بر نقطه ده، اوت قانون اساسینک استرداد ی لزو منده اقناع ایدرک بر قوه اساسیه ایجاد ی کبی
بر مشکل قارشو سنده بولنلمش ایدی. بوباید اردونک تأثیرندن استفاده دن بشقه چاره
دوشونیه مزدی. ایشته نشریاتی بو نقطه نظر دن اداره ایتک لزو می اکلالمش ایدی.
اورته ده طلبه لری، مداوم لری، منتسب لری و جائب عسکر یه دن، تکالیف امیره دن
استثا ایدلک و یکر می ییلدنبری حقیق و اعظله یول ویرلک صورتیه برر ساحة
عطالته دوندیریلن مدرسه لر ارتق نشر انوار اسلام ایده مدینکی ایچون جردن بشقه برشی
دوشمنیان جاهل واعظلرک افساداتیه بونجه وقتدنبرو فکر اهالیده تحکیم ایدیان فکر
تعصبی بو نقطه اوزرینه اصلاح ایتک لازم کلیوردی.

مصرده طبع اولتوب داخلده نشر ایدیلن رساله استیصاف ودها صوکره لری
احمد رضا بکک، قادیلر، اردو، ضابط، وظیفه و مسئولیت، ملازم ناجی بکک
حی علی الفلاح و امثالی کتب مفیده افکارده بیوک بر تحول و ترقی حصوله کتیرمش،
تلقیاته مساعد بر زمین حاضر لامشدی. ماکدونیا ده جریان ایدن قانلی وقایعه قارشو
حکومتک قیدسزانی هله اردونک مغدوریت و سفالته رضا کوسترن وجدان سزانی
آرزوی انقلابی اساسلاندیرمش، احتیاج انقلابی عمومیلشدیره شدی. عالی حیرتله
کرفتار ایدن شوانقلاب عظیمک مسارعه اجراسنی استلزام ایدن سبب بلغارلرک شدت
و غیرتندن زیاده کوندن کونه زیاده لشن ورده والده قرارگیر اولان مداخلات اجنبیه یه
قارشو حکومتک سکوت و موافقتی، الحقی پولتیقه سی اولمشدر.

مفتش عمومیلک طرفندن اداره ایدیلن اصلاحات قدیمه نك سطحی اولدیفنی کورن
آوروپا، ژاندارمه ایچون دول معظمه اردولرندن منتخب ضابطلر کوندردی. آوستریا
و روسیه طرفندن مراقبه اجرا آت ایچون ازان سیویلر تعیین اولنشدیفنی کبی بالاخره
امور ضبطیه کبی امور مالیه ده تحت مراقبه آلدی. مفتش پاشا بو مراقبه آلتده
مایینی واجنبیلری نمون ایتک، انلرک مسئولیتندن اجتناب ایلمکدن عبارت اولان وظیفه
سنی حقیقه قدرت بشرک عاجز اوله بیله جکی بر جد واهتمام ایله ایفا ایدیوردی.

بلغارلرک بیک اوچیوز اون طقوز سنه سی عمومی ودهشتلی عصیانلری قارشو سنده
قوه قاهره عثمانیه عاجز قالمدی. فقط بو عجز بلغارلر ایچون کوزل بر درس استفاده
اولدی. اولنر مقصد سیاسی و مغنویلرینه نائل اولمشلردی. ذاتاً بشقه بر شیئه موفق
اوله میه جقلرینی پک اعلا بیلورلردی. اندن صوکره ژاندارمه نك تنسیقه اولدجه بر
جدیتله باشلاندی و اولدجه کوزل نتیجه لر چیقارلدی. فقط کوزل اونیفورمه، طولغون

و منتظماً تسویه اولنور بر معاش تأمیندن بشقه بر موفقیّت قزاقیان ژاندارمه او سیلابه عصیان و اختلال قارشوسنده وظیفه تنکیلی دکل ، حتی استخبارات و تحقیقات وظیفه سنی بیله حسن ایفا ایدمه ماش ، دائماً عسکرک یاردینه ، عسکرک همته عرض احتیاج ایتشدرد .[*] بلغار اختلالی ۳۲۰ سنه سندن صکره بشقه بر شکل وماهیت اکتساب ایدی . پروغرامنی دکشیدر مکه مجبور اولمشدی . حکومت قوه اجرائیه سنی و بونی تأمین و تشکیل ایدن اسلاملردن زیاده روملری تعقیب ایتکده مضطر قالمشدی . چونکه روملرده بلغارلرک استیلاسنه قارشو عصیان ایتش ایدی .

عفو عمومی ایله بوشانان حبسخانهلر ماکدونیا اختلاجیلرینه تازه ویکي قوتلر تدارک ایتش ایدی . او وقته قدر اراده سینه به متوقف اولان حرکات عسکریه ایچون درجات قوماندانلرینه واسع صلاحیتلر ویرلش ایدی . هیئت ضابطه و ملکیه یالکیر برشی دوشونوردی . مفش پاشانک توجهنی ! استخبارات ایچون ویریلان فوق العاده خفیه تخصیصا سندن استفاده یی ؛

بتون مصادمه لر ، عسکری مفرزله لری طرفندن یابلدیخی کبی شقیلرک ، عاصیلرک محل

[*] ماکدونیا ده نفوس اسلامک بر قاچ تعرض ایله محو اوله جفته و اکثریتی تشکیل ایدن بلغارلرک آژ بر زمان طرفنده نائل امل اوله بیله جکنه ایتامش اولان یچاره بینسز بلغار کویولری ایلک اختلاللارنده مسامانلری ، چفتلکات واما کن اسلامیه یی هدف تجاوز ایتشاردی . حتی خرسیتانلردن نفوس نسبتده ژاندارمه پولیس آلمسی مطالعه سی ده بو مقصد واهی یه استناداً ایلری سورولش ایدی . ولایات ثلثه ده دخی خرسیتان نفوسنک اسلاملره فائق اولدیغنی ظننه استناد ایدن بومطالع لرک اصابتلرکینی بالآخره وقوعات کوستردی . اولان نفوس اسلامک عددلر ، نفوذ اسلامک ملکا غلبه سی تحقق ایتدیکی کبی خرسیتانلری ترکیب ایدن بلغارلرک بعض طرفلرده روملردن دون نفوسه مالک اولدقلری ده میدانده چیقدی . ایکی دفعه اجرا اولان تحریر نفوس ایله شو نتیجه حاصل اولدیغنی بالآخره کندیلری ده ، آوروپالی ده تصدیقه مجبور اولدی . نفوس ایستاتستیقنی عیناً درج ایدیورم :

سلاویک ولایتک	قوصوه ولایتک	مناسیر ولایتک
مقدار نفوسی	مقدار نفوسی	مقدار نفوسی
عدد	عدد	عدد
اسلام ۴۸۵۵۵۵	اسلام ۷۵۲۵۳۶	اسلام ۲۶۰۴۱۸
روم ۳۲۳۲۲۷	روم ۱۳۴۵۲	روم ۲۹۱۲۳۸
بلغار ۲۱۷۱۱۷	بلغار ۱۷۰۰۰۵	بلغار ۱۸۸۴۱۲
۱۰۲۵۸۹۹	۱۶۹۶۰۱	۳۰۱۱۶
	۱۱۰۵۵۹۴	۷۷۰۱۷۴

اختفا و التماسی ینہ ضابطلرک تدارک ایلدیکی مخبرلر طرفدن خبر الیوردی. بتون مجرملر، جانلیر قصبه لرده قانونلر، ضابطلر طرفدن دردست ایدیلوردی. سانکه جهت ملکیه بو مسئله لرده صاحب مسئولیت دکل ایدی. مع مافیه جهت عسکریه نك بوفعالیتی، بوحقی هیچ بروقت بیکباشیدن یوقاری رتبه اصحابندن ظهور ایتدی. بومساعی به، بومساعی جانسپارانه وفداکاری به قارشى اساساً معیشتلری تأمین ایدیلن و کنج لکده دوچار ضیق و سفالت اولان ضابطلر مخصص جزئی معاشلرینی ده اله مدقلرندن بسبتون کرفتار ظلم و حقارت اولیورلردی. طلب استحقاق ایدنلره حبس ونفی غیر کافی کورلیدیکی ایچون بعضلرینک طردینه، ضربنه قدر اجتناسار ایدلش ایدی. بلغارلر کویلرنده تشکیلاتی اکمال ایتدکن صکره ماینلرنده تحدت ایدن بالجله دعاوی ایچون محکمه لرده وجوده کتیر مشلردی. یالکز بونی تأمین ایده جک قوه اجرائیه به و عناصر سائرهُ حکومتک مداخله سنی دفع ایده جک قوه مسلحیه احتیاجلری قالمش ایدی. انی ده پک عاقلانه برصورتده یایدیلر. اوفق اوفق منطقه لر دائره سنده ثابت و سیار چتله تشکیل ایتدیلرکه افرادی اکثریتله عادتاً عمومیتله ایش و کوچیله مشغول، عندالایجاب سلاحنه اختفا کاهندن صاریلور کویلورلدن عبارتدی. بونلری تعقیب و دردست ایتک پک مشکل ایدی. بلغارلرک شوت تشکیلاتی اردونک، بالخصوص اوچنجی اردونک اصلاننه چوق تأثیر ایتش ایدی. بوحال سنأ، جسمأ، فکرأ، اخلاقاً غیر مقتدر بر چوق ضابطلرک تقاعدینی، اردودن تبدیلی، خدمات سائر به نقلی انتاج ایتدیکی کی ایکنجی صنف فرقلرینک تنسیق و تشکیلی ایله بتون بلوک ضابطلرینک کنج و عمومیتله مکتبلی ضابطانن انتخاب اولنسنی ده تأمین ایتش ایدی. [*] ردیف ضابطلری بولندقلری قضالرده اوچ آیده بر یوقلمه لرده، اهالی ایله تماسده بولندقلری کی قرقر الیشر کشیلک ودها بیوک قوتلره طولان نظامیه ضابطلری ده بتون قرا ایله تماس دائمیده بولنیوردی.

۳۲۰ سنه سندن ۳۲۴ سنه سنه قدر اوچنجی آوچی طا بوردن بولندیم زمان بتون نظامیه ضابطلری کی بلافاصله هپ تعقیباتله مشغول ایکن برکون اولوب ده اسلاملرک ترکلرک یا معفه مجبور اوله جنی اختلال تشکیلاتی ذهنندن کچیریور، بتون ارقداشلرله مذاکره ایدیوردم. اکثریسی موفقیتله نتیجه لنن مصادمه لرده بومباسیله، سلاحیله اوراق مضره سیله دردست ایدیلن اشخاصک برصورتله تخلیه سیلی مظهر عفو اولسی وظیفه تعقیب ایله مشغول ضابطانی دوچار یأس وفتور ایلوردی و بوندن هیچ بر وقت شفاوت وعصیانک کوکئی

[*] بوتنسیفات روم ایلی به یوز بیک سلاح ایله التی یوز کنج ضابط قزاندرمشدر.

قورومتق قابل اوله میه جنی فکری اهالی به تلقین ایدلش ایدی . هر کون اساسسز برطاقم تدایر احتیاطکاری به مراجعت ایدیلوردی . مناطق عسکریه نك احداثی ، امر قوماندانك ارکان حربیه ، ممتاز و پیاده نك مجرب و مقتدر ضابطلرینه احاله سی ، شدنی مواخذه و مسئولیت ، بونلر هپ اساسسز اجرا آت ایدی . اعدامه محکوم بیکلرجه کیمسه لر هر وقت جاننك مصونیتدن ، برکون کرب محبسدن چیه جفندن قطعاً امین ایدی . [*]

یالکز بومصونیت تمایلات عصیانیه بی تزید و تشجیع ایچون کافی ایدی .

باعث الم اولان بوقدر مؤثراته رغماً دائره عسکریه (حربیه نظارتی) حقوق عسکریه ده علی حقسز قتل ارتکابندن چکسنمور ، رتبه لری ، منصب لری ، ضم معاشلری فداکارلره ، جانیسپارلره ، مستحقلره دکل ، دامادلره ، جاسوسلره ، مداهنلره ویریوردی . اردوده قانونک حکمی یالکز حق طلب و مدافعه یدن اوافق رتبه ده کی مادونلری ازمکه منحصر قالمش ایدی . افرادک چیلانلی ، مساکنک برادلنی ، معیات عسکریه نك ایدی .

تأدیة معاشانده کی مبالانسزلی اردوده فکر اختلال و انقلابی نه میاشد رمش اساسلندیرمشدی .

بواره لق عثمانلی اتحاد و ترقی جمعیتی فنالغ اشخاصدن ، قوماندانلردن ، مفتشلردن ، والیلردن ، سرعسکردن ، صدراعظمک سوء اوصافدن دکل ، اصول اداره نك سیئاتندن منبعث اولدینی فکرینی ، اوتهدنبری احرار امتک نشرایتیکی فیکرسلیمی ، عموماً قبول و تصدیق ایتدیریوردی .



عثمانلی اتحاد و ترقی جمعیتک فعالیتی

بویاده کی تمایلات انقلابیه نك فنا بریول آلمسنه اوآره لق سرعتله توسیع دائره اجرا آت ایدن واحوال عالی برنظر دوربین بصیرتکاری ایله احاطه ایلین عثمانلی اتحاد و ترقی جمعیتک پک بیوک برخدمتی کورلمش ، هله اهالیدن زیاده اردونک روحی ، امر و قوماندانك

[*] حبسخانه لرده سیاست موقوف اولانلردائما قونسولاتوأمورلری و قومیته منسوبینی معرفتیه تشجیع ایدلشدی .

واسطهٔ اجرائیه سی‌مابه‌سند اولان هیئت ضابطه‌ک دون قدمه‌لینه، یوز باشی وملازم‌لره عطف اهمیت ایسکه پک بیوک برائر فطانت ودرایت کوسترمشدر .

بوسایه‌ده ضابطلر اسکسی کبی بربرینک یاننده یالکز مسلک‌داش، آدداش صقیله دکل، پک مقدس برسر‌داش وقر‌داش صقیله اثبات وجود ایدیوردی .

کوندن کونه امنیت ، محبت متقابله اساسلری قوریلوردی . بو سره بیکانه اولانلره افراد جمعیتک اتخاذ ایتدیکی تدبیرلر ایله جمعیتک اهمیت ، خفی، اما پک محرم. و خفی فقط غایت مهم وجدی اولان موجودیتی، وضعیتی احساس ایتدیریلوردی. جمعیت بوصورتله حکومتک قوهٔ اجرائیه‌سنی اله آلدق‌دن صوکره قصبه‌لرده، کویلرده اهالی‌یه اولان تأثیرینی هپ بو حیت‌رور ناشرلری ایله اجرا ایتش، قوهٔ مسلحه ایله انقلاب آشتی پرورانه‌یی تأمین یولنی دوشونمش ایدی .

منطقه مفتش‌لکی صقیله دائماً کویلری سیر وکذر ایدن ارکان حربیه وممتاز ضابطلری بالخاصه حرکات تعقیبیه‌یی غایت جدی وموفقیتی برهمنله اداره ایدن وذاتی ماکدونیا اختلاف‌لیری میاننده اهمیتله تلقی ایدیلن ارکان حربیه بیکاشیسی انور بکک جامع اولدینی اوصاف عالیه ومکارم اخلاق سایه‌سند بوبابده اجرا ایله‌مش اولدینی حسن تأثیر بالخاصه شایان قید وتذکیردر .

هله ۳۲۳ سنه‌سی نهایت‌لرنده و ۳۲۴ سنه‌لری ابتداسنده روم ایلیک مواقع مختلفه‌سند بربرینی متعاقب بتون قطعات عسکریده افرادک حقوق قانونیه‌لرینی مجتمعا طلب خصوصنده عقدایت‌کلری اجتماع‌لرک شکلی، ماهیتی، عصیان، اختلال شائبه‌لرندن مصونیتی دوا‌ئرده افراد جمعیتک نفوذیه افراد عسکریه مطالبینک حکومتک اسعاف وموافقته اقتران ایش اولسی جمعیتک قوت وحسن نیتی کوسه‌ترمش، بین الحرمین حجاز خطنک انشا آتنه مخالفت ایدنلرک، دها طوغریسی راتب پاشا ایله امیرمکه ومحافظ مدینه‌نک تشویقاتنه فریفته اولان سبک‌مغزانک تشکیل مقصدیه روم ایلیدن طلب ایدیلن قوای ردیفه واحتیاطیه‌نک سلاح آلتی امرینه عدم مطاوعتی جمعیتک تأثیر واهیتی اولانجه ماهیتی ایله نظر خلقلده طاتمش ایدی . جمعیت منتظم و خفی برحکومت حالنده اجرای وظیفه ایدیوردی بتون مأمورین حکومتک سجل وماهیتی جریدهٔ جمعیتده مقیدایدی . بتون افعال وحرکاتی معقب ایدی. آرتق مفتش عمومینک، والیرک، قوماندانلرک حکم ونفوذ مغویسی ابطال ایدلش ایدی . زیرا آنلر کاملاً واسطهٔ اجرائیه‌لری اولان انسانی، مأذون‌لرینی الدن چیقارمش ایدی .

جمعیت بتون منور افکاری ، بتون صمیمی وجدانلری ، بتون فداکارلری قزائمش ایدی . اسکیسی کبی کیزلمکده اوقدر لزوم ده حس ایتیموردی . ذاتاً جمعیتک کوندن کونه سرعتله آرتان قوتی ادامه محرمیت خصوصنده قوه ضابطه سنی ده دوچار مشکلات ایدیوردی . حکومت و آنک ضمننده غیر مشروع امللر ، خسیس منفعتلر تأمین ایدن افراد حکومت مشکلات ایچنده قالمش ایدی . مدھش بر خصم قارشوسنده بولندقلربی حس ایدیوردی و فقط تشخیص ایده میورلردی . امارات مفقود ، دلائل معدوم ایدی .



حکومتک جمعیته تعرضی ، جمعیتک اعلان حریتی

بو تحولاته قارشى اك اول سالانيك مركز قومادانی یاوراندن قائم مقام ناظم بك غایانه کلدی . منافعتک ، موجودیت سیاسیه سنک برکابوس بلا طرفندن احاطه اولندیغنی حس ایتیش ، کشف دشمن ایچون ، کشف اسرار ایچون اولانجه قوتلریله ، قوه سباعیه سیله میدان آتاش ایدی .

چونکه ضم معاشی ، رژی تخصیصاتی ، قارخانه ، عموخانه ، میخانه حاصلاتی مخاطره ایچنده قالمش ایدی . بونک ایچون جاسوسلره احتیاجی وار ایدی . ذاتاً قانون ضابطی صقیله بو گروه مکروهه منسوب بز ایکی ضابطی من الصمیم بو خصوصنده استخدام ایدیوردی و فقط آنلرده کنديسندن برخطوه بیله ایلری آتەمامش ایدی .

ملتك قابلیتی ، بیوککلی اهانت و دنائتک پک محدود بر دائره یه صیقیشمسی تأمین ایلمشدی . بونک ایچون چوق چالیشدی ؛ چوق یورولمش ایدی ، پرغیظ و غضب کسلمش ایدی . اک نهایت کندی بیوککینه امثالی ، موهوم مخبرلر ایجادی صورتیه هدف ایتدیکی ارباب حیتی آولامغه قرار ویردی . بوضورتله تسکین غلظت و غضب ایدیوردی . اونک ایچون ، ناموس و وجدان ، بونکله برابرذعان و عرفان صاحبی اولانلری یاقه لملق کافی ایدی . ذاتاً حکومتک بتون قوتی ، ملتك قوای حیاتیه سی منافعندن بشقه برشی اولیمان جدی ، مقتدر ، حیثیلی اولانلری محواتمکه میال و منحصر دکلای ایدی ؛ ضابطدن ، طلبدن ، اهالیدن

بر حق کیمسه‌لری توقیف ایتدیردی . فقط بیهوده تلاش ایدیوردی . جمعیت دواژده مکملاً نفوذنی یوروتک امکاتی چوقدن تأمین ایش ایدی . توقیف ایتدیردیکی اشخاص بوصورتله تخلیه ایدیلنجه مابینه قوشدی ؛ مشیر وکیلی فریق اسعد پاشایی ، ارکان حربیه میرلواسی علی پاشایی و بتون هیئت عسکرینه‌ک ناموسلی ارکانی ، والی رؤف پاشایی لاقیدلکله ، طرفدارقله اتهام ایتک ایستدی . عودتده آلدینی فضلّه تخصیصاته قوتنک آرتدیغنی حس ایدیوردی .

وحدانیت ربانیه اوزرنده اتحاد ایدن افکارک حقانیت ، حریت و عدالت ایچون اولومی ، اولوملرک اک شرفلیسی بیلدیکنی بیلیموردی . مع مافیه جمعیت افکار عمومیه یه سوء تأثیر ایدن قوه معنویه یی کرفتار ضعف ایدن بوالچاقلغه قارشو سکوت ایده‌مزدی ؛ وظیفه‌سنی اجرایه مأمور ایدی . ناظمی یوق ایده‌جکدی . آنک ایچون حکم اعدامی اعطاده تردد ایتدی . بو حکمی ناظمک متعلقاسدن بریده امضا ایش ایدی . واجراسنی ضابطه عدلیه‌سنه حواله ایش ایدی . ایشته یوم عظیم ، اوت بوکون استعداد انقلاب ملتک وبتون اقتدار جمعیتک امتحان ایدلدیکی برکون ایدی . بوکونه قدر هیچ برضابط ، هیچ برصادق ، هیچ برفداکار اصل وطن خانی اولان برجاسوس اوزرینه سلامت وطن نامه سلاح آیش ، حکومته علناً اعلان حرب ایله بر صولت قهرمانانده بولنش دکل ایدی . بوکونه قدر ملتک عسکرلری ، ضابطلری ، کولکلیلری ، فدائیلری یالکزر دشمن خارجی ایچون فدای جانی ، ترک حیاتی اوکرنش ، بو یولده بر قهرمانلغه ، فداکارلغه ، اولمکه آلهامشدی . شجاعت مدینه‌ک ، سلامت عمومیه ایچون بیله بیله فدای حیات ایتنه‌ک لذتی ، بیوکلمکی هنوز طاننامشدی . حقوق شخصیه‌ک مدافعه‌سی ویاخود منافع وطنیه‌ک حمایه‌سی اوغورنده شخصی ، اجتماعی فداکارلقره ، قهرمانلقره آلیشیق اولان عثمانلی ضابطلری بوکون ایلک دفعه اوله‌رق ملتک منفعتی ، استقبالی ایچون اولمکه دعوت ایدلشدر .

باخصوص دشمن قارشوسنده بر محاربه‌ده ویا بر اشقیا ایله وقوعبولان مصادمه‌ده اولدیغنی کبی بو مبارزه‌ده پدر والده ، عائله یتیم‌لری دست ظلمکار حکومته دکل ، آغوش شفیق جمعیه ، حمیتی معلوم بر هیأت تودیع ایدیه‌جکوردی . ملاحظه‌حال واستقباله محل یوقدی . ناموس عائله تحت ضمان جمعیتده امین ایدی . بیوک بر نام قزانیه‌جقدی . مع مافیه نظریات ایله عملیاتی یکدیگرندن آیران مبتدیلک اوکون میدان امتحانده اثبات وجود ایدن فداکارلرک سیکیرلرینی کوشتمش ایدی .

پیاده الاینک طابورندن ملازم افندی بو مهم و شرفلی تشبث ابتدائی ایچون کندینی قهرمانانه بر وضع ایله میدانه آندی ؛ متانت اخلاق و علوافکاری مهم اولان بو ملازمک کفایتی هیئت اداره جه تصدیق ایدلدیکی ایچون حکم عدالتک اجراسی کندوسنه احاله ایدلدی . بتون عثمانلی ضابطلرینه حق ایچون ، حریت ایچون جمعیتک ، ملتک شرف و سلامتی نامنه بیله بیله اولمکی ، ایلک دفعه اولمق اوزره محقق بر اولومه قوشمخی عموم عثمانلی ضابطلرینه اوکرتن بو ضابط خالص مخلص برتریک ایدی .

وظیفه سنی فوق العاده بر اعتدال دم و شایان حیرت و تقدیر بر متانت متوکلانه ایله اجرا ایدن بو ضابط حقده حکومتک اجرا ایتدیکی تعقیبات جمعیتک نفوذی آلتنده تأثیر سز قالمش ایدی . بو موفقیت مضاعفه ایله جمعیت تفوقی کوسترمش ایدی . بو ایلک موفقیات فداکارانه اوزرینه سر محیب تفکر و تأمل اولان بتون کنج ضابطلرک قلبه بر حس مسابقت فداکارانه استیلا ایتش ایدی . حکومت مستبدنک هیچ بر مقصده تابع اولمیه رق صرف ادامه استبداد مقصدیله وطنک ضررینه اوله رق آچدیغی حرب و مصادمه میدانلرنده بوشی بوشه فدای جان ایدن ضابط ارقداشلرینک شهادت مظلومانه سنی ، مغدوریت سفیلانه سنی برر برر ذهنلرندن کچریور . بوشهیدانک براقیدینی کسه سز ، فلاکت دیده بدرلر ، علیل و سالحورده والدلر کوزلری سرشک الم ایله نمانک بیچاره طوللر ، زوالی یتیملر ، آه ! اوهرشیدن بی خبر ، استقبالی مظلم معصوملرک حکومت قبولریده ، وزنه نجره لرنده ، دوائر مالیه قوریدورلرنده ذلیلانه . محقرانه سوروندکلرینی ، دیلندکلرینی ، اوت استحقاقلرینی مین آیلر و سنه لردنبری ورود ایتین جزؤدانلرینی طلب ایدن بوسفیللرک سفالتی مشعر غمکین و آتشین نابولر حق یولنده اولمک قیمت و شرافتی نظرلرنده یوکسلتوردی و بوتفکر و تخیل ایله تعب آلود اولان وجدانلرندن یوکسلن شوصدایی قولایلقله دیکلیورلر ایدی :

— دنیاده اولوملرک اک شرفلیسی حق یولنده اختیار اولنان اولومدر !

شورجعت قهقریه ایله هیکل استبداد منفعل اولمش ایدی . غیظک تأثیریه استعجال ایدیور ، تیتیریوردی . بونک اوزرینه سلانیکه دها بیوک جاسوسلر کوندردی . فریق اسماعیل ماهر پاشا ریاستی تحتنده میرلوا یوسف ورجب پاشالردن مرکب بر هیئت کوندردی . یاره لی ناظم بک استانبوله قاجمش ایدی . ناموس دائره سنده تأمین حال و استقباله مقتدر اوله میان بعض مأمورلر ، بوهیئته مراجعت صورتیله استحصال منفعت ایده بیله جکلرینی ملاحظه ایتشلردی . مناسترده میرالای نظمی بک ایله الای مقیتسی مصطفی افندی مبايعات

قومیسویننده کشف ایدیلن ارتکابات ماهرانه لرندن متولد مسئولیتہ معروض قالمیشلردی. ایلک مرکز استکشاف اولان سلائییک جاسوسلرینه سرلرینی صائمقدن چکنیدیلر. ماینه قدر کتیدیلر، رتبهیه ضم معاشه نائل اولدیلر، عودت ایتدیلر.

ایشته سلائییک و مناسترده بوصورتله تأسس ایدن مراکز تجسسیه فعالیتیه باشلادی. پرلهدن قضا قائممقامی شوکت بک ایله سواری ملازمی جنجی حسین و ندائی، پیاده ملازمی اسماعیل افندیلر پرلهده بوهیئت فاسدهنک آجته اغنی درعهده ایتدیلر. بوفعالیتدن جمعیت اندیشناک اولیوردی. حق وار ایدی. چونکه جاسوسلر ایچون دلیل، اماره تهمت ارامغه مجبوریتم یوق ایدی. پارلاق و صاف برماضی، ناموسکارانه و حیثیورانه برمسالک افراد جمعیتی اتهامه کافی ایدی.

ارباب ناموس استانبوله، سلائییکه جلب ایدلکجه جمعیتک طرفدارلری قوه مغویهجه صارصیلور. خوف و دنائتله مجبول اولان ملوث وجدانلر اظهار ماهیت ایچون تهالک کوستریبوردی. مناسترده جمعیتک رئیس واعضالرینی کشف ایتک ایچون حضور و آرائینی، حتی وظیفه سنی فدا ایدن پولیس مفتشی سامینک وضعیت خائنانه سی ازاله وجودینه حکم ایتدیردیک برصرهده پرله قائممقامی شوکت بکده فعالیت و مساعیسی، مساعی اهانسکاریسی جمعیتک اهمیتی افرادینی اظهار ایدیوردی. بر مقصد ملغسکارانه ایله فروشوده کیدن سامی اوراده یوق ایدلدی. جمعیتک بوموفقیته ده حکومتی اندیشناک ایدلدی. اظهار حقیقت ایچون محل وقعهیه کیدن متعدد هیئتلر، تحقیقاتی جمعیتک تعالمانی دائره سنده نتیجه لندیرمش ایدی. بوایکنجی وقعه جمعیتک نفوذینی انظار عامه ده تعینه کافی ایدی. ارنادود قومیته سی «نفعته خادم اولان شوکتک اجرای حکم اعدامی لصلحه تأخیر ایدلدی. چونکه عثمانلی اتحاد و ترقی جمعیتی عنوانی تحتده ایش کورن جمعیت خیره نیک وظیفه سی بلا تفریق جنس و مذهب بتون وطنپرور عثمانلیلرک تأمین اتحادندن بشقه برشی دکلدی.

بو وقایع مهمه نیک حین جریاننده، فقط بتون مراکز و افراد جمعیت کی مواصله منتظمه، مخبره مؤتمنه سایه سنده هر وقعه یی وقتی وقتنده بتون تفصیلاتی ایله خبر الیوردم. محرر عاجز رسنه موقع قوماندانلغده بولنیوردم. اساساً رسنه یه اسباب و ملاحظات آتییه بناءً جمعیتک تأثیر و نفوذی دلاتیه و مناستر منطقه سی قوماندانی فریق هادی پاشانک همیتله تعین ایدلدم. رسنه اساساً مسقط رأسم، مهد وجودمدر. رسنه یی، اوخیری یی و حوالیسی چو جلقمعدنبری تسخیر ایتمش ایدم. رسنه لیلر، اوخریلر و طنپرور لکله، شجاعتله، همیتله

مشهور عالم‌در. بوخصائل برکزیده بلا تفریق جنس و مذهب بتون همشهریلر مده موجود در. بوحوالی سکنه‌سنده خصائل جوانمردانه طبیعتک محض لطف‌در. مواهب سبجانه‌سیدر. اوخری ردیف طابوری سنجانگنک برقاج نشانی، نشان حمیت و حماستی واردر.

قره‌طاغده، روسیه‌ده، یونان محاربه‌سنده فداکارانی زبازرد عالم اولمشدر. یونان محاربه‌سنده تقدیر عامه‌یه اقراران ایدن فداکارلغ، غیرتم ایله مغرور و مفتخر اولان همشهریلرم بکا بیوک بر اثر توجه و اعتماد ابراز ایدیورلردی.

بو امن و اعتماد ۳۱۵ سنه‌سندن ۳۱۹ سنه‌سنه قدر اوخریده دبوی مأموری ایکن ایتدیکم تلقیناتک تأثیراتی تأمین ایتدی. هله اندن صوکره رسنه قوماندانلغنه ترفیع و تعیین اولندیغم وقته قدر آوجی طابورنده درت سنه سیار برصورتده تنکیل اشقیاده تعقیب ایتدیکم مسلك، کوستردیکم مردلك و غیرت دائماً مسلمانلرک حقوقی محافظه و صیانت خصوصنده ابراز ایتدیکم جدیت و حمیت بکا افکار عمومی قزاندیرمش ایدی. بن رسنه‌ده ایکن بلغار قومیتلرینک دوام نفوذینه، تأثیر حکمنه امکان اوله‌ماز ایدی. رسنه و پرسپه قوماندانلغنده ایکن حکومت مستبدنک قوتی اولمقدن زیاده جمعیتک آلتی اولمشدم. برطرفندده عین صورتله اوخری‌یه کتیریلن وعین امل تعقیب ایدن اوخری ردیف طابوری قول‌اغاسی آیوب افندی قرداشم، فلکک عین مساعدلرینه مظهر اولدینی ایچون، اوخری جمعیتک اک معتمد برمرکزی حکمنده ایدی.

حتی حکومتک غفلتندن، دناشدن پک زیاده یوز آلان بو طرف بلغارلرینه قارشی جمعیتک اوفقی برچته‌سی حقوق اسلامی‌یه و حقوق عامه‌یه بلا تفریق جنس و مذهب صیانت ایچون طولاشیوردی. بو فداکارلقلر، بودرجه جدی اهتماملر دبرنک و بتون محیطمزده بولسان ارناوودلرک حسن ظن و اعتمادینی قزاندیرمش ایدی. ارناوودلر فوج فوج جمعیته دخول آرزوسی ایله اوخری‌یه، رسنه‌یه، مناستره اوشوشیورلردی. جمعیتک قبول اشخاص حقنده قواعد موضوعیه فرط رعایتی باخصوص ارناوود قومیته‌سینه چالیشانلری عن جماعه قبول خصوصنده کی قرار مستحسنی حبسیله اسعاف تمینات بابنده استغنا کوسترلرک جمعیتک اهلیتی، حیثیتی اعتلا ایدیوردی. اودرجه اعلا ایدلک ایسته‌نیلن موفقیت عاجزی‌یه تسهیل ایدن بویکی مؤثراتی ذکر ایتمک جمعیتک محافظه‌سی قیدنده بولندیغم اسراری مانع اولمسه ایدی بنده سائر افراد جمعیت کبی وظیفه‌دن باشقه برشی یایمیدیغمی مدلالاً اثبات‌ایده‌جک چوق شیلریازه بیلیردم.

استطارد — (بورا‌یه قدر بالتعلق ترجمه حالی یازهرق بوبابده ملتتمک قابلیتینی، بیوک‌لکینی



رسنه اوخزی ملی طاہورلری قوماندانلری

۱ — قول اغاسی نیازی بك — ۲ — قول اغاسی ایوب اقتدی

علوجنابانی تصویره چالیشسه تمصوراتمی صورده عدم اقتدارمدن طولایی حکومت
سابقهیه ومسبیلره ابدی لغتله، نفرتلر یاغدییره جغم. مزیتك، اقتدارك، عرفان ودرایتك،
معرفتك رواج بولمادی زمانلرده درین بریأسه مغلوب اوله رق لزومی وجهله ترقیه
چالیشه مدم. بونك ایچون تمصوراتمی، احتیاساتمی حسن افاده ایده میه جگم. اساساً مدت
عمرمدہ قلمدن زیاده سیفمه عاشق اولدم. نه یاپایم المده دکدر .)

خان حکومت، جاسوسلری ایله سالانیک، مناسر مرکز لرینی تصدیق ایتدیکی، جمعیتک صبر و قرارینی توکتمکک اوغراشدینی صرهلرده رسنه مرکزی ده آزاده اضطراب برحاله دکل ایدی. بتون شخص معنوی جمعیت برماکنه کبی وحدت اعماله مالک اولدینی ایچون رسنهده کافه مراکز جمعیت کبی لرزنهک اولمش ایدی. باخصوص رسنهده، پرسپهده، اوخوری ده بلغارلرک ثابت و سیار چتهلری، ارناوودلرک طوسقه قومیتهلری رئیس چرجیس ایله بزلشمش، دهشتلی فعالیتیه قویولمش ایدی. بوآرهلق اوخریده پتروش، دهان رسنهده قریسته پرلهده پترو و یوودهلرک چتهلری اوچر بشر حاکم نقطهله، اهمیت مالک قریهله داغلمش حکومتک، نفوذنی بسبتون ابطال ایتمش، مسلمانلرک سربستی حرکاتی بسبتون تقید ایتمش ایدی.

جمعیت؛ اراضیه احواله، اولان وقوفی، تعقیب اشیا مسئلهسند سبب ایدن خدمت و تجربه لریمی اهالی اسلامییه اولان نفوذنی، قومیتله قارشو اولان تأثیرمی نظرمطالعیه آلهرق، اووقت بیکباشیلنی منحل اولان طابورمله رسنه قوماندانلغه لیاقتی تأمل ایدرک دواژده اعمال نفوذ ایتمش، بنی رسنهیه تعیین ایتدیرمشدر. اصابت ایتمش ایدی. اهالیله بکا قارشو موجود امنیت، وحیت سایهسند و یوودهلرک حرکاته، التجا کاغنه دائر آرزمان ایچنده پک. چوق استیلاعاتده بولندم. اوخوری چتهلرینه قارشو اوخوری قوماندانی مسئول اولدیغنه کوره وظیفه اساسیم داخلی ارباب فسادک التجا کاغی، توه استنادی اولان و یوودهلری، قریسته ایله پترونی یقالامق، چتهلرینی بوزمق، التجا کاغلرینی آیقلاامق ایدی. برخیلی تعقیب و تحریدن صوکره قریستهک فروشیه قریهسند ایکی رفیقی ایله مختفی اولدیغنی اوکرندم. قریهیه آبلوقه ایتدم. سلاح تعاطی ایتدک؛ رفیقلرندن بری مقبول دوشونجه قریسته برصانلق دروننده اختفا ایلدی. رسنهده تسلیم نفس ایلدی. مصادمهده بوصورتله نتیجهلندی. قریهک تحریسی اثناسند یدی مانلیهر، ایکی بومبا ووقیله اورمانده برصورت فجیعده قتل ایدیلوب متجاسرلری بولنه میان دوت آسوماتلی مسلمانن برینک برچوق لرلندن قورشونله، قایلله دلنش قانلی چبکنی ده اشقیانک محصنه مخصوص برنخزنده بولندی. یارم ساعت صکره لووآرهقه قریهسی ده صارلدی. چونکه استخبارات واقعهیه کوره اون بش کشیدن عبارت اولان قریسته چتهسک تعلیماتلری مقتضیاتندن اولهرق، قیسی کچیرمک اوزره ایکیشر کشی کویله تقسیم اولندینی حقنده کی استخبارات ایله بو قریهک ده بوش اولدیغنه حکم اولمش ایدی.

قریه بعد الاحاطه تحریاته مسارعت اولندی. بلغارستاندن کله قومیتدن خرستو

طوننف و قریسته نك رفقاسدن رسنه لی داغول برخانه ده مختفی ایدی. هرایکیسی حیاً در دست ایدلی ایسه ده کیجه ائسانده تلاشمزدن استفاده ایدرك فراره تشبث ایتدکلرندن خرسو ايله خانه صاحبی آتش تعقیك تأثیریه نائل مرام اوله مدی. رسنه لی دانغول ایسه یاقه نی قور تاردی. اشبو قریه دن ده سکر مانلیهر و بلغار، ارناوود اتفاق قومیه سی طرفندن بش آلتی آی اول اوریلان حکومت پوسته سی محافظلرندن بر ژاندارمه نك اکر طاقی وهکبه سی و اشای عسکریه سی ظهور ایتدی. هرایکی کویده ارباب فساد معین اولانلر دلائل جرمی اولان سلاح و اشیا و بومبا و ساثره سی ضبط و ورقه لریله حکومت محلیه یه تسلیم ایدلی.

قریسته نك قوتی، التجا کاهنی بوضورتله صارصقدن صوکره رسنه یه عودت ایتدم. ورسنه نك دلائله داخل قصبه ده قومیه نك رئیس، اعضاسی، صدقکاری، کاتبی، رهبرلی، یتاقلری حقنده آلدیغم معلومات اورینه دهشتلی تضییقاته، تحریاته قویولدیم. بوتحریرات و تدقیقات نتیجه سند یوز اللی یه قریب سلاح، متعدد بومبا و اوراق مضره یاقه لادم. و متهملری جرملرینك دلائل قطعیه ثبوتیه سیله بر لکده حکومته تسلیم ایلدم. انکار و مدافعه یه محل یوقدی. بونلرك یولی راه عدم اوله یلوردی. فقط حکومت، متعدد مؤثرات اهانت آلتده اجرای حرکت ایدن حکومت بویله یایمامش ایدی. و متعاقباً بر سرعت خاطفه ايله لسقوفجه و زمیشته قریه لرین ده عثمان و یوسف افندیله تحری ایتدرمشدم. بو ایکی قریه ده یالکز اونبر قیه دینامیت و یکر می بش اوتوز عدد سلاح بولندی. بونلرك ده متجاسر لرینی حکومته کوندردیم. رسنه ده سنه لردنبری امثالی کورولپن بوشدت و سرعت اجراءات بلغارلری دلخون ایدیوردی. فقط بن آنلردن زیاده معذب و مأیوس بولونیوردیم. زیرا حکومتك استبدادینه قارشو حریرتلی، قومیتلری ایچون سلاحه صاریلان بر قومك قوتی محو ایدیوردیم.

نه یاهیم؟ تابع اولدیغم قومك قضیلتر ورانه مسلکی بیوک برحق اولان منفعتی نجه بشقه بر یول طومغه مانع ایدی. فقط حکومتك غفلتی عجز و مسکنتی، دناشی بی دیگر کون ایتدی. اهالی خرسنیانیه نك معتبرانی جمع ایتدم. نتیجه سزلکه محکوم اولان مساعی منفرد نك هیچ بر وقده کار کیر تأثیر اوله میه جفتی، غافل و مسکین کورینن اهالی اسلامیه نك مدافعه حقوق اسلامیه و عثمانیه ایچون صوکه دامله قانلرینی آقتمدجه بلغارلر ایچون منافع متضاده و خصوصیه تأمینیه اصلا ممکن بولنه میه جفتی. شو اوافاق زمان مأموریتدن کوردکلری درس عبرتدن استفاده ایلری لزومی و مسلمانلر خرسنیانلردن زیاده حکومتدن

دلگیر و مضرر اولدیغندن بوجهتلك نظر دقته آلمسنى، اخوتك، اتحادك لزومنى يانه ياقيله آكلاشمش ايدم. افاداتمىن منتصح اولور كى كورونديلر. قصبهلى يه، كويلولره تعميماً امرلر و يرديلر. هر طرفدن اوچر بشر ايشه ياراماز سلاخ تسليم ايتك صورتيله بنى بى بى دام اغفاله آتە بيله جككلىنى ظن ايتديلر. بونم ايچون دها استفادهلى تحريات اجرا ايديله جك نقطه لرى تعينه مدار اولدى.

اندن صكره دها بيوك بر شدت وجديله تعقيباته، تحرياته مسارعت ايلدم. ارتق رسنه ناحيه سنده بلغارلك موجوديت مسلحه و سياسيه لرى معدوم اولمش ايدى. پرسپه يه انتقال ايدن نوبت تحريات و تعقيبات، پرسپه ده ممتاز يوزباشى مختار افنديك احتراصات و انفعالات نفسانيه يه اغلو يتندن متولد خطيائى، خطيئات سياسيه سيله طيعة توفقه اوغراى. مختار افندى رسندن زياده پرسپه ده او طور دىني حالدە بر ايش كوره مامش ايدى. چونكه تربيه فكريه سى، معلومات عسكريه سى بندن قات قات يوكسك اولان مختار افندى بوايشك رجلى دكلى و اوله مازدى. لسان، عادات و طبيعت محليه و قوفى يوق ايدى. اهالى ايله امنيت و صميميت دائره سنده تأسيس موالات ايدە مزدى. بزم طرف اهالىسى هر كسه، باخصوص مأمورين حكومه قولاي قولاي امنيت ايدر آدملىر دكلدر. اخبار كيفيت ماده لرندە جانلى ياش، خانانلىرى سونمشدر. ضابطك بر مساحه سى، مخبرى صاقلامق خصوصندە ادنا بر مساحه سى قوجه بر خانه ك پريشانيسنى انتاج ايدر. مختار افندى آز زمانده كلتي سلاح و يتمش سكرسان ثابت و سيار قوميتە دردست ايتكمده كى موفقيتمه غبطه لر ايتمش، اوده اجراى فعاليتى محافظه عزت نفسى نامنه الزم كورمش ايدى. مختار افندى اشكنجه لرله كويلرى، كويلولرى تضيقه، تحقيره، اولديرنجه يه قدر ضرب و تغذيه قدر ايشى ايلرولتمش. شريعت اسلاميه نك، وجدان انسانيتك تقسيح ايتديكى بو خطيئات سياسيه ايله اجنيلرك، دول معظمه سفراسنك مسكين و جين حكومت اوزرينه ازدياد تعقيبات و تهديداتنه باعث اولمش ايدى. حكومت، بوتضيق شديد اوزرينه مختار افندى ايله يوز باشى شكرى افندى نى تحت توقيف و محاكمه يه المش اولديغندن اجنيلرك هر بر مداخله سندن شماره رق قوه معنويه سنى ارتديران بلغار قوميتە سى ده روسيه قونسلوسنك دلاليله رسندن مباعدم اسابنى احضاره قالمشمش ايدى. بويابده مفتش عمومى فوق العاده ابراز شدت و فعاليت ايلدى. تحت محاكمه يه آلنه رق رسنه قوماندانلغندن تبديل لزومنى مشير و كلى فريق اسعد پاشايه امر و تبليغ ايتدى. رسنه يه ده بر هيئت تحقيقيه مختلطه اعزام ايلدى ايسه ده نتيجه تحقيقات اشبو امر نامه نك تطبيقه مساعد چيقمديغندن مفتش پاشانك فعاليتى



ارناوود چته سی ریشی جرجیس

رفیق آدم بک

بوقطعه توقف ایتدی . بنی اسعد پاشا سلاطینکه جلب ایده رک بعض نصیحتده بولندی وینه رسته یه اعاده ایتدی .

بواره لق کوستردیکی حرکات شدیدانه اثناسنده کرمانلی پتره یاره لایتمش وبرهفته صکره یاره لی اولدینی حالده کسریه مفرزه لری طرفندن خاک هلاکه سرلیدیکی کی یینه کچن وویوده متره دخی در دست ایدلمش ، کرمانلی متره طرفدن اولجه طوتیلان مناسترلی رستن ایله برلکده قشله ده عسکر البسه سیله مخبر صفتیله خدمات عسکر یه دهه استخدا ملرینی آرزو ایتمش واستعاف ایدلمش ایدی . فقط بوکا مقابل عفو عالی یه مظهریتلری وعد وتأمین ایدلمش وبوبابده تشبثات مقضیه اتخاذ قلمش ایدی . کرمانلی متره نك تأثیر نفوذ ودلالتیله دولتک باشنه بیوک برهائله کسيلمش وهادی پاشانك بغیر حق عزلی انتاج ایتمش اولان راقوه روم قریه سنك احراق و قتل عامنده متجاسر وعلاقه دار اولان کرمانلی یگر می کشی ظاهره چیقارلمش ، کندیلرینه اعتراف جرم ایتدیر یله رک دست عدالته تسلیم وایصال صورتیله سطوت حکومت کوسترلش ، اوروپا جرائدینی اشغال ایدن بومسئله دن طولانی لکه دار اولان دولت بدرجه یه قدر اعاده ناموس واعتبار ایلش اولدینی کی مالویشته بالقائنده برسنه دنبری فاعل لری مجهول قالان صاری قاچان روم عشیرتندن اون بش مقتولک پرا توجینه واسلمینیچه قورینوده اون اون بش کشیدن عبارت اولان قاتل لری ده یینه بومتره نك ذکا ومعلوماتی سایه سنده کشف ایدلمش ، بوسایه ده روجسز حکومت عالمه برجان ، برقوت صاحب اولدینی کوستره بيلمش ایکن بلغار قومیته سنك کندیلرینه آهانت ایدن افرادینی هر زره التجا ایتسه محو ایتکه مقتدر اولدینی اثبات مقصدیله رسته ایله متره نك بأی حال ازاله وجودی بابنده تدویردن خالی قالمدینی دام تزویر ومفسدته طوتیلان ، دهها طوغریبی روس انتریقه سنه مغلوب ، روس پولتیقه سنه محکوم اولان حکومت بونجه خدمات صادقانه سنه رغماً مستمنلردن متره نك غیاباً محاکمه سنی اجرا ایتدیرمش ، اعدامنه حکم اصدار ایتدیرمش واجراسی ایچون متره نك مناستره اعزامتی طرفه امر وتبلیغ ایتمش ایدی .

حکومتک بتون قوتیله چالیشوب ده اظهار عجز ایتدیکی جنایات عظیمه نك فاعل لری میدانه چیقاران هله قوجه برملت ، ملت معظمه عثمانیه نامنه دولت نام عالیسنه اوله رق عفو عالی یه مظهریتی وعد وتأمین اولنان متره نك اجرای سیاستی ایچون مناستره اعزامی حقنده ویرلمش اولان شوامر ، بنده ناقابل مقاومت برحس نفرت وغضب او یاندیرمش ایدی . حکومتک بو آرزوی دناستکارانه سنه مطاوعت ایتک ارباب مفسدتی ، اصحاب شقاوتی تعقیب ایدن بتون قوتلری ، بتون استنادلری محو ایلکدن بشقه برشی دکلدی . قومیتیه

اهانتكار ، حكومه صداقتشمار اولان بروجودی ازاله ایتك قومیتیه تشجیع ایتك دیمكدی . باخصوص مردلکی ، ناموسی ، ناموس ملت دوشون ، میانه مزده بر فردك بیله مفقودیتی حقدده اوته دنبیری دوران ایدن شایعه لری اعتراف ایتكدی . خلاصه بتون جدیتی ، وقار و حیثیتی ، حیثیت ملیه یی ازمك ایدی . عثمانلیلر به هیچ بروقده قبول و اجرایی ممکن اولیان ، باخصوص نجه تجویز اولیان بر ملعت ایدی .

• بو اوغورده رتبه یی ، اون بش سنه لك امك حق اولان رتبه یی دكل ، جائی و یرمك بیله لازم كلسه تردد ایدلیه جكدی . رسنده حریم صدر جمعیت اولان بتون اخوانم ، بتون اخوان حیثیتشانم بنم فكرمده ایدی . مع مافیه مناستر هیئت مركزیه سنك ده استمزاج رأیی موافق كوره رك مرقوم متره یی مفرزه رفاقیله تعقیبه چیقاردم . بنده مناستره كیتمش ایدم . هر كیمه سویلدم ایسه هر هانکی بروجدان وحیت صاحبنه صورده سه رأیی ، رأی مقاومتی تحسین ایش ایدی . بو بایده هر مسئولته ، هر برشته ، قارشی كلکی قرارلشد یردم . اوته دنبرو اصابت فكرینه امین اولدیغ اسکی ارقداشلرمدن مشیر و کیلی كاتب خصوصیی یوزباشی مجدالدین اقدی ایلده مذاكره مصاحبت ایش ایدم . افاده مدن بك زیاده متأثر اولان مومی الیه ناموس حكومتی ، وقار و حیثیت اسلامیه یی مدافعه ایچون ملت عثمانیه صادق اولانلره قارشی افراد حكومتك ، باخصوص ضابطلرك سوزنده ثباتی اثبات ایچون حكومتك امرینه مقاومتدن ایسه مرقومك قاجیرلمسنی و آمانا خانه سنه تسلیعتی ده موافق كوردی . مومی الیه دیوردی كه :

— نیازی ، قرداشم ! سز حكومه قارشی ایده جككر مقاومتدن حسن نتیجه چیقارمق ایچون هر شیئی كوزه الیكزمی ؟ بو بایده رتبه یی دكل ، حیاتی دكل ، سزه اقتدا ایده جكلكرك ، حركتكیزی تحسین ایده جك بتون احرار ملتك ، جمعیتك ، منفعتی دوشندیكزمی ؟ بو حركت حكومه قارشو اعلان حرب دیمكدر . باقلم جمعیت سزه معاونته ، مظاهرته مقتدر اوله بیله جك بر حالدده میدر ! بز وضعیت عمومیه یی بالاطراف و احاطه لی بر نظره كوره میز . هر حالده استشاره ایدلم . فقط مرقومی قاجیرمق صورتیه وقوع بوله جق مقاومت هر وجهله مظهر مظاهرت و مدافعه اوله بیلیر . جمعیتك مناسترده وظیفه و صلاحیتدار اولان اعضای موظفه سی ده عینی رأیی ، عینی فكری درمیان ایتدیلر . ناموس ملت بوضورتله سورملك ایستیلان لكه لره ، بو بایده ارتكاب اولنان كوتولككره قارشی افراد جمعیتك ، افراد اسلامیه نك ارتق تحملی اوله مازدی . قوته كوكنه رك بتون بو فوالقره چاره ساز اولوق جمعیتك منفعتی ، حیثیتی اقتضاسندن ایدی . بو معلوماته علی الاستعجال رسنه یه

عودت ایتدم . ذاتا اولجه مرقومك اعزامی امرینه قارشی برای تعقیب مفرزه رفاقیله قراده بولندیغنی جواباً یازمش ایدم . رسنه یه معاودتی متعاقب مرقومی کتیرتدم . حقیقت حالی ایضاح ایتدم . عثمانلیق ، مسلمانلق نامنه ویردیکم سوزی یرینه کتیرمك ایچون کندیسینی خانه سنه آماناً تسلیم ایتمك صورتیله فرارینی تسهیل ایده جگمی سویلدم .

سلاحنی ، جبخانه سنی کندیسینه و کندیسینه ده افراد جمعیتدن محلف برمفرزه یه ترفیقاً مناستر مرکز قوماندانلغنه کوندردم . تعلیمات متخذه دائره سننده قانون دائره سنندن قاجیرتدیریلوب خانه سنه کوندردم . رسنه بلغار قومیته سنجه اوقدر حائز اهمیت برشخص اولدیغنی ایچون حکومت وعد ایلدیکی وجهله استیمانی قبول وعفو عالی یه مظهریتی تأمین ایلدی . متره نك جلاد ساطورندن تخلیصی ماده سی بر اهمیت عظیمه احراز ایلدی . بو موفقیت ، دنی حکومت و اوسایه ده نفوذ سیاسیسی تأمین موفقیتیه نشئیاب غرور اولان بلغار قومیته سنه قارشی بیوک برضربه ایدی . هراپیکسی ده آکلامش ایدی . فقط ماهرانه برسیاست قارشوسنده ایکسندن اولکیسی ردای دنائی ، دیکری ورای ضعف سیاستی التنده تیره یوردی . هله بلغارلر نیاتمدن ، تصوراتمدن بسبتون بی خبر اولدقلری ایچون ناموس ، حیت و وطن و ملت خدمت مسئله لرنده نه قدر ثباتکار اولدیغنی بیلورلردی . ذاتا مسلمانلرک محوینی انتاج ایدن بو آلاق پولتیقه یه نه قدر متعرض اولدیغنی کندیلرینه اکلامش ، شریعتک ، اسلاملغک ، عثمانلغک شاننه یاقیشمیان آلاقلغه نهایت ویرمك اوزره بتون افراد مسلمنه نك اتحاد ایتمکده اولدیغنی واردونك بوندن صکره قوای فاسده حکومت دکل ، جمعیه ، اتحاد ، وطنه صادق اوله جغنی ایضاح ایله جمعیتک قوتی ، وجودینی احساس وافهام ایلش ایدم .

پك عالیجنابانه وفداکارانه اولان بو حرکت بلغار افکارینی دوشوندیرمش ، صحیحاً وطنپرور اولان وجدانلرینی آلت اوست ایتش ایدی . قومیته لرینک قوتی قیرمق ، منسوبینی طومق ، سلاحلرینی الملق صورتیله درت سنه دنبرو منفعتلری خلافتده سبق ایدن خدمتلمدن طولایی بندن پك زیاده متضرر اولدقلرینه رغماً متره نك علیهلرنده ایتش اولدیغنی اهانت و خدمته مکافات اولمقدن بشقه برماهیتی حائز اولمیان بوعلو جناب کندیلرینی عمیقاً متحسس ایلش ایدی . بلغار ناحیه لرنده فرق اولسان ملاحظه ، دور اندیشانه تصورات مقدسه مک تسهیل تطبیقنه خادم الملق استعدادینی کوستریوردی . بو موفقیت نیم ایچون ، جمعیت ایچون برمژده بشارت حکمنه کچمش ایدی . بوتأثیر وتأثردن استفاده ده قوت فرصت ایتدم . ترك ، ارناوود ، بلغار ، روم ، اولاح ، صرب جمله مزك بر وطن

قرداشی اولدیغمز ایچون مساوات مطلقه یی کافل اوله جق عدالتی هدف ایده رک چالیشمق لغمز لزومنی اکلاتدم .

بک قلبی وصیمی اولان بو خطاب بر خطاب سهای تأثیرینی حائز ایدی . فقط نافله ؛ بریده حکومتک شیطانلره رحمت او قوده جق افسادات و اغفالاتی او تأثیرنی اساسندن محو ایدیوردی . حکومت ؛ متره نک دلائله نفس رسنه دن و توابی قریه لرندن سلاحی ، بومبایی ، اوراق مضره سی و سائر دلائل جرمی ایله دردست ایدیلوب حکومه تسلیم ایدیلان یوزلرجه اشخاصدن ، یالکز کویولوردن یکر میسنی محکوم ایتش ، قصبه ارباب فسادیه کویلودن حائر نفوذ اولانلرینی محکمه فوق العاده معرفتیه برائت ایتدیره رک براقش ایدی . حکومتک عجزینی کورن قومیه ییللردن بری ایتدیک فدا کارلغک ثمره سی ادراک ایتک امیدینه قوت ورن بوقرار ضعف آلود قارشوسنده سیرجی طوره مازدی . حکومتی قوتلرینی بری تعقیب ایتکی برامل ، بک مقدس برامل ایدمش ایدی . طبق سابق حکومتک یونان مظفریتیه بکزه ین بورذیلانه رجعتی کورمک بزم ایچون ناقابل مقاومت برامل ، بر ضربه ایدی .

مناسرتده ، سلا نیکده یاییلان جراد منتشره نک سوء تأثیراتی شایعه سی رسنه ده کی اخوان جمعیتی غریق یأس و آلام ایتش ایدی . وجود جمعیتی مضطرب ایدن بومیقرو بلرک ، عروق جمعیتی افساد ایدن بوچیسانلرک ازاله سی لزومنده اتفاق ایدن آرا ، فدا کارلقدن ، فدا کارانک وجودندن امین اولان افکار ، قوای فاسده نک شو تعرضاتنه قارشی بی صبر و بی آرام اولیوردی . بونلرک احمای وجودی ایله آسایش جمعیتک تأمین خصوصنده رسنه دن بر معاونته احتیاج اولوب اولمادیغنی صورمش ایدم . جواباً رسنه وجواری قرای اسلامیه سنک بر نقطه استناد اوله بیله جکینی یازدیلر . مراکز جمعیت یکدیگری نه مربوط بولمق نظام اقتضاسندن اولوب حوالی اسلامیه ده شهر ، قصبه ، کوی تشکیلاتی ختام بولمق اوزره ایدی . بونلر اعضای وجود کی یکدیگری نه مربوط ایدی . فقط حکومتک قوای فاسده سنه جولانگاه اولان قصبه لرده نفوس و قوتی مساعد اولیان قراده فدا کارانک حمایه و محافظه سی مشکل اولدینی کی آرتق اهالی خرسینیانه یی علناً اتحاد دعوت ایتک ، مقصد مقدسدن خبردار ایتک وقتی حلول ایتش ایدی . بونک ایچون مأموریت رسمیه یی ، عنوان حکومتی حائز اولان بزم کی ضابطلر ایله تلقیناتک بر تأثیر و اهمیت اوله مازدی . هر حالده افراد جمعیت ، طرف طرف ترک خدمتله چته لر تشکیل ایتک ، طاغله چکلمک ، قرایی کز مک ، فعلاً عدالت کوسترمک خصوصنده کی مکلفیتلری

در عهده ایده جک زمان حلول ایش ایدی . حسن نیتی ، مقصد مقدسی قبول ایتدیرمک ایچون بوندن بشقه طریق اسلم دوشونیه مزدی . فدا کارلره بوندن دهامین بر آغوش حساست وحیت ، حکومتی تدهیش وتهدید ایچون بوندن دهامکمل بر سلاح سطوت وشدت کوستریله مزدی .

امل علوییه نائل اولمق ایچون بلا استثنا بتون افراد جمعیت عین حس ایله متحسس ایدی . یاناموس ، یا اولوم ! ناموس وطنی مدافعه یولنده اولمکی بر شرف عظیم بیلن افراد جمعیت ، بتون وجود ملت حرکت ایچون تک بر اشارته منتظر ایدی . یالکزر بر تشبث ابتدائی بکلیوردی . آرتق کندینی حقیقی عثمانلی بیلن هیج بر فرد ارنאוودلرک ، بلغارلرک ، روملرک ، صربلرک ، اولاحلرک آمال عندییه و مطالب فردیه قومیه لرینی تأمین یولنده ترکلرک محضا وقت مرهونی بکلمک یوللو کوستردکلری عطا لئک ، عادلانه ومدبرانه اولان کیزلی حرکتلرینک ، صبرکار متانتلرینک سیبیت ویردیکی بوتعرضات ناموششکنانه یه سکوت ایله مقابله ایده مزدی . آرتق قوتی ، صبرک فضیلتی اظهار ایتمک لازم کلش ایدی . بو آردلق زمان وقوعی ایله پروغرامی قرار کیر اولان روال ملاقاتندن وطن ایچون حصولی ملحوظ ومحقق اولان تهلکه یی بر طرف ایتمک ایچون جمعیت اوروپایه قارشى داخلده موجودیت وحسن نیتی کوسترمکه مجبور اولش ، شو بیاننامه یی ما کدونیا نلک مواقع مختلفه سنده کی قونسولسلر واسطه سیله دول معظمه یه تقدیم ایتش ایدی .



عثمانلی ترقی واتحاد جمعیتی طرفندن دول معظمه وکیللرینه

داخلدن تقدیم اولنان لایحه نلک ترجمه سیدر :

افقدم !

وطنمزک بر قسم مهمی اولان ما کدونیا نلک دوچار اولدینی حال ، آنک اصلاحی وتحکیم واستقبالی ترکیا دینیلن بو مجموعه وطنلک اولادی اولان بزلری سطور آتییه یی کمال حرمتله حضور عالیارینه عرضه مجبور قیلمشدر . بوتشبی اجراده یکانه سائقمز اوزرنده طوغدیغمز طوبراغه اولان عشقمز ، عشق طییعیمز ، آنک رفاه وسعادتنه ال برلکیله چالشمق وظیفه سی و برده آوروپانک بزی آز و فنا بیلمکده اولدیغنه حاصل

ایتدیکمز قساعتدر. ما کدونیا مسئلهسی حقنده دها طوغریسی ما کدونیاك مضطرب اولدینی مرض حقنده حقیقی اظهار ایتك، بزی طریق مستقیمه ایصال ایده بیلجك اولان چاره حقیقی کوسترمك و بناء علیه آروپا دولتلرینی ده برطاقم بی لزوم و خطا آلود مزاحم و مساعیدن قورقارمق، ایشته بوورقه ایله تعقیب ایتدیکمز مقاصد بونلردن عبارتدر. بوکون سیرجی اولدیغمز منظره پك غریبدر. شمدی به قدر بوبابده چاره کوسترنلر هپ، بیوک بر لطفکارلق طاقینان اجنیلردر که کوستردیکی چاره لر هپ بر بزدن زیاده غیر قابل تطبیق شیلردر. احوالده مملکتلرینی و آنك مرضلرینی مسئله ده منفعتدار اولان اجنیلردن زیاده و دها ای بیلن عثمانیلرک کندی سوزلرینی سولیکه حقاری یوقیدر؟ ذات عالیلردن وقوعاتك حقیقت بدیههسی اوزرینه مؤسس اولان شو سوزلری عرض ایتمک کمزه مساعده استرحام ایدرز.

آروپانك ما کدونیا ده کی مساعی اصلاحکارانهسی هیچ بر نتیجه منجر اولدی. و هیچ بر صورتله احوالی تعدیل ایده مدی. حتی دها بدتر اولدی. اغتشاشات چوغالیدی. ما کدونیا معماسی برقات دها اشکال ایدلیدی. مملکتك هر طرفده عمومی بر قاریشیقلق حکمفرمادر.

آروپا ایچون بی لزوم و عثمانیلر ایچون مضر اولان درت سنه تجربه دنصکره بالذات دول معظمه دخی شمدی به قدر اتحاد ایتدیکلری تدابیرک تأثیر سزلکنی قبول، اصلاحاتك ما کدونیا ده هیچ بر اضطرابی تخفیف ایتدیکنی تمامیه اعتراف ایتدیلر. حالبوکه بو حقیقت قارشوسنده آروپا شرفیله ایشدن چکیلوب مشکلاتی تزیدیدن بشقه بر شینه یارامیان هر درلو مداخله دن فراغت ایده جك یرده مع التأسف کوربیورز که ما کدونیا بی بالآخره دها زیاده مصائب و بلا یابه کرفتار ایده جك اولان بر تجربه کاهه چویرمک ایستبور. اوت، المناك بر حیرتله خبر آلدق که انکلتزه خارجیه ناظری (سیرادوار غرهی) ما کدونیا ده نأثره اختلالك اطفاسی اورایه مستقل بروالی تعیینله ممکن اوله جفی حقنده بر فکر درمیان ایتمش و اوندن صوکرده ده (پترسبورغ) قاینهسی ما کدونیا مسئله سنك بین الملل بر قفتیش اداره تأسیسیله حل ایده یله جکنی دوشونیورمش.

صوک درجه ده قطعی و امین بر صورتده شمیدن دیه بیلیرز که بواکی درلو تدبیرک نه بری، نه دیکری و حتی هر ایکسی بردن ما کدونیاك عثمانیللق مجموعه سندن بستیون آیرلسنی انتاج ایده جکی ایچون اسلام و خرستان بالعموم و طنداشلرک اتحادیله و طنلرینی مداخلات اجنیه دن وقایه ایتمکله برابر حریت شخصیه و سیاسیه لرینی حکومت حاضره

یدندن استردادہ قرار ویرمش و بو مقصدله اداره حاضرہ نك وسائط استبدادیہ سندن مستفید اولان امرانك استناسیله (عثمانی ترقی و اتحاد جمعیتی) نامی آلتندہ اتحاد و اتفاق ایتمش اولان بتون افراد ملتجه شایان قبول دکلدر .

بز مملکتتمزك انقراض عمومیسنی انتاج ایدہ جك اولان بو کبی تشبثاته قارشو حقوق ملیہ مزك مدافعه سنه قطعاً عزم ایتمش اولدیقمز جهتله بو اوغورده بتون وسائطی استعمال ایدہ جکمزى وعدالت و مدینته اصلا قابل تألیف اولیان بر صورتده بازیجه اجانب اولسنی آرتق قبول ایتیه جکمزى ذات عالیرینه عرض ایدرز . شوراسنده اعتماد بیورلسنی رجا ایدرزکه بویساناتمزدہ ذره قدر بر تعصب دینی ، ملی موجود دکلدر . سائق حرکتمز ، مملکتتمزك سوکیلی اوچ ولایتی بر خراب آباده یاخود راست کلنك بی پروا تزئیف ایدہ بیله جکی بر ایالتہ دوندیره جك اولان هر بر تشبثی منع ایچون همیزده مزجود اولان برحس صیانت و مدافعه دن عبارتدر .

بزہ دینیورکه : اوروپانك اصلاحاتدن مقصدی ماکدونیانك سعادتتی تأمینہ معطوفدر . بزده جواباً دیرزکه : آوروپا بونجه مساعیسنه رغماً شمدی یه قدر مقصدینه موفق اوله مامشدر و بوندن صوکرده بر نتیجه استحصال ایدہ میه جکدر . بونكده بر چوق اسبابی واردرکه اك برنجیسی و بزجه اك مهمی شودر .

زیرا اوروپا بر خیاله وجود ویرمکه چالیشیور . فی الحقیقه آوروپانك غایه مقصدی اورتیه کویا برنوع ماکدونیا حکومتی یاخود ماکدونیا ایالت ممتازہ سی احداث ایتمکدرکه بونلرک ایکسیده بر بزدن فرقسز و تهله لیدر . حالبوکه بللی باشلی بر ماکدونیا حکومتی بوندن ایک بیك سنه بی متجاوز بر زماندن بری محو اولمش و اسکی ماکدونیا لیلرک بوکون بر اثری بیله قالماشدر . ماکدونیانك ماضیسندن بوکون اسمندن بشقه برشی یوقدر . ماکدونیا بر خاطرۀ تاریخیه دن بشقه برشی دکلدر . ماکدونیا لیلر موجود اولدینی کبی ماکدونیا دخی یوقدر . ماکدونیا الیوم عثمانی ایمپراطورلنك اجزاسندن بریدر . و اوندن تقریق ایدیلہ مز . حیاتی انحق او ایمپراطورلنك حیاتیله قائمدر . و عاتقده صوڪ نفسه کلیرسه ینه اونکله برابردر . آوروپانك اویدورمه بر ماکدونیا تشکیل ایتدیکی اوچ روم ایلی ولایتک طالعی سائر یکر می یدی ولایتک طالعه مر بوط اولوب هپسی بردن عثمانی حکومتی تشکیل ایدر . یاپیله حق بشقه بر تقسیم یوقدر .

مادامکه اوروپا ماضی ی احیا ایتمکده بوقدر غیرت کوسترییور ، نهدن طولای

مثلاً پولونیا حکومته اعاده حیات ایتمور؟ پولونیا هنوز یقین زمانلره قدر موجود ایدی و اراضیسی ده الیوم عینی پولونیا لیلر طرفدن مسکوندر .

اوت ، نه سیدندرکه اوروپا حقیقت محضه اولان بووامثالی شیلری وفعلاً و حقیقهٔ موجود اولان برچوق عدالتسزلکلری ترك ایدیور ، بیلمز کورینیورده خیال آرقه سندن قوشور .

ایکنجی برنقطة نظردن دها دوشونه لم : او قود قلمزه واستخبارآمزه نظر آ اوروپانك ما کدونیا ده کی مداخله سی بر مجبوریت آلتیه کیرمش ، چونکه بومملکتده بیچاره خرسیانلر (!؟) پک بدبخت و ظلم واعتسافه و قتل عامه معروض ایمشلر ! و بناءً علیه ، یوقدر عالی بر فکر انسانیتپروری ایله متحسس اولان آوروپانك نظرنده ؛ کویا بتون جهانده ما کدونیا خرسیانلری قدر بدبخت و مرحمته لایق آدملر یوق ایمش . دنیانك سائر بتون یرلرنده هرشی راحت ، هرکس مسعود و مسترئج ایمش . مثلاً روسیه لیلر سعاده مستغرق ایمشلر ! بونقطه دن نتایج آتیه یی استخراجه مساعده رجا ایدرز .

آوروپانك ما کدونیا یه طوغربدن طوغریه واجیقندن اچیه مداخله سی مناسترو لایقی بلغارلرنك قسماً و اهمیتسزجه بر عصیانلری حقنده (صوفیه) قومیتلری طرفدن ایدیلن اعلاندن صوکره وقوعه کلدی . اوروپا بونکله کوسترمك ایستدی که کندیمی اغتشاشی تصویب ایدیور و متجاسرلرینه معاونت و مظاهرته حاضر در . بناءً علیه اگر بلغارلر راحت طورسه ایدیلر ، سلاحه صارلسه ایدیلر ، مسلمان کوی و چقتلکلرینی یاقوب کول ایتسه ایدیلر ، یوللرینه چیقان کندی حائنده مسلمانلری اولدیرمه ایدیلر اوروپا اصلاً مداخله یه لزوم کورمیه چك و بوکونه قدر مذاکرات پروغراملرنده پک آز بر مهارتله ادامه ایدیلن ما کدونیا مسئله سی ده قورجالاتیمه جقدی . صوکرده کورملی که اوروپا وکلا و سیاسیونك هر بری اشغال ایتدکلری مناصب عالیده صلح وصلاح عالمك برر ناغلی اولیورلر . بو مسئله ده غریب بر تضاد وار ایسه ده بزدها زیاده اشتغال ایتك ایستیمیز .

ما کدونیا یه تعلق ایدن تداییرك کافه سی اولو طوغمش چوچق مثابه سنده ، بناءً علیه تمامیه غیر متمر در . چونکه اوروپا ما کدونیا نك مرضی بیلمیور . یاخود بیلمك ایستمیور . ظواهر احوالی حقیقت ظن ایدیور . یاکلاش مقدماتدن باشلا یه رق اونلردن ده یاکلاش نتیجه لره واریبور . ظن ایدیور که ما کدونیا ده ایکی طرف خلق وار : بر طرفده مسلمانلر ، یعنی جلادلر و بر طرفده خرسیانلر (بالخاصه بلغارلر) یعنی

بیکنه مظلوملر . بوذهابدن طولای خریستانلری ، یعنی بلغارلری مسلمانلرک کویا وحشت و تعصباندن وقایه ایچون تداییر اتخاذایدرک ماکدونیا یه چاره ساز اولیورم صانیور .

هان سویلیهلمک : اروپا فاحش برخطایه دوشیور . مداخلات اصلاحیه (؟ !) - سندنبری کچن سنه لر ظرفنده خریستانلر بربرلرینی بوغازلادقلری حالده نفوس عمومیه نک یوزده یکرمی بش بلغاره قارشو یوزده الی بشنی تشکیل ایله حائر اکثریت اولان مسلمانلر اروپای پک فنا تکذیب ایتشلردر . حال بویله ایکن اروپا یینه خطاسنده ، یعنی اصلاحاتنده اصرار و ماکدونیا ناک حقیقه مضطرب اولدینی مرضی بیلمامکده عناد ایدیور .

بناءً علیه بی طرف و سلیم هر عقله کوره ماکدونیا ایچون سویلنهجک ایکی حقیقت باهره واردر : اولاً ماکدونیا ده اوریاه مخصوص بر فئالق و بوندن متولد بر مسئله یوقدر . ثانیاً ماکدونیا ده مسلمان تعصبی موجود دکلدردر . بزهرکسدن اول تکذیب ایدرزکه ماکدونیا اهاالیسنک خاللری پک مسعودانه دکلدردر . بویاده اروپا ایله تماماً هم فکرز . یالکز او فئالغک منشأ نی تعینده تخالف ایدیورز که بو حالک نتیجه طبیعی اوله رق او فئالغه قارشو استعمال ایدیهجک و سائلطه ده مخالفت حاصل اولیور . دیمک اولورکه ماکدونیا ده کی فئالقلرک باشلیجه سبی ماکدونیا ناک کندیسند دکلدردر . او سبی برآزدها اوزاقده آراملیدر . یالکز ماکدونیا ناک دکل ، عثمانلی حکومتی تشکیل ایدن بالجه ولایاتک فئالقرینه سبب یکانه اصول حکومت حاضره نک استبداد ظالمانه سندن عبارتدر . اورته لنی بو حاله کترین ، بودرجه تحملقرسا قیلان شی ملکی و سیاسی حریت عثمانیه نک فقدان قطعیسیدر . عین اسباب هر یرده عین نتایجی توایه ایدر .

آنا طولی بی ، عربستانی ، یاخود طرابلس غربی مضطرب ایدن عینی مرض ماکدونیا یه ده مسئولیدر . ترک ، عرب ، آرناوود ، چرکس ، کرد ، ارمنی ، اولاح ، یهودی ، صرب ، روم و بلغارلردن مرکب اولوب عثمانلی نامیله بحق یاد ایتدی کمز نه قدر اقوام وار ایسه کافه سی عینی مشقتی چکیورلر . عینی بویوندرو قده ایکلیورلر . مذهب و ملت فرقی نه کیسه نک اضطراباتی تهوین ، نه ده بویوندروغی تخفیف ایدیور . نه ماکدونیا و نه ده سائر عثمانلی ولایتده ممتاز و مظلوم اوله رق ایکی چشید خلق یوقدر . بلا استثنا همیز مظلومیتده مشترکز . عین استبداد همیزی ده ازیور .

اگر ماکدونیاك حالى اروپايي بودرجه انديشناك ايدىيورسه وحقيقه اوروبا ماکدو-
نياليلى بختيار قيلمق آرزو ايدىيورسه ياييله جق شى ميدانده در . ايچلارنده ماکدو-
نياده ساكن بولسانلرده داخل اولق اوزره بالعموم عثمانلى اقوامنى بختيار ايدىجك
وجهله استبداد حاضرى ييقمق ، حريره ، ايدىنلغه چيقمق ايچون بزه بالتاثير ياردم
ايدىكز . يوقسه ميدانده يالكز ماکدونيا تاميله باشلى باشنه بر فالق كورمكدن عبارت
اولان نقطه نظريكزى بز هيچ بر وقت و هيچ بر شى مقابلنده قبول ايدىمىز . سرك
بيلىككز كى بر ماکدونيا مسئلهسى موجود دكلدر . موجود اولان شى تركيا مرض
داخلىسندن عبارتدر كه اوده بو طور اڭك اولادلىنك غيرت مشتركلىله ايركچ ازاله
ايدىله جكلدر .

خرستيانلر عليه واقع اولدىنى ادا اولتان مسلمان تعصبى هر درلو اساسدن معرى
برارجوفدن عبارتدر . كرك ولايات سائرتهك و كرك ماکدونياك مسلمانلرى
خرستيانلره ، يعنى عين وطنك اولادى ، عين ظلمك اسيرى اولان قارداشلىرى عليه
نتيجه سز بر نزاع آچهرق استعمال قوت ايتكده زيان چكه جكلرىنى بيلميه جك قدر
عقلسز دكلدرلر . مسلمانلر بشقه لسان ايله متكلم و بشقه دين ايله متدين اولان
وطنداشلىله عقد ايدىجكلرى متين و صميمى بر اتحادك وطنك قوت و سلامتى كافل
اولان وسايطدن برى اولدىغى يك اعلا فهم وادراك ايدرلر . مسلمان ، خريستيان همىزك
توقى ايدىجكمز مهالك بو اولدىغى كى همىزك مدافعه ايدىجكمز منافعده بر در .
بناء عليه ماکدونيايى بلغارستان ، صربستان و يونانستانه الحاق ايتك امل مخصوصيله
حركت ايدن بر طاقم بلغار ، صرب وروم اختلاجليلىنك بوراده اكمك ايتىدكلىرى و قسما ده
موفقى اولدقلىرى تخم فسادك نشوونماسه خدمت اولتامليدر .

بو قدر فنا و بو قدر آز بيلين مسلمانلر ماکدونيايه يكي كلش آدمى دكلدرلر . تاريخ
بزه كوستريوركه تركردن متشكل متعدد قبائل ماکدونيايه بوراسنى سلطانرك فتحندن
چوق زمان اول كلوب يرلشمشدر . احوالده ماکدونيايه مسلمانلركده خيلى قديم حقوق
تاريخىلرى واردر . بواسى مسلمانلر ايله صوكره دن كلنلر وبالاخره دين اسلامى قبول
ايدن يرلىلر بونجه عصرلر خريستيانلرله بر آرده يشايدلر و بو اوزون معيشت مشتركدن
هرايكى طرفده يك مهم مقارنلر حصوله كلىدى . اسلام و خريستيان متقابلاً بر بيرنه ظهير
اولديلر . ياردم ايتديلر .

مسلمانلر آخرك دين و مليته حرمت ايتككه مشهور و بلكده بو بابده جهانده يكتا

درلر. خرستیان کلیسایی تأسیسه یاردم ایتمش مسلمانلر واردر. ملیت و لسانلرینی جبراً آخره قبول ایتدیرن مسلمان یوقدر.

مفهوم عالیلری اولیورکه ما کدونیاده بربرینی قتل عام ایتمکه یمین ایتمش ایکی عنصر مختلف اولمدینی کبی مسلمان تعصب دینسی نامیله بر تعصب دخی یوقدر. عجیباً یوقدر اهمیتله بحث ایدیلن او تعصب نهدن عبارتدر؟ بوراده اوروپانک فعالیت مصلحانهسی باشلایهلی درت سنه کمله اولدی. بو مدت ظرفنده مسلمان تعصبنک غلیاننه دائر برتک مثال کورلمشیدر؟ مسلمانلر طرفندن ایقاع اولنان جنایات قاچه بالغ اوله بیلور؟ اونلرک چتهلری؟ تهروریست فوچتهلری نره ده در؟ ما کدونیاده محاربه داخلیه کیم سبب اولدی؟ فقط مزایای جنکاورانهلری مثل سائر اولان مسلمانلرک عاقبت کندیلرینک بودرجه حسابه قائلما لرینه آرتق تحمل ایده ماملری وکندی محو وهلا کلمی حاضرلانیکن بلا تأثر سیرجی قالماملری پک طبیعی و بلکه ده پک یقیندر. مسلمانلر ما کدونیاده اهانلنک قسم اعظمی تشکیل ایدرلر. اک بیطرفانه ایستاستیکلر کوستررکه ما کدونیاده اهانلنک یوزده اللی شی مسلماندر. بویله ایکن کندیلرینی هیچ دوشونن اولمدینی کبی (ذاتاً بونی آرزوده ایتمز لریا) بالعکس اوروپانک اولانجه مداخلاتی، اولانجه اصلاحاتی اونلر علیه توجیه اولنیور. اصلاحات دینیلن شی، آسایش عمومی بی اخلال ودول معظمه نک ما کدونیا امورینه دهاً طوغریدن طوغریه مداخله لرینی تسهیل ایتدکلرندن طولانی بلغارلره اوروپانک مضر بره دیه سیدر. حال بوکه عینی ایستامستیکلره نظراً ما کدونیاده بلغارلرک مقداری یوزده یکریمی بشدن عبارت قالیور.

بو حساب قارشوسنده سزدن شونی صورارزکه اهانلنک اقلیتی کوزده طوته رق اکثریتی پامال استحقار ایتک عدالته، حقانیت، انسانیتیه صیغارمی؟ برملکتنده تأمین آسایش، استقبالنک تحکیمی ومختلف ملتلر آره سنده اتحاد حصوله کتیرمک بوقیل اصوللرله می اولور؟

بو حاله رغماً مسلمانلر شمدییه قدر عادتاً اینانلر درجه ده بر صبر وتحمل کوستردیلر. فقط آرتق عین وضعیتده طوره مایه جقلر و یکیدن وقوع بوله جق بر عبدالتمزلک قارشوسنده کندیلرله هم فکر اولان خرستیانلرله متحداً برتک آدم قانجهیه قدر وطنلرینی تخلیص ایچون چالیشه جقلردر.

آوروپانک اصلاحات دییه ادا ایتدیکی شیلرله ما کدونیاده احوالی بسبتون قاریشدر. مقدن بشقه برشیئه موفق اوله مامسنه براوچنهی سببده شودر: زیرا آوروپا دولتلری ایچنده

برطانیای و اردر که ماکدونیا ده صلح و مسالمت حکمفرما اولسنی عن صمیم آرزو
ایتمزلر. بو حکومتلرک منفعتدارانه اولان مقصدلری ماکدونیا ده برشورش و اختلال
دوام ایتمسینی اقتضا ایدر. کرک ماکدونیا و کرک سائر ولایاتی زیر وزیر ایدن اغتشاشات
ماضیه و حالیه نك قسم اعظمی بوقیل حکومتلر طرفدن اجرا ایدیلن تأثیرات و تلقینات
خارجیه دن تولد ایتمشدر. بوسوزمزلر حقیقتی تبیین ایچون برقاچ مثال ایرادی ممکن
ایسه ده حسب التزاکه بوندن صرف نظر اولندی.

آوروپانک بزم حق مزده کی مساعیسنده صمیمیت بولنش اولایدی ترکیایه تعلق ایدن
ایشلرک کافه سنده روسیه یی ممکن اولدیی قدر اوزاق طوموسی ایجاب ایدردی. زیرا
روسیه حکومتی یالکمز ماکدونیا نك دکل، باشند باشه بتون شرقک موجودیتی ایچون
اک مهلك بر حکومتدر. سراپا ایسلاویست اولان روسیه کنديسنی کویا بروطفه تاریخیه
ایفاسیله مکلف عد ایتمکده درکه اووظیفه نك ماهیتی ده شرقی استیلا، استانبولی ضبط
وبالقان شبه جزیره سنی براسلاو یعنی روس ایالتی حالته وضع ایتمکدن عبارتدر.

تاریخ بوکا اک جلی برشاهد عادلدر. تاریخ بزه اک واضح بر صورتده اثبات
ایتمکده درکه چار بیوک پتروندن تازمانمز قدر ییچاره شرقی پارالامش اولان نه قدر
محاربه، نه قدر اغتشاش، نه قدر اختلال واریسه کافه سی پترسبورغده قورولش اولان
بلانلرک، نه تریقه لرک نتیجه سیدر. بالقان شبه جزیره سی شهر و قصبانده برطاقم حریفلرک
اوزرلری تصاویر مقدسه ایله یوکلای اولدیی حالده طولاشوب سوقاق کوشه لرینه برر
خاچ اشارتی یایمغه باشلادقلری کورولدی، هرکس درحال آکلاردی که مملکتده روس
آجنتلری کلش و یقینه بیوک برفورطنه قویه جق.

بناء علیه عصر لردنبری چکدیکمز فنالقلرک کافه سنی منحصرأ روسیه نك توسیع
ممالک پولتیقه سی یوزندن چکدک. روسیه نك حال حاضر پولتیقه سنده دخی بزه تعلق ایدن
ایشلرده اصلا بزه رعایت اثری کورمیورز. حالا جلی دین واورتودو قسقل ماسکه سی
آلتنده روسلر بزم ایچون پک مخاطره لی برطاقم آمال خود کامانه بسلمکده و تمصب دینی
تحریک ایدرک ملل مختلفه یی بری بری اوزرینه هجوم ایتدیرمکدن و شورش و اختلال افکاری
الغایدرک محاربه داخلیه اوپاندرمقدن عبارت اولان عین طریق سیاسیدن ذره قدر
انحراف ایتمکده درلر. روسیه نك بوراده کی سیویل مأمورلری، قونسولوسلری، جاهل
ژاندارمه ضابطلری هب برر اغتشاش اوجانی، آچیقندن آچیغه خرسیتیانلری، دینداشلری
علینه و وطنداشلری اولان مسلمانلر علیه برر دین محاربه سنه سوق ایتدیرن برر

آخته در. ما کدونیا اصلاحاتی تعیر اولنان بونجیع نتیجه لی قوم دیاده مؤلم وحیرت افزا
برجهت وار ایسه اوده آوروپانک کوستردیکی تجاھل وتاریخی نسیاندر. آوروپا تخطر
ایتمک ایسته میورکه کنیدیسی ده ا یارم عصر اول توسیع ممالک پولتیقه سنی تطبیقه وقت
کلمش ظن ایدن روسلره قارشى بالذات ترکرله یان یانه حرب ایتدی. او حالده شمیدی
نیچون روسلرک آمانه خدمت ایدیور. آوروپانک هر درلو اصلاحات تشبثده عدم
موفیقی انتاج ایدن بر درنجی سبیده شودر:

آوروپا ما کدونیا اغتشاشات حاضره سنک سبیلری اساسندن ازاله ایتمک ایچون
تدابیر قطعیه اتخاذ ایتمک ایسته میور. آوروپالی دولتلر تمامیه قانعدرلرکه احوال مؤسسه
حاضرده مسلمانلرک هیچ بر دخلی یوقدر. واولانجه اختلالات ترکیایه هم حدود اولان
مملکتلرده یعنی بلغارستانده، یونانستانده و صربستانده احضار وتشکیل اولونیور.
اختلافی دینلار: چترلرک بومملکتلردن چیقدیغه اورالده تنظیم وتسلیح ایدایکینه وانجی
صوفیه واتنه وبلغراددن کلن اوامر وتعلیمات دائره سنده حرکت ایتدکرینه دائر آوروپانک
پک چوق دلائلی وار. آوروپا پک اعلا بیلیرکه ما کدونیا لی دینلن بو چترلر حکومت
عثمانیه ایله هم حدود اولان مملکتلرده استناده ملجأ ومالزمه بوله میه حق اولسلر
ما کدونیا ده طورمازلر و پک چابوق غائب اولورلر. آوروپا ده بونلری بیلدیکی حالده ینه
صوفیه آتته وبلغراد قایینه لرینه حسیات آمیز نوطه لر تبلیغ ایتمکدن وما کدونیا ده ده
افراط غیرت کوسترمکدن فارغ اولمیور. اوما کیدونیا ده که بودرجه بی سکون و بی انصاف
حکومتلره متجاوز اولمقدن بشقه خطاسی یوقدر. آوروپا ما کدونیا ده آرتق چترلرک
بولونمسنی جدا آرزو ایتمیورسه بلغار، صرب و یونانلیری بوندن منع ایتسون. آزان سیویل،
قونطرولور و ژاندارمه ضابطلری ایچون بوراسی غایت واسع بر ساحه اشتغالدر. بونلرک
سلایکده یاخود ترکیانک دیگر بر محالده بولمقدن ایسه آتته، بلغراد، و صوفیه
مأمور ایدملری اولی بالطریق ایدی. آوروپانک ما کدونیا ده شمیدیکی وکله جک بالمله
اصلاحات تشبثانده بونجه مساعیسنه رغماً قطعی بر عدم موفقیته محکوم بولوندیغک
اسبانی ایضاح ایتدکدن صوکره شمیدییه قدس استحصال اولنان نتایجی وبونک ده نتایج
منطقیه سنی ارائه وما کدونیا مسئله سنک حقیقی واک عادلانه بر صورتده طریق حل
وتسویه سنی ده تعیین ایتمک کمزره مساعدت علیه لرینی رجا ایدرز.

نتایج مستحصله دن باشلایه لم: یوقارودن بری عرض وایضاح اولنان اسبابدن ووقوعات
جاریه نک حقیقت بلیغ سندن اک بدیهی و قطعی بر صورتده تحقیق ایتشدرکه آوروپانک

ما کدونیا امورینه مداخله سنک نتیجه سی هیچ و مملکت ایچون مضر اولمشدر. درت سنه ک اصلاحاتدن سوکره الیوم ما کدونیا ده عمومی براغت شاش، بالجه احوال مخوفه سی ایله برحاربه داخلیه، دهشتلی برسفالت، ویک المناک بفساد اخلاق حکمفرما اولمقده در. هر هانکی بر طرفه باقلسه ادنا بر صدا، اوافق بر آیدینلق اماره سی یوقدر. احوال بالعکس هر وقتدن ده ابدتردر. خلقک اک شدید احتراصاتی تحریک ایدلدی. اختلال وخرابی صاحبلدی. مملکتک کافه قواسی قوروتولدی. اهالی طریق مستقیم و طبعی دن یعنی کندیلرینی اولاد وطنک جمله سنک یار دیميله حریت، و مساواته ایصال ایدمک اولان طریقدن انحراف ایتدیرلدی. بو آجیقلى حالک قارشوسنده استخراج ایديله جک یالکز بر نتیجه منطقیه وارد: یو بدبخت ما کدونیا ده اله هنوزای و صاغلام اوله رق هر نه قالش اینه اونى محافظه ایچون بوکبی غیر متمر اصلاحات تشبثدن فراغت ایتمک، بالتجربه مضرتی، نخوستی ثابت اولان هر بر حرکتی قطع ایتمک، والیرى سربست بر اقیله جق اولورسه بتون اولادرینک سعی و غیرتيله کندی کندینی احیایه قادر اولان بر مملکتک امور داخلیه سنه قطعاً مداخله دن وازچمک، اکر اوروپا ما کدونیا دن چکیله جک اولور و بو مسئله یی تحریرکدن واونکله اشتعالدن صرف نظر ایدرسه ما کدونیا لیر کندی آرله رنده اوزلاشه جقلر و مشکلاتی و صرف اجبیلرک نتیجه تأثیراتی اولان اختلافاتی فصل ایدرک چتله ری و تأثیرات مشثومه اخبیه یی ازاله وسائر ولایاتده کی و طنداشلرینک ال بر لکیله کندیلرینی برباد براسارت آلتنده از مکده اولان استبداد حاضری دویروب ییقمغه موفق اوله جقلردر. کرک ما کدونیا ده اولسون و کرک ممالک عثمانیه نک محال سائر سنده و لنسون عثمانیلر مذهب و جنس تفریق ایتمکسزین هپ قارداشدرلر. مملکتک منافع مشترکه علویه سی قارشوسنده نه خرسیتان وارد، نه مسلمان! عثمانلیدن بشقه برشی یوقدر. جمله سنک ده منافی، آمالی واکداری هپ مشترک و عینی در. بناء علیه هیمزک کافه مساعیمزی وقف و حصر ایتدیکمز پروغرام عثمانلی نامی آلتنده وطنک بتون اولادرینک اتحاددن عبارتدر که مقصدی ده پادشاهک ظلم و استبدادندن تخلیص کریان ایدرک حریت، ترقی و مدنیت نعمتیرینه نائل اولمقدر. یو پروغرام حقایق اموره اک زیاده توافق ایدن پروغرام اولدینی کبی ما کدونیا مسئله سنه ویريله جک صورت تسویه دخی بوندن عبارتدر. زیرا تکرار ایده لم که: ما کدونیا مسئله سی باشلی باشنه بر مسئله دکلددر. بالعکس عثمانلی اصول اداره سی مسئله سنک بر قسمیدر. بزمتاز واوروپانک مضر اولان وصایتی آلتنده اداره اولنور بر ما کدونیا ایسته میز. هرایکی صورت دخی بزم ایچون تعمیرى غیر قابل بر محو وهلا کدر.

ما کدونیاك فعلاً و حقیقه عثمانی حکومتك اجزای ممالکندن بری اولسنی ایسترز و هیچ بروقت اوندن آری صورتله تلقی ایدلسنی قبول ایتمه یز . ما کدونیا کثیف ، مظلم بر استبداد پرده سنه بورونمش برکک جزئیدر . او پرده یی اوروپا ك مداخله سنه لزوم اولقسزین بیرته جق اولان بزز . فقط آوروپا مطلقا بزه و طولایسیله عالم انسانیه بر خدمت ایتمک ایستیورسه بزه اك زیاده یارایه جق اولان خدمت : بر طرفدن ما کدونیاك کی هر درلو مداخله مصلحه سنندن فراغت ایتمک و دیگر طرفدن اداره مستبدانه ك افراطانه بر آن اول نهایت ویرلسی ایچون استانبولده تضییقات اجرا سیله ما کدونیاك هر درلو افعال جنایتکارانه ك قطعاً منع ایدلسنی تأمیناً صوفیه ، آتیه و بلغراد حکومتلری نزدنده مؤثر بر صورتده اجرای نفوذ ایلمکدن عبارتدر .

ایشته ما کدونیاك اعاده صلح و صلاح ایده ك و آوروپایی بونجه مساعی بی لزومندن قور تاره جق اولان چاره یکانه بودر . شاید اك سطحی بر تأمل ایله طوغریلنی اکلایشیلان و مملکتك منافع حقیقه سنك ایجاب ایتدیردیکی تدابیر معروضه یی قبول و اتحاد ایده ك پرده آوروپا بزم قطعاً منفعتمز خلافت اولان بعض مطالبات واسابدن ناشی کیتمکده اولدینی راه ناصوابده اصرار و ثبات کوستر و کرک ما کدونیاك بر والی عمومی تعیینی ، کرک بین الملل بر تقش عدلی و اداری تأسیسی و ما کدونیاك کی عثمانی اردوسنك تحدید مقداری و سائره کی هر درلو جدید بر تشبث صورتیه مداخله دوام ایدرسه ، احوالده ، ذات عالیرینه عرض ایدرز که آرتق صبرمز توکنمشدر . و شرفلی بر موتی سفیلانه و ذلیلانه بر حیاته ترجیح ایدرز .

فقط بواتهایه وارمغه لزوم قالمزدن اول امید ایدرز که ذات عالیری مطالباتمزك مشروعتنی لطفاً تسلیم بیررلر . و بر طوفان ظهورینی منع ایچون مهمامکن چالیشه رق شو ایکی کلمه خلاصه ایله دیکمز امیدمزی موقع فعله چیقارمق ایچون بزی تنزلاً سربست بر اقیلر :

بزز ، بزم ایچون .

بویاننامه مزی روسیه دن ماعدا بالجمله دول معظمه قاینه لرینه تقدیم ایتدیکمز کی بر نسخه سنی ده ذات عدالتسات اصیلانه لرینه تقدیم ایله کسب فخر و شرف ایلرز . فی مایس سنه ۳۲۴ ده مناسترده قونسلوسلره ویرلشدر .

عثمانی اتحاد و ترقی جمعی
مناستر مرکزی



(ق ۱۰۴) خیزران سنه ۳۲۴ رستنده خانه عاجزیده ایلک مذاکره

۱ — خواجه جمال افندی ، بلدیه رئیس . ۲ — محرم عاجز . ۳ — پولیس قومیسری طاهر افندی

قونسولسارک آشبو لایحه اوزرینه نصل بر نظر دقت عطف ایلش اولدقلری بیلیمورسه مده؛ وجودینی، افعالی، ماهیتنی بیله مدکلری جمعیتک بوقدر قوتلی اوله بیله جکئی خاطر لرینه بیله کتیر مدکلری؛ بوبابده بر کونا تشبث وحرکتده بولندقلرندن استدلال اولنه بیلور.

شو صورتله بر سورو حیادید واراذل حکومتک نام علوی اسلامیت و عثمانیت آلتنده ارتکاب ایتدکلری جنایتلری، دنائتلی ملت نامنه پروتستو ایتمش، حکومتی بر صورت مشروطه ومشروعده دیکشدرمک، عدالتی، عدالت اسلامیة قدیمه و عثمانیة اظهاری و تطبیق ایلک اوزره ملتجه تشبثات مهمه یه توسل ایدلدیکئی آوروپایه اعلان وتبلیغ ایتشدی. بتون افراد جمعیت کئی بتون افراد ملت طوفان حسیات ایچنده بولغدیغندن قیام عمومی ایچون اوفاجق بر تشبثه، جدی بر حرکت انتظار ایدیور. بر نمونه امتثال، بر حرکت ابتدائی، بر تشبث، جدی بکلوردی.

بتون احتیاج حیات ومات ایله چربنن کولکلرک روحه تعلق، تعلق ومربوطیت تامه سی وار ایدی. آرتق کندیه حکم ایتمه مجالم یتیموردی. حسیات عمومیه نک محصله سی تحت تأثیرنده زبون واسیر اولان اقتدارم، اختیارم المدن کیتمشدی.

بر هاتف غیب، کوش حیمته دائماً بر صدای مهیب وعلوی اله کمالک: « ندا کارک قالیر اذکاری دائم قلب ملته » مصرعی، بومصرع برجسته نک تضمن ایتدینی حقیقی اخطار ایدیوردی. بتون بو حسیات آرامسوز ایچنده بی قرار کچیرمش اولدیغ بر صرده روال ملاقاتی ده ظهوره کلدی. بوملاقاتده روسیه وانکلتره طرفندن ترتیب اولسان مقرراتک ملاحظه وخامق ایله اوچ کون، اوچ کیجه هیجان و خلجان ایچنده چیربندم. مماتدن بشقه بر چاره نجات کوره میوردم. نهایت بر خون کوردیکم افق سیاه استقبالمده، استقبال امتده ناکهان برضای امید، برکوشه سلامت بلورمش کوردم. اوت، نائل امل اولق امکانتی تخیل ایتمش ایدم. سلامتی فدا کارلقده، اولومده بولیور ومستغرق یأس و کدورت اولان بتون نواصی ارباب حیمته ملتک مماتنه متعلق بر حکم، بر حکم جنائی، روال ملاقاتی مقرراتک تأثیرات مدهشهنی چیزن علائسلری کوریوردم. بتون افراد جمعیت بومدهش مقرراته واقف اولمش ایدی. هیچ تردد ایتدم. بر چته ترتیبی تصوراتی ذهنمدن کچیرمکه باشلادم. بر طرفندن حاضرلق کوریوردم. اادنا بر انتظار وتردد فنا نتیجه لر وقائی فحیه لر حاضر لایه بیلوردی. شقه دکل، سایه عاطفته بیودیکم

وطنك بردها اعاده حیات و سلامتی ممكن اوله میه جق صورتده بر فلا کته، جدی بر تهله کیه معروض اولدیفنی کوردم .

سایه سنده، سایه غایت و دولتنده نائل سعادت تامه اولان دولتلور، سعادتلولر بویکی تهله کیری کور میور، کورسه بیله منعه صرف ذهن ایتکی بر جرم عد ایدیوردی . همت بزه، بزکی عاجز چوجقلره دوشمش ایدی . بونی محقق بیلوردم . جمعیتنده فضله بر معاونت بکله مزدوم . چونکه جمعیتك آناتولی تشکیلاتنه عطف ایلدیکی نظر اهمیتكدها عمومی اولدیفنی بیلوردم . آنك ایچون انتظار ایده مزدوم . مسقط رأس ، مهد معصومیت و لحد منسوبیم ، یادکار شایم اولان رسنهك بولدیفنی روم ایلی قطعه سی دولتلورك اوزرندن چوقدن بری چویردیکی انظار امید واستمدادینی بکا عطف ایتمش ، ایکلیه رك ، فریاد ایدرك ، امداد طلب ایتمش کی کلوردی . بوانظار مظلومانه اوچ کون اوچ کیجه بر ملکیت مطلقه ایچنده مرور ایدن اوانمده برنایه بیله کوزمدن آبریلوردی .

لوازم، سلاح، جبخانه واعاشه مسئله سی بنی دوشندیریور ایدی . بوکاده حکومتك منابعه، ملتك قوتنه، جمعیتك معاونته مراجعت صورتیله بر صورت تسویه بولمش ایدم . قرارمی، حتی کیمسه اشتراك ایتسه بیله یالکمز باشمه میدان تطبیقه قومیغه قطعاً وحدانیت ربانیه اوزرینه قسم ایتدیکم قرارمی فی ۱۵ حزیران سنه ۳۲۴ ده رسنهده اخوان جمعیتدن بلدیله رئیس جال و پولیس قومیسری طاهر افندییه آچدم . برچته ترتیبی ایله اختلاله برآن اول مسارعت خصوصنده قرار ویرمك اوزره یوم صالی صباحی خانه عاجزیده کی باغچهده بولوشمنی قرارلشیدردق . اوکون اره مزده غایت جدی و طائلی بر محاوره جریان ایتدی : بن « یا هونه طور ییورز ؟ حالا بومسکنتی محافظه ایده جکی یز ؟ اوته دنبرو اوستریا ایله قوزونی پایلاشان روسیه بوکرده انکلتزه ایله اویوشدی . تهله کله وطن بر جدیت مفرطه ایله تقرب ایدیور . روالده کی ملاقاتك نتیجه مقرراتی معلومکزدر » دیدم . جمال و طاهر افندیلر ایکسی بردن : « ناموس سزنی انتاج ایدن بو تهله کی ی اولومدن بشقه برشی تمیزلر » دیدیلر .

— بن تکرار دیدم که : سزك و بنم بدلاجه سنه اولمکلکمزدن برشی چیقمز جمعیتك همتی بوبایده عین حسله متحسس اولان عموم افراد جمعیتك متحداً و مشترکاً منتظماً عین صورتله حرکت ایده رك ابراز فدا کاری ایلسی، بتون ملتك قیام ایتسی لازمدر . بن وسز بوراده افراد جمعیتدن عسکردن کویلولردن یوزاللی ایکی یوز کشیلک برچته چیقاره بیلورز . بواخشام حاجی افانك خانه سنده بتون اخوان جمعیت ایله ملاقات ومذاکره مصلحت

ایده‌م. موافقت‌نمی‌استحصال ایده‌م. هر قضا، جمعیت‌ک هر مرکزی بزه اقتدا ایدرسه
ایش حل اولور کیدر. اگ اول بز نمونه امتثال اوله‌م. بن هر شیشی حاضر ایتدم.
مختلف زمانلرده یومیه ایچون فضله‌الدیم یاره‌لردن بشیوز الی لیرا بریکدیردم. یاره، سلاح
جیبخانه، چاریق، کچه، فشنگ‌ک کی لوازمی تهیه ایتک قیلایدیر. یالکیز سزدن معاونت
و مشارکت ایچون مردانه برسوز بکیرم. سز وعد ایتدیکیز صورتده برچته ترتیب ایدرسه کز
یکرمی درت ساعت ظرفنده چقاییلیز. بزم خروجز قیام عمومی ایچون پک کوزل
براشارت اولور. یانمزدده پرسپه، اوخری، ده‌ها ایلروده دبرده‌ده بلاتردد بزه اشتراک ایدر.
یواورمانلق و طاغلق اراضیده، بومسلمانلق حوالیده حکومتی آیلر وسنه‌لرجه اوغراشد.
یره‌یلورز.

سوزلرمی بیوک برصبرسزقله بتورمکه منتظر اولان حال و طاهر افندیلر: — نیازی
افندی تکلیف‌کری قبول ایدرک. سزه تابع اولمغه هر برامریکزی یا بمغه‌سوز ویریونز.
ذاتاً وطن سلامتی ایچون اولمکه یمین ایتدک دیدیلر.

— اوپله اینسه سز همان اخوان جمعیتی خبردار ایدیکیز. اقشام ساعت برده حاجی
اغایه بن‌ده کلورم. ایش مذاکره ایدلسون، استشاره اولنسون؛ قرار قطعی ویرلسون!
دیدم. قالقدیلر. اقشام اوستی حاجی اغانک خانه‌سنده اخوان جمعیتدن قرق الی کشینلک
برغلبه‌لک ایله عودت ایتدیلر. قید مراسمدن آزاده برصورتله قبول ایتدیکم اخوان
جمعیتک اوطورمسنه، یرلشمه‌سینه میدان ویرمیان برتلاش و هیجانله:

«وطنداشلر! آرقداشلر: خائسلر انده محو اولان وطنی ال برلکیله چالیشه‌رق
قورنارمغه، وحدانیت الهیه اوزرینه عهد و میثاق ایدن جمعیتزه، مالکیزله، جانکیزله
معاونت ایده‌جک‌کیزه و هر برامرینه اطاعت ایلیه‌جک‌کیزه یمین ایتش ایدیکیز.

اوپله دلمی؟ هپ آغز لر بردن: های‌های! های‌های! ایسته بوکون او عهد
مقدسک بر آن اول ایفاسی زماننک حلول ایتدیکنی عرض ایدرم. وطن بزدن فداکاراق
ایستور. زیرا ره‌والده روسیه چاری ایله انکلتزه قرالی آرهنده ما کدونیا مسئله‌سنک
صرت حلتیه دائر اتخاذ اولان قراره قارشی لاقید طوران آلاق ورذیل حکومت‌وطنک
تسیمی، ایادی دشمنه تسلیمی قرارینی متضمن اولان بوملاقاته قطعاً عطف اهمیت
ایتماشدر. بومضطه جنایتیه‌نک متضمن اولدیتی حکم ظالمانیه‌ی ملتک قانی ایله سیلمکدن
بشقه چاره قالماشدر. آوروپانک بو تعرض زبونک‌شاه‌سینه قارشو، جمعیتک قراری بو حکم
مستغلبانه سرفرو ایدن آلچق حکومته قارشو عموماً ملتک عصیانندن عبارتدر. بلا

رستاده حاجی اغانك خانہ سی



تفریق جنس و مذهب، صنوف اهالیدن هیچ بر فردك خوشنودا و امدینی حکومت مستقله یه قارشو عصیان ایتك ایچون بوندن دها کوزل بروسيله اوله میه جغنی نظر دقتکزه عرض ایدرم.

یایله جق بو اختلال عمومی یه اك اول رسنه باشلامیدر. بلغارلرده اك اول بورادن اختلال ایندیله. بزه بوبلانی کتیردیله. بناءً علیه اك اول اختلال یایراغنی بز آجلی یز. بن هر شیئی حاضر ایتدم. پاره وار، چاریق، چوراب، فشنكلک، جیخانه، سلاح، خلاصه شو برچته یه لازم اولان هر شیئی تدارك ایده بیلیرم. بکا یالکیز حیتلی، فداکار آدمیر لازمدر. اما او یله فداکار ایسترم که: چولق چوجغنی، راجتی، لذت حیاتی، دنیا ده اولان بتون علاقه سنی، دنیا محبتی، سلامت وطن نامه ندا ایسون.

یالکیز سلامت وطنی ممکن اولمزه اولومی الکسوک برحمت بیلسون. آغالر، افندیله جمله کزک ناموسنه، حیته، فداکارغنه اعتماد واردر. آنک ایچون سزی بورایه جلب ایتدم. ایچکیزده ویردیکی سبوزک، ایتش اولدینی یمنک حکمنی اونوده جق بدیر بر حیتمزک وجودینی تصور ایتم. مع مافیه غایت عالیجنابانه اولق لازم کلان بو فداکارانی شرح وایضاح ایتکه مجبور اولدینمدن طرلایی عفو کزی ایسترم.

بیایرسکیز که یوزاللی سنه دنبری اداره مستقله دن بزندن دها آرمه ضرر اولان خریستیانلرک شکایتی، آوروپانک امور داخلیه مزه مداخله سنه یول آچش حکومتک دنانت واهاتی، جانت ورذاتی بزى رسوای عالم ایتشد. حکومت و ره وال مقرر تنه قارشو یایه جغمز بو اختلالده خریستیانلری وطن قرداشی صفیله سودیکمزی، مساوی طوئدیغمزی انلرک عرضی عرضم، جالرینی جانم، مالرینی مالز کی طانیس دیغمزی بالفعل کوسستمکه مجبورز. بزم اختلالز اشخاصک، عناصرک عایته بر عصیان اولیه جق. بو اختلال بالعکس بر بریمزی وبتون عناصری یکدیگرینه دشمن ایدن اصول اداره نک عایته بر قیام یایه جیت، مساوات و اخوتی اعلاندن عبارت بولنه جقدر.

خلاصه بز ملت نامه احکام عدالتی تطبیقه پالیشه جغز و بو اغورده فدای نفس ایدنجیه قدر طاغورده طولا شه جغز. بن جمعیتک اهلیتدن، ملتک قوت و حیتمدن قطعاً امینم. کیمه سز هم شیرلرمی، یکنلرمی، رفقه می مناسره کوندیریورم. بونله ابدیاً وداع ایتدم. بن اوبی قپایه جغم. قرارم بودر. ایچکیزده جان و کولکدن بکا اتباع ایتک ایستین وارمیدر. دیدم. هپسی بر آغزدن:

سنگه برلکده اولکی برشرف وسعدت بیلورز. هیمز حاضرز .

دیدیلر . وقوشان قوشانه هپسی بی قوجاقلامغه ، آغلامغه باشلادیلر . آرتق یوم

خروجی قرارلاشدیرمق لازم ایدی .

جمعه کرنی جمعه نمازی وقتی مناسب بروقت اجتماع اولمق اوزره عموماً قبول ایدلدی .

جمعه کرنی جمعه نمازنده یوز الی کشیک برچته نک رسنه قشله سی جوارنده اجتماعی امریله

انتظاری قرارگیر اولدی . متفذان مملکت چته یه لزوم کورینان فداکارانی حاضرلیه حق

ایدی . بلدیله رئیس جمال افندی نک مناسره عزیمتیه جمعیتی بوقراردن خبردار ایتدی و لازم

کلان مآذونیتی استحصال ومعاونت مقتضیه بی تأمین ایلی قرارگیر اولدی . جمله مزبرمست

عظیمه ، برهیجان لطیف ایله برر ایکشیر طاعلقد . بزده مسرتله خانه مه دوندم . برپلان

ترتیبی ایله اتعاب ذهن ایدیوردیم . اقشامه قدر احتیاسات تضوره ، تفکره مانع اولیوردی .

بویلیک قراره جلوه کاه اولان باغچه بی ، اخوان جمعیتی ، نطقی ، مصافحه بی ، اومنظره جلال

وجالی برر برر پیش خیالمدن کچیریوردیم . بوکونک بنجه پک بیوک برامیتی واردی .

اوت ! تاریخک ایام انقلاب ایچنده اهمیت مخصوصه عطف ایلیه جکی کونلردن بری ده

بوفی ۱۵ خیزران سنه ۳۲۴ اولمق لازم کلرر . بوشانی کون ایلیک دفعه اولمق اوزره

ملک قلنجی چکمک ایچون جوانمردانه ، فداکارانه قرار ویردیکی ، وحدانیت

ربانیه اوزرینه سویته سویته اولمکه قرار ویردیکی بر کون ایدی . بتون

کوکلری احاطه ایدن نور هدایت ناصیه لره عکس ایتش ایدی . الهی ! او نه تجلی !

نه تجلی علوی ایدی . اولانجه بارقه کالیه تجلی ایدن جمال وجلال الهی قلوب حیمته

مقاومتسوز برحبت حاصل ایتش ، حاضرونده غریب برهیت ، فوق العاده جاذبه پرور

برلطافت بخش ایتش ایدی . آرتق اختیار واراده یه مجال برافامش ایدی . خاطرسته بیله

ابدیاً اسیروعاشق اولدیغ بومنظره جلال وجمال مادیاته ، معنویاته حاکم اولمش ، آسمانی برقوت ،

مغلوب اولمق مکانی اولیان معنوی برارادات بخش ایتش ایدی . بوقوتله آرامگاهمه چکیلیم .

اوج کوندنبری مهجور اولدیغ خواب وراحتسه قاووشدم . سحر وقتی او یانور اویانماز

ترتیباته باشلادم .

جمال افندی اوکون علی الصباح مناسره عزیمت ایتدی . بنده ناموسنه ، حیمته

کوکندیکم ارقداشلرمدن پرسپده مفرزه ضابطی قونیچلی ملازم عثمان افندی بی رسنه یه

جلب ایتدم . قرار قطعی یه اقتران ایدن نیات وتصورات علویه می اکلانجه بر دقیقه بیله

طوره یوب بتون قوتیله ، واراخله بکا یاردم واشتراك ایده جکفی سویلیسی اوزرینه رسنه

ناحیه سنده اولدنی کبی پرسپده قزانیان امنیت و محبت ساقه سیله بو حرکت اشتراک ایده جکلمی بیلدیکم اقربا و احبابی تعیین ایله اسملرینی کندوسنه ویردم . یوم خروجه بزه لاجه قریه سنده ملاقی اولسی قرارگیر اولدی . آرد مزده کی محاربه نك تأمین محرمی ایچون خصوصی برشفره ترتیب ایتدکن صکره عودته رخصت ویردم . متعاقباً طابورک رسنده دبوی مأموری ملازم سعدی افندی بی چاغردم . ماجرا و قراری اکلاندم . اوده آرزوی مشارکت بیانیه لندن کلن خدمتک اجراسنی وعد تعهد ایلدی . قراردن برکون صکره آوجی طابوری ده رسنه موصلت ایتدی .

بك صمیمی احبابم ، قرداشم ، سرداشم اولان بلوك قوماندانلری طیار و سلیمان افندیله و تاموسپرورلکله و حمله بنام ارکان حرب بیکباشیسی رمزی بکده قرار ایده جکلم اقشام معلومات ویردم . پاره ایچون سلاح و جیخانه ایچون ، مالزله ایچون هیچ برشی دوشونمکه محل یوقدی . یالکز اجتماعی ، خروجی ، شانلی خروجی تسهیل ایچون حکومتک قوتلرینی ، قوه عسکریه سی طامتی لازم کلیوردی . بونکده قولای بولندی . یوم اجتماعده زمان خروجندن اول افراد جمعیتدن مناسبلری اسمیلوم جهتلرنده چته ایله تعقیب ایده جکم یولک ، کیده جکم جهنک عکسی استقامتنده یوز کشیلک بر بلغار چته سنک کوروندیکنی اخبار ایده جک ، اخبارات واقعه یه محبت سوسی ویرمک ایچون افراد جمعیت او محله سلاحله اوینایه جق ، بر مصادمه تقلیدی یاپه جق ایدی . بونلر ذهنأ ترتیب ایدلمش ، ایجاب ایدلرده تعلیمات ویرلمش ایدی . بوسایه ده طابورم یکریمی کون اول کلن ارکان حریه بیکباشیسی رفیق و ذاتاً مسئله دن آگاه اولان آوجی طابوری بیکباشیسی رمزی بکلر ایله آوجی یوزباشیلری و طابورمک ملازمی سعدی افندی دن ماعدا دیگر ضابطانی ، بتون قوه عسکریه یی ، قشله یی برقاچ نوتجینک ید محافظه سته ترك ایدره ک قول قول محل مصادمه ووقعیه شتاب ایتمکه مجبور اوله جق واهالی نماز وقتی جامعلرده بولنه جغندن و طنپورانده قشله ده حرکات اجتماعیه و خروجیه لرینی امنیت و استراحت قلب ایچنده اجرا ایده جکلردی !

۱۶ حزیران سنه ۳۲۴ کونی ده بوکی ترتیبات و تصورات مهیجه ایله کجی . اخشام اولدی خانه مه عودت ایتدم . رفیقهمی ، رفیق حیاتمی هیجانلی برصورتده بولدم . هرشیدن ، بتون قرارلردن ، ترتیباتدن خبردار ایمن کبی متحسس و متأثر طور یوردی . حزن ، الم ، سوینج ، واولو بر نام براقه جق بر زوجه مالکیت غروری کبی حسیات متضاده زوالی خانونی اضطراب ایچنده اسیر براقش ایدی . هرشیئی ایضاح ایتدم .

اوسرى مىل مەدارىنىڭ بىر تۈرۈمى



ناموسسز بر حیاتك اهمیتسز لکنی اکلادتدم. وظیفه مك اولمكدن بشقه برشی اولیه جغنی اوده تسلیم ایتدی. نزد ابویه کوندلرك اوزره مناسترده باجناغم مرکز قائممقامی حق بكك نزدینه کیتسی تقرر ایتدی. اوکیجه پك طاتلی براویقو اویودم. اعضای وجودم، قوای وجودم دیکلندی. صباح قالدیغم زمان کندمده شایان حیرت بر قوت و متانت حسن ایدیوردم، آمان یاری! بونه سریع و جدی تحول، نه اساسلی انقلاب. طبیعت بشر نه غریب خاصیت مالک ایش. دونه قدر هر برلندندن محروم اولدیغم حیات نه غریب بر جاذبه مظهر اولمش. جاذبه سی قوه ساحره سی نه مقاومتسوز. ایش دونه قدر نظر مده سیاهلقدن، تزیللقدن بشقه هیچ بر نك کوسترمیان مناظر حیات نه لطیف رنگار، نه روحناز کوزللكار کوستریور. هر طرف پر محاسن پز بدایع. باخصوص انسانلر کوزومه نه لطیف و سوبلی کورونیور. هر ذره ده بر التماع. هر موجود بر التماع لطیف و نورانی به مستغرق. طائر، چو جفاغمده دنیانك حدودی ظن ایتدیكم رسنه نك طاغری، اوزاق اورمانلری بكا بر سلام، بر سلام تقدیر و احترام ایله تقرب ایدیور کی ایدی. قصبه، قشله طویولماز بر جاذبه ایله بنی چکیور، قابی، یزندن آیره جق ظن ایدیوردم. قالدقم. قشله کیتدم. بدایع طبیعتی تماشا به طالبدم. اللهك کمالی، جمالی، جلای مطالع ایله ذوقیاب اولیوردم. یارب! بنی سجده شکران و امتنانکدن برئانیه بیله آیرمه. آیرمه که یوتجلیات عالییه مظهر ایتدیكك قولك ذره قدر استحقاقی تصور دن عاجزم، متشکرم. شکر و محمدتی کنیدی اوغور وطنه فدا ایتك صورتیله اجرا ایده جکم. بوضورتله اللهم عبادتله مشغول ایکن مناسترده اکمال وظیفه ایدن جمال افندی بكا ملاقی اولدی و جمعیتك چته ترتیبی حقنده قراره اقتران ایدن مذا کره مزدن پك خوشنود اولدیغنی، هر خصوصده جمعیتك معاونتله بزه مظاهر اوله جغنی سویلدی. حیمتلك بوضورتله مظهر تقدیر و تجیل اولمی، جمعیتك وعد معاونتله اقتران ایتسی جراتمزی حد منتهایه ایصاله کافی ایدی. بو آره لق بلغار قومندن ورسنه وویوودلرینك اك شهرتیلرندن قریسته نك همشیره سی مراجعت ایتدی. بومراجعتی ده بر جلوه ربانیه عدایده جکم. زیرا اسعافی وعد ایلدیكم او مراجعتك بالآخره حسن ترویجی بلغارلك امن و اعتمادی قزاندرمش، حسن یتیزی، مقصد مزك عدالتدن بشقه برشی اولدیغنی اثبات ایچون کوزل بر وسیله تشکیل ایتش ایدی. صرب چته سی اولجه بلغارلردن بوخوزلی اقیمی قاچیروب قتل ایتدیکی کی بو کونردده بوزواللی قادیك سکز یاشنده یکانه اولادینی طاغه آمش و کندیلرینه ناقابل اسعاف مطالب و تکالیفده بولمش اولدیغنی حقوق شخصیه سی و حقوق قومیه سی نامنه

شدتلی برلسانله اکلانهرق اوغلنك هر حالده تخلیعی طلبنده اصرار ایدیوردی . بای حال چوجنی تخلیص ایدوبیله جکمی وعد ایدم . وذهناً رهن اولق اوزره صرب چته سنی . حمایه ایدن رسنه صرب داسقانی ده چته ایله طاعه قالدیرمی قرارلاشدیرهش ایدم . قادینك فریادی ، صورت استمدادی طاشدن قاتی قیلیری متأثر ایده جك برماهیت وخصوصیتی حائز ایدی . او یله یا . ظالم و ناموس سز بر حکومتده ، حقانیتك صوصدینی ، عدالتك قورقدیغی برماکده ، ظلمه و جباردنك حکم سزردیکی بر محله بزنه یاپیوردق ؟ بریده بلغارلرك حقوقی ، حقوق اجتماعه و استقلالیه لرینی تأمین ایدن چته لرینی بالتصادف قیردجه روملرك ، صربلرك ، اولاحلرك تحکمی ، ظلمی ، استبدادی آرتریوردق . روملری قیردجه میدانی بریکیلرینه سربست بر اقیوردق .

براز زمان اول قریسته یی قوتلرندن محروم ایدن ، حکم و نفودینه سد متین چکن بن دکلی ایدم ؟ البته شمدی اونك حقوقی ، حقوق عائله سنی محافظه ایده جك یته بن اوله بیلوردم . قادین ؟ جرائتله ، صولتله صانکه قلبی آچيور واورایه باقهرق سوز سوبلیوردی .

وعد تخلیفه قارشو خیر دعالر ایددی . ایشته فی ۱۷ حزیران سنه ۳۲۴ صالی کونی بویه طاتلی خولیلار ، طاتلی وسوزشلی ملاقاتلر ، سوزشلی دعالر ایله کچدی .

فی ۱۸ حزیران سنه ۳۲۴ یوم چهارشنبه . هرشی یولنده ! هرکس پرشوق و تهاك . هرکسده برشوق متزاید وار . حاضرلقه مشغول آن مقدس و مسعودك سرعت حلولی ، آتش انتظاری آلتنده قلبنك یاندیغنی حس ایدیور . چارشنبه اخشامی طابور رفقاسندن ، رفقای حمیتدن مناسرتلی ملازم ضیا افندی مناسرتدن کلیور ، قراردن خبردار اولیور ، پرانشه ، پرهیجان کسلیور . اوده وداع ابدی ایچون حاضرلقلرینی کوریور . بوکون شطارت ، فعالیت ، سعادت ایچنده طوغان کونش پك علوی حساره ، بدیع منظرلره جلوه کاه ایدیکی رسنه ، غایت شعشعلی و نظاربا بر صورتله سلام ویره رك افول ایدیور . سکونت و استراحت تابه ایله کچن کیجه یی یته روحپرور برکوندوز تعقیب ایدیور .

نخشبته کونی یته عین نشته ، عین شطارتله لمعان ایدن ناصیه لرده برضیافت ، برضیافت مطلقه پارلدايور . بتون اخوان ، بتون فداکاران حاضر و تکمیل ! خبرینی ویردکلی زمان رسنه مزك اک صوک غروبی ، غروب حسرتپرورینی تماشا ایدیوردق چهارشنبه کونی همشیره و همشیره زاده لری ، نخشبته کونی ده رفیقۀ حیاتی مناسرتده متعلقاتی زردینه کوندرمش اولدیغ ایچون بوکیجه یی تک و تنها بولندیغ خانه نك ایچنده پك غریبانه ،

متحسرانه ، متحسسانه کچیرمش ایدم . معیشتی ، تربیه سی منحصر آید حیمته مودوع اولان همشیردم ایله بش نقردن عبارت یتیم قلان همشیره زاده لر می ، قرداشلر می کیمسه سز براقیوردم . اونلرک خیالی ، خاطرات استقبالی یورگی پارچه لیوردی . بتون جسیاته علوی برمتانته مقاومت لزومنک قارشوسنده مطیع وفرمانبر اولان قوای معنویه م ارتق بویکی حسیات ایله اشتغال ایده میوردی . یونلری نام عظمتی اوزرینه قسم ایتدیکم وحدانیت خدانک عدالته حواله ایتدم .

ذاتاً بنموبتون امثالک حافی دوشونمین حکومت کلشی کوزل تسویه ایتدیکی تخصیصاتله حالیزی مؤلم ، استقیالیزی مظلم برحاله قویعاشمی ایدی ؟ ایلك دوره مسعود ازدواجیله طقوز آی اول بختیار اولدیغم زوجه مک افتراقی خاطره سی زوال نابذیر حسلر ، المان ، اندیشه لر تولید ایدیوردی . باجناغم مناستر مرکز قضایی قائم مقامی اسماعیل حتی بکی شومکتوعله تصوراتمدن خبردار ایتدم .

محترم افندم

برساعته قدر عنایت باری ایله حرکت ایده حکم جهتله مختصراً یازه جفم وصتایی عاجزانه مک حرفیاً و بلا تأخر اجراسنی عهده حمیت وکفایتلرینه حواله ایدرم . تطویل مقالی زائد کوریورم . سبب معلوم . آالحقجه یشامقدن ایسه اولمکی ترجیح ایتدم . بونکچون ماوزر تفکیریه مسلح شمذیلک ایکی یوز وطن فداایسیله وطن نامنه اولمکه حقیقورم . کرک عائله می ، کرکسه همشیره زاده لر می الله امانت ایدیورم . عائله می دونکی معروضاتم وجهله یارین اولمزه بازار کونی هر حالده یکنم شوقی ایله درسعاده کوندریکمز . یاقی یا اولوم . یاسلامت وطن !

قول اغایی


فی ۲۰ حزیران سنه ۳۲۴

احمد نیازی



ارتق هجوم ایدن واهمه لر می ، اندیشه لر می دفع ایتکه مقتدر اولمشدم . ارتق بن بوضورتله بسبتون یالکز ، مجرد قلمش ایدم . خانهم کبی دروسمده یالکز ایدی . اورزاده یالکز وحدانیت ربانیه ، عدالت اسلامیه نامنه تعقیب ایده حکم مسدلکک بلانری بولنه بیلوردی . یالکز هیچ اوویه میان امل کبی بن ده کیجه بی بر انتباه مطلق ایچنده کچیردم . چالیشدم . ماینه ، مقش عمومی یه ، مناستر ولایتیه ، مناستر ژاندارمه الای قوماندانلغنه ، رسنه ده

لاچیه قریاستان بر منظره



طایورم بیکباشینه، رسته دیرینه و باغار جماعته برر بیسانمه قلمه الدم . بخره باشنده
یای ایله مشغول ایکن طاهر افندی بر آراهه ایله و بر تلاش ایله منا-تردن کلان سواری
دلازمی اده اندینک زیارتی خبر ویدی . مومی ایله بر سرعت فوق العاده ایله بکا
ترب ایدی .

نوش کدک . آگاه افندی خیر اوله .

دیدم . تاریخ خروجکری شفرلو تاغرافنامه ایله . اخباره مأمورم . بتون تربیاتکری
تصویب ایتدی . ذاتاً سزه اولیسی کون دخی جال افندی ایله بیان تشکرات ایتشله .
— هرشی حاضر در سزه اکمال و طینه ایده بیلورسکر . — بز یارین چیقه غز .
رفیقهمی حسن تسبیل بیوران ندا کارلغکره قلباً اشتراک ایدیهلکه حکمدن طولانی بک
بدینتم . شمندی اوخری به حرکت ایده حکم . زیراً عدلیه مفتشی مصطفی ندیم بک
استانبوله عزیمی ختمده حکومتک تبلیغاتی حکمسز براقق، تهلیکه استبداده معروض
ارلان بتون ندا کارانی محافظه ایتک جهیتک قراا قطیسی ایجاباتسنددر . بناء علیه الوب
سزه کتورمک وظیفهم جهاسندن اولدیفنی کمال افتخار و مسرتله عرض ایدر . سزه نرده ملاقی
اوله جنمی آکلارسم همان حرکت ایده حکم . بشته برایشم قالماشدر .

استاز ووده یشار بک خانه سنده .

بوجواب اوزرینه آگاه افندی بعدالمصافه اوخری به حرکت ایدی . بخی بیتاب ایدن
بومساعی هیجان بخشا ختام بولدیفنی صروده خورشید جهان اراده اولانجه شعشه
کلیلله آتی ، تللی ، جالی تنویر ایتش ایدی . بنده پلانک تطبیقه باشلامش ایدم .
یوم اجتماع و خروج صباحک ساعت اوننده رسنلی رفیقی اسمیلوه جهتلرنده یوز
کشیلاک بر باغار چته شک کورندیکنی اخبار ایتک اوزره بیکباشینک نزدینه کوندرمشدم .
بیکباشی اویقودن او یاندیریلهرق بوخبر ویرانجه رسنده بولنان ایک یوز الی قری همان
اخبار اولنان محل وقعیه طوغری سوق ایتدیککی آوجی طابوری ده بتون ضابطلری ،
افراد ایله دیگر بر یولدن صحنه و قوعاته دوشمک اوزره بویوله چیتمش ایدی . بنده
النیه رسمیه له و هیچ شبهه به محل براقیان برقیافت روزمره ایله قشله به کیتدم . صحنه
تطبیقه اوینادیغیم اویونک موفقیتله نتیجه لهنسه اورادن نظارت ایدیوردم . برکون اول
مناسرتدن کلن مناسرتلی ملازم یوسف ضیا افندی قشله ده آماده حرکت ، بر بشاشت
برچهره ایله بولدم . چوقه سوندیم .

ساعت اجتماع ، آن خروج یا قلاشیوردی . بتون افراد حیت قشله اطرافه برر

ایکیشیر طویلانیوردی بیکباشینک ، دها سائر بعض ضابطلر ایله نفراتک رسنده وجودی حضور و آرائی سلب ایدیوردی .

بونلری ده رسندن تبعید ایچون برچاره بولدم . قانون چاوشنی چاغرتدم :

— اوغلم ! بومصادمه غایت اهمیتلیدر . بن حاضر لیورم کیده جکم . فقط کافی دکل . بهمه حال بیکباشی ایله طابورک تکمیل ضابطانی محل وقعیه کیتمک لازمدر . چابوق . کوریم سنی ! بیکباشی بی کور . همان بوراده قلان ضابطلری آلسون . محله کیتسون بن ده اهلیدن کوکلی برمفرزه ترتیب ایدوب امداده کله جکم . سوزلری حرفیاً بیکباشی بکه سویله اکلادکی ؟ — باش اوستنه ! امریکزی تمامیه ایفا ایده جکم . دیدی .

برصولدن کری ایتدی . کوزمدن غائب اولدی . تلاشله بیکباشینک یاننه قوشمش ، میرمومی ایله بلدیهدائر سنده ملاقی اولهرق افاده لر می هیجانله اکلتمش ایدی . بیکباشی رفیق بک ایله اوراده بولان ناحیه مدیری فخری وزاندارمه ملازمی یشار افندیلر بوتلاشلی وهیجانلی حوادثی جدی تلقی ایدرک مصادمه محله کیتمک اوزره اورادن آیرلدیلر اولرینه قوشدیلر . بن بونرک هیجانلری . حرکتلری حاضر قللری خانه مدن سکونتله تماشا ایدیور ، خبر مباعذلری بکلیردم . براز صکره قانون مصطفی زدیعه عودت ایتدی . ضابطاندن نوبتی ضابطی ملازم رمضان ااذن بشقه کیمسه نك شهرده قالمیغنی ، جمله سئک محل مصادمه شتاب ایتدیکنی اکلاندی . ملازم رمضان اذنی ده قشله دن اوزاقلشدرمق لازم ایدی . کندیسنی چاغرتدم . شو امری ویردم :

اغا ! مهم . خدمت وار . حکومت قره غولنه کیت . بنی بکله ! بن کلنجیه قدر زنه ار اورادن آیرمه .

— باش اوستنه اقدام .

دیدی بواندیشده بوصولته برطرف اولدی (بیچاره رمضان اغانک اوکون ساعت اونبره قدر بنی قره غولده بکله دیکی بالاخره تحقق ایتدی) .

ساعت دیرت اولدیغی زمان رسنده قشله ده یالکیز برقاچ نوبتی نفری وشهر قره غو-
لنده ده بکا انتظار ایتک اوزره قشله دن بالخاصه کوندردیکم نوبتی ضابطی ملازم
رمضان اغا قلش ایدی . بن ده قشله یه کیتدم . اهالی اسلامیه ، مأمورین ، جامعله کیردیکی
زمان بنده کرده قشله دن جوار قشله ده آماده امر و اشارت طوران رفقای ، رفقای حمیت
و فداکاری بی مندیله ایله قسمله ، قلنجمله اشارت ایدرک بیوک بر صبر سزلقله دعوت
ایدیوردم . قصبه ده اهالی مسامحه ادای صلاة جمعه ایله مشغول اولدیغی زمان فداکارلرده

قشله به طولش، سلاح و پاره صندوقریك قتیح و كشادینه مسارعت ایدلش ایدی . بنده صندوقن الی بش یك غرو شك غصباً آلتدینی مین بر سبند یازدم . سند الكوم طابور صندوقده در .

انقلابك انك جرأتلی و ناطقه لی و ثقیفه سی بو سنددر . بو سندی یازان تاپیلده نك چیتاردینی نوای لطیف و هیجان آمیزی نوبجی اویشیشی ایله نقرلریك انظار دقت و تجسسی آلتده کمال تلاش و سرغله سلاح و جیخانه صندوقری پارچه لیان بالظهرلك شمانت ولوله انکیزی هیچ بر وقته خاطرمدن چیقارمه جغم . الی الابدزیور حافظه مفخزت اولق اوزره صاقلایه جغم . بومنظره بکا زنجیر بند اسارت اولان بیكس و محکوم وطنك زنجیرلری قیردینی ملتیه شوق حسرت و مسرتله حایقردینی خاطره سی، خاطره علویه سی احساس ایدیوردی .

صانکه اوباطلر سلاح صندوقری یرینه ملتک بازوسنی بوکن زنجیرلری قیریور ، پاره لیوردی . صانکه اوصریر خامه اوزاقلرده ، آفاق امید استقبالده اعلان حریت ایدن طوپلرك صدای مهینی عکس ایتدی ریوردی . احساسات علویه بی مانیاتیزمه ایتش ایدی . سلاح و جیخانه توزیی ختام بولنجه بزده کویا دیگر بر یولدن محل مصادمه به کتیمک ، اومصادمه موهومه اشتراك ایتک اوزره چیقوردق . جریان حاله واقف اولان بتون افرادك ، اهالیك باخصوص شهر داخلنده تعلیمات الملق اوزره قره غولده ورودمه منتظر اولان رمضان اغانك بوشانلی خروج حقهده کی معلوماتی ، وقوفی بودرجده ایدی . شمدیلک افرادی یوزاللی نقردن عبارت اولان قوتی ایلروده تزیید ایتک نیتله هر نفرک ایکیشر سلاح آلمسی مقرر ایدی . تلاشله امرک حمله افراد طرفدن حسن تلفی ایدله مامسی حسیله موجوددن فضله اون اوچ سلاح آله بیلمش ایدی . کیجه وقتی خصوصی شفره ایله پرسپیه یازدیغ تلغرافده بکا لاحظه ملاقی اولسی مقرر اولان ملازم عثمان افندی به علی الصباح ساعت اونده حرکتی امر ایتش ایدم . موئی ایله اوکله دن اول ترتیباتی کمال ایدمه جکنی بیلدیرهك اوده طبیعی بم کی ساعت درت بحق بش زاده لرنده حرکت ایدمه جک ایدی . بو حالده وقت فرارده موافقت اوله میه جغنی ملاحظه ایله موئی الیهک لاحظه قریه سنده بزه برقچ ساعت صکره التحاق ایدمه بیله جکنی دوشونه رك حرکتی تسریعه لزوم کورمدم . شهرک حاکم تپه لرندن برنده و شهردن یازیم ساعت اوزاقده اولان رسنه قشله سندن کمال شوق و انتظامه حقیقش ایدک . لاحظه قریه سی بولای تعقیب ایدیوردق . لاحظه قریه سی اولجه معاونت ایدن ملازم سعدی افندی وقت

رسنه ده فی ۱۷ حوزیران سنه ۱۳۲۴ ایک قزاقه السترالک ایدنلردن بر فسمی



اجتماعدن برکون اول صاقلاندینی جهته تعهدی خلافتده بزه اشتراکدن صرف نظر ایتیشیدی .

کهندوسنه تودیع ایتدیکم اسراری افشا ایتدیکندن طولای مده کمره . قوماندای قبول ایدن یوز آلتش وطنپرور میاننده طابورمده طقوز نفر وارایدی . بوزوالیلر حقیقت خالی بیلیمورلردی . بزی طابورمزله آوجی طابورندن تعقیبه چیقان مفرزه لره معاونته کیدن بره فرزه معاونه ، کوکالی برجه وظیفه سیله مکلف ظن ایدیوردی . قشله نکه بر آزار ایلرونده هر نه مقصدله ایسه بر دره ایچنده مختفی ایکی مسلم نفره تصادف ایتدم . سلاحلری آلم . کندیلری ده قشله کوندردم . کمال سرعتله ایلروایور ایدک . ایکی ساعت صوکره رسنه - لاحچه پرسپه - لاحچه ، طریقرینک محل التفاسنه تقرب ایتدیکمیز زمان ملازم عثمان افندینک چته سیله عین نقطه یه طوغری عین بر بعد مسافه دن ایلرو . لدیکنی کمال مسرت وحیرت ایله کوردیم . کیچه جریان ایدن شغره مخابره نتیجه سنده مومی الیهک بزم کی ساعت بش راده لرنده حرکت ایده جکی تتر ایتش . رسنه ایکی ساعت بعد مسافه ده اولانک لاحچه پرسپه دن آلتی ساعت اوزاقده اولسی حسیه بزه آنجق آقشام اوستی یتشه بیله جکی حساب ایتشکن بر سعادت غیر مرقبه کی تلقی ایدمک ماهیتی حائر اولان بوتصادف بر مرده ساری تأثیریه قلمریمزی لبریز امید ایشندیدی . شورا جقده عثمان افندی رفاقیتله بزه التحاق ایدن قوت ملازم صادق افندی ایله درت نفر عسکره اوتوز نفر حیتمند اهالیدن عبارتدر .

بوملاقات یک مهیج و مؤثر بر طابلو تشکیل ایتدی . افراد عسکریه مستثنا . ضابطان و اهالی آشنا و نا آشنا بتون افراد موجوده عین حسن محبت و فداکاری ایله محو جراته آتش فداکاران امت اولدیغندن یکدیگری صمیمی و عاونا جاردانی بر محبتله در آغوش ایلدیلر . بر آزار استراحتله صو و سیغاره ایچمک . هر کسده بر تلاش ، بر آروغی استعجال کوردیم . مقصدی ، قراری ایضاح ایتک ایتدیکمی ضابط ارقداشلرله سوبلیم . اونلرده حضاره تبلیغ ایتدی . اطرافکی احاطه ایتدیلر . بونک اوزرینه مقصدی ، قراری آیتده کی تعقله ایضاحه باشلادم .

« وطنداشلم محترم قرداشلم ! آراجق استراحت ایتک اوزره بوتقطه ده بزی حسن قبول ایدن بوجهرای لطیف وزمردینده و پرسپه ارقداشلر مزک قرار وانتظارک فوقنده بزه ملاقی اولدینی شوقنقطه مقدسه سزه مقصدی ایضاحه ، قلعی اولان قراری تبلیغه بنی وجدانم مجبور ایدیور . شو حسن تالاقی و تصادف رضای باری به توافق

ایدن حسن نیتمک مظهر توفیق اوله جغه مژده رسان بر جلوه ، بر بشارت سفریه حکمنده تلقی اولنق اقتضا ایدر . (هپ اغزلر بردن اوت ! اوت)

آرقداشلر ! تهلهک عظیمه ایچنده بولنان وطنک سلامتی نامنه وحدانیت ربانیه اوزرینه ایتدکلر کز عهد و میثاقی ، یعنی وعد فداکاری بی در خاطر ایدیور میسکز ؟ بوکون شو دقیقهده وطن بزدن اوفداکارلغک اجراسنی بکلر . ملت واجب الامثال علوی بر فداکارلق کورمک استیور . سلامت وطن تأمین ایتدکجه دونامکه بو اوغورده سوه سوه اولمکه ، عثمانلی فداکارلغنه ، عثمانلی قهرمانلغنه پارلاق بر نمونه کورسترمکه حاضر میسکز ؟ (هپ بر اغزله های های ، یا اولوم ، یا سلامت وطن .) شو آنده ایچمزد جانلی ، اولاد و عیالی ، حضور و آرامنی خاطر کثیره چک قدر ضعیف قلبی بر کیسه نک بولندیغنی بیلیم . احتمالکه ایچمزد به حسب البشریه اوزون مدت یایان یوریه میه چک ، صوسزلغه ، آجلغه ، چپلاقلغه ، صیجاغه ، صغوغه تحمل کورسترمیه چک ، حیالتک مادی و معنوی بتون مشاق و مزاحمه طاقت کتورده میه چک کسه لر واردر . آنلره خطاب ایدیورم . وجدانلریته مراجعت ایتسونلر . حیالتک بتون دشمنلریله جنکاشمکه کنیدیلرنده تحمل کورده میانلره خطاب ایدیورم . کنیدینه کوکنه میلر عودت ایده بیلیرلر . آنلره مساعده ایدیورم . بزه کیتسونلر کر یلرنده دعا ایتسونلر . کذلک حیاته ابدیاً وداع ایدرک فلکک هر مشیتنه ، دهرک بیک فلاکتته ، خائن و فاسد بر حکومتک بتون قوت و شدتته قارشلی کوکس کرمکی ، قهرمانانه اولمکی وظیفه مقدسه بیلن بتون فداکاران آرقداشلر مه سوبیلورم . وظیفه علو جناب بزی رضای باری دائرة نجات فایده سنده عادلانه حرکتته دعوت ایدیور . یک بیوک فداکارلق دیلیور . بلا تفریق جنس و مذهب بتون کویلولرک و بزی انجیمین بتون وطنداشلرک سلامتی امر ایدیور . آنلرک عرضنی عرضمز ، ماللری مالز کی طایبق ایستیور . ظلمی ، سرقی قطعاً نهی ایدیور . قانون اساسی مدنیت اولان شریعت غرای احمدیه نک تطبیق احکامیه اسلاملغک ، عثمانلولغک اعلای شانی حیتمزدن بکلور .


بناءً علیه بو آندن اعتباراً وظیفه من اجرای عدالتله وطنه تأمین سلامتدر . بو باده نمونه امتثال اوله حق فداکارلنی یوکسکتمکدن عبارتدر بر حقوق مساواته عدالتله رعایت ایچون حریتی سلاحیه تأمین ایتک عزم قطع سنده بولنان شانلی ملتیزک پیشداری ، فداکاری بزه هر حال و کارده بوقضیه رعایتکار اولدیغمز کورستره چکز . بکنا نابع اوله جقلرک بوخس ایله بوخس فداکاری ایله متحلی اولملری ایسترم . بو باده قطعاً عفو و مسامحه

ایتمه حکم. حقوق اهالی به ادنا مرتبه تجاوزده، ظلمه جرأت ایدنلری بلا استثنا وبلا امان مجازات ایده حکم. بوجز انک اولومدن بشقه برشی اولدیغی بالخاصه ایضاحه لزوم کوردیم. چونکه سلامت وطن شدت اجرا آتی استلزام ایدر.

بناءً علیه بنمله برابر بویولده خدمت ایتمکی و بواغورده اولمکی جداً کوزینه کسیدین ارقداشلر مک ممکن مرتبه احتیاجاتی، احتیاجات مبرمه سنی تأمین ایتدم. خانه لری ایچون کندیلرینه اوچر لیرا توزیع ایده بیله حکم. توتون پاره سی اولق اوزره بهرینه ایروجه ایکیشر عدد سیم مجیدیه ویره حکم. بتون حوایج مبرمه لرنی در عهده ایده حکم. ارقداشلر مک بیه جکنی، ایچه جکنی، کیه جکنی بن تدارک ایده حکم. ایشته ارقداشلر تأمین سلامت وطن نامنه امریه منقاد اولق ایستینلرک شرائط قبولی بودر. وظیفه ومسؤولیتی بودرجه شدیددر. بوشرائطی قبول ایدیور میسکز؟ اوت. اوت. اوپله ایسه جان و کولکدن قبول ایتدی کیزی، قانکیزی حلال ایتدی کیزی وحدانیت الهیه نامنه قسم ایدی کیز. هپ براغزدن: واه بالله. شوقان و امثالی دعوا جیلری باریشدیر مق، استحلال حقوق ایله انلری قرداش ایتمک فرضدر. هایدی بقالم بر بریمزی قوجاقلیم. (هرکس یکدی کیرینک آغوشنه آتیلور) نطق بوراده ختام بولدیغی زمان رسنه دن کلن طقوز نفردن درت نفری عودتلرینه مساعده طلب ایتدیلر. سلاحلرنی الیم. کندیلرینک حرکتمزه اشتراکده بر آرزولری اولیوب بزی تعقیب اشقیایه مأمور کولکلور بر مفرزه ظنیه التحاق ایتدک لرینه دائر رسنه ده طابور قوماندانلغنه خطاباً قلمه النان تذکره ایله رسنه ده کوندریم. بونفرلر کبی اها لیدن یالکیز بر کشی شومیشاق عمومی به قارشو مخالفت ایتدی. مقصد مزک علویت و قطعیتی قارشو سنده ضعف قلبی اعتراف ایدن بو ذاته، مایین هایونه، مفتش عمومی به، مناستر والیسنه، مناستر ولایتی ژاندارمه قومانداننه، طابور قومانداننه و رسنه ضابطه مأمورینه خطاباً قلمه الدیغم اتی الذکر بیاننامه لری محتوی قیالی وممهور بیوجک بر ظرفی ناحیه مدیرینه تودیع ایتمک وظیفه سنی احاله ایتدم. بو ظرف دروننده ایروجه ناحیه مدیرینه عائد اولان بیاننامه ده امانت لک اصحابنه سرعت توصیل و تسریعی لزومی مع التهید تبلیغ ایدلمش ایدی.



لاحمہ قریدی



مذکور بیان نامه لر صورتی صره سیله ذکر ایدلشدر

مابین هایون باشکتابنه ، روم ایلی مفتش عمومیلکنه ، مناستر ولایتنه

۲۰ حزیران سنه ۳۲۴ یوم جمعه

افکار عمومیہ قانون اساسی بی اعاده ایتدیرمک نقطه سنه متوجهدر. ارضرومده اجرا قلنان مظالم ملتی قورقوتامشدر. بلکه دها زیاده تشویق وتشجیع ایتشدر. ذات حضرت پادشاهی به قارشو ملت خدمت بسله مکده وشمیدی به قدر کذران ایدن سیئاتک حساباتی صورمامقدهدر. هدف مقصد بوندن صکره مدنی دولتره بکنزه بهجک برصورت اداره تأسیس ایله هربرجزئی قانزده بدل اولان مقدس وطنمک اوتوز سنه دنبرو هر دائم اوغرامقده اولدینی تقسیمدن وقایه وملتک دوچار اولش بولندینی تشتت افکاری رفع وحالاً یک مشکل ومظلم کورینان استقبالمزی براساس متین اوزرینه تأمین ایتکدر. وبومقصد ایچون متائیانه ودور اندیشانه اوله رق هرکس بلا صوت وحرف چالشدینی برصرده سلانیکه برطاقم خفیه لر طولش وآسایشی اخلال ایده جک اسبابی استحضاره باشلامشدر. طبیعی بونلرک معاملاتنه اغماض عین ایدلمک یار واغیاره قارشو توسع وخامتی تجویز ایتک دیمک اولدیغندن ملت تدابیر لازمه به توسل ایتشدر. بوجهلدن اولقی اوزره ماوزر تفکریله مسلح ایکیوز فدائی ایله بوکون رسنه ایشه باشلامشدر. شمدیلک اوچ ضابط قومانداسنده بین الخاصر متعدد مفرزه لر حرکت ایتشدر. مقصدمن اردو واصدقای وطنی لکه دار ایتکه چالیشان مفسدین خفیه بی تأدیب ایتکدر. سلانیکه کلان درت بش جاسوس پاشالر ایله دفتر مخصوصله تعین ایدن همپالری اوچ کونه قدر سلانیکدن ترن مخصوصله مندفع اولوب کیتمدکلری حالده ارباب ناموس هرطرفدن بزم حرکتزده اشتراک ایده جکلردر. بزقانون اساسینک هان بوکون تطبیقی ایسترز. بونی حکومت ویرمنر ایسه ملت جبراً آلمقدهدر. بناءً علیه تشکلاتمز بوقاعده بی اجرا ایتک، حریمزنی المی قوتی ابراز ایلک ایچوندر. بوده عن قریب کوریه جکدر. حالاً وقایع الیمیه قبو آجق موافق منفعت دولت ومملت دکلسه سابقاً بیان اولنان اشخاص مفسده نک دفعی وذات شاهانه نک موقع شرف فاخرینی تمامیه محافظه بی بوکون یک مدهش اولان جمعیت تمامیه درعهده وتأمین ایلک شرطیه مجلس مبعوثانک درحال کشادینی طلب ایدر. اولمدینی حالده ویاال اولوالامرہ عائدر.

مئاسر ژاندارمه آلائی قوماندانلغه

ای خائن وطن !

سلفک کامل بکک جهالت و دنائی حسبیله عموم اهل وجدان، بتون وطنپروان کندوسندن روگردان ایدی. حکومت خائنه بیله بوخیئک ملتئرینی حمایه ایده مدی. عزل ایتدی. زمانک تراکئی حسبیله اهمیت فوق العاده یی حائر اولان اومقامی سزک کی اصحاب ذکا و معلوماتدن برذاتک اشغالی خبری جمله مزئی مسرتلره غرق ایتشیدی. حیفاکه سزده خوشجه وقت کچورمکدن عبارت اولان مدهائیک مسکینک کی برمسئک ایله بتون اردونک تاموسنی بریاد ایندیکز. کامل بکه رحمت اوقوتدیردیکز. البسه عسکریه یی لابس اولان اوجاسوسک ارتکابات منقوره سنه قارشو ملتک، اردونک تاموسنی وقایه ایچون سرز یولنه بیلوردی. چونکه اوباشیبوز و قلقدن یتشمه، تربیه سز، فکر سز جاهل حریفک بری ایدی. یاسزک، سزک ایچون نه سویایه بیلورز. سز مراتب بشریه نک اکیوکسک طبقه سنه منسوبسکز. اصالتکز، نجاتکز وار. هرشیدن زیاده بوینک سزده یقالقلر وار. اوزریک سزده اردونک اکیوک ضابطی اولدیغکزی کوستره جک ملت تمغاسی وار. اه بلاکزی ویرسون. مخشایش الهی اولان اوزکای منوری ملتک تربیتک رده سی اولان اوصاف وجدانی نهدن بویله ملوث ایدیورسک. اویوکسک جبهه یی نهدن اکیورسک. طالقاق و قاق، الحاقلق کی حیئتسز لکاری خرس کورنمکدن بشقه بر مقصدله یامدیغک رعنا معلومدر. سنده حس یوقی؟ وطن بریاره لی ارسلاان کی چیرپنوب طوریبور. سنک کی سودیله قانیله بسله دیکی، تربیه ایله یتشدیردیکی کنجلاک، مکمل ضابطم دیه افتخار ایتدیکی ارکان حربلرک وظیفه سی بویله جانسز اسکت کی روحسز، حسسز طور مقمیدر؟ سن کفران نعمت ایله دنیاده اکیوک برجنای ارتکاب ایتدیکی دوشو نیمورسک؟ طالقاق و قلق ایله افتخار ایتدیکک والیکه، مفتش عمومیکه مقصد خروجی اکلاتدم. حکومت، قوتلرینه، دنیلره اعلان حرب ایتدم. بن دکل ملت ایتدی. سن حالا جمعیتک وجودندن بیله بی خبر بولئیورسک. تخار سفاهت و استراحت ایله کوزیک آچه میورسک که حقیقت حالی کوره سک. اجنبی ضابطلرینه طالقاق و قلقدن، حکومت فاسده یه آلت اولمقدن واز کچ! سکا یاقیشه جق بر مسک طوت، اصلاح نفس ایت! یوخسه پشیمان اولورسک. سنی بیوتن وطنک، حقنی اونوتمه. صاحبی بتمامش یتیملرک ظلم ایله النان پاره سیله تنور ایدن

زکاکی خدمت وطنه حصر ایت! اولومدن قورتولامزسهك باری شرفله اول والسالام
على من التبع الهدى .

رسنه ملی طابوری قوماندانی

قول اغامی

نیازی



رسته ده سگستان سگرنجی آلاک اوچنجی طابوری

سکباشیسی رفیق بکه

اجرا ایتدیکم حرکتدن طولای بی دناثله اتهام ایدر و بلکه عموم طابور
ضابطانجه بکا لغت خوان اوله جقسکز. اگر حقسنز ایسه اه چابوق بلاعی ویرسون .
فقط آلدیغ بوپاره ینه وطن یتیملرینکدر . بزمده مقصدمن وطنه خدمتدر . بوپاره ده
استفاده شخصییه یوقدر . ایجاب ایدنلره بر پاره سنه قدر حساب ویریه جکدر . حکومت
مستبدّه حاضره ایسه یا آخرتده ویاخود عنایت ربانی ایله یقینه امید ایتدیکمز اعلان
عدالتده حسابی ویریه جکدر . بوپاره لر صرف چته فدایلرینک احتیاجات ضروریه لرینی
دفع ایچوندر . مسئولیت بحثنه کنجه : نه سزه ونده طابور ضابطاننه ترتب ایتمز . زیرا
عمومکزی اغفال ایچون استعمال ایتدیکم پلانه کیم اولسه آلدانیر . کرک آوجی طابورینی
وکرکسه یوزکشیک اشقیا چته سی کورلدی دیه اغفال ایدن بزم . سلاح سسینی ایشیدلیدیکنی
اغفال ایتدیرن ینه بزم . سلاحلری ده مصادمه یه کیدیله جک بهانه سیله آلدیم . چته افرادینک
تفکری نقصان اولدیغندن قشله جوارنده آصادف ایدیلن ایکی تفکرک سلاح وجب خانه لرینی ده
آلدیم . اونلرک قباحتی یوقدر . چونکه آمرلری بولندیم جهته واساس ماده یی بیامدکبرندن
امر مه اطاعته مجبور قالدیلر . اگر مقصدی بیامش اولسه ایدیلر اکال ناموس ایتدن
تفکرینی ویرمزلردی . بونک ایچون حقسنزاق اولمالی . او مسئولیتده بکا عائددر .
صدقندن آلمان پاره نك مقداری ده الی درت بیک درتیوز آلتش درت غروشددر .
صندق حسابی بووجهله ویررسکز . بوندن ده سزک تقصیراتکز یوقدر . زیرا بن پلانی
کوزل چویردم . سزی مسؤلیتدن قورتارمق ایچون ایلروده تفکرک مقدارینی ده یازم جیم .
شمی تلاشه یم . تعداد ایده مدم . چته مزک افکاری اعلان عدالتدر . پرسپیه کنجه
اورادده عین ترتیبده یعنی رسنه پلانه مشابه بر حرکت اولمشدر . اورانک ده هامور
مسؤل بزم . ملازم صادق افندییه کنجه ایشی اطرافلیجه اکلامدینی جهته رسنه

اوغری ملی طابورینک پر مغرزه سی



اووه سنه قدر گلشدر. مقصدیمی تمامیه اکلایجه افکاریمه خادم اوله میه جغنی بیان ایدرک محل مأموریتته عودت ایتشدر. بواشده یزدن ماعدا طابورضا بانک معلومات ومدخلی یوقدر. باقی یا اولوم یا سلامت وطن. هیکزدن ممنونم. حقم حلال اولسون. سز نصل ایسترسه کز اوילה فکر بسله ییکز.

رسنه ملی طابوری قوماندانی

۲۰ حیران سنه ۳۲۴

قول اغاسی

احمد نیازی

آوجی ضابطانیله عسکرینک ده عفورینی ایسترم. زیرا بیچاره لری بیهوده یره چوق یوردم. ایچلرنده حیتی آدم وارسه حلال ایدر.



رسنه ژاندارمه ملازمی یشار افتدی به

علاوه

آخان !

بزی بسله یوب بویوتن وطن مقدس ومعززك اوغرا دیغی فلا کته قارشو ملت، قلنجی بنم بله قوشا تمشدر. معتمد شمدیلک ایکی یوز فدائی وار. سن، یوزباشی خالد ومناستره وروديله حیتدن امید وار اولدیغمز آلا ی قوماندانکز امیدمرك خلافتده برر آلچق اولدیغکزی کوستردیگز. آرنق اصلاح نفس ایتلی، قبالی کوزلریکزی، طیقالی قولاقلریکزی ایوجه آچلی. بیلملی که وطنک سلامته لازم کلن قوتی تأمین ایده جک اتحاد دشمنلرینک جزاسی اولومدر. سنک وشربک ملعتک پزسه تلغرافجیسیله تحریرات کاتبی علی، سواری وهی ایله سلیمانک وژاندارمه یوزباشیسی حقیقک تبدیل منسلک واصلاح نفس ایتلیسی قطعاً الزمدر.

اتحاد وترقی جمعیتک ایکی یوز وطن فدائیس نامنه

قول اغاسی

نیازی

پزسه تلغرافجیسی شوقی اشبو تهید نامه اوزرینه شمسی پاشایه وارنجهیه قدر بتون ارکان استبدادی ولولهیه ورن برشدت خوف وهیجانه مغلوب اوله رق جزای سزاسی اولمق اوزره بالاخره تبخن ایتشدر.



رسنه ناحیه مدیرینه

مایینه، مفتش عمومی، ولایت، ژاندارمه الای وطاقم قوماندانلرینه خطاباً یازیلوب
لفاً کوندریلان بیاننامه لرك مطالعه سندن مقصد خروجزك نه قدر علوی و مقدس اولدینی
رهین علم حیثی و روانه لری اوله جغدن همان محلا رینه تلغرافله ایصالی و نشر و تعمیم
مقصد خصوصنده بذل همم و ظنی و روانه لری متمنادر. بیاننامه لرك تأخیر تبلیغ و ایصالندن
متولد جزانك اعدام اوله جغنی بالخاصه اخطار ایدرم .

رسنه ملی طابوری قوماندانی

قول اغاسی

احمد نیازی



ایشته بیاننامه بوراده ختام بولیور بزینه صدممزه کلهم :

بتون افراد حیتمندانی یکووجود، يك وجدان ایدن بومصافحه متوکلانه بی متعاقب
حرکت امرینی و بر دم . هرکس سلاحنی، طغارجغنی او موزینه یوکلندی و یوله دوزلدی .
اون دقیقه صکره پیشدارمز لاحجه قریه سنه کیریوردی . فدا کارانك کنکره آسمانه
و بتون آفاق جهانه استیلا ایدن آوازه تکبیر و تهلیلی، آهنگ الحانی اورتولنی هیبتلی
عکسار ایله طولدریوردی . کویه کیردکدن صکره قریه هیئت اختیاریه سی معرفتیه
ترلارنده ایشلین بتون کوی خلقنی دعوت ایتدك . ذاتاً قانون اساسی بی استرداد مقصدینی
هدف مساعی ایدن جمعیتك بك جدی طرفداراتی حاضرلیان بوکویده غیرمختلف بر فرد
بیله یوقدی . ارتق حصول مقصده بویله مسلحاً و علناً چالشلیدیغنی کورمکدن متحصل
بر مسار، بر مسار ملی ایله پارلدايان ناصیه لریغنی اوزانه رق بزى قوجا قلامق ایچون
اوزرمزه اوشیشیورلردی . وقیله اشقیا مصادمه لرینك برنده کوکلو اوله رق یانی باشنده
حرب ایدن قرداشك شهادتی بیوک بر صغوق قانلیقله تماشا ایدن قهرمان بحری چاوش
آرزوی التحاقله بی در آغوش ایتدی .

— نیازی افندی ! بی بو دولدن محروم ایتمه . اصل مرتبه شهادن ایشه بو غزاده
احراز اولنه بیلور دیدی .

— بحری چاوش ! سنك کی قهرمانلره بندن زیاده کویک لزومی واردر. سن بتون
همشهریلرکله برابر بنم نقطه استنادم ، امین بر التجا کاهم اوله جقسك . کوکل سنی ایستر


اما کوی ، التجا کاهمی سنک کبی بر قوتدن محروم ایتکه قائل اولماز . بن سکا بوراده خدمتی بورادن آیرلماغی توصیه یه مجبورم .

دیدم . مفرزه یه بوراده استراحت ویردم . پاره ایله یمک تدارک ایتدم . یمکلرینی بیدکدن صکره حرکت امرینی ویردم . چونکه بوراده یاپه جق بر ایش قالمش ایدی . بنم یاپه جقم شیئی کویک هیئت اختیاریه سی بحری چاوش پک اعلا اداره ایدیوردی . بحری چاوشک حمیت ، ودرایتنه ، صداقت و کفایتنه مثال اولق اوزره قارئلر مه شو وقعهی ، شو وقعۀ غریبه یی اکلایتمقدن بر درلو منع نفس ایدمه جکم : لاحچه قریه سندن (فلانک) خانه سنه رسندن مسافرة کلن قائن برادری (فلان) کوی اهالیسنک کاملاً جمعیت طرفندن تحلیف اولندیغی همشیره سندن استخبار ایدنجه استطلاعاتی کتمه لزوم کورمیان بو بدلا، اوده بریده لاحچه قریه سنک کیملر طرفندن ونه صورتله تحلیف اولندیغی اشاعه ایدر و بوسره نه صورتله واقف اولدیغی مقام اقتخارده سوبله مش . افشآت واقعیه واقف اولان بحری چاوش پرغضب و تهور کسلور . عجاله کوی اهالیسنی طویلار و بر متینغ عقد ایدر . اسرار ملیه یی قرداشنه افشا ایدن زوجه نك تطلیق کیفیتنی قرارلشدیرر . زوج بی خبر بر سوء نیته مستند اولیان و بوش بوغازلق درجه سنده قلان بوجرمه قارشو زوجه سیله بر ائکده عفولر طلب ایدرلر . بوندن صکره کویده حصول امنیت ایچون ارکک وقادیندن برر پولیس تعیین ایدرلر . ایشته اطرافی لطیف قورولقلر ایله محاط اولان بو طاع کوینک واسع بر محیط ایچنده صاف . بر هوا تنفس ایدن وسعی مجسم اولان خلقی بویله حمیت و حماست ایله متصفدر . بحری چاوش کبی جوهرلرده مالکدر . بحری چاوشک منع افشای رازه مدار اولان شایان تقدیر شو تدبیری بالاخره عموم کویلرده تطبیق ایدلدی .

اوکون ساعت اونه طوغری اولجه تعیین اولنان اجتماع نقطه سنده آماده حرکت طوران مفرزه افرادینک بهرینه بر موجب وعد و تعهد اوچرلیر اوایکیشر سیم مجیدیه توزیع ایدلدی . حرکت ایچون یوقلمه یی اجرا ایدن و تکمیل ! خبرینی ویرن ضابطلر ملازم صادق افندیکنک غیبتنی اخبار ایتدی . ذاتاً بن کندوسندن امین اولمدیغم ایچون بو خبر غیبتنه بالخاصه ممنون اولدم . استقامت . استاروه ایلری آرش : امرینی آلان ضابطلر پیشدارینی یوروتدی . قسم کلی ایله بنده قولی تعقیب ایتدم . ایکی طرفی میشه اغاجلری ایله محاط اولان بویول غایت صرپ بر بلقانی تعقیب ایدن برهلزون شکلنده تپیه طیرمانیردی .

دونک نقطه لردن بتون اووه یی ، التون باشاقلی ترلالرله مزین اووه یی اوزاقسندن

صاری صالینق کشیدخا به سنک منظره عمومی سی



خیال میال سچیلان رسنه قشله سی، کاوان قره غولی و سائر قرایی پامال نظارت ایدن بویولی بیوک برشوق و شطارتله طیرمانده . بریحق ساعت صکره ایزوور دنیلان سایه دار اغاجرله محاط بر قایناغه واصل اولدق . موله ایچون پک مساعد بر محله بر ساعتدن زیاده استراحت ایتدک . هرکس یمکنی ییدی صوینی ، سیغاره سنی ایچدی . هواده قرار ییوردی . روی سمایی درت بر طرفدن احاطه ایدن قره قره و سریع الحریکه سحابپاره لر بارانک تقرب نزولنی اخبار ایدیور ، بوحال بر آن حرکت لزومنی اخطار ایلوردی .

۲۰-۲۱ حزیران کیجه ساعت اون ایکی چاریک کچنجه حرکت ایدن مفرزه استاروه یولنی تعقیدن صرف نظر ایلسنی و اوخری یولنه طوغری ایلرولسنی امر ایتدم . چونکه اوصرده استارووه کیدن یکانه یول اوزرنده بریحق ساعت مسافده کائن و صاری صالقیق دیمکله معروف کشیشخانهده هر سنه قورولسنی معتاد اولان پنایرک یاریشکی جمعه ایرتسی کوننه مصادف اولدینی خبر ویرلش ایدی . بومناسبتله اهانیک ازدحامی وقوه عسکریه نك بولمنی احتمالی بزی تبدیل قرارده مضطر براقشیدی . ذاتاً شدت لزومی اولان مطر لرك تدارك واکلی اقتضای بزی هر حالده اوخری به سوق ایده جکدی . بوتبدیل حرکتله هم بونقصان اکال ایداش ، همده پنایر محله اوغرامق بلاسندن اجتناب قانمش اولیوردی . لاحظه دن اوخری به طوغری کیدن یول موله موقعی اولان ایزوور قایناغندن صکره چپلاق و یالچین قیالقلردن ، صرپ و صعب المرور طاشقلردن کچر . طبیعی بر پاتیه اولدیغندن کیجه تراکلغنده و شدتلی نزول ایدن باران التنده تأمین انتظامی مشکل و غیر ممکن قیلان پریشان و غیر منتظم بر یوروشله تابصباح مانعار قارشوسنده اقتحام مشکلات ایله بی تاب و توان کسیدک . درت ساعتدن عبارت اولان بویولی اونبر ساعت ظرفنده نيك مشکلات ایله قطع ایده بیلدک . صباحک اون ایکسته طوغری اوخری نك یاریم ساعت خارچنده دکر نیکلر جوآرنده کرازلک باغچه لرینه واصل اوله رق اوراده اوزون راستراخته قویولدق . مطر لرك نقصانی ، دها طوغریسی فقدانی سیئه سندن الهک امرینی چکدیکمز بویکجه نك تعداد مشکلاتنه کیریشن ارقداشلرک مشافهه سی تأثیر سرور ایله براکنتی ده کی ملاطفه شکلی المش ایدی . بزه عزت واکرامیله بحق بر عثمانلی اولدیغنی اثبات ایدن ناغچه . مستأجری شاذمان افندی بی اوخری به ، قضا هیئت اداره سنه قول اغاسی ایوب افندی نزدینه کوندردم . سبب و صورت ورودی بیلدردم . کندیلرینک تزدمز و رودی مناسب اوله میه جفی جوابنی النجه ایکی نفر عسکری مستصحباً جمعه ایرتسی صباح ساعت ایکیده کیزلیجه قصبه به کیردم .

فی ۲۱ جزیران سنه ۳۲۴ : بتون اخوان جمعیتك بالخاصه قول اغاسی ایوب افندیك كوسترمش اولدینی حسن قبول واحترامه الی الابد مدیون شكرانیم. ذاتاً مایه فطرتلری خون شجاعت وچاستله یوغورلمش اولان یوقصبه اهاالیسنك حسیات عالیله و صداقت ملیه سندن ذره قدر اشتباه ایدیله مزدی. ورودمزی خبر آلان اخوان جمعیتدن قول اغاسی ایوب افندی ایله برادر عاجزی ملازم مرتضی افندی، اوخری قضاسی هیئت اداره سی (اتحاد و ترقی جمعیتك) اعضای کرامی و اوخریده کی بتون اودای قدیمه بنی اخفا ایتدکلری اوخریلی محمود اغانك خانه سنه کلدیلر. اره مزده شو صورتله برمحاوره جریان ایتدی. قول اغاسی ایوب افندی :

ماشا اه . خوش کلدیکز، صفا کلدیکز. خداییلر آب آنسزین تشریفکزله بزی متحیر ایلدیکز. دون حیدر افندی ایله کوندردیککز مکتوبده ابتدا استاروه قضاسی جولانکاه اتحاد ایده جککزی یازمش ایدیکز. طوسقا قومیته سنه برنقطه استناد اولان استاروده عدالت عثمانیه نك ابراز آثار فعلیه سی نقطه سنده سزکله متحد اولان بتون اخوان جمعیت کبی بنده ایکی قوتلی عنصر اسلامك اتحادینه مانع اولان حائللرک برصورت حسنه و سریعه ده برآن اول برطرف ایدلمسی ذاتاً اوتنه دنبرو آرزو ایدیورم. سزک علو حماست و کفایتکز سایه سنده شوامنیه خیریه یه ده عن قریب نائل اوله جغمزی امید ایدرم .

بن — چرچیسك اك زیاده تأثیر ایده بیله جکی استارویه برآن اول کیتمک، عدالت عثمانیه یی، فکر حقیقت و ظرورانیه یی نشر و تطبیق ایتمک، جمعیتك آمال خیریه سی ترویج ایتدیرمک املیه یوم خروجده استارویه یی ایلک هدف اتحاد ایتمش ایکن صاری صالقی کشیشخانه سنك سنه دوریسنه مصادف اولان بوکونی اوخریده نزد اخوانده کچیرمکی و بوراده احتیاجات مبرمه دن اولان مطره و امثالی نقصانلرینی اکمال ایتمکی، و استارووملی خسرو بکله آنا وودلرک طوسقا قومیته سی رئیسی چرچبسه برر بیاننامه کوندرمکی ده ا موافق مصلحت بولدم .

خانه صاحیله هیئت مرکزیه قضای تشکیل ایدن بتون اعضای کرام هپ برآغزندن : بزی دیدار انور فدا کاریکزله مشرف و بختیار ایدن تصادفک شولطفنه عرض تشکر ایدر ، قهرمانا غکزدن ، فداکار لغکزدن طولایی سزی عن صمیم القلب تبریک ایلرز . انشاء قریباً زده بتون اخوان جمعیتله اثریکزه اقتفا ایده جکز . ایوب افندی یه مطره ایچون شمدی چارشویه آدم کوندریله جکدر. سز و آرقدا شریکز بالطبع آج بیتاب و محتاج

استراحتسکز . بوندن بشقه نقصانلریکز ، احتیاجکیز وارسه الدن کلدیکی مرتبه غیرت ایدملک اوزره لطفاً تعداد ایدیکز .

بن — بوکون بزه یکریمی بش معاره تدارک اولنورسه اداره مصلحته کفایت ایده بیلور . ایلورده تدارک ابدلجکه بزه توصیل اولنور . بشقهجه نقصان و احتیاجیز یوقدر . لطف و معاونت انسانیتپروراهلرینه عرض تشکر ایتمکلمکه مساعده بیوریکز .

— استغفره ، استغفره سزک کبی وطن فدائیلرینه جائزله معاوتی چانه منت بیلورز .

بن — اوایله ایسه ارقداشلرکم ، عسکرکم یانسه کیتمکلمکه مساعده بیوریکز .

— مراق ایتمکیز سزک عسکرکز بزم حرز جان ایدرجه سنه سودیکمز اولادلرمن مثابه سنده در . اولنرک هر بر لوازم استراحتی دوشونلشدر . اکمک ، صو ، قاتیق ، یمک میذولاً کوندریله جکدر .

خانه صاحبی — بوکون برلکده قوشلق یمک شرفسندن بزی محروم ایتیه جککیز امیدیه حاضرلنقده اولان طعامه منتظر اولمکیزی رجا ایدرم .

خانه صاحبک اختیار ایتدیکی کلفت وزحمتک ، باخصوص ایوب افندی طرفندن ارقداشلرکم تسویه احتیاجانه قارشو ایدیلن تعهدک حصوله کتیردیکی تأثیره اتباع ایدیوردم . یمک حاضرلنجهیه قدر خسرو بکه و چرچیسه برمکتوب قلمه الدم . چرچیسه یازدیغم مکتوبی عیناً درج ایدیورم .

عنیزم چرچیس !

وطنمزک اوغرا دینی فلاکتی کوزم اوکنه الهرق گرفتار اولدینی ورطه هولنا کدن قورتارمق و اغورنده فدای جان ایتمک اوزره ماوزر تفنکریله مسلح ایکوز وطن فدائیسيله بالقانه چیقدم . تعقیب ایلدیکیکز مسلک وطن مقدسمزک فلاکتته چابق نتیجه ویره جکندن سنی اک زیاده تعقیب ایدن بن ایدم . فقط شمعی سکا المی اوزاتیورم . ارتق برلشه جک زمان کلدی . ایسته دیکک شرط داخنده زرده ارزو ایدرسه ک کوروشه لمده ال اله ویره کک وطنک سلامتی نامه برلکده چالیشه لم . زیرا : سوریدن آیریلان قویونی قورد قبار .

پک نشئه لی و شطارتلی بر مصاحبتله دوام ایدن طعام ، کونلردن بری مادی و معنوی بتون مساعینک تأثیراتيله ضایع اولان قوتی تعمیر ایده جک بر مکملیتی حائز ایدی . بعدالطعام احتیاطه رعایه سنان افندی ایله حاجی امین اغا بنی سنان افدینک خانه سنه کتوردیلر . اوراده

اوتوری جواننده — د کبر منگلر ده پشته ایله استراخان بقیه



اواخری اشراقندن لطیفی منتظر بولدم. ایوب افندی ایله ارمزده محاوره دوام ایدیوردی .
ایوب افندی :

عزیزم استراحتہ باخصوص جمع قوایہ اولان احتیاجکزی سزده اعتراف ایدیورسکز. شوقرصدن استفادہ ایله بوکیجه بورادہ قالمکزی رجا ایدہ جکز. عسکریکزه کلنجه: آنلرله اشتغال ایتک بورادہ سزک ایچون خارج از وظیفه قالور. عسکرکزی صوبی مبذول ، تأثیرات هوأیهدن مصون ، اسباب مدافعه و محافظه سی موجود و مکمل و کرمندکلر جوارینه چیقارہ جغز. آنلرده اوراجقده کیجه بی کچیرلر. دیدی .
بن — آمر، باخصوص بنم کی بویله فدائی بر چته رئیس ممکن دکل عسکرینک یانندن بردقیقه بیله آرملاملیدر. حتی وظیفه طولایسیله ایجه امتداد ایدن شو غیوبتمدن طولای عتاب درونی به دوچار اولیورم .

دیدم عسکرک شوق و غیرتی آنجق آمرینک حضوری ایله قائم اوله بیله جکی مطالعه سیله تکلیف مسافرتی شدتله رد ایدیوردم . عسکرک فوق العاده استراحتندن زیاده بکا اولان احتیاجنی نظر مطالعه یه آلمغه مجبورتی ایضاح ایله رخصت طلب ایتدم. بوسره ده چتهدن پولیس قومیسری طاهر افندی ایله بلدیہ رئیس جمال افندی مشترک بر تذکره ایله افراد عسکریه دن بر بوریزن ایله دیگر بر نفرک فرارینی بیلدیریوردی . هنوز عودت ایتدیکمدن تشکی و مضطرب اولدقلرینی یازیوردی . عسکرک دکر منلکه، بنمده سنان افندی خانہ سنه نقل مکان صورتیله احتیاطه رعایه آنخاد اولتان شو تدابیرہ رغماً ایکی عسکرک رسنه یه عزیمتی خبری قرارمزی تغییره باعث اولدی. و بویده اصابت وار ایدی . چونکه حکومت، فراریلرک باناتی ایله آشکار اولان موقعمزی احاطه ایتک اوزره اوخیریدن، رسنه دن قوای عسکریه ترتیب ایتش ، یوله چیقارمش ایدی .

بو استطلاعات اوزرینه آرتق اوخزیده طورمغه اودای اخلاص شعارک بیله موافقتی قلامش ایدی . بنی قو مشو قبولرندن و باغچه دن کچیردک دکر منلک جوارنده آرامکزین اولان عسکرک یانه ایصال ایلدیر. ساعت اونی کچمش ایدی. اوخزیدن مباحثی سلامت نقطه نظرندن وظیفه عدایدن چته مز افرادی بوکیجه بی ده یوروشله ویک مشاق ایچنده کچیردی. ذاتاً قصبه لرده باخصوص اوخزی کی افراد اها لسی کا بلا محلف و جمعیتہ مربوط منتظم بر مرکز اولان اوخزیده چته ایله یاپه جق ایش قلامش ایدی . بورایه ایوب افندینک ، اوت امنیت عامه بی قازانش بو فداکارک وجودی کافی ایدی . اوخزیده قالمق ایچون یالکز بر نقطه نظرندن احتیاجمز واردی . اوده عسکرک شدتله محتاج اولدینی

استراحت ایدی . نه چاره انسانلر، باخصوص فدا کارلر، دوشوندکلری کبی دکل ، اکثریا مجبور اولدقلری وجهله حرکت ایدرلر .

اوخربدن استاروویه طوغری کیتمک یولنده اولان قرارمزی ، پلانمزی آلت اوست ایدن فراریلرک اخباراتی اوزرینه فضولی اوله رق بویکجه بی ده متاعب کونا کون ایچنیده کچیرمکه مجبور اولان افراد عسکریه مرقومونه اغتخوان اولیور ، ازاله وجودلری ایچون فدا کارلر برر برر مراجعت ایله اظهارحدت ایدیوردی . بوقدا کارلر بش نفره بالغ اولنجه بو حس انتقامک اخلال انتظامی مؤدی اوله جغنی نظر مطالعه یه آله رق فراریلرک رسنه هیئت اداره سی طرفندن اعدامی لزومنی اوخری مرکزینه یازدیغم برتذ کره ایله تبلیغ ایتیش، عسکرک سکونت قلییه سی بوصولته اعاده یه موفق اولمش ایدم . چته ایله ارانه سلطوت وجهانه اظهار حقانیت وعدالته اک زیاده وظیفه دار اولدیغم استا . روویه کیتمکدن منع ایدن بواسیابه قارشى بنده بتون آرقداشلرم کبی اظهار غیظ وحدتدن جبر نفس ایدمه ماش ایدم .

بالضروره دبریه ، جمعیتک ده ازیاده نفوذ واقتدارى موجود اولان شواسلام قصبه سینه طوغری یورو مک ضرورت حکمنی آلمش ایدی . شواستقامتده برحق قرای اسلامیه ، داخل دائره اتحاد اولمش مراکز منتظمه موجود اولدیغنی کبی یوللرده مدافعه یه صالح بالقانلر ایله محاط ایدی . آنک ایچون دکر منلکدن صوکره اووه بی تعقیب ایدرک وولینه چفتلکندن کچن یولی قروشیسته قریه اسلامیه سینه قدر اندیشه سز و فقط بیك محنت ومشقت ایچنده قطع ایتمشدک . ۲۱-۲۲ کیجه ساعت درتده وولینه یی کچجه قدر ارزاق عسکریه متعهد لرندن و دبره اشراقندن وبالا رجالندن متعهد اسماعیل پاشانک دفعتی نامه وجوده کلن بطاقلنی چکنمکه ، بتون کیراجیلر ، کویلیلر ، یولجیلر کبی بزه پانطو . لونلرمزی صیغلامغه مجبور اولیوردق . بطاقلنی آشدقدن صوکره کویلونک اکرام ایتدیکی صولری ایچدک وپوله دوزلدک . چونکه بوراسی کیجه لکه صالح دکل ایدی . ذاتاً اوخربدن ممکن مرتبه اوزاقلاشمق ، دبریه یاقینلاشمق ، اسلامى چوق صرب بالقانلق برنطقیه یناشمق لازم ایدی . ساعت الی راده لرنده بو اوصافی مهما ممکن حائز اولان قروشیسته قریه سینه تقرب ایتدک . قریه یه بزدن اول مراصلت ایدن قوناغی مفرزده سی کویک مختاری واسطه سیله قوناقلری احضار ایتدیکندن مواصلتمزی متعاقب عسکر استراحته نائل اولدی . اهالیسی کاملاً مسلمان اولان بو کویده ده جمعیتک نفوذی وقوتی

بيوك ایدی . هیچ برصیقتی به معروض اولمقد . بتون افراد عسکریه مکملأً استراحت ایتدی . درین بر او یقویه طالدی . ایرتسی کونی عادتاً کج او ایددی .

۲۲ حزیران سنه ۳۲۴ : آرقداشرا و یاندقلری زمان طعام حاضر لائمش ایدی . اوخری او واسنه ناظر بر طاغك اتکنده کائن اولان بوقریه مناظر لطیفه و بدایع طبیعیه مالکدر . هواسنك جیادتی ، ضوینك لطافتی ایله معروفدر .

حزیرانك (۲۲) نجی پازاری اولان بوکونی اقشامه قدر بوراده کچیردك . قروشیسته قریه سنده ذمت حمیمزه مرتب اجراءات غایت مهم وجسم ایدی .

محکومیندن پیسوجانی امین اوفق و فقط اهمیتی بیوك اولان چته سیله بعض حقسنزلق ارتکابندن چکنمدیکی جهته بونك باشلی باشنه کز مسی جمعیتك حیثیتی اخلاص ایده بیلوردی . کذا محکومیندن نوو سیللی قورطیشده قروشیسته وجواری قراده بیاغی بر نفوذ اعمالندن خالی قالدینی کی امین ایله ده آرای بوزمش ایدی . بویه مهم قرا و مراکز اسلامییه جولانگاه اتخاذ ایدن بویکی چته نك وجودی منافع جمعیتی مخاطره به دوشورمش ایدی . اهالی ایکی طرف اولدینی کی انلرك حرکاتی خرسیتانلر ایله مسلمانلر آراسنده کی حفره لری تعمیق ایدیوردی . قروشیسته وامشالی قراده جمعیتك ، داخل دائره محرمیت ایلدیکی کیسه لر ، بو طرفلرده بکیتاشیلره متوجه بر نفرت نظریله محقر کوریلوردی . رسم تحلیفك مستوریتی مقصد و جاهلارك وسیله تزویراتی اوله رق جمعیت حقدده حسیات عمومیه فنا بر شکل آتش ایدی . آنك ایچون معاملات تحلیفه نك علناً اجرایی لزومی حس ایتمش ، بر طرفندن ده قوته استناداً بر مناسبتنزلک اولمیه جغنی ملاحظه ایلش ایدم . مختار امام واعضار واسطه سیله اسلامیت نامنه ، وطن نامنه بعض تکلیفات و تلقیناتده بولنه جغمندن اوکله نمازی جامع شریفده حاضر بولمنسی اهالی به اعلان ایتدیردم . امین ایله چته سنی ، قورطیش ایله طرفندن ده آروجه جلب ایتدم . مفرزه افرادیلر تماسده ، آلیش ویریشده بولنان سکنه قریه معیتك عسکر دکل ، بر عثمانلی چته سی اولدینی و بر مقصد علوی ایله کز مکده بولندینی آکلامقده مشکلات چکماش ایدی . بوتماس و تعالی افکار بنم تلقینات و تشبیهاتی تسهیل ایتدی . اوکله وقتی جامع شریف ایکنه صیغامیه جق درجه ده بر غلبه لك ایله طولش ایدی . چته بی حرمتله ، صمیمیتله قبول ایتدیلر . حاضر و نه ساده و قیصه بر نطق ایراد ایدلدی . بونطقده محو اولان وطنك ، آیق آلتنه آلتان ناموسك ، تحقیر اولنان ملتك بزدن فدا کارلق بکلدیکی شوزمانده قان کودمك و منافع خسیسه آرقه سنده اولمك آلچاقلق اولدینی ، هر کسك یکدیگریله باریشه رق ، متحداً چالیشه رق



صاری صالحی معبدی



لاحجه قریه لی بحری چاوش و مخدومی

وجوده کثیره جکی قوت قارشوسنده بتون بوفاسد قوتلرک ، بتون بو حقیق سر تعرضلرک عاجز قاله جنی اتیان ایدلدی . اتحادی ، اتفاقی تأمین ایچون هیچ برفدا کارلقدن چکینمیه جکمی ، اوکمه چیقان مانعلری محو ایتمک وظیفه م اقتضاسندن اولدیغنی اثبات ایلدم . بلاتردد استملاک حقوق ایله باریشدیلر . امین ده ، قورطیش ده ، معیثری ده یکدیگری نه صارماشدیلر . کویده موجود مانع اتحاد بوکی اختلافلری بوضورتله برطرف ایدنجه مردانه بر اصول ایله علناً تحلیفه مسارعت ایلدم . جمعیتک احکام قانونیه سنی تطبیق ایله منتظم بر مرکز وجوده کتیردم . آرنق بوراده یابه جق برایش قالمایش اولدیغندن عسکرک اخشام طعمانی ساعت اونده احضار ایتلرینی هیئت اختیاریه تبلیغ ایتدکن صکره قوناغمه کلدیم .

اولا کویک هیئت اختیاریه سنی نزدیمه جلب ایتدم . چته نك مصرفنی سؤال ایتدم . بش پاره بیله قبول ایتیه جیکلرینی سوبلیدیلر . آره مزده شو محاوره جریان ایتدی :

— آغالر ، بابالر ! چته مزك هدفی عدالتدر . ظلم و خیانت دکلدر . هم باخصوص بورایه یالکمز بردفعه کله جك دکلز . بن جمعیتمزك قانونی خلافتده حرکت ایده مم . مصرفزی مین بر مقبوض ویره جکم . ویر کولریکنزه محسوب اولنمق اوزره حکومته ابراز ایده جکسکنزدر . خائنلر ایسترایسته مز قبول ایدرلر . سزده اهالی به توزیع عدالته مأمورسکنز . صاقین اولیه که فقرایه تعدی اولنسون . اکمکی پینری تدارك ایتدیکنز خانه لرك ویر کولرینه محسوب اولنسون .

— مادامکه بوصورتله تسویه مصلحت ایدیورسکنز بزده راضی یز . باق بوکا برشی دیه میز . بز شمدی به قدر انواع فامله حکومته برطاقم ویر کولر ویر مکده یز . بوپاره لرك نر به صرف اولندیغندن خبر مز یوقدر . بزى آدم یرینه قویوبده دکل حساب ویرمك ، حق حسن معامله ایتك بیله خاطر لرینه کتورمز لر . حمد اولسون عدالت کورمهک باشلادق . بزده انسان اولدیغمزی اکلا دق .

دیجه شومقبوضی املا ویدلرینه اعطا ایلدم .



قرویشته قریه سی هیئت اختیاریه سنه

حکومت علیه ابراز ایدیله جکدر .

ای وطنداشلر ! ناموسلو کویلولر :

وطنك هر درلو تعرضدن وقایه سی ، حقوق مشروعه كزك تأمین و محافظه سی مقصدیله حکومته انواع نام ایله ویردیکنز پاره لر ایله برقم سفها و اقبالپرستان دولتك ناموس وطنی پایمال ایدن برطاقم آچاقلقلره متجاسر اولدقلری ، سزى انسان یرینه قویوب حساب ویرمك دکل عرض وجان و مالکزه قصد ایتیه درجه لرنده سزده دشمنلق ایتدکلری معلومکزدر . مدنی بالطبع اولان انسانلر بویه جه حیوانات سباعیه ومفترسه کبی یشایه مازلر . حکومت ، عدالته محتاجدرلر . دشمنلرکز چوقدر . اولا حکومت ، ثانیاً اجانب ، ثالثاً بونلردن جسارت آلان خرستیانلر ومتغلبه مملکت .

مشروع ومشروط بر حکومت تأسیسنه چالیشان جمعیتمز موفق اولونجه به قدر کویلرده کی هیئات اداره یعنی سز هیئت اختیاریه اجرای حکومت ایده جکسکنز . بزسزك

داخلی و خارجی دشمنانك تعرضاتی منعه مأمور قوهٔ عسکریه کرز. بناءً علیه بزى سز
بسلیه جك ، بزم اعاشه من اوغورنده اختیار ایده جککز مصرفی ویرکوکزه محسوب
ایده جکسکز. ایشته ایلک مقبوضی سزه ویریورم :

استروغه ، اوخری حکومته

قروشیشته قریه سندن رسنه ملی عسکری ایچون اخذ اولنان اوچیوز قید اكمك
ایله یكرمی قیه پینك اثمائی اولان اوچیوز سکسان غروشه مقابل اشبو علم و خبر قریه
مزبوره هیئت اداره سنه اعطا اولنور . نقد مقامنده ابراز ایدیله جکدر . قبولدن امتناع
ایدن مأمورین حکومت ضابطهٔ جمعیت طرفندن شدیداً مجازات ایدیله جکندن متجاسرك
اسمنی اخبار ایتمه بتون حیتلی وطنپرورلر مجبوردر .

فی ۲۲ حیران سنه ۳۲۴

ایکی یوز وطن فدائییی نامه

قول اغاسی

نیازی

بو علم و خبری یازوب ویردکدن صکره مناسترده هیئت مرکزیه خطاباً صورت
خروجی مصور زیره صورتی مندرج مکتوبی قلمه آلدیم . پوخوملی بختیار اغایه تودیعاً
مناستره کوندردیم .




صورت خروجی مبین قروشیشته دن جمعیه کوندریلان

مکتوب صورتیدر :

مناسترده هیئت مرکزیه حضور عالیسته

محترم قرداشلرم !

غایت باری وروحانیت پیغمبرییه استناداً ماه حالک یکرمنجی کونی ساعت درنده
بتون ترتیبات خروجیه کمال موفقیتله میدان تطبیقه وضع ایدلدی . مقصد جمعیتی فدای
نفس ایدنجهیه قدر تعقیب ایده جککنی مع القسم تأمین ایدن ایکی یوزه قریب افراد جمعیت
وقت مزبورده رسنه قشله سنده تجمع ایدرهك ملت مالی اولان طابور اسلحه سیله یعنی



صاری صالتيق كشيخانه سنك بيوك قپوسی

ماور تفکیر لیه تسلیح ایدلیر. برمدتدیر و طاور صدوغنده تراکم ایتدیریلان اتی یوز لیرایه یقین مبالغ خانهلرینه ایدیا و داع ایدن غضفران امته توزیع و تقسیم ایدلدی . اجتماع و خروج برکونا مشکلاته اوغرامدی . ترتیب ایتدیکم پلانده موفقیت کامله یه مظهر اولدم . ایشدن خبردار اولان آوجی طاوری قوماندانی ارکان حربیه بیکیباشی رمزی بکله آوجی طاوری یوزباشیلرندن سایان و طیار افندیلر حرکتی تسهیل ایتدیلر . بیکیباشی رفیق بکله طاورم آرقداشلرینه ده بر دام اغفاله اوغرا تدم . مقن ساعتدن اول افراد جمعیت واسطه سیله و هیجان و تلاشله یقینلرده یوز کیشیک بر بلغار چتسنگ ظهور ایتدیکنی اخبار ایتدیردم و جمله ضابطان و افرادی محل مصادمه اولق اوزره ارائه ایتدیردیکم عکسی برجهته قوشدیردم . قشله ده نوبتی ملازمی رمضان اغادن بشقه کیمسه قالماشیدی . اونی ده شهر قرده غولنده اشغال ایتدیردم . معامله تجمع و خروج پک سهولتله و سرعتله اجرا ایدلدی . مقصدک علویه کسب اطلاع ایدن اهالی اسلامیه بیوک بر هیجان استیلا ایتدی . سونجمله موفقیت مزه ، سلامت مزه دعا خواندرلر . هر طرفدن جمعیت دخول آرزو سیله مراجعتلر وقوع بولیور . اهالی خرسیتانیه ایسه ملاحظه انجامله دهشت ایچنده قالمشدر . بوخوف و تلاشک قریباً زائل اوله جغنی شمیدین تبشیر ایده بیلیرم . مقصد مزه اشتراک ایتلر ، چتله رینی طاغتملری ، بزمه برلشملی لزومنی مدلاً اثبات ایدر بر بیاننامه قلمه آلدیم . بلغارجه به ترجمه ایتدیریورم ، قریباً نشر و تعمیم ایده جگم . اوخری مرکزینه کوندیریلن امرنامه لرینی مطالعه ایلدم . اوخری ده چته ترتیبی ایچون ابراز تمایلات ایدیور ؛ فقط جمعیتک معاملاتنی سکتهدار ایدن بعض اشخاص و مأمورینک ازاله و خودی ایچون طب ایتدیکیکز ندا کاراغه یناشمیه جق کبی . اکر حقیق احتیاج وارسه بزدن ده فدا کالری بوله میه جنگیزی قویاً تأمین ایده بیلیرم . وجودلری مقصد مقدسک حصوله ماع اولالرک ، اسم رتبه و محل اقامت لرینی تبلیغ بیوریکز . ش ، اوز ، یکریمی حتی بتون چته انرا دیله ارائه اوله جق محله ابراز حیت و فداکاری اتمکله مه یاز . ایجاب ایدرسه بتون چته ایله مناستره کلورز . بزم ایچون آراتق سلامت و طدن بشقه دوشونه جک برشی قالماشدر . حیاتک بزجه برکونا اهمیتی یوقدر . منحوس حکومت دائره سنی ، ظلم سیلانلرینک یوواسنی کیمسه یه حس ایتدیرمکسزین برکیجه ده محاصره اتمک ایشدن بیله صاینز . عموم فداکار ارقداشلریم خلاصه تمنیاتی بومرکزده در . برآن اول ابراز قدرت و شدتله نائل فوز و ظفر اوله جق تفوقی تأمین ایلکدن عبارتدر . اکر آرزو و امر بیوریلورسه بلا حادثه و وقوعات مناستره کلور ،

ایشی بتوردکدن صکره ینه عودت ایدرز . باقی حسیات احترامکارانه مزك حسن قبولی
مسترحدر .

رسنه ملی طابوری قوماندانی

فی ۲۲ حیران سنه ۳۲۴

قول اغاسی

نیازی



صرب داسقائه قرای خرستیانییه بلغار لسانی اوزرینه ترجمه سی زیرده مندرج
بیاننامه یی استکتاب ایندیردم . مرکز لری دبرچه ، پرسپه ، استروغه ، رسنه ، اوخری
اولق اوزره بش منطقه یی آیرمش اولدیغ قرای خرستیانییه تعمیم وتبلیغ اولنق اوزره
اشبو بیاننامه یی مراکز مذکوره عثمانلی اتحاد وترقی جمعیتی هیئت اداره لرینه کوندردم .
بیاننامه نك حرفیاً ترجمه سی :

فی ۲۲ حیران سنه ۹۰۸

بلغارجه بیاننامه نك ترجمه سی صورتیدر :

وطنمز داخلنده عصر لردنبرو ایقاع ایدیه کلکده اولان فسالقره آرتق بر ضربه
شدیده اورمق زمانی کلدیکنی بالمله خرستیان ، عثمانلی قرداشلریمز اعلان ایله کسب
شرف ایلرز . اوروپا حکومات معظمه سنك ماسکه مدنیت ومعاونتی آلتنده فرلداقلرینی
چویرمك آرزوسنده بولنان بلغارستان ، صربستان ، یونانستان وسائر کبی حکومات
متجاوره وصغیره نك نصیحتلرینی دیکله یه دیکله یه بو پرسه یه ، بودرجه مؤسفه یه کلدك . ربع
عصر دن فضله بر زماندن بری بلغارستان ، یونانستان وبرمدنبری صربستانده عینی فکری تعقیب
ایدرك کویا سزه یی ماکدونیا لیلر ده دست معاونت لرینی اوزاته رق سزی تخلص وحریت بخش
ایده جک لرمش کبی وعدلرله اغفال ایتدک لری حالده سزه معاونت ایده مدک لری شویله
طور سون سزی تحت حکم واساتلرینه آلمق مقصدینه دوشن بو حکومتلر اده کزه منافرت
القا ایلدیلر . وطنمزی قان دریاسنه چویرمکده اولان نفاق تخمینی اکدیلر . فنانلی ده
سزه ماسکه لری آجیلان بیوک مقیاسده توسیع ایتدیلر . ای وطنداش لر ! ای خرستیان
عثمانلی قرداشلریمز ! بالاده ، حکومات صغیره سزك منفعت کزه چالیشمدقلرینی وسزك ایچون
قان دوکمدکلرینی ویالک ز کندی حسابلرینه چالیشه رق سزی اسارت مهادیه آلتنه آلمغه
چالیشمقده اولدقلرینی عیناً مشاهده ایتدیک ز می ؟

سینه‌کزی آچوب دراغوش ایتک ایستدیککز کسه لرك کیملر اولدیغنی آجی آجی
تجربه لردن اوکر ندیکز می؟ بزم حلمزدن استفاده ایتک ایستیان حکومتلر قومیه سایه سنده
پروغانلر واسطه سیله کندو حسابلرینه چالیشمقده اولدیغنی حالا اکلایه مدیکز می؟
بونلرک مقصدی وطنمزك شو اوزرنده عصر لردنبری بسلنه رك متحداً یشادیمز طوپراغی
تقسیم ایتک و حصه لری آلمقدن عبارتدر. بونك نتیجه سی ایسه اسارتدر.

ای وطنداشلر! بلغارلر! اوتوز سنه دنبری چالیشمقده اولان بلغارستان، صربستان،
یونانستان، دکل بوقدر، دها آلتش سنه چالیشمش اولسه بیله ینه آرزولرینه، تصورلرینه
اصلاً موفق اوله میه جقلردر. بو وطن بزمدر و بزم اوله جقلدر. بونلره خادم ایسه کز
نادم اولورسکز. بز بره قدر اولمکی کوزه آلدیردق. نافله شوواهی و نامشروع مقصدك
حصولنه مساعده ایتیه جکز. یالکز دول معظمه و صغیره نك تشویقات و مقاصد سیاسیه لری
بزی بودرجه به کتورمندی. حکومتزك سوء اداره سی بوقناقلرک باشلیجه موردی در.
ذاتاً دول معظمه بی ایشلر مزه قاریشیدیران، دول صغیره بی تحریص ایدن شی ده حکومتزك
تعقیب ایتدیکی نامعقول اصول اداره نك باعث اولدیغنی حقسز قللر، یولسز قللردر. ایشته
بوجنایات مؤلمه نك، بوقدر قانلی وقایع و فجایعك مسؤل مطلق بزم حکومتزدر. اوت
یکانه مسؤل حکومتدر.

ای خرستیان وطنداشلریمز! بزده اداره حاضرمدن ممنوز دکلز. ممنون اولمیان یالکز
سز دکلسکز. بز آوروپالیرک وطنمزده تعرضندن، ایشلریمزه مداخله سندن چکنم دیکمز دن
شمدی به قدر شو بدبخت ملتک غیر قابل تحمل حقارته مدت موقته قاتلانلری ترجیح
ایتمش ایدک. استبدادک کوندن کونه کسب قوت ایده رک وطنداشلر مزك (ترك، بلغار،
اولاح، روم، آرانوؤد) محو اولقده اولدقلری کوردیکمز ایچون بز، هرکسه حریت
بخش ایده جک بر اصول اداره نك تأسیسه سعی و غیرت ایدیورز. ایشته اصول اداره
حاضره ایله حیات و سعادتک محو اولدیغنی کورن ترکر، عثمانلی امپراطور اغنی و بونك داخلنده
موجود ملل و عناصر مختلفه بی برنقطه ده جمع ایتک چالیشیورلر. بومقصدله عثمانلی اتحاد
وترقی جمعیتی تأسیس ایتدیلر.

بومقصد مقدس اوغورینه مؤسس اولان بوجمیت افرادی بالجله امرا و ضابطان
عسکریه ایله مأمورین ملکیه، یرلی، قصبه لی، کویلو جمله سی اهل ناموسدن اولان ذواتدن
عبارتدر. بونلر شو وطن مبارک اوغورنده هر صورتله بذل مساعی فداکارانه ایتکده
درلر. جمعیتک اساس مقصدی معلوم الحدود عثمانلی حکومتی داخلنده بالجله عناصر



نیازی افندی چته سی ضابطلری

۱ - قومیمر طاهر افندی ۲ - ویرکوکچی تحسین افندی

(نیازی بک صاغ طرفنده ملازم شوقی وصول طرفنده صره سیله عثمان و یوسف شیا افندیلر)

مختلفه نك بلا تفريق جنس ومذهب حريتي، عرض وجان ومال لرني محافظه، انسانيتہ ياقيشور بر حال ايله قرداشجه يشاملري اساسي تاميندن عبارتدر كه بوده حريتك استحصالی، مساواتك اعلائی، اخوتك تقويه سی، عدالتك تطبیق ايله اوله بیلور.

ترتیباً، پروغرائمز فنا اشخاص برینه فنا اصوللری هدف اتخاذ ایتشد. مقصد من فالری محو واتلاف دکل فنانی و نالغك منبعی اولان طرز اداره بی دیکشدیر مکدر. بو، شکل استقلاله بر طرز مشروع ومشروطیت ویر مکدر. بونی ده اثباته دلیل یکانه شودر که: ایکی یوز کشیدن عبارت اولان چته من رسنه دن حرکتده اختلال وآسایشی اختلال ایدنلری برر برر طانی دینی حالد هیهچ برینه تعرض ایتماشد. بزم وظیفه من، ترتیباً، جمعیتك مقصدی قصبه لرده، قریه لرده نشر ایدرک بو آنه قدر مال مختلفه طرفندن ایقاع ایدیلن جنایات وتعیب ایتمکه اولد قلوب مؤلم ومؤسف حرکتدن طولایی دوشمکه اولد یغمز فلاکت وتهلکه بی اکلانه رق ال برلکیمله اوکفی آلق، ماتی یگوید ایتمکه چالیشمقد. بزم آیریمز، غیریمز یوقدر. جمله من عثمانلی یز. دین مسئله سی باشقه در. وطنه تعلق یوقدر. قصبه و قریه لرده بولنانلر بزم چته لرک عموم حقنه حرکت ایتد کلرینی، حریت، مساوات وحق وعدالتی تطبیق ایتمکه سی وغیرت ایلد کلرینی بیلسونلر وکندی چته لرینی طاعیدوب تعطیل ایتسونلر. وطنمک اداره مستبد وکیفیدن تخلصی مقصدیله طولاشان چته من ايله برلشسونلر. بورالری اعلان ايله ایجاب ایدنلره تبلیغات وتلقیاتده بولمغه سزی وطندش حقیله دعوت ایدرز.

افکار سابقه وآمال فاسده دن واز کچهرک وطنمک حدودی داخنده بولنان بالمله عناصرک رفاه حاللری تامين ایچونال برلکیمله چالیشه لم. عثمانلی اداره سی التده بولنانلره بر نظرله باقهرق قرداش اوله لم. اشبو بیاسامه منک وصولنده جمله کز اجتماع ایدرک قرائت ایدیکز. وبزم ترتیباً، توفیقاً حرکت ایتلرینی چته لریکزه تنیه ایدیکز. آرتق بوندن بویه بدلاجه سنه بلغارستان و دیگر حکومت صغیره یه خادم اولمقدن واز کچسونلر. کندی لرینه مساوات وحریت نامه بخش ایده جک عثمانلی منفعته چالشسونلر. هرکسک دین و دیاتی مذهب وملیتی امین اوله جقدر. بلغار، روم، صرب، اولاح... الخ هرکس ملیتی محافظه، لسانی سربست تسکلم ايله برابر حریت تامه سی وقایه و بلکه تقویه ایده جکدر. ایشه بو عثمانلی ملتی بر حقوق اقوامک اتحادیله بر اساس متینه وضع ایدیلهرک بر حکومت مشروطه حائده اداره ایدیله جکدر. یقینه نائل اوله جغمز حریتك تامين استحصالی ایچون چته لریکزک بزمکیلره التحاق ایتلری لزومی سزه خطارله کسب فخر ایدرز. اشبو بیاننامه نك

طرف کوزه وصولندن صوکر ا بزینه قصبه قصبه، قریه بقریه طولاشه رق ترتیبات و تعلیماتک ایفا و اصفا اید ایدیکنی کوردیکمز محالرده مسیلرینی جلب ایده جکز و قریه لری ده تخریب ایده جکز . بوتعمیمدن صوکر ا برقریه چته کیره جک اولورسه کوی اهالیسی اکیقین اسلام کوبنه و یاخود عسکره اخبار ایتکه مجبوردر . اکر بونی ایفا ایتیه جک اولورسه قریه کزک ایلرو کافی اعدام ایدیه جکدر . ترتیباتمز، وظیفه مز بوندن عبارت اولوب اسکی فکر کزدن واز کچمه کزی تکرار اخطار ایدرز . بوکا ممانعت ایدن ایستر اسلام، ایستر خرستیان هر هانکی جنس و مذهبدن اولورسه اولسون شدتله مجازات ایدیه جکدر . بوبابده هیچ راستناممز یوقدر . متحداً حرکت ایدرک اولجه بخش ایدیلوب بالاخره استرداد ایدیلن قانون اساسی یی وضع ایله استحصال و تأمین حریت ایتکدر . بومقصده هر کس استرا که مجبوردر .

[بوبیاننامه بلغارلر اوزرنده اعجاز کارانه بر تأثیر حاصل ایتدی . درت بش سنه تعقیب و تشکیل عصات مأموریتیه بلغارلرک اکی زیاده قوتلرینی قیرمش بئم کبی رضابطک بوکره اتحادک قوت اولدیغندن بخله و وطنداش خطاییه کندیلرینه سوز سویلیسی، دها بیوک فنالق یا یغنه مقتدر ایکن قوتی بلا تفریق جنس و مذهب بتون وطنداشلرک تأمین حقوق و حریتنه حصر اییش اومسی، سلامت و وطن نامه اجرای عدالت قضیه سنده مسلمانلر حقنده ده عین حسیات ایله شدتله متحسس بولنمسی کبی جمعیتک اعلا ی قدر و حیثیتینی کافل اولان و ثائق ایله مالی اومسی بیاننامه نک اهمیتینی آرتدیرمش ایدی . بیانات واقعه نک صحتی بالاخره صورت جریانئ حادثات و وقوعاته تأید اییش ایدی . بوبیاننامه یی عیناً نشر ایدن بلغارستان و اوروپ جرائد سیاسیة مهمه سنک جمعیه، چته مزه دائر ستایشکارانه بر صورت آلان تنقیدات و نشریاتیه افکار عمومیه لهمزه دونمش، معارض پارتیلر رؤسا سنده تسلیم حقیقت ایتدیرمش اولدیغندن بو حال، موفقیتی تسهیل و تسریع خصوصنده بک زیاده حسن تأثیر حاصل ایتشد .]

بوبیاننامه دن بش صورت استنساخ و امضا ایتدکدن صکر ا مرا کز معروضه یه ایصال ایدلک اوزره قرویشته قریه سی هیئت اختیاریه سنه تودیع ایتدیکم زمان عسکر یمکنی یمش، حرکت آماده، امره منتظر بولنمش اولدیغنی خبر آلدیم . داسقال ایله برلکده طعام ایتدکدن صکره ۲۲ و ۲۳ حزیران کیجه وقت قرویشته نک بر ساعت یقینده ده لافوزده قریه سنه کیتدک . بوراده کوی، ورود مزه منتظر بر حالده بولدق . و کاملاً تحلیف لری معامله سنی و تشکیلات متفقیه یی اجرا و اکمال ایله عسکر یی قوناقلره یرلشدیردک . کیجه یی برکویده

کچیرمش ایدک. بوراده یکریمی درت ماعت قالمغه برقاچ سسیدن طولانی مجبور اولدق .
 جوارده یکدیگیرینه یک یقین اولان قرای اسلامیه یی ده تحلیف ، هیئت اداره لرینی تشکیل ،
 میانه لرنده صلح و وفاق تأسیس لزومنی درپیش ایلدک . آنلری برر دعوتنامه ایله جلب
 ایدرک ایجاب حالی تطبیق ایله مشیدک . برطرفدن اهالی مطیعه و صادقه یی یزار و اطرافه
 ایصال دست خسار بیشمار ایلان حبسخانه و عسکر فراریلرینی ده جمع ایتمش ، نصایح
 مؤثره ایله بو حشبرات مضره نك منع تأثیراتی یولنده بعض تدابیر اتخاذ ایتمش ایدم . جرائم
 گذشته لرینی عفو ایدیور ، بعد التحلیف چته یه الحاق ایله بورالرینی بونلرک وجودندن
 تطهیر ایلوردم . پیسوجانی امین ، نووه سللی قورطیش ، اصومانلی توفیق بک قیلندن
 اولان بوقاقلری ، بویاراماز عارسزلی ضبط و ربط آلتیه آلان شو قوت ، عدالتدن ،
 سیاستدن بشقه برشی دکل ایدی . دائماً ظلمه ، قناله منحصر اولان قوتلرینک قتله ،
 جنایت ، تعدیه آلت اولان سلاخلرینی شو صورتله خدمت عدالت و سیاستده استخدای
 بیوک بر موفقیت ایدی .

کویلور بیاننامه لرده ، نطقلرده کی پارلاق سوزلرک حکم و تأثیر حقیقستی بوامثالی معامله
 ایله رأی العین مشاهده ایدیورلردی . طاغ اتکینده ، اووه یه ناظر اولان بو کوپک هواسی
 ضوی لطیف ، اهالیسی کاملاً مسلمان و چالیشقاندیر . بتون چته افرادی افراد اهالی ایله
 تماسده بولنه رق مقصدیمزه ، وطنک حالته ، حکومتک حال دنائت اشمالنه دائر معلومات
 لازمه و ایضاحات تامه اعطاسنده بذل مساعی ایتدی . افکار اهالی بزدن کاملاً مطمئن
 قالمش ایدی . بو کوپلرک ، زورلی زمانمزه بزم ملجأمن ، استناد کاهمز اوله بیلور ایدی . اک
 اول اهالی اسلامیه یی تربیه ایتک ، اتحاد مانع اولان انککلری برطرف ایلک صورتیه
 اجرا سنه ، تطبیقنه چالشیغمز عدالتک حسن تأثیری کوروندک باشلامش ایدی . بتون
 بلغار کوپلری اندیشه ناک کورونیور ایدی . زیرا : درت بش سنه دنبرو دهشتلی برکابوس
 یأس و قهر التده زبون و مأیوس کورمکه آشدقلری مسلمانلرک ناصیه لرنده بررونق ،
 وجهلرنده بر بششت ، قامت لرنده بر وزن و منانت ، حاصلی ناصیه اسلامیه قوتلی برامید ،
 قوتلی برامیده دلالت ایده حک بر شوق حیات ، برامید سلامت مشاهده ایدیورلردی .
 فکریمز بتون مسلمانلری یکوجود ایتدکن صکره عناصر سائره نك اتحادینی قزاق
 ایدی . زیرا مقصدک ترویجی ایچون دشمنه ، دوسته دائماً قوتی کوسترمک لزومی هیچ
 بروقنده خاطرمدن چیقیمیوردی .

اوخری — دیکرمنلکار جوارنده شادمان افندی ونجه سی



حزیرانك ۲۳ و ۲۴ نجی بازار ایرتسی کونی اقشام اوستی بورادن مفارقت ایدلدی .
 رسنه یه ، اوخری یه طوغری ارتباط تأسیس و پوسته و منزل خطی تشکیل ایدلدی .
 اتحادہ عائد معاملات بردائرہ انتظامده جریان ایدیوردی . بورادن رسنه واوخری
 مرکز لرینده برر مکتوب کوندره رك حال ووضعت مزه دائر معلومات ویردك .
 ساعت اونده حرکت ایچون حاضر لقلر کورولدکن صکره یانمزده بولونسی
 محذوردن سالم اولیان صرب داسقالی ایله قرویشیشتلی اورخان اغایی نزدیمه چاغردم .
 آره مزده شوصورتله بر ملاقات ووقه عبولدی :

بن — داسقال اندی ! سزی رسنه یانمه آلمقدن و برابرجه کزدر مکن مقصدم
 نه اولدیغنی بیلورسك . مظاهرتکزله کزن صرب چته سنك قالدر دینی بلغار . چوجغنی تخلیه
 ایتدیرمك . ما کدونیا ده وبتون عثمانلی الکاسنده حاضر ومذاهب مختلفه آره سنده حکمفرما
 اولان نفاق برحسن وفاقه تبدیل ایتك و طنداشجه ، اسانجه یشامق اسبابنی استکمال
 ایتمکدن عبارت اولان مقصده مقصد جمعیت اتحاد و ترقی یه پارلاق بر مثال کوسترمکدر .
 حالی دیگر کون اولان مغدور ومظلوم قوجه بر ماتك حریتی تأمین ایدن بوطاتلی
 اسارتدن طولایی طالعکزه لغتخوان اولمه یکر ؟ بلغارلرك ، روملرك ، صربلرك ، مسلمانلرك
 بلاتقربق جنس ومذهب حایه مطلقه سی ، وقایه حقوقی جمعیتک تعقیب ایتدیکی عدالتك ،
 مسلكك ایجابی در . بناء علیه صربلرك بلغارلردن آلدقلى اسیری صالیور مامسه قارشى
 مقصد عادلانه جمعیتک بلاتقربق جنس ومذهب حریت . مساوات ، اخوت اولدیغنی اعلان
 واعمیم ایچون ، یعنی بلغارلرك حریتی تأمین مقصد عالیه سیله سزی رهن مقامنده اسیر آلدیم .
 کوریورمکه سزك مشاق ومزاحمه تحمککز قالدی . الی نه یاه سزی برابرده کزدر مکن
 انصاف سزلقدر . بناء علیه سزی اورخان اغایه تسایما قرویشیشتیه کوندریورم . اوراده
 حمایه اوله جفککز . محافظه کزده اعتد اولنه حق ، حق کزده حرمت ورعایت ایدیله جکدر .
 صرب چته سی بلغار چوجغنی تخلیه ایتدیکنی خبر آلدیم آنده بنده سزی مرفهاً رسنه یه
 ایصال ایدرم . اکلا دیکزیا ! سزك حریتککز صربلورلرك بلغارلردن آلدقلى اسیرك اعاده
 حریتیه وابسته در . خرجلق اولمق اوزره شمیدیلک شو اوچ مجیدیه یی آلك ! اورخان آغا
 ایشیتدیکزیا ! داسقال افندی بزم معزز بر مسافر مزدر . حقنده فوق العاده حرمت
 ورعایت ایدلمسنى توصیه ایدرم . بروقنده حتی بر دقیقه بیله یالککز بر اقایککز . افعالنده
 سربستدر . اوقوسون ، یازسون ، کزسون وفقط هیچ بروقنده یالککز باشنه کویدن
 آیرلسون . بوکی نتیجه سی مشئوم بر تشبته قیام ایدرسه ، باخصوص فرار ایدرسه او وقت

طبیعی ایش دکشیر. ینه اعزاز ایدیکز. فقط قورشونله اعزاز ایدیکز. آکلادیکزیا !
اورخان آغا، داسقال افندی هایدی کورهم سزی .

دیدم و کندیلرینه یول ویردم . بونلری قروشیشته عودت ایتمک اوزره یوله
چیقاردقندن سوکرا بزده قاتشی بالا وزیر قریه لرینه طوغری یوله روان اولدق . بر ساعت
سوکرا واصل اولدیغمز بوقریه ده موجود اختلافاتی، اتحاده مانع مشکلاتی حل وفصل
ایده رک معامله تحلیفه یی وتشکیله یی بالا اجرا وه پشته قریه سنه روبراه عزیمت اولدق . ۲۳
کیجه ساعت برده قریه نك ایلری کلنلری ومفرزه ضابطی جمال افندی وبرقاچ نفر
استقبالزده چیقمش ایدی . بوراده ده فوق العاده برشوق وحرارتله قبول اولندق . زیرا
بوکویک عدالتله، قوته شدتله احتیاجی وار ایدی . حکومتک اوراده تأثیری صفره اینمش
ایدی . اهالی یی بلغار تعرضاتندن وقایه ایچون بوراده بهوده رده اللی التمش کشیلک
برمفرزه اقامه ایدلمش ایدی . اهالی یی اشقیادن دکل، اصل حکومتک ظلمندن ،حقلری
آسویه ایتمن ویکدیگری نفیاق ایچنده محو وپیشان ایلین انترقه لرندن وقایه ایتمک لازم
ایدی . اهالی قریه مفظور اولدقلری فکر جلادت ومئات سایه سنده بلغارلرک، روملرک
والحاصل شونک بونک بتون تعرضاتنه قارشى طوره بیلجک برقوته، براستعداده مالکدی .
یالکز آرهلرنده کی اختلافاته چاره بوله مدقلرندن عدالتک ، حکومتک فقدانندن متولد
بو اختلافات ایله یکدیگری محو ایدیورلردی . اصل بوفساده، بوقوه مخربه وفاسده
قارشو چاره ساز اولمق الزم ایدی . زوالی مسلمانلر! قاچ سنهلردنبرو حسرت ومشتاقی
اولدقلری عدالتی، اوقوه سحر سوزی کورمک ایستیورلردی . او آرزو، اوامل خالصک
شدت تأثیر وتأثری التنده اجراء، عدالت ضمننده حرکت ایدن چته مزى - اختلافات
برطرف اوله رق - عمومی وصمیمی برشوق وتهاالکله استقبال ایتشلر ایدی . قوه قانونیه نك،
عدالتک مفقود اولدینی محللر، باخصوص طماغ کویلری فراریلر، محکوملر، شریرلر ایله
طولودر . نلرک شر وتأثری التنده ارباب ناموس وحیت بالطبع طرفلر تشکیلنده، آمال
ومنویات مضره اشرانک تأمین استحصالنده بالضروره بر آلت حکمنده در . قاتشی زیر
وبالاده اولدینی کبی بوراده بتون خلقی جامع شریفده طویلادق . کله توحیدی هپ بر
آغزندن و یوکسک صدا ایله قرائت ایتدکدن و (انافتحنه) سورة جلیله سنندن بر عشر
قرآن اوقودقندن سوکرا ایضاح حقیقت و بیان مقصد ایلدک . بومقصد علوییه فداکار -
لقلربی عرض ایلدیلر . اوتوز وبلکه قرق ییلدنبری حکمفرما اولان برودتلری حرارته،
شدید برحیبه منقلب اولدی . کوز یاشلری ایچنده ایصلاندیلر، یکدیگری در آغوش

ایلدیلر . مانع اتحاد اولان نفرت و خصومتلرندن اثر قالمیوردی . بو آنده اخوتی تأسیس ایدن بو محبت سایه سنده حریتلرینی قرائیورلردی . قاچ سنه لردنبری جامعه کیده مین ، تارلا سنده بر خوف خونین ایله مسلحاً چالیشمغه مجبور اولان کیولور ، آرتق ازاله اندیشه وماتم ایلور ، سربستی حرکاته نائل اولیور ایدی . یکدیگرینه قارشو مدافعه حقوق ایچون بر تانیه بیله اللرندن بر اقدقلری سلاحلری بوندن سوکرا وطن دشمنلری ، ملت خانلری ایچون طاشیه جقلردی . بوموفقیتمدن متحصل نشئه ایله کیجه یی ذوق و شطارت ایچنده کچیردک .

صبح کندومزی مهم بر چوق ایشلر استقبال ایتدی . فی ۲۴ حزیران سنه ۳۲۴ علی الصباح مناستردن عودت ایدن بختیار اغا جمعیتک مناستر مرکزدن تودیع اولنان صورتی زیرده منقول امرنامه یی و یوزباشی مجدالدین افندی طرفندن کوندریلوب کتابک باش طرفنه کچیریلان مکتوبی تسلیم ایتدی . امرنامه یی ارقداشلره او قودم :

قول اغاسی نیازی افندی قرداشمزه :

محترم قرداشمز !

« مکتوبکزی کمال احترام ایله آلدق . جناب حق معینکمز ؛ روحانیت پیغمبری قرینکمز اولسون . مناسترده اجراسنی درعهده ایلدیگکمز اجراءات ایچون کوستردیککمز آرزویه تشکرلر ایده رز . فقط چته ایله بورایه کلمک زحمتنه دکمز و همدقه قطعاً مناسبت الماز . خرستیانلره قارشو بیاننامه لریکمز پک مناسبدر . جلب قلوبه نشر مقصده بویولده توسل ایده رک فوق العاده همت لازمدر . تحقیقاته کوره مناستردن قرایه هیئت ناصحه چیقاریله جق وبونلرا هالییه قانون اساسینک فالغندن بحث وبونی قبول ایتک قادینلری خرستیانلر کی آچیق کزیدیرمک دیمک اولدیغنی اعلان ایده جکدر . بو خصوصی اهالینک قولاغنه قویمق و آلداناملرینی کندیلرینه تفهیم ایلک وبوقانون اساسینک و قتيله شرعاً فنواسی آلتهرق قبول اولندیغنی و اوتوز ایکی سنه اول ملتک هر طرفندن مبعوثلری استانبوله کیدرک اوراده مجلسلر عقد ایلدیکنی وانحق بو کیفیت حکومت و اداره حاضره سنک ایشنه کمدیکندن مجلسک کویا ینه طویلا تمق اوزره طاغیلدیغنی و هرسته چیقاریلان سالنامه لره بوقانونک نشر اولندیغنی سوبلک ، ایجه اکلاتمق لازمدر . احتیاجاتکزی ممکن ایسه شمیدیلک یالکمز اولاح واسلام کویلرندن تدارک ایدوب عناصر سائر قراستندن حبه



شمسی پاشا

واحدہ آلامفہ غیرت بیورملرینی توصیه ایدہرز . رسنہ یہ میرلوا نظمی پاشا قوماندانیلہ ایکی طاہور سوق ایدلشدرد . بونلردن برینک قوماندانیلہ برابر تکمیل ضابطائی بزدندر . حتی کوچک ضابطاریدہ داخلدر . حکومتک پولتیقہسی نصیحت ومواعید ایلہ معیتکزی طاغتمق، سزی یالکز براققدر . توتیباتکزی آکا کورہ آلکز .

ہیت ناجیہ کزک انضباطنی شدتلہ محافظہ ایلکہ غیرت بیوریکز . علی الخصوص عرض وناموس خصوصندہ صوک درجہدہ عفت لازمدر . بلا استثنا هیچ بریکمسہ یہ یان کوز ایلہ باقلماسون . زیرا دشمنمز پک چوق اولدینی معلوم . انواع افتالردہ بیلہ

بوله جقلری بك محققدر . عرض خصوصنده تجاوز ایدنلرك جزاسی بلا ترحم اعدام اولمیدر . بونی معیتکزه تفهیم بیورملرینی رجا ایده رز . موجود بکزه قریباً دو قور ایله ادویه لازمه ده کوندریله جکدر . اون ایله اور درت کونه قدر معیتکزه غایت مهم ایکی ذاق الحاق ایتدیره جکزر . قزانی یه ایصال ایده جکزر . اورادن سزه کوندریله جکدر . اورادن سز تسلیم آله جقسکزر . بو ایکی ذات . قزاینک نهایتده و مناسرتدن کیدر ایکن صاغ قولده کی خانه یه مراجعت ایدیه جک و حیدر نامنده برادرم ایستیه جکدر . سزک اوراده بولندیره جقمکزر ادملر بواسطه یخه مومی الیه مانی الهرق چته کزه التحاق ایتدیرسون . بزه کوندردیککزاوراک ایجاب ایدنلرینی آوروپا غزته لریله نشر ایتدیره جکزر . اسلام قراسنه ویره جککزر علم و خبر صورتی مناسب کورلد . حین حاجتده سزه استعمال سلاح قابلیتنی کوستره جک لرله ممکن ایسه تماسه کلکدن اجتناب ایتمکه ، ممکن اوله مازسه جدی مصادمه قبول ایتماکه چالیشمالی . حکومتی شاشیرتمق اوزره اطرافنده ، قضا و نواحیده مرتب چته لر قیامه حاضردر . یقینده اور بکک ظهوری ده محتلمدر . بعض تحابرات مهمه ده شفره استعمال ایدیکزر . وارمز یوغمز سزک ایچویدر . یشاسون ملت ، یشاسون وطن ، یشاسون حمیتی و قهرمان رسنه فداکارلی . اه سلامت ویرسون .

فی ۲۳ حزیران سنه ۱۳۲۴

مناسرت هیئت

صراکریسی



بومکئوب اوزرینه چته افرادی صوکه درجه ده مسرور اولدی . بزه کوزل کوزل حوادث ویریورلردی . باخصوص انور بک کی افکار جمیتک الک قوتلی ناشری ، عادتاً ما کیدونیا قطعه سنده سیار مؤسسی صاییلان و حرب و ضربده لیاقت فوق العاده سی مسلم اولان برارکان حرب ضابطک چته جیلکه سلوکی شرف و خدمتی اعلا ایده جکی ملاحظه سی جمله مزى غریق مسرت و مفخرت ایش ایدی . اساساً بن صوکه درجه ده متحسین اولدم . چونکه مناسرتده جمیتک ایلك تأسسی هنکامنده بنی جمیته ادخال ایدن ، بنم کی برحق کنج ضابطلری تنویر ایدن میرمومی الیه ایدی . یأس و نومیدی هنکاملرنده بزی حرارتلی سوزلری ، جدی طورلریله تشجیع و تسخیر ایدن بونادر الامثال و هر معناسیله مکمل اولان انور بک ایدی .

وه لشته ده کی فراریلرک استیمانی قبول ایدلیدی کی بالقانلرده ، دبره طرفلرنده طولاشان

چته لرك دخا ئلرى اسبابى دخی تأمین ایدلمش، قانلر بارشدیرلمش، طرفلر برطرف ایدلمش، اخوت، اتحاد تأسیس ایدلمش، جمعیتک نظامی دائره سنده بوراسیده بر مرکز مهمی اولق استعدادینی المش اولدیغندن ایرتسی کونی عموم افراد اهالی بلا استتیا تحلیف واداره هیئتک مکملأ تشکیل ایدلمش ایدی. اجرات ایچون عثمانلی چته سی کبی شدتلی برقرته، عادل برواسطه اجرائیه مالک اولان بومرکز لرك آرتق حکومت، حمایت احتیاجلری قالماش ایدی. شو موفقیتلر وین الاسلام بورایه قدر اوغرا دیغم قرای اسلامیه خلقدن کوردیکم حسن قبول و نمایشلرخی سرمست اقبال وغرور ایلوردی. اسلاملر بلا اعتراض وتعلل امر اتحادی قبول ایدور، بو اوغورده بیوک فداکارلقلر اختیار ایلوردی. موجب اندیشه هیچ برنقطه، برنقطه خوف و تفاق قالماش ایدی. ملجأ لرم بوسایه ده تعدد ایدی سور. قوتلرم آرتیوردی. بورایه قدر کزدیکم کویلرک بهره ده اقلی یوز سلاح بولنه یلوردی. عند المراجعة معاوتمه شتاب ایده جک بتون بو کویلره جدأ استناد ایده یلیردم. ارقه مزده اهالیسی ناموس پرور، جدی، سوزنده ثابت، شجاع اولان بو آزانوود کویلری و اوکده اهالیسی کالاً مسلمان وعینی اوصاف ایله صاحب ادعان و وجدان اولان دبره و مالیسیاس مدار ازدیاد شوق و جرأت اولیوردی. بوراده دبره لی عاکف اغا و مالیسیان بعض رؤسا ایله کوروشه لرك ذاتاً جمعیتک بیوک بر مرکزى اولان دبره یه یقینه کیره جکمی اخبار ایتیش، برطرفندن دیرچه، اوستروغه، پرسپه، اوخری رسته بلغارلندن کلن خبرلرده صرف عدالت تعقیب ایدن چتمه بدناً مالاً خدمتی، معاویتی بر شرف بیلدکری بیلدیرلمش اولدیغی کبی چرچیسک دخی استاروده کی اخوانک دلاتیله اتحادی قبوله میال اولدیغی اخبار ایدلمش ایدی. حزیرانک بویکرمی دردنجی کونی یکدیگری ولی ایدن برچوق موفقیتلر ایله پک زیاده متهیج و مسرور ایدم. آرتق مقصدک حصولی اسبابنک حاضر اولدیغی کوریور. قوتله، جرأتمه، متناسب اوله جق خطومه لره ایلر ولیور ایدک. ارتق ناظم پاشا و بکر اغا قوماندانلری ایله، حکومت محلیه نک و مفتشک اوزر مه تسلط ایتدیکی قوتلر ایله کلاشمی و اوزلاشمی، باشه چیقاره بیله جک بر حالده ایدم. مفتش عمومی، مناستر والیسی بر ربیانامه ایله حقیقت حالدن خبردار ایتکی مناسب کورمش، پیوده بره خون مظلوم اسلامک اراقه سنه آلت اولقدن اجتناب ایتلرینی استرحام ایتیش ایدم.

بوندن بشقه نظامنامه جمعیتک احکامنه توفیقاً قرای اسلامیه ده حکومت مشروطه تأسیس ایدلیدیکی جهته قوتی کوندن کونه آرتان چته نک قیدداره سی کسب سهولت ایتیش

ایدی. بوباده منابع واردات حکومت ال اوزاتلش ایدی. یالکز اتخاذا اولتان اصولک عدالته توفیقی، معامله ده سلامت تأمین، کویلونک غدردن وقایه سی ایجاب ایدردی. کوی هیئت اداره سنک درعهده ایلدیکی مصارف اعاشه یی حکومت قبول ایتدیرمک ایچون اوخری قائممقامه بر بیاننامه تنظیم ایدادی. مفتش عمومی یه، والی یه، قائممقام وناحیه مدیرلرینه ده بیان حقیقت ومقصده حکایه ماجرا یوللو بیاننامه لر کوندرلدی.



سلانیکده مفتش عمومی یه ومناستر ولایتنه یازیلان

تلفرافنامه صورتیدر:

شمذیلک ایکوز نفره بالغ اولان فدائیلره آصوماتلی توفیق، ییسوچانلی امین، نوه سیللی قورطیش چته لری ده التجا ایتدی. بو کونه قدر حیوانات وحشیه کبی طاغرده کشت وکذارله ارباب ناموس وانسانیتیه ایصال دست خسار ایدن مالیه سیالی ده ابرجوق محکومین وفراری توبه نصوح ایله اصلاح نفس ایتدیلر. تأمین سلامت وظندن عبارت اولان مقصد جمعیه خادم اولمق. اوزره ناموس دائره سنده چالشمی وحدانیت ربانیه اوزرینه قسم ایتدیلر. بزده شوصورت التجارلری قبول ایله بورالرینی لوث وجودلرندن تطهیر ایلدک. بتون قرای اسلامیه خلقی بزمله برابردر. نظمی پاشانک ایکی طابورله رسنه یه کوندرلمسی مقصدک مظهر حسن تلقی اولمدیغنی اثبات ایدر. رضای باری یی تحصیل ایچون خانمانلرینک دست اهانتکار استبدادله محو اوله جغنی محقق بیلن فدائیلرک معینی حقدر. ظهیری ملتدر. آمری جمعیتدر.

بزم حکومت فاسده وغیر مشروعه یه چکدیکمز قلنج کندیو مالز دکلدر. آنی بلمزه قوشادان جمعیتدر. ملتدر.

بناء علیه کوزلری نور عدالت الهیه ایله منجلی اولان فداکارانک نظمی پاشادان قورقیه جغنی وبوتسلط ایله وطن وملتی دوچار ایتک ایستدیکمز فلاکت عظیمه دن خبردار ایتکی واجبه دن عدایلرم. بزی نه صفتله تعقیب ایتدیکمیزی دوشونکمز. بزم ایچمزه قاتل، خرسز، محکوم ومظنون فرد آفریده یوقدر. چته مز سلامت وطن نامنه اولمکی شرف عظما بیلن فداکاراندن مرکبدر. بزلی چاقیجی اوغلنه وامثانه

رسته ده فی ۲۰ هزاران سنه ۳۲۴ ایلاک دغه خروج ایدن عثمانلی چتاسی



قیاس ایتک خطارد. بزم مقصدمن عدل، قوتمز حقدرد. خون مظلوم اسلامک اراقه سنه میدان ویرن بوتسلطی منع ایتک وظیفه کزدرد. بز ممکن مرتبه مسئولیت مادیه ومعنویه بی انتاج ایدن مصادمه دن اجتناب ایده جکزد. مع مافیہ وطنی کرفتار اولدینی مخاطره عظیمه دن قورناره حق یکانه قوت اتحاد وتأسيس مشروطیت اولدیغنی نظر دقته الهرق عناصرك تأمین وحدتته مانع اولان قوتلری شریعت ووطن خائی صفتیله قارشولیه جفزد. ارکک وناموسلی عسکرلرک هپسی بزمه برابررد.

قارشومزه چیقه جق بر طاقم بدلا جاهلار وحکومت مستبده سایه سنده سوسلی قاریوله لرده رتبه قرانان، ارککلکدن پک اوزاق اولان خانم طبیعتلی استانبول پاشاری ایله عسکریدرکه نونلرله پنجه لشمک بزم ایچون برا کلتجه در. حکومت مستبده ایله حکومت مشروطه بی آرزو ایدن جمعیت قوتلری آره سنده کی فرقی ومصادمه یه باشلامقدن حصوله کله جک فنالتی بر آن اول نظر دولته عرض ایله مخاطره ملحوظه نک اوکنی آلمغه چالشمکزی و بیکنه ملتک دره لرکی قان دوکمنه میدان بر اقامکزی، قانون اساسی یی میدان تطبیقه وضعدن عبارت اولان مقصد جمعیت بر آن اول حیز حصوله ایصالته بذل حمیت وانسانیت بیورمکزی خاصه وتا کیداً رجا ایده رز: عکس حالده آخرتده، روز محشرده جمله من یقا کزه صاریله رق دیوان الهیده حقوقزی ملتزمه برابر دعوا ایده جکزد.

ارتق تشبثات جدیدیه توسل بیوره جققرینی مسلم اولان فرط حیتلرندن امیدایلر، بر آن ادل جواب موافقت بکلرز. بناء علیه کمال شوق وحرارتله وهپ بر آغزله عرض ایده رزکه مقصدمن یاسلامت وطن ویا اولومدر.

ایکیوز وطن فدائیسی نامه

قول اغاسی

نیازی



رسنه مدیرینه، اواخری قائمقامنه

وطن وملتک اوغرادینی مصائب هپ استبدادک، احوال اداره استقلالک نتایج مضره سیدر. حکومت مشروع ومشروط اولدقجه، اصول اداره اساسندن تغیر اولمقدقجه بوفالقره نهایت کتزد. مخاطره حاضره اوتهدنبری سالنامه فرده نشر اولنمی ایله ده مشروعیت والزمیتی دولتجه تصدیق اولنان قانون اساسینک بر آن اول احکامنی تطبیق ایتمکه زائل

اولور. مجرد شو مقصد علوی ایله تشکلی ایدن جمعیتنک امریله کرن فدائیلرک سزه ومقامات عالییه قارشو تکرر ایدن معروضاتی نظر دفته آلیکز ! بر مقصد علوی تعقیب ایدن چته مزك حسن حرکت واجراآت عادلانه سنی دوشونکیز ! بز کیسه یه تعدی وتجاوز شویله طورسون بالعکس آسایشی اوته دنبری اخلال ایدن ودر دستلرنده حکومتنکزك قوتی کفایت ایتمین حیدودلری ، چته لری ظلمدن منع ایتدکمی ؟ بزم مقصد مزك حق ، قوتنک عدل اولدیغنی هرکس اعتراف ایدیور. بتون اهالی ، ملت بزمه برابرر . سزده ابراز حیت ایدیکز . بزه معاونت ایدیکز . مفتش عمومی ، والیه خطا بایازیلوب لفا کوندریلن تلغرافنامه لری کشیده ایله برابر سزده انفاذ مقصد یولو مطالعه لر یازیکز وآله جفکیز جوانی بزه تبلیغ ایدیکز . کتر دیکم کویلرده اصول مشروطه اوزره حکومتلر تأسس ایتمشدر . بو طرفلرده آرتق سزدکل ، جمعیت حکم ایدیور . کویلر ، چته یی بسلمکده در . چفته ویر کولرله مغدوریتلرینه محل قالماق اوزره هر کویده مصارف اعاشه من ایچون برر علم و خبر براقیورم . اشبو علم و خبرلرک ناطق اولدیغنی مبالغک ویر کولرندن محسوبی لازمدر . علم و خبرلری قبول ایتیه جک ، تحصیلدارلرک ، مال مأمورلرینک ، ملکیه مأمورلرینک والحاصل ظلمه میدان ویره جک ، معاملات غدارانه یه توسل ایده جک افراد حکومتک جزاسی بلاتردد وبلا ترحم اعدامدر . باقی احتیاسات وطنپروانه مزك قبولی متمنادر . [*]

عثمانی اتحاد و ترقی جمعیتک ایکوز
وطن فدائیشی نامه قول اغاسی

فی ۲۴ حیران سنه ۳۲۴

نیازی

[*] قائم مقام ایله والینک اشبو تلغرافنامه یی نظر مطالعه یه الدقلری والینک مشیر عثمان پاشایه یازوب بوکره الله ایدیلن تذکره سندن اکلاشمشدر . اشبو تذکره عیناً درج اولندی : «اخری مالیسیه سی قرای اسلامی سنده اوته دنبرو جاری قان دعواسندن طولانی خانه لرنده قیابو قالمش اولان اشخاصک نیازی وعونه سنک تهدید وتشویقه جله سی باریشوب خانه لرندن سربسته چیقمغه باشلادقلرینه دائر وارد اولان شفره لی تلغرافنامه محلولنک برصورتی برای معلومات لفا حضور سائی قوماندان افخمیلرینه عرض وتقید قلمش اولغله اولباده

فی ۵ تموز سنه ۳۲۴

ملفوفی اخری قائم مقاملنک ۳ تموز سنه ۳۲۴ تاریخلو شفره لو تلغرافنامه صورتی : «رادولیشته وولشته کی اخری مالیسیه سی قرای اسلامی سنده جاری قان دعواسی مقتضاسنجه سنین وفیره دن بری خانه لرنده قیابو قالمش برحق ارککلری نیازی وعونه سنک کیمنی تهدید وکیمنی تشویق ایللری نتیجه سی اوله رق جله سنک خصمیلرله باریشوب خانه لرندن سربسته

اشبو بیاننامه لری یازوب هیئت اداره یه تسلیم ایتدکدن صکرا جمعیتک موفقیتی ،
اجراآت واقعه یی ، ثمراتی تخیل ایدیور ، سرمست غرور و اقبال اوله رق کویلولره
حرارتلی سنوزلر سویلیوردیم . ینه اوکون مرسین بک خاننده مفرزه ضابطی ملازم
شوق افندی دخی ایکی نفر ایله بزه التحاق ایتش بولنیوردی . مومی الیهده چتهنک
برقسمه قوماندان نصب ایدلدی . رسم تحلیف ، رسم نصب پک پارلاق اولدی . حزیرانک
پک شطارتلی یکیردیکمز . بویکرمی دردنجی کوننک ساعت طقوزینه طوغری وولشته یی
ترک ایتدک .

لابونیشته قریه سنه کیدن طولامباچ یول بویجه بالقانلری طولاشیرکن اورمانلر
آره سندن آره لقی آره لقی انظار وداعی بردرلو اوزرندن آیره مدیغمز وولیشته قریه سنه
عطف ایده رک ایلرولیوردق . بوکوی ، بزی برجاذبه مخصوصه ایله تسخیر ایتش ایدی .
صیق اغاجلر آره سنده پارلدايان بیاض کارکیر ومنتظم اولری ایله ، یشیل چمنزارلریله لطیف
وبراق صولری ایله بومنظره شمس غاربک طونوق ومهتر التماعاتی ، التماعات ضعیفه سی
ایچنده دلریا وجاذبه پرور بربدیعه وجوده کتیریوردی .

۲۵-۲۶ حزیران . کیجه ساعت براده لرنده لابونیشته قریه سنه مواصلت اولدی . لابونیشته ،
اطراف صیق اورمانلره محاط صویي مبذول ، منظره سی خوش ، هواسی صاف وجید
برکودیر . اوچیوز خانه یی احتوا ایدن بویوک کویک سکنه سی عناصر مختلفه تشکیل
ایدیر . اسلام ، صرب ، بلغار . بواوچ عنصره منسوب اولان کوی خلقی میدانلغه طویلاندى .
بزی بکلیوردی . اخوتک ، اتحادک ، مساواته رعایتک فوادی تلقین ایدلدی وبونی کافل
اولان قانون اساسینک حکومتجه سبب ابطالنه ولزوم استردادینه دائر برقونفرانس ویرلدی .
قونفرانس موفقیتله نتیجه پذیر اولدی . اوکونه قدر صحنه انقلابده ظهور یافته اولان
حادثاته مطلع اولان کوی خلقی چته افرادینک ناموس پرورانه حرکتلرینه حیران اولمش
ایدی . بین الخلق اسباب عدیده ایله ظهوره کلن وبوکونه قدر واسطه عدالتله حل وفصل
ایدیلان منازعات شخصیه کوی خلقی متعدد طرفله آیرمش ، میانه لرنده ناقابل امتزاج
براختلاف ، برحال اسف اشمال حکمفرما اولان اهالی قریه بو حالک مضرتی ادراک ایتش ،
مقصد علوی قارشوسنده ، جمعیتک کفالتی تحتنده دست اتحاد ووفاقی اوزاتمق لزومی

چیقمغه باشلادقلری مستخیر بولندینی معروض ومفتشیت جلیله دهده عرض کیفیت اولنشدیر فرمان
اوخری قوماندانی میرالایی حامد بکله قضا قائمقامی سالنیکلی کافی بکک معنا بزه ظهیر اولدقلری
واوخریده جمعیتک تأسس وترقیسنه ، مساعده کارانه طاوواندقلری محققدر .



- مناسرت د شمالی اتحاد و ترقی جمعیتی ولایت هیئت مرکزی سی
- ۱ — ولایت ترحانی فخری بك ، ۲ — طویچی ملازم اولی یوسف ضیا افندی ، ۳ — ممتاز یوزباشی حبیب افندی
 ۴ — سوادری قائم مقامی صادق بك ، ۵ — آوی طابوری بیكباشی ارکان حرب مرزی بك ، ۶ — پیاده ملازم اولی توفیق افندی

اعتراف ایلشدرد. اهالی یکدیگرینی قوجاقلیه رق شاپرشاپر اویمکه باشلادی. باعث اختلاف و مانع اتحاد اولان دعوالر فصل ایلدی. امر تحلیف و معامله تشکیلات اجرا قلندی. تعایمات مخصوصه اعطا اولندی.

مختلط بر مجلس اداره اودقیقه دن اعتباراً بالجمله دعاوی بی حله مأمور اولدی. عادل بر حکومت بوصورتله تأسس ایدنجه هر کس امین و مطمئن ایدی. بوجلسه، بوحکومه هر کسک امنیتی واردی. بواجراآت ایله اشتغال اوزره ایکن جمعیدن برده امرنامه آلدی. بوندن بشقه جمعیتک فی ۲۳ حزیران سنه ۳۲۴ تاریخند، مناستر اسواقده یایشدیردینی اعلانر، والیه تبلیغ ایلدیکی بیاننامه ایله اعلان موجودیت ایلدیکی ده کویولوردن خبر الندی. بر صورتی الیه ایدیلن اشیو مهم بیاننامه ایه جمعیدن کلن مکتوبک عیناً بورایه درجی مناسب کوردیم.



۲۲ حزیران ۳۲۴ تاریخده اسواقه تعلیق ایدیلان بیاننامه :

عثمانی ترقی و اتحاد هیئت اجتماعی بی طرفندن حکومت حاضره غیر مشروعه نك مناستر والیسنه ویریلان مخطرہ صورتیدر :

حکومت حاضره کز غیر مشروعدر. چونکه قوانین دولت آنک مشروطیتی تأمین ایتیش ایکن طرز اداره تحویل ایدلمکه چالیشله رق حکومت مطلقه حائده اداره اولمقده و بواغورده برچوق معصومینک دملری اراقه ایدلمکدهدر. بوکون محکمه انسانیت، حققی طلب ایدن ملتی قوانین موجوده حکومت ایله تصدیق و تأیید وشکل اداره بی اوتوز سنه دتبر و تغییر چالیشان حکومتی تکذیب و اتهام ایلمر.

عثمانی اتحاد و ترقی جمعیتک وجود مقدس و نازنینی حکومت حاضره کزجه آرتق تعین ایلدی. بک اعلا اکلا دیکی کزکه بو هیئت مقدسه نك شخص اعتباریله هیچ بر فرد حقنده برسوه نیتی یوقدر. حقوق مشروعه و صریحه ملتی استرداددن بشقه بر مقصده چالیشمز. عزم و قصدی عصر حاضرک شدله استیزام ایلدیکی (۱۲۹۴) اداره مدنیسنک تأمین و تطبیقندن وسفهانک آمال غیر مشروعه لرینه آرتق برحق تعینندن بشقه برشی دکلدرد. قانون طبیعت هر فردده مدافعه حیات حققی اعطا ایلش و بواغورده

استعمال جبر و شدتند کندوسنه مآذنت ویرمشردر . بولایتیغیر برقانوندر . قوه بازو ایله تغییر ایدیه من . تعرضات جنایتکارانه مدافعات مشروعه محفانه بی استلزام ایله . کرک حکومتک و کرک منسوبی اولان بعض ادانیک مستی شهوت و اقبال ایله ترقی و اتحاد هیئاتی علیهنده اوزاتمه باشلادقلری خطوه تعرضلر بو کونکی حدودنده توقف ایلمیدر . آرتق غلافندن چکلمش اولان سیف عدالت و جلادت ملته کنديسنی چارپانلرک سوء عاقبتلری ، مسئولیتی انجق کنديلرینه عائدقاله جقدر . گروه سفها و جهلا بیلمیدرکه عثمانلی حکومتی برملت و برده تمثال ملت اولان پادشاهدن عبارتدر . بوایکسینک آرسنده دنیلره ، شهوت اسیرلرینه ، رذیلره ، اقبال سرخوشلرینه بر موقع مخصوص یوقدر . بو کی ادانی آرتق ساحه حیات امتدن چکلملی . منحوس و مشوم اولان موجودیتلرینه برنهایت ویرمیدرلر . امت پادشاهی ، پادشاهده امتی ایله بلاواسطه کوریشوب سویشه جک ، یکدیگریک آغوش حرمت و محبت آتیه جقدر . بوایکسینک حرماک اتحاد و وصالنده اغیار بد سیرته محل و موقع یوقدر . عثمانلی اتحاد و ترقی جمعیتی کندي علیهنده سلانیکه کوندرلمش و برقاچ کون مقدم اوتوز سنه در دارالفسقه به تحویل ایش اولدقلری آستانه وطنه التجا ایش اولان اوایی شخص لئیمک بردها بو طرفله عودت ایتاملرینی بالخاصه کنديلرینک منفعت اوله رق توصیه و مناستر ، سلانیک ، اسکوب موقعلرینه صوقلمغه چالیشان فاسقینه رجعت ایلمرینی امر ایدر . اشبو جمعیت مقدسه اجانبدن جاهلر ، معاشلر ، رشوتلر قبول ایدن وساحه سراب اقبالده کنديلرینه ده بر موقع خیالی تدارکنه یلتان لئیم الطبع سفهانک و امثالک اوصولو طورملرینی اخطار ایله حق مشروع و صریحی استحصاله قیام و عزم ایش اولان امت مقدسه و محترمه نك حفظ و صیانت حق اوغورنده ظلمه معترضین ایله آتیا وقوعی متحقق کورینان مصارعه و مصادمه سندن طبعی الحصول اولان قانلی و فجیع منظره لک مسئولیت مادیه و معنویه سنک کاملاً ظلمه و مستبدینه راجع اولدیغی بیان ایله .

محکمه انسانیت و دینیت قابل تمیز اولیان حکمی اعطا و عموم سامعین ایله متهملره تبلیغ و تفهیم ایلدی . بو دقیقه دنصکره اشبو قطعی المفاد حکم عدلینک تطبیق ایجاب ایتدی . ای ملت وکیلک وکیلی ! سن که مناستر ولایتده حق و کالتی ایفایه ، خلفا و وکلانک صفات غیرمفارقدن اولدیغی وجه ایله هرذی حقک حقنی کنديسنه اعطایه مأمور و بونسکه مکلفسک . معیت مأمورلرینک اینجده کی ظلمه و اراذلک تجاوز و تعرضلرینه برحد چک . عمومکزک احواله سنی وکیل ایدن ، نصب ایلیان بوملت نکهباندر .

نقاب ریا ایلله تستر ایلش اولان ادا نینک لوح قلوبنده منقوش اولان جل جنائییه بی بوملت او قومقدن عاجز دکدر . بوملتدن پاره ییوب استقامتسزک کوسترنلرک عاقبت احوالی یمان اولسه کرکدر . بوحقیقی انلرک منفعتنه اوله رق اولنره تفهیم ایت . بیلیرسک که سکا ملت یوزلرجه ، بیکلرجه لیرالر انجق بونک ایچون ویریسور . البته بونک حسابی واردر . آلدیغک پاره ایلله کوردیکک خدمت مقایسه ایدله جک وصوریله جقدر . وظیفه انسانیتک سکا امرایلدیکی طریق اوزرنده یورو . معیتده بولئان مأمورلردن عقدپیوند فساد ایلینلری بزرک اعلاطانیرز . بولره اخطارات خیرخواهانه مزى تبلیغ ایلله . مدافعه مشروعه مزک انتاج ایده جکی قانلی نتیجه لره محل قالماق ایچون حقسز تعرضلرینه نهایت ویرلسون . بزقان دوکمک هوسنده دکز . زیرا دوکیلان قانلر کافیدر . فقط (کل مضر یقتل) دستورینک خریطه اجرا آتمک برکنارنده نیر حقیقت ایلله یارلش اولدیغی لورمکده یز . عالم انسانیه مضر ویرسم قاتل اولان بهائمک ساحه حیاتده ایقاع مضرت ایللرینه آرتق میدان ویرلیه جکدر . جنایتلر ، زذالتلر ، ظلملر نهایت بولسون . قانون انسانیت حکمران اولسون . ای ملتک مناسر وکیلی ! مافوقه عرض ایتک اوزره سکا اعلان ایلرکه برملتک قانونی هر یرده سیان وهر موقعده حکمفرمادر . بناء علیه حکومت حاضره مستبده وظالمه کز طرفدن طلب حق ایلدیکيچون مظنون اوله رق ایستلمش اولان ذواتک لاجل الاستجواب استانبوله جلبنده هیچ برلزوم قانونی یوقدر . قانون و محاکم امت هر موقعده واردر . مظنون طانیدقلر یکرک منسوب اولدقلری مواقع محاکمه تودیغ ایدملری ایجاب ایدرکن استانبوله جلب ایدملری اومنفور انکیزیسیون خاطره لرینی اویاندیره جغندن شدتله رد ایدله جکدر . بواصوله نهایت ویریکز . حکومت ظالمه کزجه متهم طانیدیغکز ذواتی منسوب اولدقلری محاکمه تودیغ ایکز . یلدرز ، طاش قشله ، باب ضبطیه کبی انکیزیسیون مؤسسانه معصوم کوندرمک ایسته میورز . بوکا نهایت ویریکز . عکس تقدیرده مسئولیت سزه عائدر . بز معروضاتمزی قولاً دکل فعلاً نظر حکومته عرض ایده جکز . مقصدک سوز ایلله دکل فعلاً اله کیره جکینی چوقدن اکلا دق . حکم قانون هر یرده واردر وکمال احترام ایلله قبول ایدیلور . فقط جبر واستبداد ، آرتق اولانجه حدت وشدتیه جولانه باشلامش اولان قانلری صوک داملاسنه قدر صرف ایچون احراره برعزم ومقانت بخش ایدیور . (الحق یعلو ولایعلی علیه) بوکون انظار فاسقین مناسر ولایتی احراری اوزرینه معطوفدر . عثمانلی ترقی واتحاد جمعیتی ده اشبو مخطرهنی بوولایت والیسنه تقدیمه لزوم کورمشدور .

مالویشنه قریه‌سی



نیازی افندی قرداشمه :

ق ۲۴ حزیران سنه ۱۳۲۴ جمعه — مناستر

محترم قرداشمز

۱ — بلغارلردن وسائر خرستیان عنصرلردن چته کزه. جبراً افراد النامسنى کمال اهميته رجا ایدهرز. بناءً علیه بوخصوصده همت وطنپروورانلرینه بیوک برصبرسرقله منتظرز.

۲ — طرفکزدن مابین، مفتش ووالی یه خطاباً یازلمش اولان مکتوبلرک صورتلرینی همه حال بزه کوندرکز. بونلری کندی غزته مزله نشر ایدهرکمز کبی ترجمهلرینی ده آوروپا جرائدینه کوندره رک نشر ایتدیره جکز. بوجتهله اهمیترلی بیوک اولدیغدن کرک بونلرک وکرکسه بعدما طرفکزدن یازیله جق محرراتک برر صورتلرینی ایلک واسطه ايله بزه کوندرمکزی فوق العاده بر اهمیته رجا ایدهرز.

۳ — بوراده شمسی پاشا علناً اعدام ایدلمش، قداکار حمایه ایدلمشدر.

۴ — صلاح الدین وحسن بکاکر (قرچوه) استقامتده چته یه حقیقمشلردر. موفقیتمزى اللهدن دیلر وجهله قرداشلریمزده خلوص وحضور ايله عرض محبت ایدهرک کوزلریکزدن اوپرز. سوکیلی قرداشمز! چته کزده بولنان ضابطان قرداشلریمزله مأمورین قرداشلریمزک اسملریله رتبه لرینک بیلدیرلمسی ویمکنسه فطوغرافلرینک کوندیرلمسی رجا اولنور. استقبالده تاریخ احرارانه مزه پارلاق بر زمین تشکیل ایتک اوزره روزنامه حیات واجرا آتکیزک منتظماً ضبط وقیدینی واهمیتیلرندن بزمده خبردار ایدلمکدکمزى رجا ایدهرز. سلائیکه ده بو صباح الای مفتیسینک اولدیرلایکی صورت قطیعه و رسمیه ده تحقیق ایتشدر. مناستر والیسی سزى اولدیرتمک اوزره رسنه مدیرینه خفی معلومات ویرمش، معیتکزده کیلردن بریسی مدیر، پاره ورتبه ايله اغفال ایدهرک سزه بو قنالی یاپه جغنی والی یه وعد ایلش اولدیغدن متیقظانه طورانکز.

عثمانلى اتحاد و ترقى جمعیتی

مناستر مرکزی



امان یارب بو امرنامه ایله نهر اوکره نیورم . شمس پاشانک علناً اعدامی ، فدا کارک
 حایه سی ، الای مفتیسی و امثالی جاسوسلرک احای وجودی ، صلاح الدین و حسن بک لرک
 چته یه الحاقی ، بر قاچ کون اولده انور بکک عینی مقصدله تیکوش جهتلرنده کشت
 کذاری . بو خبرلر بنم غیرتمی حسد منتهایه ایصاله کافی ایدی . ارکان حربیه قائممقامی
 صلاح الدین بکه ، مناسر مکتب اعدادیسندن یتشمه اولدیغی ایچون بتون ارکان حربلر
 و مکتبلی ضابطلر کی اردوده نامی حرمتله یاد اولنان بوتثال جدیدته بن دها اول عاشق
 ایدم . حسن بکه ، او حیتلی وطنپرور ، غیرتلی ارکان حربیه قارشو ایسه قلم حرمت
 و محبتله مالی ایدی . درت بش سنه آوجی طابورنده بولندیغ مدت مصادمه لرده کی موفقیت
 میر مومی الیهک تدابیری ، حقیقی تأثیری ایله تأمین ایدلمش اولدیغی علم الیقین بیلوردم .
 بوندن بشقه صلاح الدین ، انور ، حسن بک لر قلب ملتده بیوک برر موقع احترام
 اشغال ایدیوردی . حکومت مستبدانه ارکان فاسده سی بیله انلرک علو اخلاق
 و متاتی قارشوسنده تیره یوردی .

چته جیلکده بکا پیرو اولملری جمعیتک مقصدینی ، علویتنی و ضوح ایله اعلا ایده جکنی
 دوشون یوردم . بوتصورات و ملاحظات دورادور ایله اندیشه می کاملاً ازاله ایدنجه آرتق
 دبریه و مالیسیایه التجایه ، قوای فاسده دن اجتنابه لزوم قالمدی . آرتق حکومتک بتون
 قوتی اوزریمه یوکنمسنه و بوقوتلری اداره ایده جک شمس پاشا عیارنده قوماندانلرک
 یورومسنه امکان براغلاماش ایدی .

پلانمی آلت اوست ایدن بوامرک و رودندن اول لابونیشته قریه سنک انشای تحلیفه
 چرمنیقه منطقه سی قراسنه منسوب رؤسادن داخل جمعیت ایدلمش بش آلتی حیتپرور ایله
 بهلول آغانک چرمنیقه ده [*] مالیسیاده [**] تأثیر نفوذندن استفاده ایدیلرک بی نهایه
 اورمانلرله محاط صرپ و طاغلق اولان بو منطقه اسلامیه یه ، اورادنده مالیسیاده ذی نفوذ
 رؤسانک اولجه تأمین ایدیلن بساسنه استناداً دبره مالیسیاسنه کچیلرک ، حکومتک قوای
 متعرضه سنه بورالردن قارشو طوریلرک ، مدافعه ایدیلرک ایدی . استطلاع اسرارله
 اجرای اهانت صددنده قلب جمعیه کیرمهک چالیشان ناظم ، سامی ، آلالی مفتیسی مصطفی
 شوکت کی میقروبلرک بربرینی متعاقب محو و اتلافی و باخصوص رسنده میرلواوایمیر آلالی
 نظمی ک تردونداتی معینه آلدیغی یدی طابورندن بشقه پرزرین ، پرشته ، یاقوه جهتلرندن

[*] چرمنیقه — طاغلق و طاغیق بیوک بر کویدر .

[**] مالیسیا — صرپ طاغلق اراضی بالقانلق دیمکدر . مالیسیون طاغی آرنائودجه در .

کوکلی عسکر طویلیان و آناطولیدن بفرقه عسکرک تحشیدینه لزوم کوسترن خونخوار شمسینک علناً اعدای، صلاح الدین و حسن بک کرده انور بک کی چته، التحاق سربستی حرکتی تأمین ایتدی. بنی شمس پاشا ایله چارپشمقدن منع ایدن بتون افراد ملتک اویمکه حریص اولدینی بوالی الی الابد تقدیس ایده جکم. زیرا بوقهرمان وزورلی محترم ال بنی وبتون ملتی بریشان ایتک اوزره حاضر لانان بر قوه فاسده بک، بر کتله مهیب ظالمه نك بر حمله ده عقد حسیاتی قور تارمش ایدی. جمعیتک بموفقیتی نه اهمیت عظیمه پی حائز ایدی. [*] زیر اشمس پاشا کی جهل و غروری نسبتده جرات و تهوری، سیاستده حیل و شروری مسلم اولان. قوماندانک قارشومه چقمسی زوالی ملت ایچون بیوک بر مصیبت، دهشتلی بر فلاکت ایدی.

شمس پاشا ایله، قوه فاسده سیله چارپشمنی مشکل دکل، فقط مضر ایدی. بیک محمله بر نقطه ده اجتماعه چالیشدیغمز افکار امتی طاغتمق، بر حرب داخلی آچق، خون مظلوم ملتی درملر کی ناحق آتمق دهشتلی بر مصیبت و فلاکت حاضر لاق ایدی. لابد بوندن اجتناب ایدمک لازم ایدی. شمس پاشا کی تحصیل و تربیه دن، عرفان و درایتدن وجدان و حیثیتدن محروم، بی شعور و بی انصاف، حریص شهرت و شان بر قوماندان ایله اوغراشمق قولای برایش دکلدی. باخصوص انقاز مرامی یولنده ارتکاب ایتدیکی دیسه لر، ظالم، غدرلر هیچ بروقت نظر تأمل و بصیرتدن استبعاد ایدیه مزیدی. شمالی آنا و دولقده صورت تحکم و تقدیری هر کسجه مسلم اولان بو خونخوارک مقاصد ملعونانه سی اله ایدیلن و یالکنز بعض مهم صورتلری زیرده درج ایدیلن تلغرافنامه لرندن استدلال اوله بیلور. مترو و پیچده برنجی فریق شمس پاشا رسنه چته نك خروجی کونی مایندن شو امرلری آله رق تعقیب مسئله یه حصر وجود ایله آن ارتحاله قدر کیجه لی کوندوزلی چالشمش ایدی.



[*] تحقیقات اخیرده دن شمس پاشانک امکان حرکتده قارشو مناسرت- رسنه یولنده متعدد مواقعده مناسرتدن پوصولر ترتیب ایدلیدیکی کی رسنه دن ده آوجی طابوری قوماندان بسالت عنوانی رمزی بک قرداشمژک پاشانک رسنه ده دخولنه میدان بر اقیه جق صورتده ترتیبات فوق العاده فداکاری یه مسارعت ایدلیدیکی اکلاشلمشدر. اساساً رمزی بک کی متانت اخلاق و علو اقتدار ی مسلم اولان بر ارکان حرب بیکباشینسک و سلیمان افندی ایله طیار افندی کی آتشبارده حماست یوز باشیلرک بولندیکی آوجی طابورندن فوق العاده معاونت و تسهیلاته مظهر اولدم. خروجی تسهیل ایدن بوفدا کار عسکرلر چته ایچون مکمل بر اجزا طاقی و چانطه سی هدیه ایتدیلر ایدی.



مناسٹر والیسی حفطی پاشا

عن یلدهیز :

برنجی فریق شمسى پاشا حضرتلرینه

رسنه ده بونان سکان سکرنجی آلايك اوچنجی طابورى قول اغاسى نیازی
افندی نامنده بر شخص لعین ایله رسنه بلدییه رئیسى خواجه جمال و ویرکو کاتبی
تحسین و پولیس قومیسری طاهر و ملازم یوسف افندیلردن و اهالی و عسکرلردن مرکب
تقریباً یوز قدر اشخاصک طابور دبیوی قیارق موجود ماوزر تفشکارلردن یوز قدر یله
جیخانه و طابور ضدوغنده کی نقودی غصب ایله استیمه استقامته طوغری صاوشدقلری
و پرده سیده بولسان عینی طابوره منسوب ایکی ضابطک یتیم قدر ماوزر و جیخانه ایله
آصومان قریه سینه عزیمتله اوراده کی اهالی اسلامیه بی تسلیح ایله رسنه یه طوغری کیتدکاری
و افراددن دردیله ملازملردن برینک عودت ایلدیکی عرض خاکای عالی قلمشیدر ..
مراقوم نیازی ایله رفقاسنک شوخال و حرکت خائنه و نعمت ناشانه لرینه قارشو تأدیده
مسارعت ایله برابر بومقوله ارباب مفسدت و ملعتک تماماً دردست اولنوب برعبرت مؤثره
کوستلمسی و بونلردن اورالری تطهیر ایدلمسی اهم و الزم بولنسیغدن و ذات والالرینک
دیانت و صداقت عالیلری نزد عالیده معلوم اولدیقی جهته بوبایده دخی ولی نعمت بی متمز
افندیمز حضرتلرینه و دولت علیه لرینه خدمت و احراز موفقیات ایده جکلرینه اطمینان
عالی برکمال ایدوکندن اناطولیدن ترتیب اولنسان برفرقه عسکرک و رودینه قدر وقت
سکمه مک و بونلرک وصولنده لزومی قدر طابورلری استصحاب ایده رک همان اول طرفه
عزیمت ایللری نزد عالیده تنسیب بیورلمقده اولدیغندن زده لردن هانکی طابورلرک
آله جغتک و بوبایده کی مطالعه لرینک عرض و اشعارى اراده سنیه جناب خلافت ساهی
اقتضای عالیسندن اولدیقی تبلیغ و زبار و مانه باشنده جوابه انتظار اولنور اولبایده

سرکاتب حضرت شهریارى

فی ۲۰ حیران سنه ۳۲۴

تحسین



دیگر صورتی

عن یدیز

برنجی فریق شمس پاشا حضرتلرینه

« اولجه دیگر تلغرافله عرض اولدینی اوزره اناطولیدن سوق ونقل ایديله جک
 طابورلردن یرینه بعده قونیلماق اوزره ذات والالرینک متروویچه فرقه سندن لزومی
 مقداری طابورلری استصحاب ایدهرک وترن مخصوصه را کب اوله رق همان وسریعاً
 مناسره عزیمت ونیازی ایله اوکا رفاقت ایدن ضابطان ونفراقی واونلرک رفقاسنی همه حال
 اخذ وکرفت ایچون ذات والالردن منتظر اولان فعالیت فوق العاده یی ابراز وارائه یه
 غیرت ایملری وقیافت عسکریه آلتنده بولنماق اوزره ایشکره یرار اولانلردن امین
 اولدیفکر ارباب شجاعتن کوکللو اوله رق طابورلره مناسب افراد آللری والحاصل
 ایشک سرایت وتوسعه میدان وامکان براقیه رق ارباب مفسدته برعبرت مؤثره اوله جق
 صورتده ابراز شدتله مقتضای صداقت وعبودیتک ایفاسی شرف صدور بیوزریلان اراده
 سنیه حضرت خلافتیناهی اقتضای عالی سندن اوله رق اوچنجی اردوی هایون مشیریت
 جلیله سنه ایفای تبلیغات قلمغله وذات والالری سلام سعادت انسام شاهانه ایله تلطیف
 بیوزلمغله اولبابده

فی ۲۰ حزران سنه ۳۲۴ سرکاتب حضرت شهرباری
 تحسین



دیانت ! صداقت ! فعالیت ! حمیتی !! اشبو تلغرافنامه عالی !! ایله ستایش اولئان
 شمس پاشانک طبیعت منفعتجویانه سی غلیان ایتدی . [*] ابراز فعالیت به باشلادی . فرقه سی

[*] مقام تشکرده اشبو تلغرافنامه ایله حسیات عبودیت و صداقتی عرض ایتش ایدی ؛
 مابین هایونه

نائلیتله بکام بیوزولدیغ انعام واحسان لاتحصای حضرت خلافتیناهی به برضیمه عال العال اولق
 اوزره بوکره سلام سعادت انسام حضرت شهربار اعظمی ایله تلطیف بیوزولمغدن طولانی
 اشکریز مسرت ومحمدت اولدیغ حالده عرض شکرانه محاسرت ایدر وبوسیه ایله ده ورد زبان
 صداقتشام اولان دعای تمادی عمرو عافیت وتعالی شان وشوکت حضرت خلافتیناه اعظمینک
 اوسرو تکرار ایله تزیین لسان مملوکیقت قلندیغک عرضنه اجتناسار ایلرم فرمان

فی ۲۱ حزران سنه ۳۲۴ برنجی فریق

شمس

داخلندن اون طابور ترتیب ویا لکنز اوچنک برابرجه حرکتی تأمین ایده رک ۲۲ حزیرانده ترن مخصوصه را کباً ۲۳-۲۴ حزیران سنه ۳۲۴ده مناستره مواصلت ایتدی. بر موجب توصیه عالی پرزربندن، پرشتهدن، فیروزویکدن معینه عسکر قیافتنده ۳۰ ایشکذار آلمش ایدی. بوندن بشقه یاقوه، ایپک، پرزربن و پرشتهدن بعض ایلرو کلنلری ماکنه باشنه واستاسیونلره جلب ایده رک مناسترک بیوک برتهلکده بولندیغنی، خرسیتیانلرک مسلمانلری قتل عامه حاضرلندقلربی اشاعه ایله عروق حیتلربی تحریک و مراجعتده امرینه حاضر بولملربی تأمین ایتدی. اغفالات و تشویقاتنک درجه تأثیراتی اکلماق ایچون مناسترک افراد جمعیتدن بذات ایله تماسده بولان ه اسکذارلردن بعضلری آره سنده جریان ایدن محاوره یی دیکله مک کفایت ایدر :

— صفا کلدیکنز همشهریلر ! ینه می عسکرلک . ردیفی ، علاوه می سکر ؟

— خوش بولدق، صفا بولدق. نه ردیف ونه ده علاوه . حیه امدادیکزه قوشمش

کوکلولورز .

— بوراده بر مسئله یوق. اولسه بيله عسکر چوق. امداده فلانه کیم لزوم کوسترمش. سز بیلیمورمیسکر. سزی مسلمانلری ایکی طرف ایتکه مأمور اولان شمس پاشا اغفال ایتش. اونک وظیفه سی وطنی تقسیم ایتک ایستین اورویایه بویون اکن الجاقلرک حکومتنه نهایت ویرمک، مایینی، ملت مجلسی آچقه اجبار ایلک اوزره چالیشان جمعیت قهرمانلربی اولدیرمک، وطن فدائیلربی محو ایتکه کلدیکنز . حالبوکه بوقهرمانلر، ارکان حربلر، کنج و حیتلی ضابطلر، نفرلر، اشراف زاده لر ایله اهالی معتبره چوجقلریدر. بونلره دکل سلاح آتمق، سلاحیله معاونت ایتکه بتون اردو وحدانیت ربانیه اوزربنه یمین ایتشدرد. — اویله ایسه بزده بونلره اقفا ایده رز . بز بویله اولدیغنی بیلیموردق . مساعده ایدیکزده دیگر ارقداشلرمنی خبردار ایدلم .

— مراق ایتیک . بورایه جمعیت قهرمانلری علیه کلن سزک کبی کوکلولور ، عسکرلره جمعیت مأمورلری صارلمشدر. اونلره حقیقت حال ایضاح ایدیله جک . مع مافیه سزده همشهریلر ایله بوخصوصه مداوله افکار ایدیکز وزنهار شمس پاشایه اطاعت ایتیکز.

شمس پاشا مناستره کلدکدن صکره ایلبصان متصرفلنی وکالتی واسطه سیله (غربی) اوناؤودلق اشرافه شوتلغرافله مراجعت ایلدی .

ماریشته قریب سی جوارندہ مل طابورلرینہ ایراد نطق ایدین محل



ایلبسان متصرفلنی وکالتی واسطه سیله :

عاکف پاشا ایله شوکت بک درویش بک افندیلر ! اوتهدنبرو اجدادیکیزک دولت و مملکتتمزه ابراز ایلدکاری صداقت وفدا کارلق جمله نک معلومیدر . بودفعده خدمات حسننه ابراز ایده جککیزه امنیت برکالدر . بیوک بر صیقیتینک تحت تضیقنده یم . سزک بو طرفلرده اولان نفوذ و قدرتکیزک درجه اهمیتنی تقدیر ایتمش اولدیغمدن معاونتکیزه انتظار ایدیورم . بوصرده اوتده بروده ظهوره کلبکده اولان حالات اغتشاشپرو رانه دن خبردار اولمکیز طبعیدر . بو او یغولسزلقلرک اسباب حقیقه سیله کهنه واقف اولق ایچون مدبر و کار آشنا آدملر استخدا میله بونلردن استحصا ل ایدله جک معلوما تک صحیح و طوغری بر صورتده بیلدیرلمسنی تمنی ایدر و هر حالده وجدانکیزه تودیع کیفیت ایلرم افندم .

برنجی فریق

فی ۲۴ حزیران سنه ۱۳۲۴

شمسی



شمسی پاشا مناسیره موصلتیده مناسترده ، رسنده و حق بوجوارده بتون واقعده کی عسکرک کندیسنه مطیع اوله میه جغنی افراد جمعیتدن اولان دامادی ژاندامه قائم مقامی رفعت بکک القا آتیه . آکلامش ، صیقیتی ایچنده اولدیغنی کمال عظمتیه رغماً اشراق مملکته اقرار ایتمش ایدی . اونک فکر نجه کتیردیکی و کتیره جکی روم ایلی عسکرندن خیر اوله مازدی . کغله قدن ، طوسقه لقدن کله جک نوکلولری ، ایشکذارلری و اناطولی عسکرینی بکلوردی و کغله قدن امداد بکلمکه حق واردی . زیرا معیتنده کی ایشکذار افراد جمعیتله تماسدن حصوله کن تحولات فکریه یه واقف دکلدی . شمسی پاشا انشای راهده یاقوه ، مالیسیاس غانس قبیله سی رئیس شو :

عن یاقوه

فیروزویکده برنجی فریق شمسی پاشا حضر تلرینه

عسا کر شاهانه تک بوکون عجاله فیروزویک طریقله محل ایجابه سوق اولندقلرینی کوردک ذات حضرت پادشاهییه ودین و دولت ابد مدتلرینه جانسپارانه عرض خدمتق امل خاص عد ایتدیکمز معلوم داویرلریدر . چارشمق خصوصنده موجود اولان عهد

و میثاقی ساحت فعله عرض ایچون قبیله جه بیکلرجه طوبیاندق. مجتمعا و منفردا احترام ایدرز که محافظه دین و وطن اوغورنده بوکون هر زرهه ایجاب ایدرسه عزیزمز مقرون مساعده داوریلری بیورلسون .

فی ۲۴ حریران سنه ۳۲۴

غاس قبیله سی رئیس رستم اغا زاده

سلیم



تلغرافنامه ایله بتون شمالی ارناوؤدلغک تأمین معاوتی امکانتی تخیل ایدیوردی . امید ایتمز ایدی که تعقیب فداکارانه یه کن دیسندن بشقه هر کیم مأمور ایدلسه وطن سلامتی نامنه چالیشان جمعیتله برامل تعقیب ایدمک ! رفعت بک شمس پاشایه وضعیت حاضره یه قارشو وظیفه نك مسئولیت مادیه و مغنویه سنی ، کندوسنک جمعیته منسوبیتی حس ایتدیرمه بک برلسانله اکلا تمغه چالشمش ایسه ده کارگیر تأثیر اولماشدر . پاشانک احوالی نصل بر نظرید بینانه ایله مطالعه ایلدیکی آئیده کی مخبره سندن ده استدلال اولنه یلور .



ماینه ، سرعسکره ، مشیریه

بوصباح رفاقت عاجزیده ایکی طابور بولندینی حالده مناسیره مواصلت ایدلمش و التمش طقوزنجی آلاک یا قوه دن حرکت ایتدیریلن و دردنجی طابورینک دخی معیت چا کریده بولسان قوته التحاق ایتمک اوزره شمندوفره ارکاب ایدلمش اولدینی و جمعیتک زرهه بولندیغه دائر هیچ کیمسه نك معلوماتی اولیوب یالکیز اجرا ایدیلن تحقیقات خفیه دن ارکان حربیه بیکباشیلرندن انور بکک تبدیل قیافت ایدمک جمعیت فسادیه یه التحاق ایتمک اوزره حرکت ایتمش بولندینی برای معلومات عرض اولنور .

فی ۲۴ حریران سنه ۳۲۴ برنجی قریق

شمسی



دیگر

مابین هاینه

سایه جلیله خلافت پناهیده بو صباح رفاقت عاجزیده ایکی طابور بولندیغی حالده مناستره مواصلت ایدلیدیکی عرض ایلشدم . کرک سلانیکده و کرکسه بوراده بعض امین واسکی رفقای عاجزیه کوروشلمش و بونلردن کرکسه شمدییه قدر بالتجربه استعمال ایندیکم مخبر صادقن آلدیغم خبرلرده بورالرده برچوق افکار مفسدتله ذهنلری طولمش کیمسه لرك بولندیغی بیلدیریلور . بالخاصه مناستره انضباط عسکرینک پک دون بر مرتبهده اولدیغی نظر تأسفله مشاهده ایدلدی . تشکل ایدن جمعیتک هر هانکی طرفلرده ونزله رده بولندیغنه دائر نه ولایتجه ونهده قوماندانلقجه برکونا معلومات صحیحه الده ایدیلهمامشدر . دون اخشام مناسترک بعض جاده لینه مندرجاتی هذیاندن عبارت برخیلی یافته لرله فی ۲۳ حزیران سنه ۳۲۴ تازینلو جمعیتک اعلان موجودیتی یاشدیرلیدیغی و مخبردن آلدیغم معلومات ایسه بیوکه بر جمعیت اتحادیه نك حاضر لاقمده اولدیغی و بوجعیته کویا بیوک دواندن بعض کیمسه لرك دخی داخل اولدیغی بیلدیریلور . مع مافیه نفوذ و قدرت جلیله حضرت خلافت پناهیله بوکی احوال نامرضیه نك منع توسع و سرایتته و متجاسر لرینک دردستیله مسئله نك اساسندن محو و محاسنه استخفاف نفس و حیات ایدنجیه قدر چالیشه جغمی مع القسم عرض ایدر و التمش طقوزنجی الایک یاقوه دن حرکت ایتدیریلن دردنجی طابوری دخی معیت چا کریده بولنان قوته التحاق ایتک اوزره شمندوفره ارکاب و بورایه متوجهاً حرکت ایلش اولدیغی کی ایپک ، یاقوه برانه اشراقندن الدیغم متعدد تلغرافنامه لرده خاکیای شوکت احتوای حضرت پادشاهییه عبودیت مفظوره و صداقت جلیله ایله مربوط اولان بیکلرجه کیمسه لرك (نوح دیر پیغمبر دیمز جاهل لرك) محضا اوغور شاهانهده فدای نفس و جانه مهیا بولندیغی و معیت عاجزیده بولملرینی استرحام ایلکده دره خدانکرده بو طرف اهاالیسیله خائن دین و نعمت ناشناس اولان ضابطانک مشترکاً بوکی براغتاشاش خائنانه تشبیه یلشندک لری تقدیرده معروض ارنالوؤدلق مواقضدن بیکلرجه کشینک کتیرلمی ممکن اوله جنی و فقط خصوص معروض شرفصادر اوله جنق اراده اصابتهاده حضرت شهریار اعظمییه وابسته ایدوکی کی و درحال اشبو خذله حقنده برعبرت مؤثره اجراسنه موفق اولنه جنی و تصورات عبیدانه مک بومرکزده ایدوکی و پیدرپی بومسئله حقنده تصادق ایدیله جنک احوالک عرضندن کیرو طورولیه جنی حسب العبودیه والصداقه عرضه جرات قلندی .

دیگر

مابین هایونه

اشرا وعونه لرینک تعقیب وتنکیلنه مأمور میرلوا حاجی نظمی پاشا ماکنه باشنه بالجب بالذات استیضاح ماده ایدلده وقوعات کوندنبرو شدتلی برصورتده تعقیبه دوام ایش ایسهده هنوز برنیمجه اقطاف ایدیه مدیکنی ونیازی ایله عونہ سنک اوچ قوله تقسیم اوله رفق بری استاروا و دیگرری ایلصان سنجانی داخلنده چرنیقہ جهتلرینه ویتش کشیدن عبارت اوچنجی قولی دخی. دبره نک قوجه حق ناحیه سی استقامتندن اوخری قضای داخلنده ولفوشته قریه سنه کیده رک دون کیجه بی اوراده کچیردکلی اوخری قوماندانی میرالای حامد بکدن ودها سائر بعض مواقعدن بوخصوصه دائر معلومات استحصال ایدلمش اولوب هر حالده چاکر لرینک رسنه یه عزیمته احتیاج کورلدیکنی وشمادی معیت عاجزیده ایکی طابورک رسنه یه سوق ایدلکی وانه قج معلومات پیدرپی عرض ایدیه حکمی معروضدر



یکرمی درت حزیرانده ورودندن دقیقه ارتحالنه قدر اون ساعت ظرفنده بو مآلده تعاطی ایدلکی متعدد تلغرافنامه لر وتلقی ایدلکی امرلردن یلدرک وشمسی پاشانک جمعیت حقنده کی نیات مضره سنک درجه شدتی کوسترمک اوزره بعضاری عیناً نقل ایدلمشدر. اوکون درسعاده کوندرلمک اوزره سلانیکدن جلب ایدیلن قوه تعقیبه الای قوماندانی ارکان حربیه قائم مقامی صلاح الدین بک کبی تمثال فضیات وناموس جدی و بیوک بر عسکرک وعینی کونده عینی صورتله جلب ایدیلوب شمندوفرله اعزاملری مقرر اولان مناسرت منطقه سی ارکان حربیه رئیس فضائل انیسی اک ممتاز امرای عسکریه دن بیکباشی حسن طوسون بک بکریک غیبوتی شمس پاشانی فوق العاده تعذیب ایتش ، ماعون ، خائن ، دینسر لقبیه توصیف ایتدیکی بو حیت قهرمان لرینک فرارینی اهمیتله تلقی ایتش ایدی . حالبوکه میزمر می الیهک فی ۲۳ حزیران نه ۳۲۴ تاریخلو بیاننامه جمعیه نظرآ درسعاده کوندرلمسی غیرقابل اولدیغندن یوزباشی محی الدین افندی یه اخفاری وبرچته ترتیبی ایله قرچوه یه چقارلملری امر ایدلمش و ۲۴-۲۵ کیجه سی مناسرتدنده برچته چقاریله رفق

کور بجه ، اوخري ، رسنه و کسريه طرفلرندن و مناستر جهتلرندن رسنه چته سنک تعقيبي ايجون رسنه طرفلرنده اجتماع ايتديرلنکده اولان قوتک تفریقه همت ايدلديکي کبي عيني صورتده فيلورينه دن يوزباشی رسنه لی عثمان افندی ، سرفیجه جهتلرندن ژاندارمه بيکباشیسی ناشد بک و اوخريدن ايوب افندی چته يه چيقمق اوزره احوالک کسب ایده جکی شکله نظراً ایلک ویريله جک امرده حرکتیه مهيا بولملری جمعیتجه تقرر ایتشدی . تشکر اولور که شمسى پاشانک عمری وفا ایتدی . زیرا تشبثات جاهلانه و غدارانه سیله روم ایلینک آل قانلره بویانمسه ، خون مظلوم ملتک بغیر حق دوکولمنسه فلک رضا کو سترمدی . اوکون علی الصباح رسنه يه حرکت ایدن طابورلره التحاق ایتک اوزره مناستر تلغرافخانه سندن چيقوب آراهيه ينمک اوزره ايکن ملتک بيوک فدائيسى طرفندن حیاته بتون آمال و تشبثاته خاتمه ویرلدی . اودقیقه دن اعتباراً جمعیتک یعنی مدافعه حقوق ملیه حکومت خفيه سنک ، حکومتیه یعنی دولت مستبدیه و فاسديه غلبه سی تحقق ایتدی . آرتق هیچ بر قوماندانک شمسى پاشا کبی بویله مسئولیتلی بر قوماندایی درعهده ایده میه جکی فکری عموماً تسلیم ایدلدى و شمسى پاشا محافظی صفتیه مناسترده حقیقت ماده يه کسب اطلاع ایدن ارناؤود کوکلورلر ده اوکون مملکتلرینه اعاده ایدلدى . بو واسطه ايله حقیقت شمالی ارناؤود لقلده دخی سرعتله انتشار و توسع ایتدی . ذاتاً شمالی ارناؤود لقلده افکار عمومیه سایه سنده منافع غیر مشروعه استحصال ایدن بعض اشرا ، رؤسا مستثنا ، شمسى پاشا علمینده ایدی . بيوک بر سرعت و شدتله صحنه اجرا آته آتیلان شمسى پاشانک اجرای منویاته محل ویرمیان اشبو سیاست مدهشه بنجه جمعیتجه و بتون ملتجه جالب ممنونیت فوق العاده اولمش ایدی . محقق بر فسادک و قوعنی منع ایدن بوسیاست عبرت مثال اوله جق بر ماهیت وجدیتی حائز ایدی . آنک ايجون تعریف اولمز بر درجه ده القای مسرت ایدن بوا مرنامه اوزره خط حرکت طبعی ايله دیکشمش ایدی .

بو قدر اطلاعاته قارشو تردده ، شبهه يه محل یوقدی . آرتق بر آن اول چرچیس ایه برلشمک خصوصنده کی موانع ازاله ایدلش ایدی . بنی احاطه و تهدید ایدن قوای فاسده و خائنانه دوچار ضعف اولمش ایدی . درت طرفه یاییلان بو خبرلر بر تأثیر لاهوتی ايله قلوب افراد جمعیتی تشویق و تشجیع ایتش ایدی . قوه معنویه يی آرتدیرمش ایدی . آرتق نظر ملتده حکومت بر حرکت مذبحخانه ايله زورا کی اظهار شوق حیات ایدن بر موتای متحرک حکمنه کیرمش ایدی . قوه معنویه بورتبه تزايد ایتمکله مظفریت تحقق ایتدی . هله شمسى يی محافظلرینک آره سنه صوقیله رق قهرمانانه برصولت ايله بیک بش یوز

سیرجی آرسنده اتلاف ایدن محترم فدائینک بوغلبه لکدن سالمآ تخلیصنه و حکومتک تعقیبات شدیده سنه قارشو اخفا ایله هایه سنه بذل اقتدار ایدن جمعیتک علو مکاتبی ، کال بصیرتی ، جناب حقک عنایتی [*] ایله برقات دها تعالی ایدن وقع و حیثیته متوجه اولان انظار عمومیه بوموفقیت حصاقتمندانه یی تقدیر ایدیور ، بزه دها بشقه برنظر احترام عطف ایتمکه چالشیوردی . لایونیشته نک حرمت و آلقیشلری آرسندن کوچ بلا ایله یاقه یی صیره بیلدک . زیرا بوقوعه مهمه یی کندیلرینه تبشیر ایلش ایدک .

بورادن فی ۲۶ حزیران سنه ۳۲۴ ساعت یدیده حرکت ایده بیلدک . چته مزه ب بالقانلق و طاغلق اراضی یی تعقیب ایدن بریول اوزرنده یوریوردی . اهالیسی کاملاً مسلمان و چالیشقان اولان پودغوریچه قریه سنه یاریم ساعت صکره مواصلت اولندی . بوراده قان دعوالری و اوفق تفک نزاعلر ایله متفرق اولان افکار و آرانک اتحادی تأمین ، هیئت اداره سی تشکیل ایدلدی . پودغوریچه قریه سی طاغلق ، اورمانلق اراضیده کائن اولوب خلقی جسور ، دیندار و حیثتشاردر . یتیمش سکسان خانه دن عبارت اولان بو کویدن یوز الی سلاح چیقارایله بیلور ، کوزل برما من ، راستنادکاه محکم اوله بیلور . یاریم ساعت دها ایلروده اوقس قریه سی کائندرکه اوصاف و قابلیتده پودغوریچه ایله مسابقه ایده بیلیر . بوراده عین طرز اجراآت ، عین تلقینات ایله وظیفه و تشکیلات اکمال اولندقدن صکره یوله دوام ایدلدی . یاریم ساعت دها شملده صرف بلغار ایله مسکون وهجان قریه سنه مواصلت ملندی . اوچیوز الی خانه یی حاوی جسمیم برقریه اولان وهجانک اراضی صرپ آرقه سی بانقان و اورمانلقدرد . وهجانک بلغار چته لرینه مأمن اولسی نقطه نظرندن اهمیت مخصوصه سی واردر . پیشدارک قریه یه مواصلتنی کورن کویولر خوف و اندیشه ایچده دکانلرینی ، خانلرینی قبادیلر . اختفا ایتدیلر . بتون قومشولری کی سبب کشت و کذارمزه مطلع اولان وهجانلیرک حرکات محترزانه و طور خافانه لرینی مطالعه ایتک فائده دن خالی اوله مازدی .

کریک هیئت اختیاریه سی جلب ایدلدی . تأمینات ناموسپرورانه ایله امنیت حاصل

[*] شمس پاشانی احاطه ایدن اتوز کوکلو آرنارود شمس پاشانی دویرن فدائی یی کوردکلری حالده هوایه سلاح آتیورلردی . ایشی اکلامیان برقاچ کوکلوونک کوکلدن آتدکلری سلاجلردن چیقان یراماز برقرورشون فدائی یی جریحه دار ایلش ایدی . عدالت واقعه دن خوشنود اولان جناب حق شمس پاشا قانیه لکه دار اولان خاک پاک و قعه یی متعاقب باران رحمت نشانیله تیزلیدی کی فدائینک ده قانلرینی سیلهرک ایزینک غائب اولسنه مساعده ایتدی .



و آلبش ویریلدهده او خوف و اندیشه لر کاملاً زائل اولدی. دوائر حکومتک شعبات مختلفه سی مأمورین و مستخدمین، اهالی اسلامیه نیک معتبرانی، ضابطان و افراد عسکریه متحیزانندن مرکب اولان شو قوتلی و سطوتلی چته نیک بوصورت ملایمانه و حرکت عدالتپورانه سی قریه نیک پاپاس و هیئت اختیاریه سی و بتون افراد اهالیسی متحیر و مجلوب ایتمش ایدی. انجیل شریف اوزرینه ال باصه رق بزه و مقصد علوی یه صادق اوله جقلرینی، مراجعت و قوعنده امر مزه، معاوتمزه شتاب ایده جکارینی و عهد و اعهده ایلدیلر. اخشام وقتی خورشید جهان آرا کویی ضعیف و قوتسز شعاعاتی ایله سلامیه رق آغوش ظلمته تودیع ایدرکن خوف سیاه و تردد ایله مظلوم اولان کولکلی شمس منیر عدالت تنویر ایلدور، لمعه امید ایله پارلایان ناصیه لر، بشوش چهره لر بزی تشییع ایله بومنظره علویه نیک لطافتی اکمال ایدیوردی.

آخشامک سرینلککنده خفیف و ضعیف التماعاتی آلتنده دوام ایدن بویوروپوش صقینتیسز کچدی. بر بچق ساعت ایلروده عینی بالقانلرک اتکلرنده اوچ یوز خانیه یی حاوی رادویشته قریه سنه طوغری ایلر یلیوردق. اصولاً - اهالی یه - قوناق حاضر لامغه کوندریلن پیشدارمز، عودتنده بزه فنا خبرلر کتیرمش ایدی. بتون سکنه قریه نیک پرسلاج و پرخلجان جامع میدانلغده طوپلانلیغنی، بزی قبوله غیر مساعد حتی آتشله قارشیلانلغده تمایل بولندقلرینی اکلادتدی. پیشدارده کیلر بوکویده قدیمدنبرو مناسبت و تماسده بولتمش، رادویشته لیلرجه نائل امنیت اولمش کیمسه لر اولدینی ایچون حالدن اندیشناک اولدم. پیشدار قوماندانندن صوردم:

— سبب زیارتیزی کویویه اکلادهمدیکیزی؟ کی یلونک حقمزده فکر وظنی نه در

اکلایه مدیکیزی؟

— هرشیئی اکلادتق. نافله! بوجاهل و متعصب خلقه صرام اکلاتمق قابل اوله مدی.

کندیلرینه ضرر عن اوله میه جغنی، مقصد مزک تأمین عدالت و سلامت اولدیغنی سویلدک. کندیلرینی محافظه ایده جکیزی بیلدیردک. جمعیت طرفندن کادی کمزی، هرشیئی سویلدک. نافله! بونلر نه اکلایورلر، نه ده اکلانمغه مساعده ایدیورلر.

جامع حولیسنه طوپلانمشلر. یدیدن یتشه قدر خلق میدانه چیقمش. حریفلر پرسلاج و خلجان. یکدیگرینه قاریشان ضالرنندن، حایقمرلرندن برشی اکلایشیله میور. اکلایشیلان برشی وارسه، بزی یک فنا بروضیتده قارشولمغه حاضرلندقلریدر. فنا فنا کفرلردن، تهدید آمیز سولرندن بشقه برشی ایشیدنلیور.

— اوپله ایسه بزه حاضرز. اتحاد عمومی به انکل اولانلری یوق ایدرز والسلام.
محاوره بوروحلی نقطهده اوخری یولندن ظهور ایدن برکویونک خبر تقریبی اوزرینه
منقطع اولدی. بوکویلوده فنا حوادث کتورمش ایدی. اوخردن تعقیمزه چیقان
قول اغاسی بکر اغانک ایزمیزده طولاشدیغنی، برکون اول بزم ترك ایتدیکز نقطهلرده
تحریات اجرا ایلدیکنی خبر وریوردی. ایکی طرفدن الحاقهسنه واقع اولان بوهمولره
قارشو صبرم، محالم توکنمش ایدی. بالذات بوعسکر، بوصادق وطن قیاقلی خائنک
ترتیب جزاسنی تصمیم ایدرهك نشانجیلقدده ملکهسی مسلم اون بش فدائی بی مستصحباً اونک
بزه قورشون ایریشدیره میه جکی برنقطهدن ازاله وجودینه قرار ویرمش ایدم. قرار
موقع اجرایه وضع ایتک اوزره ایکن ایکنجی برکویلو بوقرارک نامصیب اولدیغنی اثبات
ایدهجک خبرلر کتیرمش ایدی: صرف بر مقصد تفیض ایله تعقیمز وظیفهسنی قبول
ایدن بوبوشناق قول اغاسنک، شمسی پاشانک شایعه اتلافی اوزرینه مفرزه سیله برلکده
جمعیه دخالت ایتک اوزره اوخری به عودت ایلدیکنی تأمین ایدیوردی.

بوجهتدن اندیشه ختام بولنجه پیشدار قوماندانیله محاوره مز دوام ایتدی.
ارقداش! دیدم. کویک بتوک ایلرو کلنلری، نیم طانیدقلم صمیمی احبابلرم در.
دها یکر می کون اولدی. ایچلرندن اک نفوذلی اولان قورتیش لنا رسنه به کلهرك بکا
مسافر اولدی. مختار علی اغا وهیئت اختیاریه بی تشکیل ایدن دیگر اعضا لر هپی بندن
ایولک کورمش آدملردر. کندیلرینه بندن بحث ایدیکز. معیتک چکدیکی مشقنلری
تفهیم ومقصدی بردها تلقین ایدیکز. اکلا دیکز که چته کویه کیرمزسه آج صوسز،
آچقده کیجه لیهجک. کندیلرینک سلامت وسعادته چالیشان وطن فدائیلرینه قارشو
روا کوردکلری شو معامله نك، مسئولیتی دوشونسونلر صوك پشیانلق فائده ویرمز.
یویلهجه سویلیهرك بین الخوف والرجا برطرزده اداره کلام ایدیکز باقلم انجای نه اولور؟
— انشاء خیر اولور افدم. فقط بونلره شوحال هیجانه سوز اکلا تمق مش-کل
وبلکه غیر ممکندر. مع مافیه امر سرك. اوچ ایلری - مارش!

دیدم. تکرار کویه کیدن یول اوزرنده صیق صیق آدیملره یورومکه قویولدی.
بنده بش اون دقیقه صکره قسم کلی ایله اونک ترك ایتدیکی یولی تعقیب ایتدم. بز
یورورکن بر سلاح سسی پاتلادی. بو، کویولورك اولجه مقن اولان پوصولره یرلشمه
براشارت ایدی. تهورم درجه نهاییه واردی. هان کوی آبلوقه ایدرهك ترتیبه مسارعت
ایتدم. ارقداشلر، ضابطلر امرلره انقیاد ایتدیلر. کویه تقرب ایتدک. طانیدقلمی بر

برر اسملریله چاغیریوردم . نافله بنی طانیانلرک، بیلدکلرک کافهسی دریغ معاونت ایچون ، دفع اعتراض ایچون اوشمات انکیز ، اولولوله حیز . غلبه لکه قاریشمش ایدی . اورادن آیريله مازدی . کویک ارباب ناموس وحمیتی ، اختیارلر ، باخصوص یانمزه بولنان علی بویقو نامنده بلیجه لی برپر فانی بواختیارلرله برلکده کیجه وقتی متهیج ومتهور برغلبه لکه مرام اکلاتنک مشکلاتی سونلک اوزره یانمزه یناشدیلر . حسن نیتدن نشان ویرن بر صمیمتله سوزه باشلادیلر .

چته ده کی ضابطلرک کافهسی بومذا کرده حاضر ایدی . برمناسبتسزک اولمقدن ایسه بنده کیجه بی آچقده کچیرمکی ده موافق کورن اکثریت آرایه اتباع ایتدم . دکرمنلکلره چکیلیمکی ، بالضروره آچ و صوسز کیجه لمکی بنده تصویب ایتمش ایدم . بتون کیجه یأس وحدتن کوزیمه اویقو کیرمدی . کوندوزی برسورومتاعب سفریه ایله کچیرن ارقداشلرک آجلغه ، صوسزلغه ، محکومیتی بنی دلخون ایتدی . بو حال شهه سز برمفسدک نتیجه القات وائرزویراتی ایتدی . هر حالده سزاوار مجازات اولان بوجرأته مسامحه ایديله مزدی . ایجاب حال فردایه تعلیق ایدلدی . رادویشته دن یاریم ساعت بيله اوزاق اولمیان دکرمنلکلره ۲۷ کیجه ساعت آلتیده واره بیلدک . بوراده میشله دوژده قریه لی حمیتلی برآغا تأمین احتیاجاتمز یولسده وارینی یوغینی فدا ایتدی . فقط ایکی یوزه قریب اولان معیتمک احتیاجی بزخانه دن تسویه ایديله مزدی ۲۸ حیزران . علی الصباح اوخری ، استروغه مرکز لرینه برر راپورله ماجرای یازدم . اکمک وحوایج غدا ئیه جه عرض احتیاج ایلدم . مناستر مرکزینه یازدیغ مکتوبی عیناً درج ایدیورم .

مناستر هیئت مرکزیه به :

محترم افندیلرم ! تعقیمزه مأمور برنجی فریق شمسی پاشانک فدائی ... افندی طرفندن اتلاف ایدلکیکی خبرالدم . نظمی پاشانک یشاتدیرلمسی اسبابی اکلامیورم . . مهرسز کلن امرنامه ده جدیتمزی ، فداکارلغمزی استخفاف ایدر بعض ایهاملر زی داغدار اسف والام ایلشدر . شویله که : نظمی پاشانک افناسته رسنه نک برحق وطنپروران وفداکاراندن محرومیتنی انتساج ایدن مفارقتمز مانع اولیورسه بش اون فدائی کوندرمک ایچون استیدان ماده ایدلش ایدی جواباً کلن مهرسز شوامرنامه ده اورایه کیمکیمز نامناسب اولوب زحمت احتیاج اولمدیغی بیلدیرلشدر . احتمالکه عجله وتلاشله یازمش ومهرلنماش



بلغار چتهلر وۇساسى ميلان و ماطوف

اولان شوامرنامه ده بر مقصد ایهام اولسون انجق امرلرک، جمعیتک مهر رسمیسيله تختیم ایدلمسی لزوومی وارسته ایضا حدر. خروجک، بیاننامه لرک یاپدینی تأثیری قرسته نک یکنسک تخلیصی کیفیتک صورت تلقیسی ایضاح بیورلمدی. یاییلان معاملات ایچون واسع بر صلاحیت بخش ایدن قانون جمعیه رعایتله توفیق حرکت ایدیورم. معافیة حسب البشریه براخطای اجتهاد وارسه لطفاً اخطار بیورلمسی لازمدر. صرب داسقالنک اسپر ایدلمسی، بلغارچو جفتک تخلیصی، بیاننامه لرک حصوله کتیردیکی تأثیراتک بیلنمسی حرکات آتیه ایچون رهبر سلامت اولور. کرک داخل و کرک خارجه نشر اولنان جمعیت غزله رینی منتظماً کوند رملرینی استرحام ایدرز.

استروغه ناحیه سنی، اوخری قضاسی قریه لرینی چوق کریده بولدم. بوراده دهشتلی برنفاق و شقاق حکم فرما متغلبه وظلمه چوق، بونلری برر برر بارشدیردق. فراریلری، ظالملری سلاحلریله برابر طویلادق. یانمزه کزدیریورز. جمعیتک موفیقی بوسایه ده ترقی ایتدی. یالکز رادولیشته شایان نفرت برالچاقق ارتکاب ایتدی. بزی سلاحله قارشولامغه قدر جمعیه ابراز خصومت ایتدی. تدابیرشیدیده اتحادینه مجبور اوله جفم. برقاچ مفسد عبرتاً لیسائرین اعدام اولندقجه بوفالغک اوکی النیه جقدر. استروغه ایله اوخری یه ده یازدم. اوخری رسنه و پرشپه ده کی خرسیتانلر کوندردیکم بیاننامه لری حسن تلقی ایتدیلر بزه عرض انقیاد ایله فوق العاده حسن معامله و قبول کوستیریورلر. امرلری بزی اجرایه آماده اولدق لرینی تأمیناً سویلدیلر. بلغارلرده تحلیف ایله جمعیه دخوله یناشمقه درلر. حقلرنده اولنه جق معالنه نک اشعاری استرحامیله عرض احترام ایلرز.

قول آغاسی
نیازی



استروغه اوکون امدادیمزه شتاب ایتدی. بزه ایکی کونلک اتمک کوندردی. یقینده کی زاغراچان قریه سی معتبران خلقی جلب و تحلیف ایله کوی هیئت اداره سی انتخاب ایدلدی. استروغه لیلر، بوحمیترور، وفداکار اهالی رادولیشته قریه سنک معامله نارواستندن صوکه درجه ده دلکیر ومنفعل اوله رق تلقینات شیدیده ایله رادولیشته لیلرک اویوشوق قانلرینی حرکت کتیرمش ایدی. بوجاهل کویک متعصب خلقتدن سوز آکلایانلرینی برابرلینه الهرق یانمزه کلدیلر. یالکز بونلرک حیتلرینی رینه کتورمک ایله اکتفا ایتماش، ایکی کونلک احتیاجی تسویه ایده جک قدر اتمک پینر دخی کتیرمشلرایدی.

رادولیشته لیلرده دونکی معامله لرندن فادام اولدقلرینی مقام ترضیه ده سویلیدیلر .
 عرض معذرت ایلدیلر . بوراده جوار کویلردن برچوق خلق طویلاشمش ایدی .
 یونلردن داخل جمعیت اولیانلری تحلیف وقانون اساسینک لزوم استردادی تلقین ایدیلرک
 تعلیمات مقتضیه ایله محالینه اعاده ایدلدی . ایلبصان ، دبره متصرفلغنه بیان حالی
 متضمن برتلغرافنامه قلمه آلدی . خبر کوندردلیکی دقیقه ده ایصال ایدلک وصیتی ایله
 اشبو تلغرافنامه لرده زاغراچان قریه سی هیئت اداره سنه تودیع اولندی . آرتق بوراده
 تمذید اقامته لزوم قالدی .

ساعت اونبر راده لرنده ویرجه یه کیدن یولی تعقیب ایدیور ایدک . اثنای راهده
 اوخری مرکزندن آلدیغمز برمکتوبله بعض خصوصات مذاکره سیچون بزی اوخری یه
 دعوت ایدیورلردی .

برطرفه کورویمکسزین اوخری یه طوغری تعقیب ایلنه حق یول طولاماج وغایت
 اوزون ومشقتلی اولدینی کبی بزی مسافرپرورلکلریله ، معاونت وحیثریله متدارایدن
 اوستروغلیلری ده نمون ایتکی ارزو ایدیور ایدک . بناء علیه استروغ یولنی
 آلدق .

اوج ساعت صکره ، ۲۸ حزیران یوم جمعه ایرتسی ساعت اون ایکیده کال شوق
 ومسرته استروغیه کیردک . ملازم جمال افندی بوکره حیت وطنپرورلکک پک علوی وفداکارانه
 آثارینی ابذالده قصور ایتدی . دخول وخروجری عسکره حسن ایتدیرمکسزین
 تسهیل واداره لیلدی . براوزون موله یاپه رق یورغونلغی کیدردکدن صوکره چتینی ایکی
 قسمه تقسیم ایدرک . حرکت ایتدک ملازم عثمان افندی الی نفر قومانداسیله بورادن
 کوکس ویرزشته جهتلینه طوغری ایلرولدی . بزده قسم کلی ایله اوخری استقامتی
 تعقیب ایتدک . ایکی ساعت صوکره سکنه سی صرف مسلمان اولان غورنجه قریه سنه
 واردق . اوراده کیجه لک . عثمان افندی ایله استاروه جهنلرنده چرنوده برلشمک
 قرارکیر اولدی . ۲۸ - ۲۹ کیجه نی بیوک برامیت واستراحتله کچردک . اهالینک التفات
 ونوازشی ، معاملات جمیله مسافر پرورانه سی بزی متدار ایتدی . بوراده یاپه حق پک
 آرایش بوله ییلدک . اهالینک اکثری تحلیف ایدلمش ، بوراسی ده منتظم برمرکز حالی
 آلمشیدی . ارقداشلرینک اثنای تحلیف واتحادنده کویده اثبات وجود ایدمه مکدن
 ناشی محروم قالان بقیه افراد اهالی ده کاملاً مراجعتله تحلیفلرینک اجراسنی طلب
 ایتدیلر . حمد اولسون بوکویده قان وامشالی موجب اختلاف ارله حق دعوالر مفقود

ایدی. مائل سکون و حضور اولان بوکوی خلقی میاننده اخوت تأسس ایتش، مسعودانه امر اوقات ایدیورلردی. یالکیز براندیشه حضورلرینی اخلال ایدیور وطنک ملاحظه استقبالندن، جمعیتک همت و غیرت مترقیانه سندن لسان تقدیر ایله دم اوران عقلای قریه عن قریب نائل امل اوله جغمزدن امیدوار کورینورلردی. حاصلی بوکوی هر بر حالیه برمنظره متوکلا نه وقاعتکارانه ابراز ایدیور، بر وضع حزین مستریحانه عرض ایدیوردی. ۲۹۰ حزیران یوم بازار: بومتوکل، قناعتکار خلقک سایه لطف و مسافرتنده پک طاتلی کچن حیاته طویق قابل دکلدی. وظیفه بزی بورادنده تباعده سوق ایدیوردی. ساعت اونبر: یجغه طوغری کونشله برابر حزین واشتیاقپورور. بروداع ایده رک ساعت ایکی راده لرنده اوخری اووه سنه داخل اولدق. اوخری مرکزینه منسوب بتون افراد جمعیتی، استقبالزده منتظر بولدق. یکدیگر مزک بوینده صارماشدق. بومصافحه دیندارانه، پک علوی بر تابلو وجوده کتیردی. بومنظره، برمنظره حمیت وفداکارانه که طاشدن قاتی قلبلری رفته کتیره جک. پیر و جوان، قوی و ناتوان، برانسان کومه سی غریق اشک حسرت و مسرت اولان بیاض صقاللری، نورانی و مبارک ناصیه لرله او جمعیتک حالنی، لطافتی ارتدیران ساحلورده رک آوازه بکا و مسرتلری جمله یی عمیقاً متأثر ایتدی. بوکیجه یی اوخریده قوناقلرده کچیردک. کونلردن برو مهجور اولدیغمز استراحته جدأ نائل اولدق.

۳۰ حزیران ۳۲۴ یوم بازار ایرتسی: قوجه کوی چته افرادی قله، و قوناقلرده استراحت ایله کچیردکی زمان بز چته ضابطلری قول اغاسی ایوب افندی و هیئت اداره اعضالری ایله حکومه، اهالی یه، کویلولره، ارناوود، بلغار، صرب، روم عناصرینه و معارض پارتیلره قارشو اتحادی مناسب اولان تدابیری مذاکرات ایله اشتغال ایدیوردق. مناسرت مرکزندن اوخری مرکزی واسطه سیله تبلیغ ایدیلن شو امری قرائت ایتدک.

محترم قرداشلرمز:

مکتوبکیزی کمال مسرتله آلدق. سزی بر آز کوجندیردیکمزدن طولایی قصوره باقلمامسینی رجا ایده رز. یازدیغکز ماده لره بروجه آتی جواب ویریرز:

۱ — فدائی ارقداشمز، سزک اسمنی یازدیغکز ذات دکلدر. بونکله برابر اسمنی ده قطعاً کاغده کچیرمه مکیزی جان کوکلدن رجا ایده رز.

۲ — کاغدلرک مهرسز اوله رق کوندرلمسی واقعا سزک دیدیککز کبی بر خطایی



رسته مناسبت چرچیس ختاری ضابطانیدن بعضلینک برلکده الیوردقاری رستدر
(بیاض مقالی محمد عموچه رسته چکده رسته دایقانی کی چالیشان چشاک بریورفانیدر)

موجب اوله حق اسباب مهمه بی تشکیل ایدر. فقط کاغذک یازلدینی محله مهر موجود اولدیقتن بالمجوریه مهر سز کوندرلشد.

۳ — بلغار چوجغنگ تخلصی ایچون صرب داسقالنک اسیر ایدلمسی ، بخصوص بلغارلر نزدنده پک بیوک حسن تأثیر حصوله کتیرمشد . بوکون قونسولوسخانه لردن النان قطعی معلوماته نظراً بلغار هیئت اداره سی مسلمان چته لرینه غایت مسافر پرورانه والتفاتکارانه معامله ایدلمسی و فقط امر اخیره قدر سلاخله کندیلرینه اشتراک ایدلمه سی حقنده تکمیل کویلره تعلیمات لازمه ویرمشد . بوکا بناءً بتون قونسولوسلر بوندن کمال عدالت ونصفتله حرکتمزه دوام ایدرک بیوک استفاده لر ایتکلمیزی اهمیتله توصیه ایدیورلر . داسقال حقنده برشی اوکره نه مدته . یلیدرک تالاشی غایت مهمدر . دون اخشام سلا نیکن کلن طوپیجی برنجی فریق شکری پاشا بوکون قشله لری طولاشه رق پادشاهک ، ضابطانک کما کان صداقتدن امین اولدیغنی تبلیغ ایلدی .

۴ — دون صباح سلا نیکنده اوتل اوکنده طوپیجی الای امامی مصطفی افندی بی ووردیلر . عثمان پاشاده مناسرت وحوالیسی فوق العاده قوماندانلغنه تعیین ایدلمشد .

۵ — داخلی غزته مز شوکونلرده مشغولیت کثیره مزه بناءً هنوز نشر ایدلمدی . خارجی غزتله لرده چته کز حقنده معلوماتی حاوی اولانلر دهساکلیدی . چته کزک مقداری ، اجرا آتی ، عدالتی وسزک یازدیغکز مقبوضلرک ترجمه لری وسائره آوروپا غزتله لرینه کوندرلدی . بوهفته کله جکارنده حقکیزده پک چوق حوادثه تصادف ایدیله جکدر . بناءً علیه هروقت یازلدینی وجهله جنس ومذهب بلا تفریق اهالی یه قارشو ضوک درجه مشفقانه وعادلانه معامله ایدلمسی اهمیت مخصوصه وسیاسیه سنه بناءً خاصه رجا اولتوز .

۶ — رادولیشته قریه سی حقنده کی مطالعه کزی موافق کوریورز . فقط هر حالده حلم وشفقت وقول لین ایله حکیمانه اداره اولنسنی هممات برکزیده لرندن انتظار ایلرزه . ۷ — اولجه ده یازدیغمز وجهله خرسیتان واسلام کویلر یله حکومته ویره جککیز وشمیدی یه قدر ویردیککز کاغدلرک برر صورتی بهمه حال بزه کوندریککز که هم غزته مزله نشر ایدلم وهمده ترجمه لرینی آوروپا جراندینه کوندرم .

۸ — جمعیتزک تعلیمات داخلیه سی بلا تفریق جنس ومذهب بتون وطنداشلریمزک شایان اهمیت وامینت اولدقلری حالده آنملرینی توصیه ایتدیکندن رضا ومحبتلری اولدینی حالده بلغارلرکده آنملری موافقده .

۹ — بوراده خرسیتان و طنداشلریمزه باغارجه ، روجه ، صربجه ، اولاحجه ، فرانسزجه برر بیاننامه نشر ایدیله جکدر . سزدهه مقیدار کافی کوندریله جکدر . بونی کندیلرینه اوقودرسکنز .

۱۰ — چته کزک عدالت و مقصد علویسی حقنده یارین انشااه قونسولسلره برر محطره ویریله جکدر .

۱۱ — شکری پاشا (برنجی فریق) واسطه سیلهده پادشاهه برکاغد کوندرییورز . صورتلرینی بالاخره سزه کوندردجکز .

۱۲ — چته کز عموم طرفدن پک زیاده آلقشلا تمقده و حسن تلقی ایدلمکده در . بتون قرداشلریمزه کمال خلوص و صمیمتله سلام ایده رز . قرچوه استقامتده طولاشان صلاح الدین و حسن بکدر چته لریاده ممکنسه مخایره تأسیس ایدلسی توصیه اولتور . جمله کزک کوزلریکزدن او پرز . الله امانت اولیکز قرداشلرمنز .

عثمانلی اتحاد و ترقی جمعیتی
مناسنر مرکزی



اشبو امرنامه اوزرینه جریان ایدن مذاکرات هپ بر نقطهده خلاصه ایدیله بیلوردی . متحداً حرکت و اجرای عدالت .

بونقطهده مذاکره ختام بولنجه ایز غائب ایتک مقصدیله بنی ایوب افدینک طابور ارقداشلرندن بولنان بیوک برادریم ملازم مرتضی افدینک خانهسنه کتوردیلر . بنی اوراده کیزلیه جکلردی . سوقاق قپوسندن ایجرویه کیردیکم زمان بکا اسبابی مجهول لطیف بر هیجان استیلا ایتدی . کوجلکله مردیونلری جیقه بیلدم ، مردیونی چیقنجه برادریم مرتضی افدی قوریدورک صاغ طرفده کی اوطیه طوغر و لدی . خفیف رنجرتی ایله قه ، بی آچهرق بنی ایجرویه ادخال ایتدی . قپونک تام قارشوسنده مندر اوزرینه سریلی بریتاغه یناشدی . ایچنده یتان ذاتی اشارت ایدرهک :

— بیوک ملتیزک عالیجناب و بیوک فدائیسی ملازم افدین . شمسی پاشانک وجود مفسدت آلودینی احیا ایدن قهرمان دیدی .

فداکاره دوندی .

— قرداشم نیازی بی تقدیم ایله کسب فخر ایده ریم دیدی .

بونا کهانی تصادفك باعث اولدییی سعادت بنی پك زیاده متحسس ایلدی . متهیج اولدم . مبهوت قالدیم . بوملاقات ، بوشرف دکه بر سعادت دکلدی . بروجود مکمل ومقدسه شرفیاب اولیوردم . یوزات عالیقدر بکا وبکا تابع اولان یوزلرجه حیتمندانه وملتك بتون فداکارانه قارشو الی الابد موجب من وشكران اوله جق برخدمت فداکارانه ایفا ایتمشیدی . حیاتی برعزم علوی حیدر پسندانه ایله استحقار ایدن بویوک فدائی حضور یله بنی تترمشیدی . انك ایچون رسم تقدیم غایت هیجان آمیز اولدی . حیران حیران یوزینه باقیوردم . یتاقده اوزانان صولوق بکزی قهرمان ذاتاً مجهولم دکلدی . قدیم آشنالردن ، پرستشکارلردن صمیمی بر احبام ایدی . روحی قدر بنیه سیده مکمل ومتین اولان بوکنج ضابطك منظره ضعف آلودی بنی روحدن متأثر ایلدی . — کچمش اولسون . اه شفای عاجل احسان بیورسون ارسلانم دیدم .

— اوچوق وضعیف بکزینك دلالت ایتدیکی اوجاع واضطراباته اهمیت ویرمیدیکی احساس ایدن ساکت ومسترخ نظرلریله بنی سوزهرک : — تشکر ایدرم قرداشم برشی دکل کچه جک . یاره قیامغه یوز طوتدی . قرداشکزك همتی وار اولسون .

دیددی ونی قوجاقلامق اوزره یرندن قیملدامغه چالیشیوردی .

— آمان راحتسز اولمیکز .

دیدم وحرکته میدان ویرمان برسرعتله یاننه یاقلاشدم . بوینه ، انه صارلدم . اومبارك ومحترم الی اومك ایچون بهوده چالیشیوردم . شدتله وفقط برمکانت محویت پرورانه ایله ممانعت ایتدی ومقابله بالمثلی امر ایدن برطور مسترحانه ایله :

— استغفراه مساعده ایدیکزده بن سزك الکیزی اوپهیم .

دیهرک المی قاواردی . بوصورت مصافحه ایله انحق نائل امل اوله بیلدم . دفعاتله صارماشق ، قوقلاشدق . بومصافحه جانفزا سوز سولیکه میدان براقیوردی . عاقبت محترم فدائی ضبط هیجانه مقتدر اوله رق بکا خطاب ایتدی :

— نیازی قرداشم ! بیوریکز شویله اوطوریکز . یورغونسکز . قاچ کونلردن برودر برنانه بیله استراحت ایتدیکز .

— سزك عالیجنابانه اولان فداکارلغکز سایه سنده بتون افراد امت کبی بزده نائل آمان وسلامت اوله جغز . بول بول استراحت ایده جکز . مساعده ایدیکزده برکره دهبا بختیار ارقداشلرم نامنه سزه عرض تشکر ایدهیم .



یوز باشی رسته‌لی عثمان افندی

ملازم مناسترلی اسعد بک

استغفر الله استغفر الله. بن وظیفه مدن بشقه برشی یاندم سزه شو صورتله امتساله چالیشدم. ذاتاً ناموس ملتک لکلمسیله، شمسى پاشانک کلمسیله غلیان ایدن بتون افراد جمعیت، بتون اصحاب ناموس و حیت کبی بنده حیاتم مخاطره ایچننده دگلی ایدی؟ بو مخاطره نك قان دوکولمکسزین برطرف ایدلسنی نامل ایدن شخص معنوی آسایش جمیتک، سعادت ملتک سلامت وطنک، اومفسدک ازاله وجودینه وابسته اولدیغه قانع اولدی. قصاصنی حکم ایتدی. اجراسنی شعبه مزه حواله ایتدی. ارقداشلر امرک صورت اجراسنی مذاکره ایدنجه برسوق طبعیهله آتلمد. بوشرفلی خدمت ایچون شخصی عرض ایلدم. ممنونیتله قبل ایتدیلر. وقت کچیره کمسزین قشله دن چیقدم. ارقداشلرله برلکده تلغرافخانه یاننده کی قهوه خانه لرك برنده شمسى پاشانک تلغرافخانه دن چیقمنسه انتظار ایدیوردم. تلغرافخانه قپوسی جوارى محافظلر، ضابطارایله اشغال ایدلمش ایدی. ساعتلرجه بکلدم. هیچ بر اثر هیجان حس ایتدم. نهایت ساعت سکزده ایکی آراهه تلغرافخانه اوکنده طوردی. متعاقباً شمسى پاشا تلغرافخانه قپوسندن کوروندی. آراهه کیرمک اوزره ایدی. یرمدن فیرلادم. بر دقیقه تردد ایتدم. اصلاً تتره مدم. زیرا بر حکم مشروعی، بر امر قدسی ای اجرا ایدیوردم. سهولتله ایفای وظیفه ایتدم ایشه بو قدر.

— امرینه مطیع و منقاد متعدد ضابطلر، یوزلرجه جاهل فاسدلرله باخصوص اوتوز نفر مسلح کولکلو محافظلرله و بوندن بشقه بیکلرجه سیرجیلرله محاط اولان شمسى کبی جراتی مسلم بر خونخواره یالکز باشنه هجوم ایتک اعتراف ایدیکز که هر بابا کیتک کاری دکدر. سز بوشجاعت متوکلا نه، بوصوات حیدرانه ایله جداً افتخار ایده بیلیرسکز. یالکز سز دکل، سزک کبی فداکارلری یتشدیرن ترک ملتى جداً افتخار ایده بیلیر. ترکر سلامت عمومیه نامنه فدای جان ایدن سزک کی قهرمانلر سایه سنده قریباً نائل حریت و سعادت اوله جق، خصائل مفضوره، فضائل مدوحه لرینی بتون عالمه طانتدیره جقدر. ناظمه، سامیه، استعمال سلاح ایله سزک کبی استحقاق حیات ایدن ارقداشلر مزده ترکدر. یشاسون ترکر، اوت! یشاسون صبرلی، قناعتکار و فضیلت شعار ترکر که یالکز ترکلک نامنه دکل بتون عثمانلیق نامنه فدای نفس ایله بیوکلک کوستر دیلر.

— نیازی! سزه بتون صمیمیت روحله خطاب ایدیورم. سز بر ترک اولمدیغکز حالده عثمانلیق نامنه ایلك دفعه اوله رق یوز الی کشی ایله بتون جهان اعلان حرب ایتدیکز. فهرمانلرکزله، فداکارلرکزله علم مزده بولسان افکار عمومیه یی قزانیدر دیکز. چته یه چیقیدیکز ی طویدیم، بیان نامه لر یکزی اوقودیم زمان قلبمک ناقابل مقاومت بر حس

امثالک، شدید بر قوتک تضییق التندہ از لدیکنی حس ایتدم. ایشته بوتائیر سائقه سیله
بر حسن خدمته موفق اولدم. حمد اولسون قضا و قدر بندن لطفی اسیر که مدی. بنی ده
بو طرزده نائل مرام ایتدی.

قهرمان سوزنی بتیره مدی. قول اغایی ایوب افندی تلاشله او طهیه کیردی. یا نمزه
تقرب ایتدی.

سعادتکزه غبطه ایده رم. ماشاه نه کوزل بر منظره دیدی.
فدائی دن، حال و خاطر صردی. بعده حزن انکیز بروضه آلان چهره سنده قاشلری
جدیتله چاتلدی:

— مع التأسف حضوریکزنی اخلال ایده حکم. سزی بر بریکزدن آیره جغم. نه یاپهیم؟
سلامتکز، سلامتمز و کستاخلغه وابسته در. هیئت اداره سزک بر آرده بولنمکزی محذوردن
سالم کورمدیکنی تبلیغه بنی مأمور ایتشدرد.
فدائی یه خطاباً:

— قرداشم! سزی بشقه براوه کوتورییورز. بیوریکز دیدی.
بر حسن نیت فوق العاده افاده ایدن بوسوزلره ایکمیزده بیون اکدک. فدائیله بردفعه
دها مصافحه ایتدک. نمناک کوزلرمزی کوجا کله آیره بیلوردق. مفاخر مقصود جلال الدین
اغالر و سنان، نعمتاه، ملازم علی رضا افندیلر فدائی بی آلوب کتوردیلر. بنده برادرم
مرتضی افندی ایله یالکز قالدیم. اوکون دخی چته افرادی اوخری اخوان جمعیتی ایله
امله، استقباله متعلق مصاحبه لرله وقت کچیردی. کیجه ساعت برده یوله چیتدق. متادیا
کول کنارینی، طاغ اتکنی تعقیب ایدن قوملق اوزرنده ایرولیوردق. ساعت بشده
طاشلق، قیالق برتیه التندہ صیقیشوب قالمش اولان چفتلکه پشتان قریه سته کیردک.
اهالیسی بالقجیلقله تعیش ایدن بولغاار کوی بزی حسن قبولنه اصلا تردد کو سترمدی.
اوخریدن مطره، چاشور، چاریق کبی مالز مه نقصانلرینی اکال ایلش اولدیغمز ایچون
زیاده سیله اکلمک محلی یوقدی. بر آرز استراحتدن صکره حرکت ایتدک. صاری صالئق
مناسترینه کیدن طریقی تعقیب ایدیوردق. پک صرپ طاشلق و قیالق بر اراضیده بر طاقم
اشخاصک کینکاهدن فیرولا دقلری خبری موجب تلاش اولدی.

ترتیبات تدافیه اتحاد ایدلدی. کشافلر سورونه، سورونه ایرولیور، تحریات اجرا
ایدیوردی. قویو قراکلفک مشکلاقی آتیردینی بوقیالی کسک و طاشلق اراضیده اتحاد
اولنان ترتیبات افرادی بیوک بر قارغشله کرفتار ایتش ایدی. بوقاریشلق ایله ایرولیو،

ایلرولیه کینکاهلری کچیردک . برشی کوره میوردق . ادنا براز، بر اثره تصادف ایده میور
ایدک . ایکی بچق ساعت دوام ایدن بوزحم آور یوقوشک ختام بولدیقی تپده مشکلاته
طویلاندق . یرلره سریلدک . نفس آله میه جق درجه د یورولمشیدق . اورنالق آیدینلامغه
باشلامش ایدی . اطراف قیماشیه طالدق . طبیعتک ایجاد بدایعه اولانجه قدرت وکالی
ایله اظهار معرفت ایتدیکی برمنظره قارشوسنده بولنیوردق . اورته ده آفتاب انورک
شعاعاتیله لمعه دار اولان اوخری کولی، آنی محاط قیالقلر، قارشوده یشیل و یوجه اغاجلرله،
بی نهایت اورمانلرله مزین یوکسک طاغلری، بری طرفه بولندیغمز تپه محیط صحرای
شعشعه پیرایی تماشای ایدیوردق . متعدد قاینالقلر، داللری یکدیگری قوجاقلایان سال دیده
چنارلر، خراب قلبلر ایله پیراسته اولان بو صحرای لطیفک برجهتنده عظمت وهیئتله
یوکسلن بنایی، کارکیرا وچ قانندن عبارت اولان صاری صالقیق مناسترینی مطالعه ایدیور،
مداوله افکار ایلورایدک . ایچمزده هیچ بریمز بومناسترك بانیسی، تاریخی حقنده جدی
ووقوفلی برسوز سوبلیه مدی . تپه دن اشاغی یه طوغری طرمانه طرمانه، بدایع طبیعی
تماشا ایده ایده مناستره واردق . اوخری مرکزینک توصیه سنه بناء کهایا اسلام آغایی
چاغرتدق . آغای مومی الیه کنديسندن مأمول اولان استفاده یی، امید سلب ایدن برطوره:
— خوش کلدیکیز . صفا کلدیکیز . مشرف اولدم . فقط بوکون بورایه کلدیکیز ای
اولدی . دور کوریمچدن حرکت ایدن درت یوز موجودلی برطابور سزی شدتله تعقیب
ایدیور . کیجه یی بوجوارده کچیردی . استارووده کی یتش نفرله برلشدی!

کبی یاوه لر وهیجان آمیز سوزلرله باغیرمغه، تلاشه باشلادی . شوقزی قیردی .

— اعلا اعلا کلا دق . دیدم . سلامت وطن نامنه اولرینی قنایان بوا یکی یوز فدائی
اوله درت یوز و بلکه درت بیك دنی یه مقابله ایتکه مقتدردر . بزم ظهیرمز ومعینمز
حقدر . بزم قرارمز قطعیدر . هیچ برشیدن با کمز یوقدر . یا سلامت وطن — یا اولوم !
سن بزه بر خدمت ایتلیسک . همان کیت استارووده یشار بکی چاغیر کنديلرینه شو
تذکره یی ویر دیدم .

— باش اوسته .

دیوب تلاشله صاووشدی . هراحتاله قارشو احتیاط وبصیرت ؛ مناستر جوارنده
قاینالقرده کی وضع استراحتی تبدیله بزی مضطر ایتدی . چته اون ، اون بش نفردن
عبارت اوفق و متعدد مفرزله آیرلدی . اووه یه ، یوللره حاکم اولان تپه لره سوق ایدلدی .
بنده حرکات عمومیه یی اداره ایتک اوزره کشیش خانه ده قالدیم . بر ایکی ساعت مدت



رهن الثان ضرب داسقال

بوراده استراحت ایتدک . او یقردن او یاندقدن صوکر اسلام اغایي صورتق کیمیسی
 اوخری یه ، کیمی ده ترپه زیچه چیقتدکنه کیتدیکنی سویلدی . بزی کشیشخانده بکلیه جک
 اولان بو آغانک غیوبتی ، اخباراتک ماهیتی دیکشیدیریوردی . حالتدن اشتباه ایتدم .
 چته ی بردام اغفاله دوشورمسندن قورقوردوم . مع مافیه مدافعه موقعنده بولنان مفرزدی
 پیوده یورمنی موافق کوره مدم . چتدن استارووه لی طورمش اغایي کویلو قیاقیله

استارووهیه یشار بکک نزدینه کوندردم . یشار بک اوراده اولدیغندن استارووه دن حسنی و محرم بکله ايله ملازم امین و راسم افندیلی آلوب برلکده عودت ایتدی . مومی الهم کوریجه دن کلن عسکرک ایکی یوز الی نفر دن عبارت اولدیغنی و بونلرک مفرزه لره انقسام ایدرک بر قوتک کوکسه کیتدیکنی و دیگر مفرزه لرک مو قرا وغوره جهتلرینه آیرلقلرینی ، قوماندانلری یوزباشی ضیا افندیکن حیتلی بر ذات اولدیغنی و هیچ بر شهبه یه محل اولدیغنی سویلدیلر . بوکون اسلام اغا ايله کوریشمک اوزره استارووه دن درت بش ردیف نفری ده مناستره کلدی . بونلرده کشیشخانه ده تحلیف و محللرینه اعاده ایدلکدن صکره راهبرلر ايله کوروشدک . بزى فوق العاده حسن قبول ایلدیلر . مسافراکک پارلاق نم نهلرینی کوستردیلر . آره مزده شو سوزلر تعاطی ایدلدى .

بن — بزى صورت قبول کیزله منتدار ایدیورسکز . ایضاح مقصده میدان براقیورسکز بزم مقصد اصلیمز ، وطنمز داخلده عناصر مختلفه آره سنده براخوت تأسیس ایتک ، وطنی خراب ایدن احواله نهایت ویره جک بر قوت ، مشروط و مشروع بر حکومت وجوده کتیرمکدر . اساساً ۱۲۹۴ سنه سنده کی حال سعادتق اعاده اسبابی استکمال ایتکدر . باش راهب — مقصدک علوی خط حرکتکیزله عیاناً آشکار اولیور . هرکس حسن حرکتکیزدن عدالتکیزدن ممنوندر . موفقیتکیزی یقیناً کوره جکمزدن بزده امنیت و اعتماد حاصل ایتدک . هر نه یه احتیاجکیز وارسه امکان دائره سنده تسویه سنه غیرت ایده جکم . رجا ایده رم صیقلیمکیز . سویلکیز اتمک قاتق صو ایچون اوامر لازمه ویرلشدر . جوق یورغونسکز براز استراحت ایدیکیز دیدی .

وبوکا مائل محبتلرله اخشام تقرب ایدیوردی . کیجه وقتی استارووه دن احمد بک ايله کوریجه دن تعقیمز مأمور اولان مفرزه قوماندانی یوزباشی ضیا افندی کلدی . یوزباشی آستانه لی ضیا افندی بعد المصاحفه بکا توجیه خطابله دیدی که :

— قول اغاسی افندی ! سزک کی محافظه ناموس وطن ایچون هر شئی فدا ایدن بر ذات عالیقدره قارشو بتون ضابطلر کی بنده معاونت ایجاب ایدرسه چته کزه التحاقی بروظیفه بیلیورم . امین اولیکیز نه بن ونه ده حیتلی ، ناموسلی هیچ بر ضابط معیتنده کی عسکرکی سزی تعقیب ایتک کی اک منفور بر جزایتک اجراسی ایچون جلادلقده استخدام ایتمز . مفرزه لری استارووه دن اوزاقلشدیره جم .

بن — تشکر ایدرم . ملتکم بیوکلیکندن ، بتون افراد ملتک بنم کی متحسس اولدیغندن قطعاً امینم . یالکیز سوء تلقی و تفهمدن اندیشه ایده بیلیورم . کوریجه نه

عالمه در. حالا ترقی ایدمیدی؟ چرچیسک تأثیرینه مغلوب اولان ارناؤودلرک جمعیت حقده، بزم حقمزده فکری نهدر؟

ضیا بک — کوریجه اهاالینی غایت ذکی وفطیندر. چرچیسک ومنسوب اولدینی جمعیتک آمال عندییه وفردیه قیلندن اولان مقصدلرینک حصولنه امکان اوله میه جغنی یقیناً بیلورلر.

هر معامله سی اسرار ایچنده جریان ایدن جمعیتزک قوتنه، مقصدینه واقف اوله مدقلری برزمانده محافظه ناموس قیلندن اولان تشبثلرینه ندامت ایدیورلر. جمعیت ارناؤود قومیته سی منسوبیتنه منفرداً قبول ایتدیکی، عن جماعته دخولنی طلب ایتدیکی جهته چرچیش ایله برآن اول برلشمکز لازمدر. بواغورده نه خدمت پایه ییله جکمی سویلیکزر.

بن — متصرفک، قوماندانک، هیئت ضابطانک وضعیتی حقده کی معلوماتی لطفاً سویلیکزر.

ضیا بک — اوح عزیزم! قائممقام جاوید بک همتلی، وطنپرور مرد اوغلی مرددر. تعقیبکزه امر آلان حدود یونانیه قوماندانی ادهم پاشا بیان معذرتله سالنیکه کیتمزدن اول کسریه قوماندانی یاوراندن وترنله قطع مراتب ایلیانلردن قائممقام محی الدین بکی توکیل ایتدی. بو ذات منکوبیندن بیکباشی رضوان افندی ایله برلشهرک سزی جداً تعقیب ایدجک ضابطلرک برقاچ درجه ترفیع یدیلجکنی اعلان ایتدیکی کبی ضابطانله افراد عسکریه یه ده برر برر سلاح استعمال ایده جککرینه دائر یمن ایتدیردی. رضوانک ریاستی تحتنده جمعیتک اسرارینی کشف وتحقیق وظیفه سیله مکلف بر هیئت تحقیقه تشکیل ایتدی.

بن — احمد بکه خطاباً: یا ستارووه نه حالده در؟ اورادن اندیشه ایتیم. زیرا چرچیه متمایل اولنلرکده اهمیتی قائمیه بیلور. چرچیس بنفسه چته سیله بزه دخالت ایتک فکر نده در. احمد بک — موت اقدم ستارووه ده ارناؤود قومیته سنه منسوب اولنلر صاییه جق درجه ده آزدرد. انلرده تعقیب ایتدکلری مقصدک امکانزلغنی بیلورلر. معذوردلر. نه یاپسونلر جمعیتک اعلان موجودیتدن اقدم محافظه ناموس قومیت وشرف ملیت ایچون یالکزر باشنه چالشمقده مضطر قالملردی. زمان ایله او احتیاج ده زائل اولدی. چرچیه خبر کتیدی. ارکیری سنجاغنده در. بو کونلرده بورایه کله جکدر. مناسترده ولایت هیئت مرکریه سی جمعیتک وجودینی اعلان ایتدی. والیه؛ اهالی عناصر مختلفه رؤسانه بیانامه لر کوندردی. بترن سواقلرده اعلانلر یاشدیردی. حکومت افراد

جمعیتدن کیمسه الده ایده مدی . ایشته مناسر والیسنه ویریلان بیاننامه لرك برر صورتی
تقدیم ایدیورم . باقکز وطنک وضعیتی نه کوزل تصویر ایدیلور .

— تشکر ایدرم . جمعیتک اعلاننامه لرینی دهاکن کون کوندرمشلر . بی اک زیاده
اشغال ایدن محی الدین ، رضوان و کوریجه متصرفی علاءالدینک دناتقی در . افکارک
کوریجه ده طاعنقاغنه چاره آرادیم بر صروده بومفسدرک قارشومه چیقیشی خوشه
کیدجک شی دکلدر . هله برچرچیس ایله برلشه یمده اونلری ده یوله کتیر یرم دیدم !

احبامدن چرنوولی حسین اغایه یارین علی الصباح مناستره کلمسینی یازدیغ کبی موقره
جهتلرنده طولاشان مفرزه قوماندانی عثمان افندی یه ده وضعیت حاضرده دأر بر راپور
کوندردم وهممه حال یارین اخشام بزه چرنوه جهتلرینه ملاقی اولمسنی بیلدیردم . استاروه
قضاسنده طولاشان وامنیت عمومیه بی بوزان فراریلری طویلایمغه باشلادم . حکومتک
سله قهر و بی امانته اوغرایان تره بینالی آدم اغایه خبر کوندردم . او ده ایکی کون صکرا
بزه استارووه ده یکریمی بر نفرله التحاق ایتدی . استارووه لیلردن خسرو بک حقه ده
معلومات ایستدم . دیدیلرکه :

— خسرو بک جمعیتمز حقه ده حسابی اوقدر نیکیبانه دکلدر . طرف والالردن
کلن دعوتنامه ده طوغریسی تهدیدنامه اوزرینه کوریجه ده متصرفه ، قوماندانه التجا
ایتدی . بویکجه استارووه ده عودت ایده جکدر . بو ذات نفوذینی ، قنذارینی سوء استعمال
ایدیور . یا کلش بر یوله صاعمشدر .

بن — بو قدر وقایع و اجراءات قارشوسنده جمعیتک قوتندن شبهه ده دوشمنه
تعجب ایدیورم . حکومت دنیلان هیئت فاسده نک هیچ بر حکم و تأثیری قالمدی .
حکومتک بتون قوه اجرائیه سی جمعیتک مالی اولدی . جمعیت قریباً مقام حکومتی ده
اشغال ایده جکدر . حرکات واقعه سنک جزاسی آغیردر . شمدی یته بر تهدیدنامه قلمه
آله جفم . جمعیه التحاق ایتدیکی و یا بیطرف قالمدینی صورتده اتحاده حائل اولان وجودینی
ازاله ایتک وظیفه مدر . اولا چقتلک لرینی ، قله لرینی تخریب ایده جکم . حیواناتی اشیا سنی
غصب ایده جکم .

دیدم وقراری مین مکتوبی یازوب استارووه ده کوندردم .

۲-۱ تموز کیجه سی : کال سکون واستراحتله کچدی . هیمز راحت ، راحت اویودق .

۲ تموز صباح اویاندیم زمان چرنوولی حسین اغایی کوروشمک اوزره بکا منتظر بولدم .



مفتش عمومی حسین حلی پاشا

بك بشارتلی ایدی. جمعیتك بویله جه چته لر كز دیر مسندن، ارائه سطوت ایتمسندن ممنونیتی
ایما ایدر برطور بشارتكارانه ایله دیدی که :

— الحمدلله ایشته ملت عسکرینی چیقاردی. مساعده ایدیکزده سزی قوجاقلایهیم .
مصافحه ایتدك. سوزنده دوام ایدیوردی .

— بتون حیتلی مسلمانلر وارلرینی، یوقلرینی بوملی عسکراوغورنده فدایه حاضر در .
قدوم مبارککزله کویتمزی مشرف بیورملرینی رجا ایدرم . اهالی قریه کافه استقبالکزه
چقمشدر.

— بك اعلا شمدى عسكرك حركتنى امر ايدرم . چته مزك و جمعيتك ، موفقيتى سزك حيتكزه ، بلا تفريق جنس و مذهب بتون وطنداشلىرى قرداش غيريتيله سومكه متوققدر . بوحسى اويانديرمغه چاليشكز . هرشى يولنده در .

ديدم . عسكرى طيشارى يه طويلادم . صباح ساعت اون ايكيده حركت ايتدك . صارى صالتيقدن چرنويه كيدن يولى تعقيب ايتدك . راهبلىر و ماستر خدمه و سكه سى كافه تشييعمزه چيقدىلر . (ياشسون ملت) (شاسون جمعيت) صدارى آسمانه يوكسليوردى كه بزده اووه يى قطع ايتمش ، قياتق تپه لرى طرمانىوردق . ياريم ساعت صكر اورمانلغك ، بالقانك ايچندن كچن يولى بر رفتار لوندانه ايله قطع ايددرك ايكي ساعت صكر چرنويه ياقلاشدق . كوى كاملا طيشارى چيقمش ايدى .

براز استراحتدن صكر كويك داخل جمعيت اولميان افرادى ده تحليف ايتدك . بورابطه مشروعه ايله اخوت حاصل اولدى . عسكر قوناقلره يرلنديرلدى . يمك يينيلدى . طاتلى طاتلى محبتلر ايله وقت كچيرلدى . اللى التمش خانه دن عبارت اولان بوكويده نزاع و دعوالرك ، موجب اندیشه اوله جق اختلافلك مفقودى بكاوقت قزانديردى . استارووه دن خسرو بكي بكليوردم . بر طرفن ده جوار قرا اهالى سنى جلب ايتديردم . بونلر مياننده كوريجه ايله ، چرچيس ايله تماسده بولندقلرى مستخبر و مسلم اولان فوجه لى صالح بك كبي بعض ذوات ايله مذاكره ايتدك . چرچيسك بر آن اول معيتى ايله برلكده بكا التحاق ايتمى اتفاق آرايه اقتران ايتدى . آرناؤود قوميت سى طرفدارى اولان بودوات بكا دييورلردى كه :

— تركلك شمدى يه قدر غمانلىق نامه چالشمقده اختيار تراخى ايللرى بدبخت و طنلرى نامه طوسقالرك منفرداً حركتلىرى انتاج ايتمش ايدى . استبدادك تاثيريله ذاتاً سفيلى و بدبخت اولان وطن ، شوصوك سنلر اجنيدلرك و وطنداشلىرى اولان عناصر سائر نك حرص وطمعنه هدف اولديغندن بسبتون اللرندن چيقمق مخاطره سنه معروض قالمش ايدى .

— تركلر هيچ بروقنده وطن غيرتنده رهاوت كوسترمدىلر . تركلك صبر و فضيلتى ، تانى و بصيرتى معروف عالمدر . ايشته بوقدر قوتلى بر جمعيت وجوده كتيرن ترك سياستى هيچ بروقنده ، شعشعلى حركتله لزوم سز و مضر نمايشلرده بولمىدى . بالعكس كتم قوت و اسرار خصوصنده بيوك بر منفعت اولديغنى تأمل ايدردى . بتون ترتيباتى كيزلدى . اول ترك و طرفدارلرى اولان عناصر سائر افرادى يكووجود ايتدى . بر قوت ياپدى . سياستى

ایله، بوقوتی ایله میدان آیلدی. بیلیدی که قوت و سیاست دائماً جاذبه دارد. ایشته شمدی ارناؤودلری بلغار، روم، اولاح، صرب بلاتفریق جنس و مذهب بتون وطنداشلری اوقوتیله انه المی ایستیور. اتحادینی تعمیم اییدیور. آرتق یالکزر باشنه بر قومک چالشمسی، باخصوص اکثریتی دین اسلامده بولان ارناؤودلرک ایرلمسی قطعاً مضر کوریور. ذاتاً ارناؤودلرده بوانفرادک مضرتی بحق تقدیر ایتشلردر. ترکبر، روم ایلیده، شقه لری طرفندن اشغال اولنه جق بر موقع حاکمیتی محافظه ایچون صوک دامله قانلرینی آقیمغه وحدانیت ربانیه اوزرینه بالاتحاد عهد و میثاق ایتشلردر.

ترکبر منصف بر قومدر. کندولرینی عالمه فنا طانندیران، اداره مستبدیه یادکارلریدر که بوا دارة مشروطه مدیران و طرفدارانک اکثریتی ترکبر دکل عناصر سائر افرادی تشکیل ایتمکدهدر. بونقطه شایان نظر دقتدر. وطنداشلرم! ترکبر حلیم، متواضع، منصف، جسور بر قومدر. طاقت اندیشدر. عصیتدن وارستهدر. بتون عناصر ایله، بتون خلاف کیرلر ایله اوغراشه جق بر قوت وجوده کتیرنجیه قدر ضرر و سکوتی محافظه ایتدیلر. باخصوص اجنبی مداخله سنی دعوت ایده جک نمایشلردن، عصیل کلردن، خرچینقلردن اجتناب ایتدیلر. قوتلرینک شایان استناد اولدیغه حکم ایتدکن صکره کندیلرینی بر عزم قهرمانانه ایله میدان آتدیلر. حده، شده کلدیلر. حلیمک شدتی ایسه عصبی بر حرکت دکلدر. بناءً علیه انلری عزمندن، مرانندن چورمک غیر ممکندر. — اوت افندم. حقیقت حالی تقریر ایدن بوسوزلر آسمانی بر تأثیر ایله کوکلری تسخیر اییدیور. بزده اونلرک حسن نیت وجدیتلرینه آرتق قانع اولدق. کرچک، مابین دنیلان قوه استبدادی ارناؤودلر، ترکبر، ارمنیلر واجناس سائر وجوده کتیرمشدر، فقط بوقوتده ترکبرک تأثیری نسبة آزدرد. نظارتلر، دوائر و بتون شعبات اداره مستبدیه ترکلردن زیاده عناصر سائر ایله مالا مالدر. تسلیم ایده رز، اعتراف ایده رز. مسلك سیاسیلرینی ده تقدیر ایده رز.

بومحاوره نی متعاقب اوراده اثبات وجود ایدن ارناؤودلرک رسم تخلیق اجراء نظام جمعیتدن لازم التلقین مواد حقتده تفصیلات مقتضیه اعطا ایدلدی و چرچیس ایله چته سنک جلبی ایچون مقررات لازمه اتخاذ ایدلدی. اوچ درت کون استارووه جهتلرنده انتظار ایتمک قرارلشدیرلدی. اوکله وقته یقین استارووه لی خسرو بکده کلدی. میر مومی ایله ایله ده مصاحبت ایدلدی. احوال حاضره محاکمه و مناقشه ایدلدی. جمعیتک اردو کبی حکومتک باشلیجه قوه اجرائیه سنی حکیمانه بر سیاستله انه الدیقی، انقلابی ترکبرک سیاستی

وجهله صلح و آسایش دائره سنده و چوده کثیر مکده بر مانع قلاماش اولدینی موضوع بحث ایدلدی. وطنپرور ارناؤودلرک بوجعته منسوبیتله کسب مفخرت ایده جکی و آنجق بوقوت سایه سنده وطنلرینه خدمت ایده بیله جکی نقطه سنده منجر اولان مباحثه اوزرینه خسرو بکده النی اوزاتدی. اصولی دائره سنده تحلیفی اجرا ایدلدی. چرچیس ایله وقوعی لابد اولان اتحاد و ملاقاتک تسریعی اسبابی ده استکمال ایدلدی.

بوصورتله اتحاد افکار حصوله کلدکدن، اخوت حقیقه تأسس ایتدکدن صکره ایجه حسب حاللر، مصاحبه لر ایتدک. خسرو بکک جمعیه داخل اولسی مهم بر ماده ایدی. میر مومی الیهک استارووه خلاف کیرانی ایله ائتلاف ایتسی یوزلرجه قریه ده، بیکلرجه وطنپرورک سلامتی، اتحادینی تأمین ایده بیلیردی. ازهرجهت شایان حرمت اولان خسرو بک پدر دوستی ایدی. مناسبات قدیمه یی اخطار ایده رک کندیسنک علو جانبی اوخشایه جق سوزلرله حمیتی تحریک ایتدی موافق کوردم و موفق اولیوردم. مومی الیه حمیت، علو جناب موضوع بحث ایدلرجه بوکونه قدر جمعیه بیکانه قالمسندن عفورل دیلور، مغذترلر درمیان ایدیوردی. حکومتک قوه فاسده سی تحتیده یشایان خلقک امتزاجسزلغندن و نتایج افساد اتدن بحث ایده رک دییوردی که:

— بیلیرسکز. منفعتپرست حکومتک ترویج ایتدیکی خصم انترقه لرینه قاچ کره لر قربان اولدم. قاچ کره لر بیکناه اولدیغ حالده باب حکومتده سوروندیرلدم، حبس ایدلدم. سنه لرجه محبسارده، زندانلرده چورودم. خصماندن بعضارینک افراد جمعیتدن اولسی امنیت، حسن نیتی محو ایدیوردی.

— امین اولکیز بک افندی افراد جمعیتک حیثیتی، عرض و جان و مالی جمعیتک کفالت متسلسله سیله هر بر تعرضدن مصوندر. جمعیت عادل، جدی، بی طرف بر حکومت مشروطه و مشروعه خفیه در. سز دکل، خصملر یکزک، حتی حکومتک، اجنبیلرک بیله تعرضندن امین اوله جقسکز. همده نه حاجت. وطنک سعادتق تأمین ایچون وجوده کتیریلن بر قوت بتون وطنپرورلرک ائتلافی، اتحادی ایله حاصل اوله جقدر. ارتق «الماضی لایذکر» دیهرک خصم عد ایتدی بککز کیمسه لرک قرداش و دوست اولدیغی و خصوصتک باغی اولان حکومتدن، استبداددن بشقه بر خصم بولمادیغی تسلیم ایتک زمانی کلشدر. ارتق بومقصد عالی نامنه خصملر یکزله باریشه جغکزی استحلال حقوق ایده جککزی علو جانبکزدن بککرم. بونی بکا وعد ایدیورمیسکز؟



سابق اوچنجی اردو مشیری ابراهیم پاشا

— اوت وعد ایدیورم . سلامت وطن ایچون هر برقدارانی اختیار ایده رم . بن جمعیتک کفالتی آلتده باریشمی، ال برلکیله وطنه چالشمی جانه منت بیلورم .

دیدى . بونك اوزرینه استاروودلی یشار، غوریجه لی جمال بك کبی ذی نفوذ و اهمیت لری مسلم ذوات ایله باریشه جغنی و میر مومی الهم ایله مشترکاً بتون استارووه قریه لری باریش دیره رق توسیع اتحاده چالیشه جغنی تعهد ایلدی . استارووه منطقه سنده چرچیس ایله ملاقاتدن بشقه یابه جق بر ایش قالدی . بوملاقات ایله بتون اختلاف لر برطرف ایدلمش، اتحاد اساسی قورولمش ایدی . اسملری مذکور ذواتک بوحوالیده مسابقتکارانه بر

صورتده جریان ایدن نفوذی آلتنده ایکی طرفه آریلان افکار و آرا توحید ایدلش ، عینی مقصده خادم بر قوت حاصل اولمش ایدی . یالکیز اراضیسی واسع و صرب بالقانلق اولان برزشته حوالیسی تأمین ایتک لازم ایدی . ذاتاً اولجه عزیز افندیله کوروشمش ایدک . بوکونده برزشته لی حسین افندیله چرنوده جریان ایدن مذاکره موفقیتله نتیجه لشمش ، مومی الیه وحدانیت ربانیه نامنه جمیته صادق قاله جغنی تعهد ایلدیکندن بعد التحلیف کندیبری تعلیمات مخصوصه الیه اوجهتاره سوق ایدلش ایدی . خسرو و صالح بکلرده استاروویه عودت ایتدیلر . هبسی حمیته ، حماسه چالیشدیلر . هله خسرو بک کوریجه طرفلرنده ملمبان تکیه سی پوست نشینی رشادتلو حسین بابا الیه صورت مخصوصه ملاقات ایده رک بو مسئله حقنده مذاکرات اجرا ایتمش ، بیوک بر تأثیر کوسترمشدی . جمعی و مقصدینی تقدیس ایتدی . مقصدک قدسیت و علویتنه حیراک و عاشق اولان بابا بتون مریدانیه قانلرینی بواغورده آقتمغه حاضر اولدیغنی سویله دی . ذاتاً بابانک بوحوالیده و بتون طوسقه لنده نفوذی زیاده در . چرچیسک ظهیر و حامیسی حکمنده در . ایشته خسرو بکه عطف اولنه حق اهمیتک لزومی بو صورتلده تحقق ایتدی . بابای مشار الیه چرچیس الیه اتحادی تسریع خصوصنده تأثیرات مخصوصه اجرا ایلدی . هربری موفقیتله نتیجه لئن بوملاقانلره زمین حاضر لایان اشخاص مهمه یی ، ترجمه خالرنی ، نفوذلرنی تصویر ایده رک تقدیم ایدن چرنوه لی حسین اغا ذکی ، قورناز ، جهاننیده ، مدبر بر آدم اولدیغدن بوبابده کندیسیله بوملاقانلر اوزرینه مداوله افکاری فائده لی عد ایده رک حسین اغیه دیدم که :

— همتکز ، همتکز سایه سنده قوجه طوسقای فساددن قورتاردق . بتون اختلافلر بزطرف ایلدی . برزشته اندیشه قالمدی . هله خسرو ویشار و جمال بکلرک باریشماسی اهمیت مخصوصه یی حائز اولق لازمدر . خدمتکزله بحق مغرور و مفتخر اوله بیلورسکز . حسین اغا — امان افندم بن غایت وسوسه لی یم . بزم اهالینک طبیعتی طائیرم . احوالک تأثیرینه تابعدر . اولر بوقوتی ، بوسطوتی مملکتلرنده کورمدکجه بوراده کی احوالی چابوق اونودورلر . هر حالده استاروویه کیرمک ، ابراز اقتدارله اعمال نفوذ ایتک لازمدر .

دیدی . بومشاغل الیه کیجه حلول ایتش ایدی . ساعت برده حرکت ایده بیلمک اوزره همان اخشام طعمانی ییدک . معیتی کویک خارچنده طوبلادقن صکره مقام وداع وتشکرده بوحمیترور کوی خلقنه بر قاج سوز سویلدک . وداع بک سوزشلی ایدی .

صانکه چته من افرادی عسکره حربه کیدن کندی اولادلی ایمنجه سینه مفارقمزه
مایوس اولورلر، هیچقره هیچقره اغلا یورلردی . . .

حسین افانک بیاناتی عین اصابت و حقیقت ایدی . ۲-۳ تموز ساعت اون ایکده
استارووه، مأمور مخصوصه صورت عنایتمزدن خبردار ایدلدی . چته ده استارووه یولده
قطع مراحل ایدیور ایدی . استارووه لیلردن حسنی ، محرم ، ادهم ، ابراهیم بکلی بزی
قبول و یا عدم قبول مقصدلرندن هانکیسی اولدینی بللی اولمیان بر رفتار ایله یولده بزی
قارشیلادیلر . بکلی برکناره چکدم . مقصدلرینی استیضاح ایلدم .

— اطواریکزنی شبهه دوشوردی . مقصدیکز استارووه یه کیرمکده بر محذور اولدینی
اکلامقی یوقسه ورودمنی القشلا بیه رقی بزی حسن قبول واستقبال ایتکمی در ؟

— استغفراه افندم ایستارووه سزی قبول ایتکله جداً مغرور اوله جقدرد . بزیای
راسمه خوش آمیده بتون خاقله تقدم ایتکی آرزو ایتدک . یالکزی سزی بر حقیقتدن
خبردار ایتکی وظیفه دن عدایده رز . یول اوزرنده لشینچه قریه سی محتاج زیارت و اصلاحدر .
متغلبه دن تحصیلدار عثمان افندی بوکوی افساد ایتشدرد . جمعیت حقنده فنا فاشایعه لرله
اهالی بی قوشقولاندر مشدر . اونک ایچون بوکیجه بی لشینچه ده کچرمک موجب محسنات
اوله جغنی صانورز . رأی، امر ، ینه سزکدر . رأی عاجزانه من تصویب بیورلدینی
تقدیرده حسن بک سزه رفاقت ایتسون .

— بک اعلا بزم مقصد من اعلان حقیقتدر . احمای موانع اتحاددر . شمدی تبدیل
استقامت ایده رز .

آرتق قرار دیکشدی . استارووه یه یارین کیجه کیر یله جکدی . بو قرار اوزرینه تبدیل
استقامت ایدن چته ساعت اوچ راده نرنده لشینچه یه داخل اولدی . مختار واسطه سیله قریه نک
ایلری کلنری ، نفوذی ایله افکار خلقی افساد ایدن تحصیلدارلی جلب ایتک ایستدک . تحصیلدار
عثمان افندی دنیلان بوجاهل ، مقصد حریف ایله برادرلی اختفا ایتدکلرندن اهالی براز
قوشقولندی . ساعت بشه قدر بزی جامع حولیسنده بکلتدی . ساعت بشده بیک مشکلات
ایله کویک یاری اهالیسی طویلا نه بیلدی . مقصد جمعیت حقنده صورت عمومیه ده ایضاحات
ویرلدی . اتحاد سز بر ملتک انجای حقنده بک مؤثر مثاللر ذکر ایدلدی . بوسنه دن ،
بلغارستاندن ، کریددن ، تسالیادن و بوکا مائل بیکلرجه قائل وقایع حکایه ایدلدی . مستقل
بر حکومتده ، بر اصول اداره ده ، منفعتپرستلرک حکومته صورت استیلا واستبدادی

مثال‌لایله ایله اثبات ایدلدی . والحاصل بیک دره‌دن ، قرق بیک تپه‌دن دم اوره‌رق مشکلات ایله ذهنلری افتاع ایدلدی .

ره‌وال ملاقاتنک نتایج مضره‌سنگ قریب‌الحصول اولدیغی اندیشه‌سیله ابراز تمایلاته باشلایان خلق قوناق حاضرلغنه قوشوشدیلر ، غم آلود بو کیجده راحت ایده‌مدک اویقو بیله اویومدق .

۳ تموز . علی الصباح عثمان افندی‌یی و برادرلری آراتدم . نافله‌میدانه چقمیورلردی . کویده اولمدق‌لری ادعا ایدیورلردی . ثبوت اهاتلرندن خائف اولمش ، اوت بو مقصدلر بزه کورونمکدن تحاشی ایتشیدی . آرتق عثمان افندی‌یی جدی تحری ایتک ، میدانه چیقاروب کوی وجود نفاق آلوددن تطهیر ایتک لازم گلش ایدی . قرار ویرلدی . محله‌سی احاطه ایتدم . خانه‌سی تحری ایتدم . کندیسندن ، قرداشلرندن کیمسه‌یی بولامینجه حیواناتی ضبط و مصادره ایتدم . قوخلری کسیدردم . عسکره توزیع ایتدم . اجرا آتک ده‌از یاده کسب‌شدت ایتسندن اندیشنک اولان برادری چیقه کلدی . عرض معذرت ایتدی . صباح‌وقتی اهالی کاملاً جامع شریفده طویل‌انمش ایدی . معامله رسمیة اجرا ایدلدی . قرداشی‌ده داخل‌دائرة محرمیت اولدی . عثمان افندینک اسنارووده اولدیغی سبب ایدی . بو‌وقته قدر جمعیت حقنده فنا‌حس‌لر ، فنا‌فکرلر آلمشلردی . اندیشنک اولیورلردی . مقصدلری وطنه زیان ایریشدیرمکدن توقی ایش . زعم فاسد‌لری بو‌صورتله تصحیح ایدلدی و کسیلان قوچلرک رایج بلده اوزرینه اثمائی‌ده ایدلدی . بوراده اهالی‌یه ، ویرکولرینه محسوباً مصارف اعاشیه‌یی مبین برعلم و خبر ویرلدی . بوندن بشقه‌صورتلری زیرده مندرج مکتوبلر قلمه‌الته‌رق وسائط مناسبه‌ایله مناسیره ، رسنه‌یه ، استاروویه کوندرلدی .



استاروویه قائم‌قالمقنه

عزیز وطنداشم

وطنم‌زک اوغرا‌دیغی فلاکت‌ه خاتمه ویرمک اوزره جمعیت خیریه‌نک تعلیماتی دائره‌سنده ایکیز فدائیدن عبارت اولان معتمله برابر رسنه ، اوخری ، دبره ، ایل‌بصان حوالی‌سنی کشت و کذار ایتدم . بو‌کرده قضا‌کزه کلدیم . کوریجه‌یه تابع بعض قرایی‌ده کوزدن



مشیر عثمان پاشا

کچیردم . بتون اھالیء اسلامیہ ، حق عناصر خرستیانیہ بیلہ بزم مقصدمنہ خادم اولغی وحدانیت ربانیہ اوزرینہ قسم ایتدیلر . قضا کزک عموم سکنه سی بلاتفریق جنس ومذهب سزدن خوشنوددر . اہدہ سزدن راضی اولسون . عدالتکزرہ تشکر اولنور . یالکزی بر جھندنطولابی ہمتنزلکلیکزرہ تألف ایتدک . یوز کویدن عبارت اولان قضا کزده مکتب دنیلہ جک بر بنا یوقدر . ملتزمک چکدیکی مصائب ، دوچار اولدیغی فلاکت بشقہ برشی دکلددر . خدمتک اک بیوکی معارفک تعمیمہ ، نور حقیقتک اتشاریتہ واسطہ اولہ جق مکتبلرک تأسیسندن عبارتدر . بوجھندن دخی بذہ ہمت ایدہ جککیزی امید ایدہرم . اشینچہلی تحصیلدار عثمان اھالیء مطیعہ یہ تغلب ایدہرک منفعت ذاتیہ سی اوغورندہ بر جوق فالقلار ارتکابندن چکنمذیکی جھتلہ سلامت عمومیہ نامنہ ہان الیک ایشدن چکدیلمسی خاصہ متمناذر . مناتر والیدی ایلہ مفتش عمومیہ عائدملفوف تلغرافک ہان کشیدہ سنہ وساطت ایدیہرک دقیقہ فوت ایدلماسنی بالخاصہ اخطار ایدہرم .

قول اغاسی

نیازی



رسنہ مدیرینہ

جیتسز ، دساس خریف !

احمای وجودم اسبابی استکمال خصوصتی والی پاشایہ تعہد ایلدیکک جمعیت طرفندن بکا یازلمشدر . بنم محوم یوزندن متصرف دکل ، والی بیلہ اولسنہک بقای مأموریت و حیاتنک تہلکہدہ بولنان وطنک سلامتہ وابستہ اولدیغی اونوتہ . عالم نہ اولورسہ اولسون بن استقبالی تأمین ایدہیم غیرتیلہ چالیشہرق رتبہلرہ ، ثروتہ ، دولتہ نائل اولمش خائنلردن ہانکیسنک پیدار اولدیغی کوردک . مرأت عبرت اولان تاریخی اقومادکی؟ دنیادہ نیک نامدن بشقہ پیدار اولہ جق برشی یوقدر . اہ ہدایتہ مظهر ایتسون .

قول اغاسی

نیازی



مناسرت والیسنه

امرشفاهی تلقی ایتک اوزره رسنه مدیرینه تودیع اولنان و یامومی الیه طرفندن تعهد ایدیلان خدمتک تقدردناشکارانه اولدیغنی وجدانکزدن سوریککز. بن وارقداشلرم ملتک، وطنک تأمین سلامتته فدای نفس ایدر ارباب حمیتی اولدیغمز حالده بوکونه قدر احباب جنایت وشقاوتک احای وجودی یولنده مراجعت ایدلماش اولان برحیله ایله افنا ایدلکه محکوم اولمشز. شان حکومته، شان اسلامیه یاقیشمیان بویله بردناشته سزک کی وارسته هر سیئات اولان بروالینک تنزل ایتیه جکنی ظن ایدهرم. معافیته بوکی برفسادک دها یوقارودن امر ایدلش اولسی مستبعد اولدیغنه کوره شمیدلک قید احتیاط ایله تلقیسی.

جمعیت طرفندن توصیه ایدیلن بو خبرک صدقه مقرونیتی حائنده سزک بر جانی و دنی اولوق اوزره تلقی ایدلکمز، طبعی حقکزدده خائسر، جانلر مثللو شدتله معامله ایدلسی بدیهیدر. زمانک تراکت و اهمیتله متناسب اوله رق اشغال ایتدیگکز مقامی حسن اداره ایتک ایچون بر آن اول ابراز حیتله قانون اساسی بی قبول ایتدیرمکه بذل عنایت بیورلنی استرحام ایدر، حیللری صورت مشروعهده استعمال ایله مانع اتحاد اولان خائللرک احاسی یولنده صرف بیورلنی رجا ایدهرز. بو قدر اهمیت و یردیگکز وجودمک قیمتی یوقدر. بن یوز بیکلرجه افراددن مرکب اولان جمعیت خیریه نک اک دکر سز بر فردی بی باقی یاسلامت وطن یا اولوم!

قول اغاسی

نیازی



مفتش عمومیلکه، مناسرت ولایتنه

اولباده کی تعلیماته توفیقاً رسنه دن چیقدیغ کوندنبری دبره، ایلصان، اوخری، استارووه، کوریجه وحوالینسی طولاشدم. افکار عمومیه بی حکومت مستبد و ظلمه نک علینده بولدم. بو طرفلرده عناصر مختلفه کاملاً لوای اتحاد آلتیه طویلانه رق قانون اساسی بی استرداد مقصدیله بزه خادم اوله جقلرینی وحدانیت خدایه قسم ایدهرک تأمین ایتدیلر. بوکونه قدر وضعیتدن، جریان حالدن ذات سامیلرینی بالدفعات خبردار ایتدم.

مقصود من بر آن اول قانون اساسیك فعلاً تطبیق احكامیدر . هنوز بر خبر بشارت آله مدیغمین بر آن اول نائل مقصد اولی اوزره یانیه جهترینه طوغری ایلریله یه جگم . اراقه خون مظلومه سبیت ویره بیله جك تشبثات خائنه یه نهایت ویرملری لزومك مرکز استبداد اولان مابینه کرکی وجهله تبلیغی وخفیهرک جاسوسلرک سریعاً کلدکلری محله اعاده سی خصوصه حیت و عنایت سامیلری مسترحمدر فرمان .

قول افاسی

نیازی



اوخریده الدیغم امره توفیقاً جمعیت طرفندن طلب اولتان اوراق و بیاننامه لر صورتی زیرده مخرج مکتوبه لف ایتدم :

مکتوبك صورتی

مناسرت هیئت اداره سینه

محترم افندیلر !

امرنامه کزی آلدیم . تبشیرات واقعهری موجب ازدیاد شوق و غیرت اولدی . جمله ارقداشلرم تامنه عرض شکران ایدهرم . امرنامه لرینی بوراده آلدیم . اوخری قضاسنک حالتی اولجه عرض ایتشیدیم . براز شکایت ایتدمدی . فقط زمان هر شیئی چابوجاق تبدیل ایتدی . امیدك فوقنده تحولات ، ترقیات حاصل اولدی . رادویشته لیلر بیان معذرت ایله ذخیره ویردیلر .

اصولاً حققرنده معامله ایدیلهرک جمعیه داخل ایدیلر . تشکیلات معامله سی بوراده ده تطبیق ایدلدی . آرتق قضاالر آره سنده ارتباطی سگته دار ایدهرک فاسد نقطه لر قالدی . کورمکده اولدیغمز حسن قبول و رعایت بزى جمله اشکریز شکر و محمدت ایتمکده در . رادویشته لر حقنده کی تصورات و مقرراتك تطبیقنه ایسه احتیاج قالدی . اورادن استارووه قضااسه کچك . بورالرده داخل اولانلر بیله ترددله حرکت ایدیولر مش . پك چوق نفاق اسبابی ، اسباب مهمه سی موجود . قان دعوالری ، شخصی نزاعلر ، متفندان بلالری ، قراریلر وهکذا امثالی اسباب اوتوز بیك نفوسی یکدیگرندن آیرمش . اول



مشیر عثمان پاشا نك اقامتگاهى

امرده قانلى باریش دیردق . طرفلى اوزلاش دیردق . فراریلى ، ظالملى ، طوبارلادق .
بعده جمله سی شوق و حرارتله بزه صارلدیلر . جمیته داخل اولدیلر .

آرناؤود جمیته نك اهمیتی اعضاسیله بوراده کوریشلدی . ائتلاف حصوله کلدی .
چرچیس ده بزه التحاق ایده نك . اولجه عرض ایتدیکم کی کندیسنه اوخربدن یازدیغم
مکتوب حسن تأثیر حاصل ایتمش . بوکونلرده ورودینه بورالرده منتظر اوله جقدم .
فقط استادکاهی اولان استارووه ، کورینجه قضاسنك اتحادی تأمین ایدلیدیکی ایچون بکا
دیگر بر امرنامه لرنده بوکونلرده مناسرت جوارنده بولمقلم حقتده کی امریکزی یا بق
اوزره اوجهتلره حرکت ایده جکم . چرچیس ایله ایلروده کوریشسه جکز . سزده بزه
الحاقی خبر ویردیکنز ایکی مهم شخصی یوله حاضر لایکنز . مقن منطقه قنئ
کون نك ایجاب ایدرسه بر آن اول اشعار بیورلسی متادر . شمدی به قدر نشر
ایتدیکم بیانسامه لر مقامات مختلفه به کشیده ایلدیکم تلغرافنامه وکیلرده براغیلان علم
خبرلرک واوراق سائرده نك برر صورتلری لفاً قدیم وارسال قلندی .

چتمده بولان ضابطان ایله اشخاص مهمه بی ده بوجه زیر عرض و بیان ایدرم .

بزمه برابر چقان آلی ۸۸ طابور ۳ دن ملازم اول عثمان یوسف ضیا افندیلر ،
 الای ۱۸ طابور ۳ دن مرسین بك خاتسندن مؤخرأ التحاق ایدن ملازم شوق افندی،
 بلدیہ رئیس خواجه جمال، پولیس قومیسری طاهر، ویرکو مأموری شمسی ، تحصیلدار
 عبده ، ژاندارمه باشچاوشی شکری افندیلر، قراخان معامی عمر، بلاچرقوه معلمی
 راغب افندیلر .

حال حاضرده فوطوغرافلر ترمزده دکلدر. ایلک فرصت ظهورنده تقدیمی چاره‌سنه
 باقیله جقدر . شمدیه قدر دهابشفه چتلهر چیقیمی و کیملر قومانداسنده در ؟ خارجی
 و داخلی حوادث مهمه نك و جرائدك منتظماً توصیلی مستر حمدر. والی ایله رسنه مدیرینه ده
 ایجابی وجهله برر تهدیدنامه قلمه آلتیله رقبوکون کوندرلشدر. باقی موفقیتمزه دعاخواز.

قول اغاسی

نیازی



بو ایشلرله مشغول ایکن استارووه هیئت اداره‌سی رهبری اله جمعیتك شوامرنامه‌سنی
 طوتوشدیردی :

امیرنامه صورتی :

محترم قرداشم !

ایضا ایتمکده اولدیغکز خدمات برکزیده عمومی تشکر خوان ایتمکده در . فقط
 احوال جاریه نك داخل و خارجه اولان تأثیراتی سزك اورادن ایشتمکز پكده ممکن
 اوله میه جفتدن بویاده بروجه آتی معلومات اعطاسنه مجبوریست حاصل اولدی : خرسیتانلرك
 حقوقه تعرض ایدلماك ، بالعکس اتحادده دعوتله همدست وفاق اولمغه چالشمق اجنبیلره
 پك زیاده حسن تأثیر اجرا ایتشددر . ایشلر بو یولده دوام ایدرسه هیچ بروقتده شکایات
 اجنبیه میدان ویرلیه جك ، بلکه اونلر طرفندن حسن قبول کوستریله جکدر . ایشته
 بوندن صورکراده جمله به حسن معامله ایله جلب قلوبه غیرت ایتك لزومی تراید ایتمکده در.
 قرایه کوندردیگکز بیاننامه لرك زیرینه ایکی یوز آنارشیت دیه امضا ایتمشکزر .
 آنارشیتلرك مشروع بر مقصده خادم اولدیغنی بیلیدیگکز ایچون بویله بر امضا وضع

ایتمیه جککز معلوم اولوب بونک ورقه بی بلغارجه یازان کیمسه نك نتیجه خطاسی اولق اوزره قبول ایتکده مضطر قالدق . بالطبع ایکنجی بر تعمیم ایله جمعیت مقدسه مزك مقصدی بلا تفریق دین و مذهب عموم و طنداشلر مزك تأمین حصول سر یستیسی اولدیغنی و اولکی تعمیمدن ده مقصد بو اولدیغنی و جمعیتك قدسینه لایق بر امضا آتمکزه عمومه حسن معامله و وعظ و نصیحت ایله عمومی دائره اتحاد دعوت و طوسقه لره ده بو خصوصده همت عظیمه عطف ایلکزی جمله منافع عامه دن اولدیغك عرضه و افراد ملت مزك سلامت و آقش لری نك حسن قبولی رجاسنه مسارعت ایلدك فدا کار قرداشمز .

عثمانلی اتحاد و ترجعیتی
مناسره مرکزی



بو کاده شو جورا بنامه بی یازوب مناسره کوندردم :

محترم اقدیلرم !

۱ تموز ۳۲۴ تاریخی امر نامه لرینی آلدیم . وصایا و تعلیماته حرفیاً تطبیق حرکت ایدلکده در . خرسیتانلریزه فوق العاده تمایلات ابراز ایدیورلر . افعال ایله اقوالک موافقندن طولایی حسن نیت مزدن قطعاً امین کورینیورلر . آنارشینست امضاسنه کلنجه بو قطعاً خلافدر . ایکی یوز وطن فدائیسسی عثمانلی اتحاد و ترقی جمعیتی نامنه امضا واردر . بو تفسیر بیررلدیغنی وجهله ترجمه ایدن داسقالک سهویدر . استارووه ده موفقیت تصورک فوقنده در . یوز کوی خلقنک حضور و سلامتی ، اتحادینی تأمین ایده جک بر زمین ائتلاف بولدم . احتراماتمک حسن قبولی متمنادر .

۱۲ تموز سنه ۳۲۴



لشیزچه قریه سنک امر تحلیف و هیئت اداره تشکیلی معامله سی ختام بولدیغنی صره ده ملازم عثمان افندی ده معیتی ایله برابر مواصلت ایتدی . بزه پک کوزل و سویملی حوادث کتیرمشدی . برچوق کویلرده ابراز سطوت و اعلان عدالتله موفقیتی س یلدی . مفرزه عسکر یه نك برای تعقیب مخالف جهتلره چیقارلدیغنی ، استارووه ده عسکرک قلتنی آکلاندی . هر ایکی مفرزه برلشنجه یوله چیققدق . یاریم ساعت صو کرا زیر و اصقایه

واردق . بوراده مجاور قرا اها لیسیده طوبیلاشم ایدی . تکبیر و تهلیل ایله کیرن
مفرزه مزنی برجم غفیر تشکیل ایدن کویلولر حرارتله ، صفوتله قارشیلادیلر ، مصافحه
ایتدیلر . جامع شریفه کیردک . هر بر معامله بی اکمال ایدنبجه یوله چیققدق . بر ساعت
صو کرا ویردووه قریه سنده عین صورتله قبول ایدلدک . بوراده ده بر چوق کویلولر
طوبیلاشم ایدی . هر کس بیان خوش آمدی ایچون تهلاک کوستریوردی . هله
استارووه یه کیده جکمز شایعه سی آنلرک محبتی ، امنیتیه دوبالا ایدیوردی . بیچاره
کویلولر بکلرک نفوذ مسابقتکاریسی آلتنده ازیلش ، مسکین بر حال کسب ایتیش
ایدی . بوراده ده بیکلرجه حمتپرور خلق قانون اساسی بی استرداد ، مجلس مبعوثانی
تأسیس و کشاددن بشقه بر مقصد تعقیب ایتیان جمعیه صداقتلرینی قرآن عظیم الشان
اوزرینه ال باصهرق ، آغلایهرق یمین ایتدیلر . بتون اسلاملر و بلا تفریق جنس
ومذهب بتون و طنداشرله ال اله ویره رک قدراشجه سنه یشامق لزومنی اعتراف ایتدیلر .
صلابت دینییه وحیت اسلامییه ایله محبول اولان بوطرف اها لیسینک طرفداران
استبداد القاتیلله افسادی قولای ایدی . قانون اساسینک اسلامیت و شریعت علمپنده
برطاقم احکام ملحدانه بی احتوا ایتدیکنی باشی صارقلی ویاغزنی غلبه لک برایکی کشینک
اعلان و اشاعه سی بو وخیم نتیجه بی حصوله کتیره ییلردی . آنک ایچون قانون اساسی
و مقصدی حقنده فکدرلری تنویر ایدلدی . اقسامه قدر بو بایده ایضاحات ویرلدی .
قونفراسلر عقد ایدلدی . حسن نیت و اخلاق صاحبی اولان بو خلق حقیقت حالی
اکلامقده مشکلات چکمدی . آرتق بوراده بوندن صکرا فضلہ ! قالمغه لزوم قالمدی .
ساعت اونده حرکت ایدلدی . یاربیم ساعت صکرا استارووه یه مواصلت ایدلدی . باشده
اشراف محله اولدینی حالده بتون کوی خلقی یدیدن یتیمه قدر استقبال مزه چیقمش ایدی .
صولر ، سیغاره لر ، قهوه لر ، اکرام ایتدیلر . بر آزار استراحتدن صکرا تکبیر و تهلیل
ایله جامع شریفه کیردک . اوراده وطنک مخاطره سنه ، ره وال ملاقاتنه ، جمعیتک مقصدینه
دائر ایضاحات ویرلدی . بعده مردانه بر صورتده تحلیفلری اجرا ایدلدی و اصول
انتخابه توفیقاً آرایه مراجعت ایدلدی . هر کس سعادت وطن فائمه رأی ویرمک حق
حریتنی قازانمش ایدی . ذاتاً رقابتلر ، خصومتلر یمین ایله زائل اولمش ایدی . هیئت
اداره سی تشکیل ایدلدکن صکرا عسکری قوناقلره یرلشدیردیلر .

۳ و ۴ تموز . کیجه سنی قوناقلرده کچیرن عسکرا اولرنده ایشجه سنه راحت ایتدیلر .
کوزل یمکار ییدیلر . قهوه ، سیغاره لر ایچدیلر . اورتو ، یتساق بولدیلر . بز ضابطلر



سواری یوزباشیسی دبرمل ذوالنون افندی

بکار ایله کینجه یارلیرینه قدر مضاجه لر ایله مداوله افکار ایتدک. دیگر کویلرده اولدیغی کبی بورادهده مکتبک ففقدانی، جامع شریفک خرائیتی یورکمی جیزلاتدی.

عروق حمیتی تحریک ایده جک خیلو سوزلر سویلدم. بومهم نقصانمک بلای نفاق واستبدادک سیئاتندن بشقه برشی اولمیدیغی کوشتردم وبراعانه ترتینی. توصیه ایده رک ایکی لیزاده چته نامنه ویردم. ذاتاً اوغرا دیغمز کویلرک بوندن فرقلی اولمیان احوالی بنی عمیقاً جرمحه دار ایتمشیدی. مشرف خراب مکتب وجامعلرک تعمیری، ادامه معموریت واداره لرئ ایچون عشارلر، اوقافلر تأسیسی خصوصاتی کوی هیئت اداره لرینه تلقین وتعلیم ایدلمش ایدی. کیجه ساعت ایکی بحق راده لرنده مرکز قضا پوغرادچدن برتلاش وهیجانله خسرو بک یامعه کلدی.

— سزه اهمیتلی برشی سویلیه جکم دیدی.

— بیورک .

— هیجانله ؛ یالکیز باشنه سزی بریره کتوره چکم طیبی کلیرسکز .

بدر دوستی اولان بواختیاره ، باخصوص تحلیف ایتدکدن صوکر مخالفی چرکین کورنیوردم . مغ مافیه حکومتک دسیسه سی ایله دنیاده پاره دیتلان اومعدنیاره نکه نهیه مقتدر اولدینی . ملاحظه سی بی دلخراش ایتدی . متانتی اخلال ایدن بوملاحظه بی برطرف ایتدم .

— ارقداشلره معلومات ویرهیم . ایستدیککزیره یالکیزجه کیده بیلورز .

دیدم . ارقداشلر بودعوتی حسن تلقی ایتدیلر . بی اجابتدن . نعه قالشیدیلر . خسرو بکک یانتده یورویه رک ، تفنیکمه استناد ایدرک تهاکه . ملحوظه یه چاره ساز اوله بیلوردم . ذاتاً برحس درونی ، برصدای هائف بکا اعتمادی ، امنیتی توصیه ایدیوردی . خسرو بکک خلقتی ، فطرتی ، مشربی ، بویله آخقلقلره مساعد اولمقدن بک اوزاق اولان طور مردانه سی سرعت برقه ایله قوه مفکره می تنویر ایتدی . بلا تردد :

— بیورک هایدی کیدلم .

دیدم . صاغ المله تفنیکمی آتش ایتکه مساعد بروضعیتده طوتم . صول المی بردمیر منکنه کی صیقان صاغ ایله طوته رق بی قوشدیرمغه باشلادینی زمان تیترده . طوغریسی صاغ المده امنیت تشکی آچیلمش اولان تفنیک قوللانه میه جق برحاله کلش ایدم . او ، صاغ المده برصویه کی حکمسر قالدی . خسرو بک ایسه باششله قوشیور ، بنده سورو کلیوردی . خلیجانله ، هیجانله اتباع ایدرک واکینلری چیکینه یه رک کوی خارچنده بکرمی دقیقه اوزاقده بر مصر ترلاسی . ایچنه کیرک . اوراده استارووه قائم مقامی زهدی بک ایله خسرو بکک مخدومی قرداش مثابه سنده سودیکم حیدر بک بزه منتظر بولونیوردی . میزمو می الیهی کورور کورمن خاجسانم مدفع اولدی . کنیش برنفس آلدیم . مکتب ملکیده دن مأذون اولان قائم مقام قضا ، منورالافکار ، عقیف ، مستقیم ، صادق وطن برکنج ایدی . استارووه قضاسی اهالیسنجه اولجه سوء تلقی ایدیلن جمعیت وچته من حقنده اهالی ایله بکلرک توالی ایدن مراجعتلرندن آوجی طابوری قوماندانی رمزی بکه شکایت ایتمش بولندیغندن اشیایچه دن کوندر دیکم مکتوب وملفوفی تلغرافنامه (مفتش عمومی به خطاباً) مفادی کنیدیسی اعماق قلبندن اورمش ، اورکومتش ایدی . ذاتاً بکلرک واکثر کویلرک معارضلرک تبدیل فکر ایتدیکنی کورمش ایدی . بوتقرب وملاقاتله عفونی تأمین ایده جکندی .

اساساً استارووده لشنیچلی عثمان افندی یادکاریله برلشن بر اعضانك عبرتاً للساثرین حکومت قپوسنده اعدام ایديله چکی اعلانی قائممقامی طلب ملاقاتله استیفای قصوره مجبور ایتمش ایدی .

بکا دیدی که :

— نیازی افندی ! حقیقه بر مقصد عالی به خدمت ایتدیگیزی و تقدیس و تحبیلله لایق بر قهرمان وطن اولدیغیزی و شرف و حیثیتی اولور اولماز قبلره صیغه میه جق درجده بیوک بر جمعیه منسوب بولندیغیزی اثبات ایتدیگیز . طقسان بشی مسلمان اولمق اوزره یوزباره کویدن عبارت اوتوز بیک نفوسی شامل استارووه قضائنده اجرای عدالته موفق اولدیگیز . وطن نامنه سزه تشکیره ، عرض احترامه کلدیم . جناب حق شاهددر . والده مدق زیاده سودیکم بدبخت و طنك سلامتی نامنه هر بر امریکیزی ایفایه حصر اقتدار ایده جکم . دیدی — سزک کی ناموسلی کنج بر قائممقامله تشرف ایتدیگمدن طولانی بختیارم . انشاء عن قریب وطن سزک کی ارباب ناموس و حمیتدن مأمور لر ایله طوله جقدر . قائممقام زیاده اوطوره مدی و ذاع ایتدی .

بنده اقامتگاهیه عودت ایتدم . ارقداشلرم هیجانله و رودمی بکلیور لر دی . احتیاط سز — لغمدن طولانی بکا بیاهی آثار انفعال کوستر دیلر . حقلی ایدیلر و فقط ایجاب سیاست و مصلحت خسرو بک کی بر ذاته امنیتی و اثبات شجاعتی توصیه ایتمش ایدی . بورالری ایضاحله حدتلیخی تسکین ایده رک یتاغه کیردم . یاریشکی اجرا آت حقنده صرف افکار ایده ایده اوپودم .

۴ تموز . صباحی علی السحر قریه سوقاقری ، جامع میدانلی جوار قرادن کلن زوار ایله خنجا خنچ طولدی . کندیلرینه مقصد عمومی ایضاح ایتدکن صکرا برر برر تحلیف لری اجرا ایتدک . بر طرفندن ده سلاحله برابر التجا ایدن فراریلری قبول ایتدک . خصملری ایله باریشدیردق . اخشامه قدر دوام ایدن بومشغولیت بنی فوق الحد یورمش ایدی . ابق اوتوز بیک نفوسدن عبارت اولان بر قضانك آسایشنی تأمین ایدن بوتعب مادی بر ذوق معنوی آلتنده تأثیرینی غائب ایدیوردی . رسته ، پرسپه ، اوخری حوالیسی کی دبره ، و مالیسه سی و ارناؤودلغه میال استارووه قضاسی بوضورتله داخل دائرة اتحاد اولدقن و وضعیت عمومی جمعیت بویله مساعد بر شکل الدقن صکرا چرچیبی بکلمکه ، استارووه جهتلرنده کز مکة قطعاً لزوم قالمش ایدی . زیرا بوکونه قدر اورمانلق ، طاغلق بر اراضیده بولنگله برابر اوتوز بیک ارناؤود مسلمان نفوسی شامل اولان استارووه

قضای بنجه اهمیت، اهمیت مخصوصه یی حائز ایدی . کخه لق ، روملق ، ترکک ، بدمارلق ، طوسقه لق اره سنده صیقیشوب قالمش اولان بو جنکاور اهالی فوق العاده ذکی و مریحتلی اولمقله برابر قومشورلیته نسبتاً پک کری قالمش ، دور استبدادک تأثیرات مخربانه سنه دها زیاده . عروض بولنش ایدی . قوجه قضاده یوزلرجه کویک هیسج برنده مکتب یوق . مکتب نامه موجود بعض کهنه مبانی انسان او طوره میه جق درجه ده مشرف خراب . کویلری ترین ، عیون افتخاری تا اوزاقلردن تنویر ایدن جوامع شریفه ، اوقافی کبی خراب . مکتب اولمیان یرلرده تربیه فکریه و ملیه یی محافظه ده بیوک تأثیر کوسترن جامعلر متروک و پریشان . ظلم هر طرفی استیلا ایتمش . قله لرده ، طاغلرده ، اورمانلرده اجرای حکم ایدن ظلمه و اشقیایه قارشو اهالی مدافعه سز براغلمش . اهالی بالضروره سفر براردونک ایلر و قره غوللری ، نو تجیلری کبی مسلحاً کزییور ، هر فرد حقوقی کندی مدافعه ایدیور ، جامعه ترلایه ، بازاره کویه سلاح ایله کیدیور .

اخشام طعامی ایتدکدنصکرا ۵ تموز اخشام اوزری ساعت اون بوده یوله چیقدق . بوغرادچدن کلن هیئت اداره ایله آرتق استارووده کشت و کداره ، چرچیس ایله اتحاد ایچون مد اقامت و انتظاره لزوم قالدیغنه حکم ایتش ایدک . ذاتاً جمعیتدن ایلک الدیغم امر نامه ده بوکونلرده ایکی مهم شخصک قشرانی مرکزی واسطیله چته مزه الحاق ایدیله جکی بیلدیرلمش اولدیغندن اوجهته طوغری کیتمک محبوری باش کوسترمش ایدی .

استطراد - بوکونلرده مناسترده وضعیت عمومیه یه دائر منابع مختلفه دن اولدجه واسع معلومات استحصال اولنش و مناستر والینسک صدارته کشیده ایلدیکی فی ۵ تموز سنه ۳۲۴ تلغرافنامه ک زیرده مندرج صورتی ایله تصویر اولنان احوال عمومیه یه مکملآ کسب اطلاع ایدلمش ایدی .



۵ تموز ۳۲۴

حضور سائی جناب صدارتپناهی

ج ۳ تموز سنه ۳۲۴ نیازی وعونه سنک تعقیب و دردستی امر و اراده بیورلمقده ایسه ده موجودیتی اجرات شدیداً معلومه سیله تحقیق ایدن اتحاد و ترقی جمعیتک طرفکیرانی یالکیز مرقومدن عبارت اولیوب اول و آخر تقدیم قلنان ورقلرده بیان مطالبی استحصال



نیازی بك

خصوصنده عموم ضابطان متحد واهالی دخی بونلرله هم فکر اولدینی اكلاش-لمقده اولسنه و دونکی کون منطقه قوماندانی عثمان پاشایه وقوعبولان تعرضله دخی مرتبه ثبوته واصل اولدینی اوزره تعقیبات شویله طورسون تحقیقات ایفاسنی تعهد ایچون دخی کیمسه ده جرأت کوریه میور . شکری پاشانک ریاستی التنده تشکیل اولتان تحقیق قومیسینی

اعضای خفیاً وقوع بولان تهدیدات اوزرینه ایشدن ال چکمه مجبور اولدیله . اوخیریدن اهالی قرایه نصایحه بولمق اوزره چیقاریلان هیئت ناصحه کشت و کذارده دواملری حالده اعدام اولنه چقاری جمعیت طرفدن باورقه اخطار اولمسندن طولای عودده مضطر قالدقاری قائممقامدن بیلدیریلور . چا کرلری ده داخل اولدیغ حالده مأمورینک کافه سنک حیاتلری تهله کده بولنیور . تحقیقاتده ایلری . کیمک ایستیانلر قتل ایله تهدید اولمقده و جمعیت تهدیدینی ایقاعه اقتدار کورلمکده اولدیغندن عثمان پاشای جرح ایدن ضابط اراده سنیه حضرت خلافتناهی بی مبلغ تلغرافنامه بی تلقی ایچون اجتماع ایدن هیئت عسکریه ایچندن چیقوب عمومک کوزی اوکنده اوچال سلاح انداخت ایتش ایکن متجاسر در دست اولمقدن بشقه اسم و شخصی ده کیمسه طرفدن تعیین اولنیوب مع مافیه متجاسرک ظاهره اخرجی ایچون تعیین اولنان قومیسینون هیئت بالاده عرض اولدینی وجهله تهدید اولدیغندن طولای ضابطه وعدلیه مأمورلری صقشدریله حق اولورسه حیاتلری محافظه ترک خدمت فکرنده بولنیورلر . قوللری درت یوزسنه دنبری ابا عن جد نان ونعمت دولته پرورده اولمش اصدقادن اولدیغ و بالنفس دخی قرق درت سنه دنبری خدمات مختلفه دولته بولدیغ جهته بویله غائله لی بر زمانده استغفای کفران نعمت عد ایده رک افراد عائله چا کرانه مله برابر معروض اولدیغمز مهالکه رعماً ایفای وظیفه ده دوامه یعنی عسکر ضابطلریله اساس مقصده فکر آ متحد اولان اهالینک فعلاً بولنر اشتراک ایتملری اسبابی استحصاله چالشمقده ایسه مده حقایق احوالی بر تفصیل عرض ایلکی دخی وجیه صداقت و حیت عد ایلرم . افکار معلومه افراد عسکریه ده دخی سرایت ایلش اولدیغندن تعقیباته تشبث ایدلسه عسکرک جمعیت علیهنه استعمال سلاح ایتیه چکی رسنه سوق اولنان القی طابورک اوراده توقفده قالمسندن و قوماندانلرینک اعتراف عجز ایتلندن اکلاشیلیور . شمس پاشانک محافظه شخصی ایچون کتیردیکی ارا ناوودلرله محل وقعه ده حاضر اولان عسکر و ژاندارمه لرک سوء قصد ایدن شخصی تعقیبه تصدی ایچون سلاحلری هوایه انداخت ایتش اولملری دخی بوکا دلیدر . خفیاً استخبار ایدلکیکنه نظراً تعقیبات ایچون اناطولیدن کوندریله جک عساکرک استعمال سلاحدن امتناع ایلسی قویاً ملحوظدر . بو احوال یالکنز بورایه منحصر اولنیوب استخبار اولدیغنه کوره سالانیک و قوصوه ولایتلری دخی عین حالده در . بناء علیه ایشک اهمیت و بر سرعت فوق العاده ایله اطرافه سرایت و کوندن کونه کسب وسعت ایتمکده اولان اتحادک اساسی دولته نظر دفته الهرق دها وخیم احوال حدوشنه میدان قالمق

اوزره زمانی یکمیش اولان نصیحت و جبر و شدتدن زیاده حسب الزمان مؤثر اوله جق تداییر عاجله اتحادی لزومی الحای صداقله عرض اولنور فرمان ،

مناسیر والیسی

حفظی




بو قضاده یول فامنه طبیعی باتیقه لردن بشقه طرف حکومتدن یابیش تک بر جاده بیله یوق کوجلکله جانی هر دقیقه بیک مخاطره ده بولندیرمق صورتیله معیشتی انجق تأمین ایده بیلن ، تکلیفات حکومتی دیشندن ارتیره رق ، اتندن قوباره رق ایفاده قصور ایتیمان بو فداکار و حمیتوروا خلقی دائرة اطاعتده یا برجا ایدن مقام خلافت و مقام سلطته اولان شدت مر بوطیتلری ، حسیات دینه لریدر . بوراده حسیات اسلامییه ، حسیات وطنیه تقدم ایتشد . خصوصات اجتماعیه لری بو درجه فساد بولان استارووه اها . لیسنک طرفدار حقایق ، حب عدالت کی خصائل عالیله ایله اتصافلری شایان حیرتدر . قائم مقام حقنده حسیاتلری صورتد . استقامتی ، حمیتی ، جدیتی ، غیرت و فغانیتی ثنا ایدره ک اوتوز سنه دنبری بویله عادل و مقدم ر حاکم کورمد کلرینی بیانده متحد کورند . کلرندن شو اره لق بویله ناموسلی بر آدمک استارووه ده مقام حکومتی اشغال ایتسی نیم اجرا آتمی تسهیل و تمجیل خصوصنده چوق تأثیری کورلمش اولدیغندن ارتق استارووه ده حکومتی باصق قرارینی تطبیقه محل قالدی . یالکز لشنجه لی عثمان ایله برلشن اعضایی یاقه لیوب مواجهه عامه ده تحقیر و تذلیل ایتک اوزره اوتوز نفر فدائی مرکز قضا اولان بوغرا ده کوندرلدی . عثمانی بوله میان مفرزه یالکز اعضا حقنده امری اجرا ایتش ، جهل و قصورینی اعتراف ایدن مرقوم اصلاح نفس ایدره ک جرائم گذشته سنه توبه کار اولمشدر .

۴ تموز سنه ۳۲۴ . اقسام اوسقی ساعت اون برده استارووه لیلرله یک صمیمی بر صورتده وداع ایدره ک رسنه یه کیدن یولی تعقیب ایتدک . اوچ ساعت ایلروده ساعتلرجه دوام ایدن دیک بر یوقوشی اسقلا یعنی مردیوان دنیلان صعب المرور بر باتیقه پی ، صباحه طوغری رسنه اووه سنه اوزانان طولامباح برایشی تعقیب ایتدیکمز ایچون قراکلق ، صوسزلق ، اورمانلق ، طاشلق ایله مزداد اولان مزاحم مشیت تاب و توانمزی کسمش ، همیزی یابیلتمش ایدی . کیجه یورویشلرینی قیالی وکیسک اراضیده ، باخصوص تک پیاده نک بیله کوجلکله کچدیکی بریولده یاپان بتون سلاح ارقداشلرم بوکیجه نک حالتی

تصور ایده بیلرز . وقت وقت افراد یکدیگر نردن اوز قلاشوب یناشیولردی . مردیونلی
طاغ تپه سنه مختلف پاتیقهلردن چیقان نفرات ساعتلرجه اجتماع ایده مدی . اجتماع ایده
بیلنلرده ساقه شدت عطش ایله صوتحریری دودینه دوشدیلر . اوتیه بری یه طاغیدیلر .
طاغک عارضه لی برمحله برقویو بولیدیلر . قوشان قوشانه . ایکی یوز نفرک چته ،
آرتق بشر اوز کشیلک اوفق اوفق مفرزله طاغلمش ایدی . منزل مقصودی
بیایوردی . هرکس مختلف استقامتدن عین نقطه یه ایلرولوردی . او قدر متحمل شدائد
مشیت اولان وجود عاجزآمده بیلر درمان قالمامشدی . اسقالانک متها سنده رفقایه
یهوده انتظار ایدی یوردم . اراضیه وقوفی اولان اکثر نفرات دلالتیه بتون قوتک
لسقوجیه کیدن مختلف استقامتلرده ایلرولمکده اولدیفه حکم ایتدم . برده یاتمه کیلرله ،
اون بش یکریمی نفرله انیشی تعقیب ایتدم . لسقوجیه واردیف زمان کویک خروسلری
صباحک تقریبی اعلان ایدیوردی . کویسلری جاغرتدم . نردن اول طاقم طاقم کچن
رفقسانک جهت عزیمتلیری ، تلاشه دوشمش اهلیدن ، اورمانلره قاقمش قادیلردن
جهت عزیمتلیری صوردم . بعض مفرزله لک آتش اووه بالقانسه طوغری چیقمش
اولدقیرینی و دیگرلرینک سمت عزیمتلیری کوره مدکلرینی سویلدیلر . صبا حلین بالقانلره
التجا ایدن اهالی بی جاغرتدم . پریشانلغکم اسبابی اکلاتدم . صوکتیردیلر قانه قانه
ایچدک . صرف خرستیان اولان بوقریه اهالیسی بزى طانیدقدن صکرا وظیفه لری
صوردیلر .

رسنه دن آله جقلری امره کوره حرکت ایتلرینی وصورت عمومیه ده مسلمانلره
تأسیس اخوت ایده رک هر نه طرفدن اولورسه اولسون برشکایتلی وارسه رسنه هیئت
اداره سنه مراجعت ایلرینی تنیه ایتدک . کویلی رسنه دن اشته طریقله کوریلجه یه
طوغری بر طابور عسکرک کچدیکنی و بر مفرزله نک بوجهتلرده طولاشدیغنی سویلدی .
فی ۵ تموز ۳۲۴ . شمس جهانتاب تلال جبالی نورلره غرق ایتش ، اشعه زرینی
اووه لره عکس ایتش ایدی . آرتق طورمغه محل یوقدی . ارقداشلیری طولایلاق
لازم ایدی . آتشوه بالقانسه طوغری یورودک . بر ساعت صوکره قورولق
آره سندن کیدن یولده اغاجلر آلتنه سرباش اون بش قدر رفیقمره قاووشدق . ایلرو .
لدکجه اوتده بروده اوفق اوفق جمعیتلره ، کینکاهلره تحصن ایتش غنوده استراحت
رفقایه تصادف ایتدک . بویه جه قسم کای بی طولادقدن صوکره آتشوه چقتلکنه
کیدک اوراده رفقادن دهها کسدبرمه یولی تعقیب ایدن یکریمی اوتوز نفرک لاحجه



مناسرتده قيشاه پشكاهنده ۱۰ تومز سنه ۳۲۴ صباى حريتك رسم اعلاى

قریه سینه طوغری اووه یه ایندکیرینی چوبانلردن اوکړندک . قسم کلی آتشیووده
 طویلاندینی زمان الی التمش کشمیک برمفرزدهه لاحچه یه کیرمش ، بحری چاوشله
 کورشمش ایدی . تعقیب ایتدیکمز یولک احوالنه دقایقوله واقف اولان بحری چاوش
 بنم باقاندلرده طاعیله رق بر بریمزی غائب ایتدیکمزی تعینده مشکلات چکمدی .
 لاحچه لیلری برای تحری طاعلره چیقاردی . بونلر برر ایکیشرلسقوفچه دن ایلرولیه رک
 بزه قاووشدیلر واستینه دن کچن طابورک آوجی طابورزی اولدینغی ومفرزه نک ییانجی
 اولدینغی اکلاندیلر . آتشیو اها لیسنه ده عینی تلقینات اجرا اولندقدن صکرا لاحچه یه
 طوغرولدق . ایکندی وقتی ساعت اونده لاحچه یه کیردک . رفقای حمیت یکدیگرینه
 یکرمی درت ساعتدن بری چکدکیری مزاجم و مشکلاتی نقل ایدیور ، ماجرایه
 وقف کوش اخوت ایدن کویولر بزه آجیه رق کوزیاشی دوکیورلردی . ۲۰ حزیران
 سنه ۳۲۴ دن بری بتون متاعب سیاحتی اولانجه تفرعات و تفصیلاتی ایله اکلانغه
 چالشدیلر . سؤاللر صوریدیلر . غیرتمزه ثنا خوان اولدیلر . بزی اولادلری ،
 قرداشلری کی قوجاقلادیلر ، اوخشادیلر .

عائله خاطراتی تجدید واحیا ایدن بو لطیف نوازشلر ، صمیمی التفاتلریله هر برمن
 کندی اویمزه ، عائله مزه قاووشمشجه سینه مستغرق حسیات اولدق .

۵ — ۶ تموز کیجه سنی قوناقلرده کچرن چته افرادی اولو کی درین بر اویقویه
 طالمش ایدی . بشقه کویلرده ، بشقه کیجه لرده اولدینغی کی نوبته ، دوریه یه لزوم
 کورلمدی . وظیفه ترصد و محافظه یی بلا استئنا افراد جمعیتدن اولان کویولر حسن
 ایفا ایتدیلر . ذاتاً لاحچه ده اولجه براقدیغمز مفرزه یی دکشدیرن عسکرده او کون
 جمعیه اداخل ایدلش بولنوردی . بن ده بلا قید و اندیشه اخشامدن طاووقلر کی
 اویوقلامغه باشلادم . درین بر اویقویه طالدم .

۶ تموز : بو کون پک کچ اویاندم . کویده بیوک بر فعالیت حکم سوریوردی .
 حیوانلر ، سورولر ، چوبانلر ، طاعلره ، یفتجیلرده ترلاره کیتمش ایدی . کویک
 سوقاقلری ، میدانلری ، جامع حولیسی بزی کورمه کلن اهایلیله طولمش ایدی .
 مواجهه عمومیه ده مقصد مزک متقرب الحول اولدینغه دائرنظرلر ایراد ایدلدی . ۲۰ حزیرانده
 لاحچه ده باشلایان حرکت مزک ، تشبمزمک بوکونه قدر و یردیکی فائده لی نتیجه لره دائریاضاحات
 ویرلدی . بلا تفریق جنس ومذهب اها لیک یکدیگریله قرداش کی کچنمسی سایه سنده
 موفقیت کوندن کونه آرتجه غنه ، یقینده مقصدک حاصل اوله جغه هرکس اینانمش ایدی .

خارجدن کلنلر یرقاعت مستریحانه ومتوکلانه ایله کویلیرینه منمونا عودت ایلدیلر .
بومصاحبه لر ، بومحاوره لر ایله اخشام تقرب ایتدی . بزده غوبش جهتلرینه کیتمک اوزره
یول حاضرلغه باشلادق . بوکونلرده قتراندن بزه الحاق اولنه جنی اولجه مناستر هیئت
مرکزیه سندن بیلیدیریلن ایکی شخص مهمی المغه کیده جکدم . تحقیقات واقعه ایله اشخاص
مزبوردهن هنوز برائر اولمادیکی اکلاشلادی . . . برطرفندنده اوخری مرکزینک
رهبری بکا قول اغاسی ایوب افندینک شوتد کره سنی ویرمش ایدی .

رسته چته قوماندانی نیازی افندییه

قهرمان قرداشم !

مناستردن کلن اهمیتلی برخبیره نظراً بعض شیرک مذا کره سی ایچون وصول عریضه ده
هان بورایه تشریفکز اهمیتله معروضدر . چته کز افرادینی قصبه یه یقین امین برمحله
براقیر ؛ یالکزجه ذات عالیکز تشریف ایدرسکز قرداشم افندم . فی ۴ تموز ۳۲۴ .
هامش : استارووه یه دون یازمشیدق . بوکون استخباراته نظراً بوجهته اولدیغکز
اکلاشملغه ایشک فوق العاده جدیت واهمیتدن طولایي وصول عریضه ده هان کلیکز
قرداشم .

قول اغاسی

ایوب



بو مهم دعوت اوزرینه تبدیل استقامت وعودت لازم کلدی . لاجه نك خارجده
آماده حرکت طوران پیشداره استقامت اوخری مارش ! امری ویرلدی . ایکندلی
وقتی ساعت اونبره طوغری چته اوخری یولنده یورومکه باشلادی . کیجه نك التیسنه .
قدر دوام ایدن بوحرکت کمال سرعتله اجرا ایدیلیوردی . سبب دعوتی اکلامق ایچون
همیزی بر تلاش ، بر مراق استیلا ایتدی . ساعت التیده اوخری اووه سنه داخل
اولدقدن صکرا افراد اوچر بشر دکرمنلکله صوقولدی . بن ده رسنه لی علی اغا
رفاقیله اوخریده برادرم مرتضی افندینک خانه سنه کیتدم . ذاتاً کیفیت ورودمزدن
خبردار اولان قرداشم بنی بکلیورمش . سبب دعوتی صوردم . جمعیتدن قول اغاسی
ایوب افندی ایله برلشهرک ایکی بیک نفرله عاجلاً مناستره عزیمتمز حقنده امر قطعی

وار ایش . وظیفه منی مین برده تعلیمات یوللا مشلر . بوندن بشقه بر شی اوکر نمک قابل دکل . یارین صباح همان هیئتله مذاکره قرار گیر اولمش . صباحه قدر قرداشم ایله حسب حال ایتدم . حکومتک تعقیبات و تجسس سائنه تاب آور اوله میان کوچک قرداشم طبیئه ملکیه طلبه سندن عثمان فهمی افندی پی ده بوراده بولدم . کندیسنک و بتون تعلقاتک حکومت طرفندن دوچار اولدقلری حقارت و خصومتدن بحث ایتدی . سبب فرار و التحاقی ایضاح ایدیوردی . بو فلا کته قارشى بن ، اوت بتون افراد عائله مک سلامت و استقبالی ضامن اولان وطنک مدافعه سنه حصر حیات ایدن یالکزر بن مسئول اوله بیلیردم . برادرم عثمان فهمی افندی پی فنا حالده تضییق و تعقیب ایده رک فراره مجبور ایتدیکی کبی همشیره زاده م هندسه ملکیه طلبه سندن حق افندی پی ده بکا منسویتنی تحقیق ایده رک حقه ده معامله شیده اجرا اولمق اوزره مکاتب عسکریه مفتشی معهود اسماعیل پاشا مذکره ویرمش ، بیچاره معصومی بو صورتله اور کوتله رک خلیجان قلبه اوغراشمش ایدی [*] . بورالری یانه یاقیله تکرار تکرار اکلادیوردی . چوق متأثر اولدم . مع مافیه کتم هیجانه موفق اوله بیلدم (اون بش یاشنده بر چو جقدن قورقان بو الحق حکومت بر معصومک حیاته قیقله نه قرانه بیلیردی بیلیم . زواللی چو جق اوت تأثیر دهشله ایوم مختل الصحه در تبدیلهوا ایتک اوزره زدمه کتیردم) مغلوب تأثرات اولان برادر می تسکینه چالیشدم . یأس و نومیدی یه محل اولدیغنی اکلادم . هر شی یولنده جریان ایتیمور می !

ایشته شمسی پاشانک یرینه کوندریلان وعقل و کیاسی حسینله شمسی پاشان دهامه لک اولان عثمان پاشانک حیات سیاسی و معنویه سنه خاتمه چکه جک بر تشبته مأمور اولیورز . ارتق لمعه امید کوزلر منی تنویر ایدیور ، موفقیت تقرب ایدیور دیه رک تطمین ایتدم . بو یولده قونوشه قونوشه صباحه قدر کوز و مزه اویقو کیرمدی .

۷ تموز ۳۲۴ علی الصباح قول اغامی ایوب افندی اوخری اداره هیئت اعضا ریله بر لکده حجره مسافر تمزه کلدی لر . جمعیتک مناسره عزیمتمز حقه ده کی امر نامه سنی ، تعلیماتی

[*] مناسر مرکز قضاسی قائممقامی باجناحم اسماعیل حق بک بالجه افراد عائله می صو ک درجه ده بر شفقت و انسانیتله حمایه ایش . کندوسی اساساً جمعیت اعضا سندن بولمق مناسبتیله فرارم اوزرینه موقی بسبتون کسب مشکلات ایلدیکی ، حکومت طرفندن کیجه لی و کوندوزلی تعقیب و تجسس اولندیغنی حالده قطعاً اثر ضعف و فتور کتور میه رک حیثیله چالشمش اولدیغندن شوراجقه ده کندیسنه علناً بیان تشکری وظیفه بیلیم .

مناسرده ۱۰ تموز اعلان حریت همراهان



کوستردیلر. اوطوردق. بوتعلیامده اواخری ورسنه حوالیسندن افراد جمعیتدن ایکی بیک کشی سلاح الله النهرق بونلردن ایکی ملی طابور تشکیل وقول اغاسی ایوب افندی ایله عاجزلی قومانداسنده سریعاً مناستره سوقی محرر ایدی. تعلیماتک، امرک صورت تطبیقی مذاکره ایده رک قرارلشدیردق. ذاتاً چته مزک تعقیب وتبکیلی مقصیده خروجمزی متعاقب سلاح الله جلب ایدیلان وجمیته منسوبیتلری ملاحظه سیله مؤخرأ ترخیصنه اراده سینه صادر اولان اواخری ردیف طابوری افرادی هنوز سلاحلری تسلیم ایتمامش اولدیغندن افرادی جمعیت خیزییه منسوب اولان بوطابوری اوخریده دکر منلکده جمع ایتمک ایشدن صایلمزدی. همان اوستروغیه، بردشته استاروویه، خبر کوندرلدی. داخل قصبه وجوار قریه ده رهبرلر طاغیلدی.

۶ تموز. کیجه لری اواخری طابورینی تشکیل ایدن افراد جمعیتک دکر منلکده اجتماعی امری تعمیم واعلان ایدلدی. برطرفسندن رسنه، پرسپه، لاحجه وقترانی جهتلرینه ده مأمورلر کوندرلدی. بئم چته مه التحاق ایده جک کویلره قتران غریبچاری جهتلری محل اجتماع تعیین اولندی. سکز تموز ده اورالده اثبات وجود ایللری امر ایدلدی. امر سس سز وتلاش سزجه اجرا ایدیلوردی.

۷ تموز. سنه ۳۲۴. کیجه ساعت اونده امرعاجزی التده بولنان ایکیوزنفرلک چته ایله رسنه، لاحجه وتوابی قوتلرینی طوپلامق اوزره لاحجه طوغری یوریورایدک. ایکی ساعت صکراده دکر منلکده اجتماعی اکمال ایدن قول اغاسی ایوب افندی، طابوریه بزی تعقیب ایدیوردی. قول اغاسی ایوب افندی محلی قائممقاملغنه تودیع ایلدیکی بیاتنامه ایله حکومتی ودول معظمه تی تشبثاندن خبردار ایتمش اولدیغی کی اتخاذ ایدیلان قرازه توفیقاً صورت حرکاتمه دائر ایضاحات شفاهیه ده بولمق اوزره قرداشم عثمان فهمی افندی دخی برقایطونه مناستره کتمک اوزره یوله خیقارلش ایدی.

۷ — ۸ تموز کیجه سی ساعت اوچده استوق اولاح قبله لرینه واردق. بورادن ایوب افندی یه قولاغوزلر کوندردی کمز کی چته من ایچونده رهبرلر تدارک ایتدک و بونلر دلائله اورمان ایچروسنه کیردک. لاحجه یه ایلرولدک. قولاغوزلر یولی شاشیردی. اسقالاده کی قارغشه لی آکدیره جق بر انتظامسزلق ایله دلیلر کی اورمانلرده تابصباح یکدیگر مزی آرایوردق. تعریف اولتماز مشکلاته اوغرادق. بتون کیجه اورمان ایچنده بهوده نقطه مطلوبه اطرافنده طولاشدق. صباحلین لاحجه یه کیردک. ۸ تموز: صالی کونی سنه دن، جوار کویلردن افراد اوچر بشر آقین آقین کلورلر،

چتهیه التحاق ایدیورلردی . رسنه ، لاحچه و دیگر جوار کویلیلر املک و پیزی
مبذولاً یاغدیردیلر . شو صـرتله چتهنک موجود حاضری ایله برابر بزه التحاق
ایدهجک دهاسکـز یوز نفرک ایکی کونلک اداره سنی تأمین ایلدیلر . هرشی انتظام
اوزره جریان ایدیورلردی . کیجه یی عینی یوللرده ، اورمانده عینی مشکلاته کچرن قول
اغاسی ایوب افندی لاحچه یی بوله مامش ، ایزووره چیقمش ایدی . موافقدهر طابورینه
التحاق ایدن کولکلوری ، کویلوری اوراده بکلیه جکندن معتمله برلکده ایزووره عزمیتی
بیلدیردی . کیجه نـک متاعبندن ، مزاحندن بشقه بنده قوتلرمی توابعمی بوراده بکلـمک
مجبوریتده ایدم . شوتد کره ایله جواباً بیان حال ایلدم .

ایزوورده قول اغاسی ایوب افندی به مغروضدر

محترم قرداشم افندم

تذکره کزی آلدـم . امریکـز باشمله برابر . لکن سزجه مجهول اولان وضعیتمه
دائر سزه ایضاحات ویره رک بیان معذرت ایده جکندن طولای عفو عالیکنزه التجا ایده رم .
سزه کوندردیکمز کبی بـزده استوق قلبه لرندن قولاغوز آلدق . نافله بونلر بزی کیجه
اورمانلرده طولاشدیردقلری حالده بردرلو یولی بوله مدیلر . غایت صیق براورمانک صرپ
تپه لرنده طولاشدیردیلر . افراد یکدیگری غائب ایتدی . فنا حالده یورولدی . کیجه یی
اورمانده کچیردک چوق درمانسز قالدق . یورومکه مجالسز قالدی . حالاً اورایه کلکه امکان
واقدار تمامیه مفقوددر . بونکله برابر ، چتهمه التحاق ایده جک کویلوری ده بوراده
بکلـمک موافقدر . املک فلان تدارکندهیم . رسنه هیئت اداره سندن ده ایکی کشی جلب
ایده جکم . آدم مخصوص چیقارلمشدر . بونک ایچون قصورک عفو متمنادر .

قول اغاسی

نیازی

مومی الیهدن الیغم تذکره جوابیه یی عیناً نقل ایدیورم :

لاحچه ده قول اغاسی نیازی افندی به

قرداشم !

اویقوسزلق ، راحتسزلق ، یورغونلق حبیبله کله میه جکلرینی یازیورسکـز ، بـزده
عینی حالده یز . هر حالده ورودیکـزه منتظرم . فدائیـلری بلوکره تقسیم یله اوغراشیورم .

بوراده موجودم در تیوز اوتوز طقوز نورد . قردان و رودنی بکله دیکم افراد التحاق ایتیمجه حرکتیز اویهمیه جقدر . امک وارسهده احتیاطه رعایت دهها بر قاج یوز قیه امک احضاری مستر حدر . استاروودن قیرقالر ، وقایر یلر قیبله لری بزه بورده ملاقی اوله جقدر .

قول اغایی

فی ۸ تموز سنه ۳۲۴

ایوب

تذکره نك جوابی کیدنجه یه قدر ایوب افندی ده بلیه انتظاردن قور تلمش بولونیوردی . بکلدیکی قوتلر ، صاعدن صولدن کندیسنه ملاقی اولیوردی . ساعت طقوزده ایوب افندی بیک نفر معنی ایله لاجچه ده بزه ملاقی اولدی . ساعت اونره قدر لاجچه ده قالدق . لاجچه دن چته یه یکر می نفر التحاق ایتدی . بونلری ده پیشداره سوردک .

۸-۹ تموز کیجه . بر ساعت صوکر اهر ایکی چته مجتمعا دیرمنی یه کیریوردی . بواثناده بالقانلردن سلاح صدالری عکس ایتدی . صدانک کلدیکی محله طوغری کشفلر چیقارلدی . ایکوز کیشیک برچته نك بزی آزادیفی اکلشلدی ، بوچته استاروودن ورودلری بکلن فرمالر ایله کندیلرینه خصم جان اولان قاپریلردن مرکب ایدی . خصم جان ایکی قیبله نك یکوجود ویک قلب اوله رق بر مقصد اوغورنده اولومه چیقشلری حقیقه کوریه جک بر منظره ایدی . ایکی عصر دئیری بر برینک یوزینی کورمک ، سنی ایشتمک ایستیمان بواکی یوز شدتلی آدملر سنه لر دئیری یکدیگری قورشونله تعقیب ایدیوز ، قورشونله سلاملا یوردی . حال بوکه شیمدی ال اله ویره رک او قورشونلری وطن خائنلرینه ، وطن خصملرینه آتمی دوشنیورلردی . ساعت ایکیده دیرمنی ده بزه ملاقی اولان بوخناورلر ایله ایوب افندی نك طابوری بیک ایکی یوز نفره بالغ اولدی . دیرمنی اهالی خرسنانه سنه ده تلقینات لازمه اجرا ایدلکدن صکرا غرنچاره طوغری ایلرولدک . قوزیاق دکرمنده رسنه دن دهها التمش نفر فدائی چته یه التحاق ایتدی . ساعت اوچده غرنچاره مواصلت اولندی . بورایه قدر ایکی یوز سکسان نفر دن عبارت اولان چته پرسپه دن غرنچاردن و اطراف کویلردن التحاق ایدن وظنپروان ایله سکز یوز نفر راده سنده اهمیتلی بر قوته منقلب اولدی .

غرنچار قریه سی او کیجه مسابقه حیمته امثالندن کیرو قالیلان قراخان اهالیسی ایله طولش ایدی . پرسپه حوالیسنده بواکی خلقک حیمتی وفدا کارلنی حرکاتیزی ، موفقیتیزی تسهیل خصوصنده بیوک بیوک تأثیرلر کوسترمش ایدی .



۱۲ نمونہ سنہ ۳۲۱ مکتب حربیہ اوکندہ رسہ و مناسبت اساس چنار مع افراد [۴]

۸-۹. تموز. کجھہ سی بر شہر آیین حکمنده کچدی. کوی مظفر بر اردو کاهہ بکزمہ مشدی. نابصباح سواقاقرده، کوی کنارنده حرکت، غلبہ لک اکسیک اولدی. کوی ایک اوج بیک نفر مسافر لرنی اعزاز و حسن قبول خصوصندہ شایان حیرت بر فعالیت کوستردی و هپسی مقصدی بیلور و سونینور لردی. صباح اکمک توزیعی ختام بولدقندن صکرا مالویشته یولنه دوشدک. کونشک شدتی پرستہر جبالنک صرپ سلسلہ لرنی طولاشان یولک مشاقفی آرتدیریوردی. آتی تعقیب ایدن اینشک دیکلکی، یولک طارلنی، قایغانلنی اومشکلات و متاعی اکمال ایتدی. ساعت درتده شعاعات شمسک کوزلری قرار تان حزمات منعکسہ سی ایچندہ مالویشته یہ کیردک. دکانلر قیامتش، اہالی اولرینہ چکلمش، اورتہ لنی برسکوت خائفانہ استیلا ایتش کوردک. اوخری ملی طابورندن سواری ملازمی آکاه افندی تسکین خوف و هيجانہ مأمور ایدلدی. موی الیہ طلاق ت مسلمہ سیلہ مطلوب تأثیری آرزمان ظرفندہ حصولہ کتیرمشدی. پاپاسلر قریہ نک ایلری کلنلرنی اصولاً تجلیف ایتش، ہیئت ادارہ لرنی تشکیل ایلش اولدیغندن افراد محلفہ ایلہ پاپاسلری برابر جہ آلوب استعطاف قصور مقصدیلہ زدمزہ کتیرمش، جمعیتہ داخل اولدقلرنی سوبلش ایدی. بزده تشکرلہ برابر ایضاحات لازمہ ویردک. کندیلرنی تطمین، افکار مہیجہ لرنی تأمینہ غیرت ایتدک. ساعت اونده اوخری ورسنہ ملی طابورلری نامنی آلاں چتہ لر آیری آیری اجتماع نظامنہ کیرمش، حرکتہ حاضرلنش ایدی. بوآنہ قدر نزہیہ کیتدیکندن بی خبر اولان عساکر ملیہ یہ ایضاح مقصد ایتک لازم کلش ایدی. بناء علیہ ایوب افندی طرفندن اوخری و طرفندن دہ رسنہ طابورلرنہ شوسوزلرلہ وظیفہ مزک اساس اہمیتی ایضاح ایدلمشیدی :

ارقداشلر! وطنداشلر!

جملہ مزک حضور وراحتی، اولاد و عیالی، خانہ و خانمانی ترک ایدہرک حیاطمزی فنا

- | | | | |
|-----|---|----|---|
| ۱ * | رسنہ چتہ سی قوماندانی قول اغاسی نیازی بک | ۹ | مناسٹر چتہ سی ضابطانندہ و اشراقندن عابدن بک |
| ۲ | مناسٹر چتہ سیلہ خروج ایدن ارکان حربیہ تائمقما | ۱۰ | " " " ملازم نظمی افندی |
| | صلاح الدین بک | ۱۱ | رسنہ چتہ سی ضابطانندن قویچولی عثمان افندی |
| ۳ | مناسٹر چتہ سیلہ خروج و بالاخرہ ریاست ایدن ارکان | ۱۲ | " " " مناسٹرلی یوسف افندی |
| | حربیہ بیکباشیسی حسن طورسون بک | ۱۳ | " " " شوقی افندی |
| ۴ | مناسٹر چتہ سی ترتیب و اخراج ایدن یوز باشی | ۱۴ | مناسٹر " " " عبداہ " " |
| | یائیلہ علی مجد الدین افندی | ۱۵ | " " " سلیم " " |
| ۵ | مناسٹر چتہ سی ضابطانندن یوزباشی شریف افندی | ۱۶ | " " " نذیر " " |
| ۶ | " " " " خیر الدین افندی | ۱۷ | " " " " " حلیم " " |
| ۷ | دوقتور قہیم بک | ۱۸ | ارناؤود جرجیس بک |
| ۸ | ملازم محمد علی افندی | ۱۹ | " " " آدم بک |
| | | ۲۰ | نیازی بک برادری عثمان قہمی بک |

ایتدیکمز معلومکردر. بوقدر بیوک فدا کارلنی ایسه تأمین سلامت وطن نامنه چالیشان جمعیت خیرییه اقیاد ایده رک اختیار ایلدک. جمعیت مز موفقیتله اعلان شان وشوکتی ایچون برمدتدنبری کیجهلی کوندوزلی انواع مشاق ومصابئه کوکس ویردک. آرتق چکدیکمز مشقتلره خاتمه ویره جکز. نصرت الهیه وروحانیت پیغمبرییه صیغنه رق شمدی مرکز ولایت ، مناستره کیده جکز وبوراده جمعیتک غایت مهم برامری ایفا ایده جکز. شخص معنوی جمعیت ظهیر من ، جناب حقده معینمزد. اگر وظیفه مودوعه یی برایکی ساعت ظرفنده حسن اکمال وایفا ایده بیلیرسهک وطنمز هر درلو مصائبدن قوریتله جقدر. مشیر عثمان باشای اقامتگاهندن قیلنه زیان کتیرمیه رک سالما آله رق جمعیه ، ملتّه ، وطنه ایقاع ایتیمی ملحوظ اولان فناقلره میدان ویر. امکدن عبارت اولان شو وظیفه یی حسن ایفا ایده بیله جکمز الطاف الهیه دن مأمول ایده رم. انک ایچون آرقداشلر! نظام وانتظامی محافظه یه ، آلان امرلری حرفیاً یامغه صوک درجه ده غیرت ایتک لازم. کیمسه تلاش ایتسون. یوساده وقولای برشیدر. چونکه مناسترده کی حینلی عسکرلرده بزمه برابر در. هایدی ارسلانرم! مطیع قهرمانلرم! ایلری!

نطقک اثنای ایراندنه افراددن اشک ریز مسرت اولدق کیمسه قالماش ایدی؛ ساعت اونبرده قرانییه چیققدق. برآن اول مناستره داخل اولق آرزوسی یورغونلغه غلبه ایتدیکندن سرعتله ایلولیوردق. اثنای راهده چته یه التحاق ایتک اوزبه اوکون مناستردن برقاج کون اول فرار ایدن آلتی ژاندارمه ، برقاج باشی بوزوق یانلرنده برکیک اولدیغی حالدّه بزه تقرب ایتدیلر. چته یه قبوللری ضمنتده جمعیت طرفندن تودیع اولنان امرنامه یی ارانه ایلدیلر. بتون انظار ایکی یاشنی هنوز اکمال ایتیمان بوکیکه انعطاف ایتدی. کیکی قره جا ، کیکی کیک اولدیغی ادعا ایدیورلردی. ژاندارمه لر دن بری دفع مراق وحل مشکل ایتدی. بونک هنوز ایکی یاشنی اکمال ایتماش دیشی بر کیک اولدیغی وپرستر صرتلرنده اوکلرینه چیقان بوخلوق حیوانک التفات ونوازشلره آلدانه رق کتیدیلرینی قولایلقله تعقیب ایتدیکنی حکایه ایتدی. هرکس بو حیوانی اوخشادی ، تقدیس ایتدی. اوضاع دلپسندانه سیله کوکلرمزی تسخیر ایدن بوسویلی مخلوق کوندردن جناب حقه تشکر ایتدک. جمله من بونک وجودنی برعلامت خیر عد ایتدک ، عادتا برمژده آسمانی ، بر بشارت معنوی اولدیغی ادعا ایتدک. دائماً ایلروده کیدن ، دائماً عسکرک اوکنده صچرایان کیک عادتا قولاغوزلق وظیفه سنی ایفا ایدیور ، برسوق معنوی ایله هدف مقصوده طوغری سکر تیوردی.

اخشام ساعت اون ایکی به طوغری قرانی قریه سنه کیردک . بتون اهالی استقبالنزه چیقمش ، قدوموزه منتظر بولمش ایدی . قزانلی راغب افا ، قرق دولنچه لی رائف افا یوز التمش نفرله چته مه ، رسنه ملی طابورینه ، التحاق ایتدی . بوقوتلرله موجودم بیک نفره چیقمش ایدی . بوراده مکک و آرام بر ساعت قدر دوام ایتدی . طعام یینلیدی . صو ایچیلیدی . اوراده ده وظیفه مودوعیه متعلق تنیهات ایله افراده سکونتک ، متانتک ، اطاعتک برومی یکیدن تلقین ایدلیدی .

۹-۱۰ . کیجه ساعت برده طابورقولی نظامنده مناستر یولی اوزرنده ایلرولیوردق . سوینچمزدن عاداتا جبری بر یورویشله قوشیوردق . جمعیته کمال اقتدار ومهارتنه مطمئن اولان قیلر امیدایله ، مسرت ایله مالی ایدی . بویله جه ویوک برشوق ایله دوام ایدن مشیت صیقتیسز اجرا ایدلیدی .

کیجه ساعت آلتیده دوله جیکه واصل اولدق . اوراده افراد جمعیته منسوب رسنه لی یوزباشی عثمان وملازم اسعد افندیك قومانداسنده الی نفر استقبالنزه چیقمش ، بزى بکلیوردی . عثمان افندی بزه قبالی ومهرلی برظرف تودیع ایتدی . مشیر عثمان پاشانک قالدیرلسی حقنده جمعیته قرارلشدیردینی ترتیباتی [*] احتوا ایدن بوظرف برموجب توصیه قرائتی متعاقب احراق ایدلیدی ودرحال اجرای امره مسارعت اولندی .

ترتیبات مقررہ ، مناستر مرکزندن تعیین اولنان مأمورین عسکریه دلالت ونظارتی آلتنده برسکون وانتظام مطلق ایچنده تطبیق ایدلیدی . امر اجرا ایدلیدی . آرتق عثمان پاشانک یلدیزله ، حکومتله ، عسکرله ، معنیه بر رابطه سی ، برکونه علاقہ سی قالماش ایدی . شویله که : بزى استقباله کلن یوزباشی رسنه لی عثمان افندی ایله ملازم اسعد افندی دلالتیه مشیر پاشانک دراخور بوینده کائن اقامتگاهلری قارشوسنده دراخورک اوپر جهتنده حکومت قوناغی مرکز قوماندانلی دأتره سی چتله ردن ترتیب ایدیلان عساکر ملیه مفرزه لرلیله احاطه واشغال ایدلیدی . عین زمانده تلغراف تللری کسیدلی . مشیر پاشانک قوناغنده نوبت بکلیان افراد عسکریه نك سلاحلری آلتندی . بوآرله قونایچیلردن بری سلاحه طاورانهرق مخالفت ایتمک ایستدی ایسه ده در دست ایدیلهرک تفنک باطلا منه میدان ویرلیدی . بوتلاشدن افراد جمعیته استفاده ایده رک قوناغک ایچروسنه کیردیلر . اون نفردن عبارت اولان افراد محافظه نك سلاحلریخی آلدیلر . رسوجانلی امین ایله برادر عاجزی عثمان افندی مشیر پاشا حضرتلرینک یتاق اوطه سنه صوقولیورلردی . کورلتیدن

[*] تودیع اولنان تعلیماتک صورتیدر .



۱۲ توزه چهلک شهرده صورت قبولی

اویانان مشیر پاشا کلنلری حدتله استقبال ایتمک ایستدی . قوللرندن اللرندن طوتدیلر . تلاشه ، حدته محل اولدیغنی آکلاتدیلر . پاشا فدا حالده کپورمش ایدی . ایوب افندی ایله بنده کز مشیر پاشای احاطه ایدن غلبه لکی یارارق ایلرولدک . کندیلرینه اصلا برسوء نیت وقصدمز اولدیغنی تأمینه چالیشدق . سربست براقدق . ایوب افندی حضور سامیلرنده یک جدی و تربیه لی برعسکر طوریه رسم تعظیم و سلامی ایفا ایتدی .

— مشیر پاشا حضرتلری ! مستریح اولکنز ، امین اولکنز . ایچمزدۀ ذات سامیلرینه سوء قصد ایدۀ چک کیمسه یوقدر . مقصدمز ایسه غایت علوی ومقدسدر . وظیفه مز ذات فخیانه لرینی سالمآ بورادن آلوب معزراً رسنه کتورمک ، اوراده برمدت ایچون مسافر ایتمکدر . جمعیتزک حرمت مخصوصه و خلوص نیت مطلقه سی مین اولان شوعریضه یی تقدیم ایله کسب شرف ایدرم بیوریکز دیدی . صورتی زیرده منقول شومکتوبی اوزاتدی .

صورت مکتوب

« بسم الله الرحمن الرحيم . مشیر دولتو عثمان پاشا حضرتلرینه . السلام علیکم ورحمة الله ، هدا الله وایاکم

بوامت مرحومه نك نان ونعمتلی و صرف ایلدیکی امکاری ایله وجوده کلمش اولان قدرت عسکریه کزی و فطرة متحلی بولندیغکز شجاعت وشهامتک ، ملت کندی علیهنده دکل ، بلکه دشمنه قارشى سوق ایله چکی اردولرک سوق و اداره سنده و وطنه قصد ایله چک اعدا نك قهر و تدمیرنده مصروف اولسنه و حکومت حاضرۀ مستبدۀ نك ینه حکمدار حاضرک اداره سنده اولمق اوزره بر حکومت مشروطه وعادله یه تحویلندن یعنی ملت حق حریتی استرداد ایلدکن صکرا قوای عسکریه نك تنسیق و اصلاحی سرعسکرلک مقامه اصعاد ایدۀ چکی سزک کبی حمتلی وجودلردن انتظار ایلکده اولسنه مبنی وجود قیمتداریکزک اضاعه سنه ملت قطعاً راضی اولمز سده نه چاره که جریان احوال ذات آصفانه لریکزک شوموقع ومأموریتده بولنامسنى ایجاب ایتدیر مکده اولمغله جمعیت مقدسه مز برمدت موقه ایچون کندیسنه عزیز بر مسافر اولمکزی استرحامه اجتناسار ایلش وبالطبع بونی نفس ناز کتريکزده برذل عد بیورمیه جغکزدن امیدوار بولمشدر . موقع و محل اقامت دولتری شان آصفانه لریکزه لایق بر صورتده احضار وهر درلو اسباب استراحت دولتری استکمال قلنمش اولمغله لطفاً وعناية قصبه کنارنده انتظار ایدن

بيك اوچيوز نفر قوتنده كي معتكزه ذات عاليريكزي التحاق ايتديرمك اوزره دولتخانه لريكزه كلش اولان سكر يوز مهمانداره رفاقت بيورمكر استرحام اولتور . ملت بوكجه آلديني ترتيباتي ذات داورانه لريكزه بروجه آتي عرضه لزوم كورور .
 او تحت محاصره آلديني كي يكي منطقه قوماندانلغده بولان نقي پاشا ومركز قوماندانيله كنديلرينه بك امنيت قلنه ميان ديكر بعض ذوات دخي محافظه آلتنه النمشدر . قصبه ايچنده بولنان قوانك امرا وضابطان وافرادي حضور رب العالمينه تعرض مقديسه من اغورنده فداي جانه عهد وپيمان ايلش وقصبه اهاليسندن اوچ بيك كشيده جمعيتك بر امريله حركته مهيا بولنشدر . ملت علينده بيكده براحتال دائره سنده اوله رق اعطا بيورمغه [فرض محال اوله رق] موفق اوله بيله چككر . اوامره شوساعنده اطاعت ايله جك هيچ بر فرد قالماش اولقله برابر قوناغكزده كي تلغراف تللري دخي قطع اوله رق اتصالات نحو ايدلشدر . جمعيت ذات عاليركزك بر قيله بيله كله جك خطادن بك متأسف اولور وكنديسي مسئول عد ايدر . مع هذا يلديزدن ذات دولتكزه ويرلش اولان واسع صلاحيتلره - عالي وجدانكزدن مأمول اولماقله برابر بوراده ميدان اجرا براقعه وارضوم وقعه مؤسفه سنه بر نظيره وجوده كتيرمكه قطعياً راضي اوله ماز . بناءً عليه ويرمش اولديني قرار قطعي سي بهمه حال اجرا وتطبيقه معذور ومضطردر . اميد ايدهرزكه دولتخانه كزده بولنان براقچ سلاحي ملته ، امت فدايلرينه ، اوتوز سندر ناله فغان ايچنده بولنان بوزواللي بچاره قومه ، حريتي اغورنده اولومي كوزه آله رق ارتق سلاحه صارلغي عزم ايتمش اولان ظلمديدلره قارشي استعماله وجدان ياككر قائل اولماز . فداي جاني جانه منت بيلمكي اوكرنمش اولان مهماندارلريكزله برابر اقامتگاه سعادت لريكزي تشریفه رغبت بيورمكزي نياز ايلرز . والسلام
 علی من التبع الهدى . ۹ تموز ۳۲۴ چهارشنبه

عثمانی اتحاد و ترقی جمعیتی

مناسرت مرکزی

اشو مکتوبی شایان حیرت بر سکونت واعتدال دمله قرائته باشلایان مشار الیهی بوراچقده براقه لمده وقوعات ماضیهیه بر نظر دقت عطف ایدم . حکومتک تاریخی عاجزیدن بومهم وقعهیه قدر کچیردیکی بحر انلری ، طوئینی مسلک لری ، جمعیتک معاملات عمومیه سنی کوزدن کچیره لم :

مناسرت ولایتی والیسندن ، اوچنجی اردومشیرندن ، مفتش عمومیدن ، شمس پاشادن

آمیدوار اولدینی اقتداری ، فعالیتی کوره میان صدارت ، یلدر صوگ کونه قدر جمعیتی تعقیب ایتکدن ، احای وجودی ایچون ایجاد تدابیردن خالی قالمدی ..

ایشته مابین ایله مناستر فوق العاده قوماندانی مشیر عثمان پاشا ، مفتش پاشا ، اوچنجی اردو مشیری ابراهیم پاشا آره سنده جریان ایدن محاسرات برقیه دن بعض مهم اقسامی و اوچنجی اردو مشیری ابراهیم پاشانک مناستر ورسنه منطقه قوماندانلرینه شفرلو تاغرافلرله یاغیدردینی امرنامه لرك بعض پارچه لری عیناً پیشگاه انظار قارئنه عرض ایلوروز :

مناستر منطقه سی قوماندانلغنه

ج ۲۰ حزیران سنه ۳۲۴ . رسنده خائن مرقومه طرفدن ایقاع ایدیلن دثابت واهانت شایان تأسف و نفرتدر . اوغور قدسیت موفور حضرت ظل الهیده فدای حیات ایتک صورتیله عرض خدمت و دین مبین اسلام و شرف و ناموس متین عسکریمزک ضیاتی و حقوق مقدسه سلطنت سینه و خلافت معظمه اسلامیته هر درلو شواشدن و قایه سی فریضه عبودیت و حمت و مقتضای دیانتدر . مسئله نك حائر اولدینی اهمیت و تزاكتك برآن بیله نظردقت و حقیقتدن دور طوئیه رق متجاسرین مفسدت و ملغنت پرورانه نك احما و افای وجود و خیانتلری خصوصنده ابراز کمال شدت و فعالیت اولنسی صداقت و رؤیت والالرندن متمنادر . یارین ایکی ترنله دمر حصار و ویر تقوب استاسیونلرندن ایکی طابور مناستره تحریک ایدیلجه جکدر . شو قدر که باش قوماندان اقدسمر شو کتماب افندمر حضرتلرینه فرط عبودیتله و صداقتله میاهی اولان اردوی هایون هیئت امرا و ضابطان و افراد شاهانه سنك بوکی حادثات مشروعه ده هر وقتدن زیاده اراز حمت و اثبات مأثر صدق و مردانگی و دیانت پروری ایلیه جککری بی اشتباهدر . دردست سوق بولان طابورلرك و رودینه انتظار اولنیه رق منطقه داخلنده بولان قطعاتدن امکان دائره سنده قوای فعالیه تدارکنه و تدابیر سریعه و حکیمانه یه توسل اولنسی و بویله براق مفسدت و ملغنت بیشه نك بتون سلاح ارقداشلریمزه شین آور اوله بیله جك حرکات باغیانه و دناشکارانه لرینه سرعت و قدرت ممکنه بشریه ایله خایمه حکمسنی صداقت و دیانت و عسکرلک نامنه توصیه ایدر و اوراده بولان میرلوا حاجی نظمی پاشانک بوقوه تعقیبه قومانداسنه مأموریتی مناسب کورولدیکندن جلیله تبلیغ و صورت حالک تفهیم اولنسیله برابر آثار فعلیه یه انتظار ایلرم اقدم .

اوچنجی اردوی هایون مشیری

ابراهیم

فی ۲۰ حزیران سنه ۳۲۴



قرجوه اسلام چته سنك مورن قبولي

مقام سرعسکریدن فی ۲۱ حزیران سنه ۳۲۴ تاریخلی شفره حلی

مناسیر منطقه قوماندانلغنه

ج . بعض اشخاص ایله برلکده چوق اسلحه وجیخانه وسائرہی آلوب صاوشان قول اغاسی نیازی افندی هانکی طابورک قول اغاسیسی اولوب نرہ لیدر . واحوال خصوصیه سی نصلدلر وکیلرله اختلاط ایتکده ایدی و برده اسلحه وجیخانه واشیای سائرہ مغصوبه مقداری نه در . وعسکردن وباشی بوزوقلردن بونلره التحاق ایدنلر قاج کشی وکیلردر و نرہ لیدرلر و در دستلریچون اتخاذ اولنان تدایردن نه نتیجه حاصل اولمشدر ؟ بورالرینک هان وعاجلاً ماکنه باشنده اشعاریلہ برابر بریاندن دخی سائر اقتضا ایدن تدایبرک اتخاذ و اجراسیلہ بهمه حال در دست ایدملری و نتیجه دن دخی معلومات ویرلمی مطلوبدر . ایجاب کیفیت اوچنچی اردوی هایون مشیرتہ تبلیغ قائمشدر .

سرعسکر

رضا

مناسیر منطقه سی قوماندانلغنه

قراری نیازی ملعونک پر سپه یازدینی وجواباً آلدینی بعض شفره لر الدہ ایدلمش اولدیفندن بونلرک بوراجه حلنه مدار اولمق اوزره منطقه والالردن مناطق خصوصیه ایله اولان شفره مخبره مفتاحی صورتک یارینکی پوسته ایله مسارعه ومهوراً طرف تئاوریه ارسالی لزومی بیلدیریلور .

فی ۲۱ حزیران سنه ۳۲۴

مشیر

ابراهیم

مناسیر منطقه سی قوماندانلغنه

شمدی مشیر وکیلی نظیف پاشا حضر تارندن آلتان شفره لی تلغرافنامه ده لاحجه قره غولی قوماندانی اونباشینک رسنه یه عزیمتله واقع اولان افاده سنده قول اغاسینک دون ساعت اونبره قدر معینی ایکی یوز قدر اشخاص ایله لاحجه ده اوطوروب بعده اووه یه حرکت ایتدیکی ومقامات عالییه ورسنه قوماندانلغنه خطاباً وقول اغاسی امضا ومهریلہ بیوک برطرف دروننده ناحیه مدیریتی نامنه برخیلی اوراقی رسنه یه کوندردیکی ومعتنדה صادق ویوسف نامنده ایکی ضابط و سکز نفر بولندیفک اکلاشدینی بیلدیرلمش اولدیغنه وملازم صادق افندیفک رسنه یه عزیمت ایتمش بولندیغنه نظراً نیازی خائنک ایندیکی بیلدیریلان اووه نک

مناسرت اووه سی می یوقسه رسته ایله پرسپه آره سنده کی اووه سی اولدیفنک ملازم مومی الپدن تحقیق و بوبابده کیجه کی تلغرافنامه ایله طرف والالریته تبلیغ ایدیلاں قوای کافیتمکنهک سوق اولتوب اولتدیفنک اشعاری و تدایرده سرعت و فعالیت اظهاری توصیه و ترتیب ایدلیدی اقسام بیلدیریلان ایکی طابورک بواقشام حرکتلری ایچون تدایر لازمه یه توسل ایدلمش اولدیفندن واستحصال ایده بیلجکی قوتله فیلورینه جهتلرندن حرکات متقابله یه اشتراک ایتسی خصوصی حدود یونانیه قوماندانلغنه یازلمش اولدیفندن بکن اولان سعی و قداکارینک ابرازیه برآن اول مرقومک دها زیاده ترید موجوده و اظهار حسیاته میدان بوله میهرق سرعت دردست واستیصالی خصوصه صرف مزید هسته قلنسی وبلافاصله احوال دن تدایر و اجراآت واقعه دن ساعت بساعت واضح معلومات اعطاسی منتظر و متمنادر .

اوچنجی اردوی هایون مشیری

فی ۲۱ حزیران سنه ۳۲۴

ابراهیم

مناسرت منطقه سی قوماندانلغنه

محرم و مخصوص تحریرات

رسنه دن احمد نیازی لیمی طرفندن پرسپه ده عثمان افندی نامه یازیلان شیفره لرله بوکا مقابل ویریلان جوابلرک برر صورتی لفا صوب والالریته اسبال ایدلمش و بونلرک شیفره حلتده ماهر اولنلر طرفندن صرف مساعی ایله حل ایدیه بیلنسی ممکن بولنش اولدیفندن بونلرک اوراجه مکملآ تدقیقه حلته اعتنا و محلوللرینک مسارعه طرف ثنآوری یه اسراسی بابتده ازاده افندی مکدر .

یاوران حضرت شهریاریدن

فی ۲۱ حزیران سنه ۳۲۴

اوچنجی اردوی هایون مشیری

ابراهیم

مناسرت منطقه سی قوماندانلغنه

فراری قول اغاسی نیازی ایله ملازم عثمان وعونه خونهدن برقسمنک دونکی کون ساعت پش راده لرنده رسته یه ایکی ساعت مسافده واقع پوموچان قریه سی قرینده کی اورمانلقدده بولندقلری پرسپه دن استخبار قلنان معلومات جمله سندن بولندیفندن و مذکور قریه نک برطرفی کول اولدیفندن جهات مختلفه دن قوشادلق صورتیه مفرزه لر سوقی و هر طرفدن تعقیبات اجراسیله خیشان مرقومانک عونه ملعتکارانه لرله معاً محو و ازاله

وجود لرینه اعتنا قلمسی و کول طرفندن فرار لرینه ویا پرست طاعلرینه التجا و فرار لرینه قطعاً میدان و امکان بر اقلما سی رسنه ده نظمی پاشایه یازلمقله بالمخبره بری طرفله فرار لرینه میدان ویرلما سو با کمال اهمیت تبلیغ اولنور افندم.

اوجنجی اردوی هایون

فی ۲۲ حزیران سنه ۳۲۴

مشیری

ابراهیم ادهم

مناسیر منطقه سی قوماندانلقه

فراری نیازی ملعونی ایله عونہ سنک نزدندن رسنه عودت ایدن ایکی شهرک ویردکلی معلوم اتدن خزلہ مرقومہ نک اوخری استقامتہ کیتدکلی اکلا شلدیغی رسنه قوماندانلقندن بیلدیرلمسکه ادانی و خزلہ مرقومہ نک تنکیلی ایچون اوخریدن و مواقع محصوریدن دخی مقتضی مفرزہ لک ناموس و صداقتہ اعتماد اولان ضابطان قومانداسیله سوق ایتدیرلمسی لزومی تبلیغ اولنور.

اوجنجی اردوی هایون مشیری

فی ۲۱ حزیران سنه ۳۲۴

ابراهیم ادهم

مناسیر منطقه سی قوماندانلقه

رسنه ویرسپهده ارتکاب ملعتله فرار ایدن اشرایه التحاق ایتمش ایکن بعده عودت ایدن والیوم رسنهده بولتان ملازم ثانی صادق افندیله افراد شاهانه نک شایان اعتماد برضابطه ترفیقاً و استحقاق علم و خبرلرینی یدلرینه اعطاء و سربعاً دغدغه سزجه اوله رق سلانیکه اعزاملری و وقت حرکتلرینک انباسی اهمیتله تبلیغ اولنور.

مشیر

فی ۲۳ حزیران سنه ۳۲۴

ابراهیم ادهم

مناسیر منطقه سی قوماندانلقه

اوحوالیده توره بن ارباب اسائشک ، نیازی لئیمی و عونہ سی کی اشرای ملعتنک قهر و تدمیری و اورالک بومثللو فکر فساد سالکلرینک لوٹ وجودندن تطهیری خصوصنه بارادہ سنیه جناب خلافتناهی اقدس واعظمی متروویجه فرقه سی قوماندانی برنجی فریق شمس پاشا حضرتلری مأمور بیورلش و مشارالیه اوچ طابورله ورن مخصوصله سلانیکه مواصلت و مناسیره متوجهاً حرکت ایتشدرد. اورایه مواصلتده حقارنده مراسم تعظیمیه اجراسی و هر درلو تسهیلات و معاونات ابرازی و وقوع بوله حق اشعار ایتک بلا افاته وقت ترویجی و الحاصل حصول موفقیت امرنده هر درلو مساعینک متحداً



بلغار چتەلرینک شهره صورت دخولی

صرفله خذله معلومه نك رفع وازاله وجوديه و اردوى هايون جناب پادشاهينك بحسن
صداقت بر قوه سطوتتون اولدينك آثار فعليته سيله اثباتنه باكمال فعاليت صرف مقدرت
قلمسى رويت و صداقت والالردن منتظر در.

مشیر

فی ۲۳ حیران سنه ۳۲۴

ابراهیم

مناسرت منطقه سی قوماندانلغه

ج ۲۴ حیران سنه ۳۲۴ . شمسى پاشانك بويله تعرضه هدف اولمى نه درجه لرده
بادى تأثر اولديسه متجاسرينك دردست و تدمير و تشخيص اولنه مامسيده عين مرتبه ده
موجب تأسف اولدى . مشارايه رسنه يه كيمك اوزرهمى عربيه ينيوردى . شخص
معروض باشى بوزوقى يوقسه عكرمى ايدى ؟ الله ايدلديمى ؟ تعقيات دوام ايدنيوردى ؟
نه تدبير ياپيلدى ؟ قاتل مرقومك دردستى خصوصنده كي لزوم واهميت مستغنى ايضاح
بركفيتدر . بوياده هر نه پايلى لازمسه ياپيله رق بوخائيك طوبلى و بويوزدن ديكر كونه
احوال نامرضيه حدوثنه و شرف و ناموس عسكرينه نك خلدن وقايه سنه و انضباط محليه
صوك درجه لرده اعتنا و دقت اولتمى و اوخري ورسنه طرفلرينه قواى كافيه يتشديريله رك
نيازى و عونهمى ملعونلرينك تدميرلرينه و توسيع ملعتلرينك منعه صرف مقدرت
قلمسى و پيدري معلومات موضحه و يرلمى و متروويجه مرتباتندن كيرويه قالان ايكي بلوك
بوكونكي پوسته تره نيله بورادن حركت ايتمش اولديغندن مواصلتنده لزوم كوريله جك
وجهله استخدام وامن و آسائشك ادامه سنه اهتمام ايدلمى رويت و صداقت مسامهلردن
مطلوب و منتظر در.

اوچنجى اردوى هايون مشيرى

فی ۲۴ حیران سنه ۳۱۴

ابراهیم

رسنه ده ميرلوا نظمی پاشايه (بشيره)

شعار صداقت و عبوديته منافی احوال ارتكاب ايتكمده اولان برقاج اراذل و اسافله
قارشو اتخاذ تدابيرده تردد و اظهار عجز ايتكم ولى نعمت بمنت اعظمم پادشاهمز افندمن
خضر تلرينه اولان عبوديت و صداقت راسخه و ملوكانه مزه و عسكرلك شرف و قدسيته
قطعيأ مغاير و اوچ بش ادانينك حركت ناهمواره لرينه سوء تأثيرى و اتخاذ تدابير و حركاتك
ترددى استلزام ايده جكدر . حائر اهميت اوله ميه جفندن مقتضای صداقت و عبوديت اولدينى
جهنله بلافتور وظيفه متحتمه و موكوله نك ايفاسنه و عسكرلك شرف حثيتيله متناسب ابراز

متانت ایله بوکی اشخاص رذیله و ملعونه نك همه حال دردستلرینه مسارعت ایدیلر رك وضای
قدیت احتوای حضرت خلافتناهی به مغایر اوفاجق بر حال بیله وقوع بولماسنه صوك
درجده اعتنا ایدلمسی دون تبایغ اولندیگی کی مقام عالی سرعسكریدن جواباً مورود
شیفره لی تلغرافنامه ده اراده وازبار بیورملقه تکرار باکمال مکانت استیصال وتدمیر ارباب
ملعت و تأمین آسایش وامیت خصوصه صرف مقدرت قلمسی توصیه واطار اولتور.

فی ۲۶ حزیران سنه ۳۲۴ ... سلا نیکدن ... مشیر

ابراهیم

سلا نیکده مشیریت جلیله به

فی ۲۵ حزیران سنه ۳۲۴ (شفره)

امرا وضابطاندن بعضارینك شو آره لق شیرازه مطاوعتدن انحراف ایله فرار آچته به
التحاقری و دونکی وقعه فجیعنه نك حصولی بوراجه فوق العاده سوء تأثیری موجب
اوله رق دها اَلم بر مسئله نك حدوثی قویاً محسوس ایدو کندن شمذیک بر تدبیر احتیاطی
اولق اوزره نافذ الکلام ذوات عالیدن مرکب بر هیئت ناصحه نك هر حالده سریعاً اعزامی
وبو خصوصه ممکن اوله مدیغی تقدیرده رسنه ده بولونان میرلوا حاجی نظمی پاشا طرفدن
شمذی آلتان تلغرافنامه ده بیان ایدلیدیکی وجهله بوراجه جمله من عجز منی اعترافه
مجبوریت قطیعه الوردیکی معروضدر فرمان .

مناسرت منطقه قوماندانی

میرلوا

عثمان هدایت

مناسرتده منطقه قوماندانلغه

فی ۲۴ حزیران سنه ۳۲۴ (شفره)

شعار صداقت و عبودیتہ منافی احوال ارتکاب ایتکده اولان برقاج اراذل واسافله
قارشو اتحاد تدایرده ترددو اظهار عجز ایتک ولی التعمت بتمتمز پادشاهنر افندمن
حضرتلرینه عبودیت و صداقت راسخه و مملو کانه مزه و عسکرلک شرف قدسیتنه قطعاً
مغایر و اوج بش ادا نینک حرکات ناهموارلرینه سوء تأثیری اتحاد تدایر و حرکاتده ترددی
استلزام ایده جك درجده حاضر اهمیت اوله میه جغندن و مقتضای صداقت و عبودیتدن
اولدینی جهتله وظیفه متحتمه و موکوله نك ایفاسنه و عسکرلک شرف و حیثیتله متناسب
ابراز متانت ایله بوکی اشخاص رذیله و ملعونه نك همه حال دردستلرینه مسارعت ایدیلر رك

رضای قدسیت احتوای حضرت خلافت‌نهایه مغایر اوفاجق بر حالک بیله وقوع بولماسنه صوک درجه‌ده اعتنا ایدلمسی و دون تبلیغ اولندیگی کبی بوکره مقام عالی سرعسکریدن جواباً مورود شفره‌لی تلغرافنامه‌ده اراده و ازبار بیورلمغله تکرار با کمال متانت تدبیر ارباب مفسدت و تأمین آسایش و امنیت خصوصنه صرف مقدورت قلمنسی توصیه و اخطار اولنور.

مشیر
ابراهیم

مناستر منطقه‌سی قوماندانلغنه

ج. آلتان بر قاج تلغرافنامه کزده رفعت بک ایله مشترک امضا وضع اولندیگی نظر استغرااله کورولدی. ذات والاری منطقه قوماندانی اولدیگن کزدن دیکرینک وظیفه کزه اشتراکی جائز اوله مز. رفعت بک با اراده سنیه حضرت خلافت‌نهایه رسنه یه مأمور ایدلدیکندن بروجه تبلیغات مومی الیهک سریعا محل مأموریتنه اعزامیله انبایس توصیه اولنور.

فی ۲۵ حیران سنه ۱۳۲۴

مشیر
ابراهیم

مناستر منطقه‌سی قوماندانلغنه

چیرچیس ملعوننک ارکری حوالیسنده اجرای ملعنتله همای ملعنتی تکشیرایتمکده اولدینی و بونک تأدیی ایچون تخصیص ایدیلن اوچنجی آوجی طابورینک ورودینه شدتله انتظار اولندیگی یانیه والی و قوماندانلغنی طرفدن مورود تلغرافنامه‌ده بیلدیرلمکده در. خیت مرقومک دردستی امرنده بدایه آوجی طابوری تخصیص ایدیلوب رسنه ا کمال موجود ایتدکن صکره یوله چیقاریله جنی مقرر ایدیسده حادثات اخیریه مبنی بونک رسنه جوارنده قالدینی معلومدر. انجق اخیراً سیروز و متروویچه‌دن اورایه بش طابورک دخی نیازی شیرینک دردسته تخصیص اولنسی آرتق مذکور آوجی طابورینک اوراده دوام استخدامنه لزوم و محل بر اقامشدر. بوجهتله طاعلینگی محللرک اخیراً التحاق ایدن طابورلر طرفدن بلاشغال بروجه تبلیغات اوچنجی آوجی طابورینک ا کمال نقصانیه تخصیص و ترتیب ایدلیکی محله هان سوقی و طابورک قاج موجودله ونه وقت حرکت ایتدیرلدیکنک سریعا اشعاری اهمیتله منتظر در.

فی ۲۶ حیران سنه ۱۳۲۴

اوچنجی اردوی هایون مشیری
ابراهیم



بلغار چته لرینک رسم قبولی

مناسرت منطقه سی قوماندانلغه

ج. ۲۶. حزیران سنه ۳۲۴ دبره نك مسیح بك قره غولندن فرار ایتدیكى بیلدیریلن خائىك خذله ملعونه به التحاقه میدان بوله مقسزین دردستی خصوصنه صرف مقدرت اولمىی توضیه اولتور.

فی ۲۷ حزیران سنه ۳۲۴ مشیر

ابراهیم

مفتش عمومی حسین حلمی پاشا حضرتلرینه

روم ایلینك مناسرت جهتنده اهالی و عسكردن بهضلى طرفندن برطابق احواله جرأت اولندیغی حقنده عرض اولنان خبرلر اوزرینه تفتیش عسكری قومیسون عالیسی اعضاسندن مشیر عثمان فوزی پاشا حضرتلری مناسرت جهته فوق العاده قوماندانلق عنواتیله و بو احوالك اصلاحی وظیفه سیله مأمور بیورلمشدر . سلائیكه مواصلت اولندقدده مفتش حسین حلمی و اوچنجی اردوی هایون مشیری ابراهیم پاشا لر حضرتایله ملاقات و برلکده اجرای مذاکرات اوله رق نه یا یلق لازم کله چکمه دائر قرار ویرلدکن صکره جهت ملکیه به تعلق ایدن شیرلده مفتش پاشا حضرتلری واردوی هایونه عائد بولنانلر حقنده اردوی هایون مشیری پاشا حضرتلری طرفندن اقتضای حال ایفا اولمق اوزره تدابیر لازمه مانعه و مؤثره اجرا قلده حق و شفره ایله عرض کیفیت اولنه چقدر . بر مفسد بتون بر اردویی افساد ایدر سوزی اوتنه دنبرو معلوم بر ضرب مثل حکمنده اولمسنه و شمی پاشا کبی تجربه لی و ناموسلی و غایت صادق بر ذات حقنده سوء قصده جرأت ایدن خائینك عبره و احکام شرع و قانونی محافظه حقنده قصاص معامله سنك اجرایی ضممنده هر نه درلو تدابیر لزوم کورینورسه اتخاذ ایله الده ایدلمسی الزم ایدوکنندن و شاید جانی مرقوم بولنر والده ایدلر ایسه اشبو وظیفه ایله مکلف اولان مأمورینك نفوذی مختل و بویولده موفقیتسنر سنك نتیجه سنده اوکی اشخاص لئیمه نك جرأتی متزاید اوله جغه نظر آکا کوره بذل مساعی جدیدیه اوله رق مرقوم و عونو سی بهمه حال دردست اولنه چقدر . روم ایلینده حاکمیت دولت علیه نك بقاسی ایچون عسکرک انتظام و اطاعت تحتیده بولمسی درکار و اساساً اهالی ایچنده وقوع اوله حق بر او یغونسنر لئک اوکی التحق اتحق قوه عسکریه ایله ممکن اوله جغندن هرشیدن اول عسکر ایچنده اوله مخالف قانون و صداقت و اطاعت بر حال وار ایسه انك اصلاحنه مزارعت ایدلمك فرض عین حکمنده ایدوکی آشکاردر . جد امجد حضرت پادشاهی جنتمکان سلطان محمود خان حضرتلرینك زمان سلطنتلرینده

نه قدر فدا کار قلقل اختیار یله قوانین و نظامات عسکر یه نك وضع و تأسیس و بوسه صورت له
اسایشك تأمین ایدلدیكى معلوم اولوب اجانب جانبدن اوتهدنبرو عسكرك تعقیباتده یرارلق
کوسترمدیكى واو حوالیده امنیت و اسایشك مفقود برحاله بولندینی مقام شکایتده سرد
وبیان ایدلمکده ایکن شمعی بوکی احوالك وقوعی مدعیات کاذبه خارجیته تی تصویر ایله
یکیدن بر طاقم شکایات و بیاناته قیو آچه جغندن بشقه دولترک روم ایلیده عسکر یرینه
ژاندارمه قولتی یولنده بر تکلیف درمیاتی تصور ایتدکلری ایشیدلمکده و دفع وردی
چاره سی دوشونلمکده بولندینی شو صروده دولتی نصل بر موقع مشکله القا ایده جکی محتاج
بیان دکدر. ذاتاً اجانب بتون دنیاده اسلام ارسنه تفرقه دوشورمکده اولدقلری کی
اورالرده بوسه صورت له ایقاع تفرقه یه قالدشمش اولوب بونکله معاذاه تعالی اورالرجه
مقصد اشغالک تأمین جهته کیده جکلری و بلغارلرکده ادرته یه ودها ایلرویه طوغری
حرکت ایچون استفادیه شتابان اوله جقلری درکاردر. یوقاروده بیان اولدینی اوزره
عسکر ایچنده اک اهمیتسز بریشک ظهوری پک بیوک کور یله جکندن وولی نعمت بیتمز
شوکتلو پادشاهمز افندمر حضرترنک طرف اشرف ملوکانه لرندن بیان بیوریلان اشبو
وصایای حکمت احتوای ملوکانه نك حسن تلقی ایدیلرک اکا کوره فعالیت و یرارلق
و فدا کارلق کوسترملی جناب حق و پیغمبر دیشانی راضی و خشنود ایده جکندن
مشارالیه عثمان فوزی پاشانک دیانت و صداقت و حقی ایجابجه بوباید حسن خدمت عرض
و ابراز ایللری منتظر عالی و مقتضای امروفرمان هایون جناب خلافتناهیذر.

۲۶ خیزران سنه ۳۲۴ سرکاتب شهریاری

تحسین

باش کتابت جلیله یه

۲۷ خیزران سنه ۳۲۴ (شفره)

ج ۲۶ خیزران سنه ۳۲۴ برمنطوق امروفرمان حضرت خلافتناهی مذاکره یه
مسارعت وایشك هرجهتی عریض و عمیق تأمل و تدقیق اوله رق شمسی پاشا مرحومک
قاتلنی ظاهره اخراج ایله در دست ایچون مناسترده جهت عسکر یه و حکومت محلیه جه
ذاتاً بردوام اولان تحقیقات و تحریاتک بر قاندها تسریع و تشدیدینه مشیر عثمان پاشا حضرتلری
طرفدن دخی صرف مساعی ایدلسی و فراری نیازی ایله عونهدن صکره کرک مناستر
و کرک سالنیک منطقه لرنده غیوبت و اختفا ایدن و فقط هنوز جمعیت اشرایه التحاق ایله
فعلاً شقاوته جرأت ایتدکلری اکلاشلمیان ضابطانک بولندقلری محللرک تحقیق له اشبو

حرکتی خوف و احترازدن و یا حسب البشریه اغفالاته فریفته اولمقدن منبعث اوله جفی و ولی نعمت بمنتز افدمن حضرت تریسک اردوی هایون ملوکانه لری حقنده اعتماد و توجهات جهاندراجات شاهانه لری متعالی بولندیجی جهته بالاخوف و احتراز عودت و وظائف مقدسه عسکریه لری کماکان ایفایه مسارعتله ابراز صداقت ایلمری خصوصاً لریک مشیر مشارالیه حضرت تری جانبدن کندیلرینه تبلیغ و تأمین و برنجی فریق شکری پاشا حضرت تری معرفتله ایضا قلمقدمه اولان نصایح و تهنیاتک دخی اقتضا ایدنلره تجدید و تأکید اولنسی و نیازی ایله عونهنسک قوت و وسائط حاضره ایله بحسب الامکان تعقیبلرینه و تجدید شر و تقلیل جمعیتلرینه چالیشلمسی و اناطولیدن مرتب قوتدن اول باول ورود ایدمک طابورلرک مناسیره سوقیه استکمال و وسائط ایدلکدن صکرده فراری ضابطاندن اهالیدن ترم و یغما و شقاوتده اصرار ایدمک لری اولورسه علملرینه جهات عیددهدن تشدید تعقیبات ایدلمسی و ضابطان آرمسند جمعیست فسادیه داخل و متمایل اولدقلری و اهالی قرائی تضییق و تهدید ایله فساد تشویق ایتدک لری مسموغ و متواتر اولان طابورلرک الیوم بولندقلری محللردن تبدیلرینه اردوی هایونجه تشبث ایدلمس ایسهده بونکله تماماً تأمین مقصد قابل اوله میه جغدن اناطولی ردیفارینک وصولی اوزرینه حصولی طبیعی اولان نتایج حسنه یی متعاقب مذکور طابورلرک تعقیب اشیا و سیله سیله شمیدیکی منطقه لرندن قالدیریلهرق مناطق سائریه نقل و اقامه اولملری و شمیدییه قدر بولندقلری یرلرده یکدیگریله اکلاشیلوب ضال و مضل اولان افراد اهالی و ضابطانک شوضورتله بری برلرندن تفریق ایله بعدما تماسده بولملرینه میدان براغلاماسی و امرترفعده آز چوق و قوعی بالطبع منکر اولیان تأخر وعدم اعتدالان ضابطان آرمسند یأس و انکساره دوچار اولانلر بولندیجی جمله مرویات و محسوساتدن و بومثالو مغدورینک سایه معدلتوایه جناب پادشاهیده ترفیعلریله منحلالاته یرلشدیرملری اردوی هایونک هیئت عمومیه سی ایچنده خشنودی کلی و تأثیرات حسنه یی موجب اوله جفی بدیهاتدن بولمغله بونکده بران اول ایجابنه باقلمسی واس تدبیر و حکمت اناطولی قوای ردیفه سنک سرعت بمکنه ایله وصولی اولدیغندن مرتب طابورلرک تسریع سوقی خصوصک عتبه علیای ملوکانه دن استرحام ایدلمسی تذکر اولندیجی و مشارالیه عثمان پاشا حضرت تریسک منوال معروض دائرمسند تشبثاده بولمقی اوزره بمنه تعالی بازار کونی عزیمت ایدمک معروضدر فرمان .



روم چتەلری و ماقری قیودانك صورت قبولی

مناسرتده منطقه قوماندانی عثمان هدایت پاشایه

فی ۲۸ حیران سنه ۳۲۴ (شفره)

احوال حاضرۀ مفسدتك المحاسی وارباب فكر مفسدت وشقاوتك استیصال وتدمیری
وظیفۀ مخصوصه سیله تفتیش عسکری قومیسرون عالیسی اعضاسندن مشیر عثمان فوزی
پاشا حضرتلری مناسرت جهتی فوق العاده قوماندانلغی عنوانیلہ مأمور بیورلمش و یارینکی
ترنلہ سالانیکدن مناسرتہ حرکتی مصمم بولونمشدر. دوام مأموریتی مدتجه بالطبع مشارالیه
حضرتلرینک امری آلتندہ بولنہ جغکزدن هر درلو ابراز معاونت و آثار رویت اتمہ کز
لازمدر. شایان دقت بولان زیردہ کی وصایایه نظردقتکزی جلب ایدرم. منطقه مرکزی
اولان مناسرت مرکزنده وبالجمله منطقه مواقعه تدابیر انضباطیه وتقیدات لازمہ ده
بولنمدیغکز احوال حاضرہ آثار فعلیه سی وشمسی پاشا وقعہ مؤسفہ سی ایلہ غیرقابل انکار
بردردہ ده اکلاشلمشدر. معاذہ تعالی مشارالیه حقندہ ده بوصورتلہ برترضہ میدان
ویرہ جک قیدسزلق واحتیاطسزلق کوستررسہ کز تولد ایدہ جک مسئولیتک درجه سی
پک عظیم ونتیجه اعتباریلہ حقکزدہ پک وخیم اولور. بوجہتلہ هر درلو تدابیرک اتخاذی
ومراسم احترامیه واستقبالیه اجرایی ایلہ کرک استاسیونده وکرک یولردہ واقامتکاه
اتخاذ ایدہ جکلری دائرہ عسکریه ده ترتیبات ترصديه وتقیدیه نک صوک درجه دقت وبصیرتہ
ترتیبی اهمیت مخصوصه سیله توصیه وتبلیغ اولور. بردہ اوزایہ عزیمتلی ومواصلتلی
هنکامنہ قدر اشاعہ اولمیه رق استقبال ایچون کوندریلہ جک عسکرک آخر برسبیلہ
کوندردلیکنک اعلانی مثللو احتیاطکارلق کوسترلمسی والحاصل هر صورتلہ بصیرت اوزرہ
بولنلمسی تکرار خاصہ توصیه وازبار قلنور.

مشیر

ابراہیم

سالانیکہ مشیریت جلیلہ

فی ۲۸ حیران (شفره وغایت مستعجلدر)

ج فی ۲۸ حیران امرنامہ سامی دولتلی سرایا مطالعہ عاجزی اولدی. واحکام
منیفہ سی دائرہ سندن تیقظ واحتیاطلہ حرکت اولنہ جنی واولنقدہ اولدیغک عرض
واشعارینی زائد کوریرم. مرحوم شمس پاشا کندی امرلری دائرہ سندن ترتیبات اتخاذ
ایدیلہ رک کندیلرینک ترتیبکرده سی اولان محافظلری آرہ سندن شہیدایدلیکی کبی عاجزلری ده
اصلاحیاتی صیانت ایتیموب اک تہلکلی محلدہ ومشارالیهک یانندہ بولنمش اولدیغ بتون

ادله سیله ثابتدر. مشیر پاشا حضرتلرینک بوکون تشریف بیوره جقلری حقدیه شمدییه قدر بر امر و تبلیغ دولترلی وقوع بولیوب بوکیجه مناسرتروالسی پاشا حضرتلرندن بیلدیرلسی اوزرینه نه وقت کله جکلری معلوم اولمديغندن همان ترتیبات اجرایی مرکز قوماندانلغنه بیلدیرلشددر. مشیر مشارالیهک قوماندانلق ایله مناسرتیه تشریف بیوره جقلری بر قاج کوندن بری بوراده سویلنمکده در. بناءً علیه هر شیئی عنعنیه سیله و حقیقت دائره سندم معلومات صحیحیه و تامه آلمقده و هر طرفه شعبه سی اولدینی شمدییه قدر هر طرفه وقوعه کتیر دکلری وقوعاته ثابت اولان جمعیت نظرنده مشارالیهک مأموریتی بشقه صورتله تأویل ایتک قابل اولدینی ذات دولترنجده مسلم بولنه جنی طبعیدر.

مشارالیهک حیات مقدسلرینک محافظه سی تحت الزمیتده اولدینی تصدیق و ایجابنک هر وجهله ایفاسنه توسل قلنه جنی بر امر طبیعی اولمغله برابر ارتق نیک وبدی تفریق ایدلیان امرای و ضابطان و افراد اهالی آره سنده مشارالیهک حیاتنک محافظه سی چا کرلرینه قطعاً تحمیل ایتک موافق اوله میه جنی مسلم انام اولان دور اندیش ودقیقه بین انظار دولترینه عرضه جرأت و بو مسئولیتی قطعاً قبول ایتیه جکمی و اغور شاهانه ده فداي جان ایله افتخار ایتکله برابر چا کرلری ده عین تهلکه یه معروض بولندیغی و بوکوندن اعتباراً بوبار ثقیل آلتدن چا کرلرینک عفو بیورلمق صورتیه چراغ بیورلسی خاصه عرض واسترحام ایلرم.

مناسرت منطقه قوماندانی میرلوا

عثمان هدایت

مناسرت منطقه قوماندانلغنه

ج ۲۶ خیزران سنه ۳۲۴ مناسرت خرستیان اهالیسنک بیان اولنان احوالی ایکی سببه محمول اولمق لازم کلوب بری نیازینک حرکات واقعه سی اوزرینه خانه لرینه تعرض اولمق قورقوسی و دیگر بلغارستانک فکر تجاوز پرورده ایلکده بولندیغی شایعه سی اوله سیله جکندن و اهالینک بوضورتیه هیجاننک و خوف و هراسه دوچار اولمزی خارجاً انواع تعرض و مضراته بادی اوله جق بودرلو شایعات و هیجاننک ازاله سی ایله سکونک محافظه و منع اراجیفه اعتنا اولنسی شمدی مابین هایون جناب ملوکانه باش کتابت جلیله سندن شرفورود تلغرافنامه ده اراده و ازبار بیورلمغله حکم امر و فرمان هایون حضرت خلافتبناهیئنک انفاذ و نتیجه سنک مسارعة اشعاری توصیه اولنور.

فی ۲۸ خیزران سنه ۳۲۴

مشیر

ابراهیم

مناسرت منطقه قوماندانلغه

فراری نیازی ایله هپای مفسدتلری حقارنده تعقیبات و تضییقات شدیدہ اجرا سیلہ آثار مفسدتك اورتدن رفی و کندولرینك دردست و تنکیلی بغایت مطلوب و ملتزم عالی بولمغله فراری مرقوم ایله عونہ سنك تدمیر و استیصاللری امرنده نه یا بلدیغتك و شمدی کندولرینك نروده بولندقلرینك مسارعة انباسی غیرتکزدن منتظر در.

مشیر

فی ۲۹ خیزان سنه ۳۲۴

ابراہیم

مناسرت منطقه سی قوماندانلغه

فی ۲۹ خیزان سنه ۳۲۴ (شیقره) محولی:

مناسرتده کی جمعیت فسادیه نك حبسخانه ده بولان محکومینی صورت عمومیه ده فرار ایتدیرمك تشبثده بولندیفی بر منبع اجنبیدن افاده اولمش و بولنك درجه صحتی مجهول ایسه ده حال فرارده بولان محکومین ایله ارباب جرم و جنایتدن بعض اشرا نك قول اغاسی نیازی ایله عونہ سنه التحاق ایتدکلری محابرات جاریه دن مستبان اولدیغنه نظراً بویله بر تشبثه دائر اولان شایعه قرب الاحتمال عد اولنهرق آکا کوره اتخاذ تدایر اولنسی موافق مصلحت و احتیاط کورولمش و ایجابنك ایفاسی مناسرت ولایت علیه سنه تبلیغ ایدلمش اولمغله جهت عسکریه جهده ولایتله متحداً اتخاذ تدایره مسارعت اولنسی بوکره مفتشلك مأموریت جلیله سندن مورود تذکره ده بیلدیرلمکله اول وجهله اتخاذ تدایره دقت و صرف ماجصل غیرت اولنسی توصیه اولنور.

مشیر

ابراہیم

مناسرت منطقه سی قوماندانلغه

بعض بدطینت و کافر نعمت اشرا نك برر صورتله دبویلردن اسلحه و جیخانہ آله رق فرار ایتدکلری وقایعله ثابت اولسنه مبنی عمومیتله اسلحه و جیخانہ موضو ع اولان دیوی و قوغوشلارک بوکی سرقتلردن و تعرضات متصوره دن مصون بولندیرلمسی وجیبدن ایدوکی واردونك روحی اولان اسلحه و مهماتنك حسن محافظه سنه اعتنای مخصوصده بولنلمدیفی تقدیرده بوخصوصده کی مسئولیت شدیدہ نك قوماندانلردن اعتباراً اشاغی رتبه ده بولنلنره قدر شمولی پك آشکار اولدیفی تبلیغ اولنور.

مشیر

ابراہیم

فی ۱ تموز سنه ۳۲۴



মুর্গ চিত্তগংগ মূর্গ চিত্তগংগ

مناسرت منطقه قوماندانلغنه

ج ۵ تموز سنه ۳۲۴ اشقیانك تعقیباتنه هر طرفدن کمال شدت و اعتا ایله دوام اوله رق بهمه حال ازاله وجودلری و ماورز تفشکرینك استردادی اسبابنك استکمالی واستحصال اوله حق نتایج موفقیتکارانه نك انبانی اهمیتله توصیه اولتور.

فی ۷ تموز سنه ۳۲۴ مشیر

ابراهیم

مناسرت منطقه سی قوماندانلغنه

تلسر عن سلايک مشیر قوناغی

امرا و ضابطانك ایفای و خائف صداقتمدانیه صوگ درجه ده اعتا ایلملری و ارباب فسادك اغفالات و تسویلات قایلره رق طریق مستقیم صداقتدن انحراف ایتش و یا خود خوفه بناء صاووشمش اولانلر وار ایسه ولی نعمتمز بی متمز خلافت پناه اقدس و باش قوماندان اعظم اقدمز حضرتلرینك علوم و مرحمت و اشفاق سنیه ملوکانه لری درکار بولدیغندن بورالرینك بیایله تسویلاته فریقته اولانلرک مراجع و اشفاق سنیه ملوکاندن استفادیه شتابان اولملری و هر حاله خوف و تحاشیه محل اولدیغنك جمله یه تفهیمی و شاید برکونه اویغولسرلغنه متجاسر اولانلر بولتور ایسه درحال در دستلایله قوانین سنیه حضرت ملوکانیه توفیقاً مجازات لازمه لری اجرا اولمق اوزره دیوان حربلره نودیع ایلملری خصوصته قومیسینون عسکریجه لای العرض موجبجه اراده سنیه جناب خلافتینهای شرف متعلق بیورلش اولدیغندن برمنطوق امر و فرمان هایون جناب ظل اللهی مقتضاسنك ایفای شرف مورد تلغرافنامه سپه داریده تبشیر و امر و تبلیغ بیورلدیغی تعمیماً تبلیغ و بیان و هر حال و کارده رضای میامن ارتضای جناب خلافتینهای اقدسینك رهبر حرکات اتحادیه ایفای فریضه صداقت و عبودیته صرف مجهود تام ایلملنی لزومی کمال اهمیتله توصیه اولتور.

فی ۳ تموز سنه ۳۲۴ اوچنجی اردوی هایون مشیری

ابراهیم

مناسرت منطقه سی قوماندانلغنه

تلغراف عن سلايک

شمسی پاشا مرحومك قومانداسنده اوله رق رسنه یه حرکت ایتش طابورلرک

قوماندانی در عهد ایلک اوزره مترونیجه فرقه سی مرکز قوماندانی اولوب بوکره
رتبه سی میر آلا یلغه ترفیع بیورلش اولان رفعت بکک همان حرکت ایتدیلمسی اراده
سنیه جناب پادشاهی مقتضای منیقندن اولدینی شمیدی مابین هایون ملوکانه باشکتابت
جلیله سندن امر و اشعار بیورلش اولغله منطوق عالیسنه توفیق حرکت اولتمسی تبلیغ
اولنور .

فی ۲۴ حزیران سنه ۳۲۴

اوچنجی اردوی هایون مشری

ابراهیم



حکومت مستبده هیچ بر وقته قطع امید ایتماش . حریتی ایچون وارینی یوغنی
فدا ایدن ملتک ایاقلمسنه قارشی شمسی پاشادن صکرا اناطولیدن کوندره چکی عسکرله ،
عثمان پاشا ایله ، مقش پاشا ایله ، ابراهیم پاشا ایله سیلابه اختلاله قارشو طوره بیله جکی
ظن ایتش ایدی . حالبوکه شمسی پاشایه اعزامی وعد اولنان اناطولی فرقه سنک سلائیکه
و اورادن مناسیره سوق اولنان طابورلری جمعیتک مقاصد علویه سنی تقدیرده تأخر
ایتدیلر . سلاحریله جمعیه ، ملته عرض معاونت ایلدیلر . و یالکیز خائیره قارشو
استعمال سلاح ایده بیله جکلرینی وحدانیت ربانیه اوزرینه قسم ایده رک حکومتک اوامر
خائانه سنه قارشو اعلان عصیان ایتمکه جمعیتی تأمین ، یلدری تهدید ایلدیلر . چته لرک
تعقیب و تنکیلنه مسارعت اولتمسی امرینه قارشی یلدرک یکانه امید اولان اناطولی
ردیفلرینک شو جواب تبلیغی ارتق اوغراشمق امکانسزلغنی یلدره اکلاشم ، مناسیر
والیسی کی جدأ حمت و رویت صاحبی اولان اکبر حکومت مقصد جمعیتی حسن
قبول و تلقی ایله ملته لایق اولدینی حریتی بخش ایتمکه چالشمش ، جمعیتدن ، ولایتدن
کشیده اولنان تلغرافلر نحس طالع ملتک یلدرینی شهابلر مثالی قوواله یرق بو سایه ده
جبراً اعلان ایدیلان حریت حکومت مستبده طرفندن ده بالضروره تصدیق ایدلمشدر .
جمعیتله والی طرفندن کشیده اولنان تلغرافنامه لرک بعضلری بوجه زیر درج و تزییر
قلندی .



حضور اقدس حضرت خلافت‌ناهی به

ارادات سنیه مقرر له لریله تبعه وزیر دستانلرینه بخش واحسان بیوریلان قانون اساسینک تطبیقات فعلیه سنه مساعد و ایجاب حاکم اراده بیورلمسی صورتیله صداقت و عبودیتیزک خللدن وقایه سنی استرحام و بازار کوننه قدر مجلس مبعوثانک کشادینه فرمان هایونلری صادر بیورلمدینی حالد رضای شهریارلرینه مخالف احوالک وقوعی درکار اولوب مناستر ولایتی داخلنده الیوم موجود بولنان مأمورین ملکیه وارکان وامرا وضابطان عسکریه و افراد شاهانه لریله علما و مشایخ والحاصل کبار وصغار ادیان مختلفه منسوبینک بلااستثنا وحدانیت خدایه قارشو عهد و میثاق عمومی التیده بولنده یغنی عرض ایلرز فرمان .

فی ۹ تموز سنه ۳۲۴

عمانلی اتحاد و ترقی جمعیتی
مناستر مرکزی



حضور اقدس حضرت پادشاهی به

حضور صدارتیناهی به

بو کیجه قول اغاسی ایوب و نیازی افندیلرک تحت قومانداسنده اهالی و افراد عساکر شاهانه دن مرکب ایکی بیک قدر مسلح بر قوت مناستره کلوب عاجزلرینک و دهبا بعض امرانک اقامتگاهلری ابلوقه ایدلمش ساعت الی یقده ده سکزیوز کشی شیرپاشا حضرتلرینک اقامتگاهلرینی ضارارق و پاشای مشارالیهک محافظه سنه مخصوص اولان قطعه عسکریه نیک سلاحلرینی طویلایه رق مشارالیه حضرتلرینی قالدیروب کتور مشلر و مناستر قوه عسکریه سنک کافه سی و افراد اهالیدن دخی اوچ بیک بشیوز کشی انلره التحاق ایتمش اولدینی برای معلومات معروضدر .

۱۰ تموز ۳۲۴

والی
حفظی



مناسرتده فی ۲۰ تموز سنه ۳۲۴ اعلان حزب مرستندن



اشبو تلغرافنامه ایله ایضاح حقیقت ایدن حریت پرور والی دهها اوللری حتی شمسی پاشانک وفاق کونندن بری مفتش عمومی، یلدری، صدارتی مسئله نك جدیدندن، جمعیتك قدسیتندن خبردار ایتمه چالشمش، چبالامش ایسه ده بردرلو مرام ا کلامغه موفق اوله مامش اولدینی (ذکری کچن) ۵ تموز ۳۲۴ تاریخلو تلغرافنامه سندن مستبان اولدینی کی شو تلغرافنامه سی دخی مشارالیه کال کیاست وحیته بر برهان قاطع صورتده کوستریله بیلور.



مفتش عمومی

صدارت عظمایه کشیده و بر صورتی پوسته ایله حضور آصفانه لرینه تقدیم ایلدیکم جواب سامییه نظراً نزد سامیلرنده رغنا معلوم اولان حقایق احوالی عرض وافهام ایدمه مدیکم ا کلاشیلهرق وقوعی محقق اولان فجایعندن تولد ایدمه جنک مسئولیت مادیه و معنویه دن احترازاً و مأیوساً استعفایه مجبور اولدیغم و کیفی صدارت عظمایه جانب سامیینه ده عرض و اشعار ایلدیکم معروضه در فرمان.

۷ تموز سنه ۳۲۴

والی
حفظی



یلدیز ایسه والی ایله و عناصر مستبده سائر ایله آرزوی عالی ملته قارشو طورده میه جغنی ا کلا نیجه بطریقخانه ایله یونانلولزی برلشدیره رك برضائه چیقارمغه چالشمش و بومقصدله منیر ملعت سمیری اتنه یه قدر کوندره رك روملرك جمعیت حقنده کی حسن ظنلرینی شبهه دوشورمکه موفق اولمش ایسه ده جمعیت بوتمایلات مفسد تکارانه بی ده روم جماعته تبلیغ ایلدیکی شو بیاننامه مهمه ایله ازاله ایتشدیر.

مناسرتده روم جماعتی رئیس روحانیسینه روم قومیه سنه ویزیلان مخرطه صورتیدر :

عثمانلی طیراغنده یشایان بالخله و طنداشلرك جنس و مذهب تفریق ایتمکسزین عین مساوات و حریت تحتده سعادت و سلامت لرینه چالشمق اوزره عثمانلی ترقی و اتحاد جمعیتی نمایله مقدماتی و شمندی پک جلی اولان بر جمعیتک وجودینی بیلورسکزر . بوجمیتک



رسته قشایسی

مقصودی ۱۲۹۲ تاریخده اعلان ایدیلان وهرسنه سالنامه لرده نشر اولنان قانون اساسینک استرداد یله ملته حقوق حریتک بخشندن عبارتدر . بو حکومت ظالمانه ک حیل و دسائی و وطنداشلمزک آره سنه اکدیکی فساد تخمی نتیجه سی اوله رق وجوده ککش بولنان جنس و مذهب داعیه لری کبی یولسز لقلره و بو یوزدن دو کیلان قانلره آرتق بر نهایت ویرلمک و همیز قرداش اوله رق مشترکاً وطنک سلامتته و ملتک سعادتته چالشمق اوزره اورته یه

آتش در اشته شود مقصد علوی به بناء سزدن رجا ایده رز که بعدما جنس و مذهب داعیه سیله روم و طنداشلر من طزفندن قان دو کلسنه قطعاً میدان ویرلسون. اگر روم اردداشلر مرکز مقصد اصلیلری حقیقه حریت و مساوات استحصایله رفاه و سعادت مظهر اولمق ایسه هیچ برکونه رجا و نصیحت حاجت کور مکسزین بومقصدك حصولنه بزم ایله برابر جان و کولکدن چالیشورلر. نته کیم بلغار قرداشلر من آثار فعلیهلری و نیات خالصه لری ایله مقصد علوی مزه اولان میل و آرزولرینی اظهار ایلدیلر. اتحاد اولمزسه بیله هیچ اولمزسه شویله برنیت خالصانه ایله بیطرفلق اظهارینی و دیگر عنصرلره کافی السابق تعرضله قان دو کلسندن توقی ایللرینی روم و طنداشلر مزدن ده انسانیت و مدنیت نامنه رجا ایلرز. شوراسی محقق اوله رق بیاندون که روم قرداشلر من بوراده بومقصد مقدس و علویدن آیریهلر (اله نیزم) فکر و خیالنه خدمتله هم نتیجه سی غایت تهلکه لی بریوله صامش بولنیور و هم ده آنا طولیده کندیلرینك برقاچ مثلی بولنان روملرک سعادت و سلامتی آیاقلر آلتده چیکتمش اولیورلر. بناء علیه بویا کلس یولدن دونیهلرک متحداً بومقصد مقدسه چالیشامسینی و هیچ اولمزسه دیگر عنصرلره قارشی اظهار نفرت اولنیه رق قطعاً حال بیطرفیده قالمسینی رجا ایده رز. بومسئله ده آئر یلدرز ایله بطریقخانه آره سنده کی خفی مذاکرات روم ملتک سلامتندن زیاده مضرتی، مخوینی موجب اوله جقدر. یلدرز سرائینك اوته دنبری اتحاد ایده کلکده اولدینی بوکی دولابره قاپاملرینی روم قرداشلر مزه خالصانه توصیه ایلرز. روم چته لرینك اوته ده بریده طولاشه رق جنس و مذهب غیرتی خطا سیله قان دو کلملرینی و قابل ایسه طاغملرینی و یا هیچ اولمزسه شمذیلک بیطرف قاله رق حال سکوتده بولنلرینی رجا ایده رز. باخصوص برطاقم عادی و قیمتسز مسلمانلری ده معاشله یانلرینه آله رق بولنره جنایات و حشیانه اجرا ایتدیرملرینی قطعاً آرزو ایتمز. واقعا بوکی آلحق مسلمانلر بالطبع جمعیت مزه منسوب دکلدرد. فقط بولنرک وجه دی جمعیت مزه دیگر مسلمانلر بر رودتی و احتمال که قانی موجب اولور. نوکاء بناء بر بولری روم چته رزین یانلرینه حالده البته بولوب اولدیره جکر. بناء علیه سزده چالیشکزه بولنرک و بالخاصه فلورینه قضاسنه تابع (نوقضی) قریه لی درت مسلمان شقیسنك یانلرندن طرد و تبعیدی حقنده اوامر قطعیه و یریکز. تا که آره مزده بویله درت آلچلک، بد طینت شقیلرک یوزندن قان دو کیلوبده مقصد مقدس مز اولان اتحاد و حریتدن اوزاقلشمش اولیه لم و عالم انسانیت و مدنیق دلخون و آرتق پزار ایتش اولان وقایع فجیعه حدوشنه میدان و یرمش اولیه لم. برده (لیبارچه) چفتلککنده ایقاع ایدلمش اولان و حشیانه جنایتک تکرر ایتماسینی و بونک

فاعلمربنك شديداً بحجازات ايدلسنى مدنيت ، انسانيت ووطنداشلق نامنه عموم روم
 قرداشلرمزدن رجا ايدىيورز . عكس حالده ظهوره كلهجك تفاقك ، قانلرك بتون
 مسئوليتلرينك كنديلرينه عائد قالهجفى وعالم مدنيت ومحكمه انسانيت قارشوسنده
 كنديلرينك محكوم اولهجقارنى عرض ايلرز . اشبو حقيقتك عموم روم ووطنداشليمزه
 اعلان وبياتى رجا وقانون اساسى واداره مشروطه نك استرداديله حریت و مساواته نائليتدن
 عبارت اولان مقصد اساسيمزه اشتراك ايللرينه بتون روم قرداشلريمزى كمال صميميت
 ومحبته دعوت ايلرز . جمله مزك خالق اولان الله موفقيتى انجق انسانيت و مدنيت نامنه
 چالشانلره احسان ايدهجكته شبهه ايدلامايلدر .

في ۹ تموز سنه ۱۳۲۴ . چهارشنبه

روملرى جمعيت عليهنده استعمال ايتك غيتيله يلديزك نه كى دسايس ايليسكارانه
 ايجاد ونه كى مواعيد ملتتپسندانه ابدال وملتى اوتانمهدن نه كى الفاظ دناشتكارانه ايله تحقير
 وتذليل ايتكده اولديغى مجسم رويت، تمثال حيت مناسترواليسنك سالف العرض ۵ تموز
 ۳۲۴ تلغرافنامه سنه جواباً كشيده ايلديكى اشبو تلغرافنامه دن مستبان اوله بيلير [*]



مناستر ولايته

ج ۵ تموز ۳۲۴ . اتفاقك بيان اولتان وسعت وسرايته نظراً بومفاسدك يكي
 بر شى اوليوب خيل وقتدن برو ترتيب وتعقيب واطرافه نشر اولنديغى اكلاشلمقدهدر .
 بنا برين تشبثات واقعه يي وقيله استخبار واشعار ومنى ايچون ايجاب ايدن تدابير
 مؤثره وسريع يي اتخاذه ابتدار ايتك وظائفيله مكلف اولان حكومت محليه نك
 شمدى به قدر اشعاراتده بولنمامسك اسبابى شاين استيضاحدر .
 افراداهالينك بر طاقم مطالب سياسيه يه عقل ايرديرملرى مستبعد اولديغى جهته

[*] ملته شاين تقدير خدمات بر كزيده ايله مغبوط الاقران اولان حفظى پاشا حضرتلرينه
 اولجه كوندرمىش اولديغى بياننامه ده الفاظ تحقيره استعمال اينديكمدن طولاي حالامتأسفم . مشار
 اليك احمى وجودم . ضمننده رسنه مديريله مقرر اتده بولنديغى شايعه سنك مغاير حقيقت ايدوكى
 بالاخره تحقق ايندى . بوشايعه نك رسنه مديرينك بكا ظهير اولديغى حقنده شمسى پاشا طرفدن
 وقوع بولان ادعا اوزرئنه ناحيه مديرينى وقايه ايچون ترتيب اولمش بردوزمه دن انبات اينديكى محققدر .
 مؤخراً هرايكيسنه بيان معذرتله ترضيه ويرلشدر .

مطالب واقعه‌نك تعلیات و تشویقاته مبتنی اولدینی بدیهی و اصل مشوق و محرک‌ك تحری و کشفی مقتضیدر . مع هذا اصل جای دقت و شایان اهمیت اولان جهت بو قاریشقلردن ذاتاً مترقب فرصت اولان اجانبك بالاستفاده منافع اساسیه دولت و مملکته بك مضراوله‌جق حرکات و تشبثانده بولملری ماده‌سی و بونك نتایج و خیمه‌سی بیاندن مستغنی اولدیقدن بو محذورات مهمه و عواقب و خیمه‌نك ارباب عقل و اذعان و صداقتدن اولان اسحاب نفوذ و ساططیه ایجاب ایدنلره صورت حکیمانه و محرمانه‌ده تهنیتی و سائر اقتضا ایدن تدابیر اتخاذ و تعقیبیه منسوبین عسکریه‌نك و افراد اهلینك افسادات و تحریکاته قایل‌ملری و سائقه جهالتله عاقبتی دوشونمیه‌رك ارباب مفسدته علی‌العمیا اشتراك ایدنلرك استحصال ندامت و دخالتی و متمردلره مفسدلرك مدت قلیله ظرفنده بهمه حال اله کچیرلسی و سائلنك استکمالی و تشبثات و اجرا آت واقعه‌دن و حاصل اوله‌جق نتیجه‌دن پیدرپی معلومات مکمله و واضحه اعطاسی لزومی کمال اهمیتله تبلیغ اولنور .

۶ تموز سنه ۱۳۲۴

صدر اعظم


فرید



حفظی پاشایی مجبور استعفا ایدن اشبو تلغرافنامه سامی هر نه قدر فرید پاشا طرفندن امضا ایدلش ایسه‌ده مابیندن تسوید ایدلدیکی وارسته شك و دلائلدر . ایشته کوریلورکه انقلاب کبیر عثمانی اعلان حریت ملتک قیامی ، قیام عمومسی ايله تأمین ایدلش ، حریتی قانون اساسی‌بی ملت جمعیتک همیتله اله ایدره‌رك مناسرت والیسندن بشقه بتون ارکان استبداد صوك قوتلرینی صرف ایدنجه‌یه قدر یلدرزك ادامه حکومتنه صوك درجه‌ده اظهار غیرت و شدت ایلشدر . انقلابك صلح و آسایش دائره‌سنده جهانی حیرتده اراقان برانظام و سرعتله نتیجه پذیر اولسنی تأمین ایدن مؤثرات و مسببات عمودیه‌نك محاکمه‌سنی تاریخ انقلابی یازه‌جق هیئت مقتدریه حواله ایدره‌رك بزینه جمعیت طرفندن تودیع ایدیلان مکتوبی مطالعه ايله مشغول اولان مشیر عثمان پاشایه کله‌لم . عثمان پاشا مکتوبك قرائتی بئیرر بئیرمنز .

— پکی فقط یا کلش تلقی ایتدیگز . کیجه لکلمی دکیشدیره‌یم ده سزی تعقیب ایدرم . بیوردیلر .

قوریدورده طولاشان افراد جمعیتدن بری حایقیردی :



رسنه دودست انشا رشديه مكتي : (بومكتب اعلان حريتدن اول طرفدن طوبالانان اناه ايله انشا ايدلكه باشلاش ايدى .)

— یالکز براقیکز اتخار ایتسون .

بوخطاره قارشو کیسه اعتراض ایده‌مدی . مشار ایده انقیاد ایتدی . اوکزده تبدیل جامه‌یه مجبور اولدی وقتورسزجه‌زی تعقیب اییدیوردی . آخر آخر مردیونلری ایندک . سوقاق قپوسنه چیقدیغمز زمان :

— برقوماندان اولدیغمی اونوتمیکز . بکا ویاورمه آت حاضرلیکز .

— پاشا حضرتلری مراق بیورمیک هرشی حاضردر .

کرچک لوازم استراحت ومسافرتک هیچ برنده اختیار قصور ایدلماشدی . مشار الیه رکو بلریچون احضار ایدیلان بیاض بر آته ارکاب ایدلشیدی . معاملات رسمیه‌ده باخصوص امر قومانداده ، حرب میدانلرنده غایت سرت ومستبد اولان عثمان پاشانک خصوصیتی بک خوشدر . لطیفی بک سورمش . یتاقلرینه قدر اوکزی براقیان کیکدن متعجب اولدیلر .

— هرشی یولنده . ترتیباتکز مکمل بر دیه‌جک یوق . یالکز بوکیکه برمعنا ویره میورم .

— پاشا حضرتلری ! رضای باری‌یه حرفیاً توافق ایدن مقصد علوی جمعیه خدمتی حیوانلر بیله شرف بیلیور . ایشه کوریلدورکه حیوانات وحشیه‌دن اولان شوکیک عادتاً بزهره‌رک اییدیور . بویر سوق طبیعیدر . هیچ بر تشویق وتضییقه تابع اولیه‌رق دولتخانه آصفانه‌لرینه قدر بزهره‌رک ایتدی .

— بونی نروده بولدیکنز ؟

— ذات دولترینی المق اوزره یولده کلیرکن بشن الی ژاندارمه‌یه تصادف ایتدک . بونلر جمعیتدن معتمزه الحاق اولسدقلرینه دائر بر امری حامل ایدی . کیکی بونلر کتیردی . ژاندارمه‌لر بزهره التحاق ایتدک اوزره پرستردن کچرکن اوکلرینه چیمقمش اولان کیکی قولایلقله اله ایتشلر . اوافق بر نوازش انسانی‌یه مغلوب اولان بوسوملی حیوان ژاندارمه‌لره ، اوت جمعیتزه اک صوگ داخل اولان بوصف افراد دالت ایده‌رک بزهره التحاق ایتدی . بردرلو یانمزدن آیرلیور .

بولطیف مصاحبه ایله یولزه دوام ایتدک . رسنه ملی طابوری حرکتیه آماده برحاله ایدی . یول قول نظامنه قویه‌رق قشرانی‌یه طوغرو یورومکه باشلادق . ایوب افندی اوخری ملی طابوریه برموجب تعلیمات مناسترده قالدی .

۱۰ تموز ۳۲۴ . پنجشنبه ساعت اوچ راده‌لرنده بزقشرانی‌یه کیررکن مناسترده

طوب انداختی مراسم فوق العاده اجراسیله اعلان حریت ایتش اولسندن بتون عناصر مسلمة و غیر مسلمة استحلال حقوق ایله اخوت و مساواتی شانلی بر صورتده قبول ایلشیدی . عثمان پاشا بنم ایله برلکده فرهاد اغایه مسافر اولدی . اوراده اوکله طعمانی ییدکدن صکرا یولوزه دوام ایتدک . ساعت اون بر راده لرنده رسنه کیردک . رسنهده مأمورین عسکریه و ملکیه وعناصر مختلفه ، کافه صنوف اهالی استقبالمزه چیقمش ایدی . پاشایه فوق العاده احترام ایتدیلر . رسنه اشراقندن رضا اغانک خانہ سی مشیر پاشانک اقامتنه تخصیص اولندیغندن طوغریجه اورایه کیتدک . بو اقامت بنم ایلک چته یه چیقان افراد پلذ زیاده مسعود و بختیار اولدی . جمه سی خانہ لرینه ، اولاد و عیالنه قاووشیوردی . سعادت ، مسرت یکدیگرینی ولی ایدیوردی . صباح وقتی فی ۱۱ تموز سنه ۳۲۴ رسنهده برعید کبرای ملت واردی . هرکس بشرش وقه ر و نمون قوشیور ، کولیور ، اکلیور . آللرده بر لمعه نمونیت و مسعدت پارلدا یوردی . هرکس حر ، آرتق حر و سربست اولمش ایدی . بر طرفدن جمعیتدن کلن بلغرافامه الکتریک سرعتیله درت بر طرفه یایلش ایدی . بونده ۱۰ تموزده مناسترده اعلان حریت مراسمنک پک مدبب و مشعش اوله رق اجرا ایدلیکی و او کون اخشام اوزری ۱۰ : ۱۱ تموزده ذات شاهانه نک قانون اساسی یی قبول ایله تطبیق احکامنی امر ایدلیکی حکایه ایدیلیوردی . فی ۱۱ تموز سنه ۳۲۴ جمعه . سورملی ، سور عمومی ، هرکس پر شوق و پر هیجان ایدی . او یوم مسعودده ترک ، ارناؤود ، بلغار ، صرب ، اولاح خلاصه مسلم و غیر مسلم بتون سکنه مملکت مسرور و مسعود . لوای حریتک حقره ماضی یی اورتن ردای لطیفی پارلاق بر استقبالدن نشان و یرن تموجاتی ایله ذاتاً نور اولان کوزلری قماشدیریور . قلوبی تنشیت ایدیور . آیری آیری یازیلزله قانون اساسی ، مشروطیت ، حریت ، مساوات ، اخوت ، عدالت کلمات مبعجله سیله مقوش اولان رأیات ظفر انتده تأسیس اخوت و مساوات ایدن عناصر مختلفه افرادی بلا استثنا بو کونک تقدیس شان و علویتی ضمنتده نطقلر ایراد ایدیور ، جدی مصاحبه لر ، حسب حاللر ایله یکدیگرینه آرله ق آرله ق یشاسون اردو ، یشاسون اتحاد و ترقی جمعیتی ، یشاسون ملت ، یشاسون وطن ، دمامد یشاسون حریت ، مساوات ، عدالت ، اخوت صدالری طنین انداز افاق اولیوردی . پرهیجان و خلجان کچن بو کونک اخشامی قصبه نک داخلی کبی خارچندهده اطراف قرادن تراکم ایدن غلبه لک ایله عظیم بر ازدحام واردی . یالکز بر نقطه یه وقف انظار ایدن بو غلبه لک چرچیسک ورودینی صبر سزلقلر ایچنده بکلیور . ساعت

بره یقین چرچیس ایله آدم بك اوتوز نفر معیتی ایله بوشانلی و شرفلی غلبه لكك آجدينی بولدن، بوشلقدن وقار و تمكين ایله ایلرولور . بن و ارقداشلرم كلنلر ایله مصافحه ایدیور ، یكدیكر منی تبریک و تسعید ایدیوردق . ارتق بلغار، صرب روم چتهلرینك قبول دخالتی حقدده مذاکره له، مخبره له جریان ایدن بو کیجه بنی اهلینك تابصباح دوام ایدن نمایشی، القشلی ایچنده ایاقده کچیرمه مجبور ایتدی .

۱۲ تموز جمعه ایرتسی . علی الصباح جمعیتدن کلن تلغرافنامه ده رسنه ملی طابورندن مقدار کافی عساکر ملیه نك مشیر عثمان پاشانك محافظه سنه ترکیله متباقیسنك ترخصی واصل چتهیه منسوب ایکوز نفری مستصحباً و چرچیس بکله معاً مناستره عزیمتی آمر اولدیغندن کلن اهلینك پك مهیج و سورکلی القشلی ، مدید نمایشلی آره سندن رسنه دن حرکت ایتدك . یولده چرچیس بك ، آدم بك ، آپوستول ، میخالاکی و سائر رؤسا ایله حسب حال ایده ایده مناستره قدر کوربیجه جاده سنی ریر جوار کویولورك غلبه لكکری آره سندن کچه رك ساعت سکزده دوله جك قریه سنه خانلر اوکی مسیره سنه مواصلت ایلدك . اوراده محشردن نشان ویرن برغلبه لك طویلاشمش ایدی . صانکه بتون مناستره ، الی بیك نفوسی شامل شوقوجه مملکت هیئتله حرکت ایده رك بزی استقباله کلیوردی . بتون عناصر مختلفه ، بتون افراد ملت یکدل و یکجهت اولمش ایدی . عظیم و متجانس قوجه مان برانسان کتله سنك يك آواز ، يك آهنگ یوریدیکی کوریلوردی . بو کتله معظمیه سیاله حریت اعجازکارانه برفیض امتزاج ایله تاثیر ایتمش ایدی . مناستره قدر رسنه جاده سی طرف طرف کویولورك غلبه لكکری آره سندن کچه رك ساعت سکزده دوله جکه خانلر اوکی مسیره سنه مواصلت اولندی . بوراده ده غلبه لك یورومکه ، تنفس ایتمه محال براقیوردی . سحر آمیز بر تاثیر لطیف ایله بزی آغوش استقبال و صفاسنه چکن بوغلبه لك آره سندن ایلرولوردق . کوجلکه ایدیم آته بیلوردق . جمعیتک بتون اعضای محترمه سی مملکتک اشراف مکرمه سی ، جماعت مختلفه سی ، رؤسای روحانیه سی بزی تبریک ایتدی . در آغوش ایتدی . مراسم استقباله تحمل اولنه میه جق بر مرتبه تب افزا ایچنده تاخانلر اوکنه بزدن بر قاق ساعت اول عینی مراسم صمیمیتله قبول اولنان مناستره چته سنك بولندینی قهوه خانلر مسیره سنه وارنجیه قدر دوام ایتدی . بوراده ده ازدحام یره ایکنه آته میه جق درجه ده ایدی . بوغلبه لك ایچنده بیك مشکلات ایله خلاصکارلر مه ، مظاهرلر مه قاووشه بیلدم . صکراده مناستره چته سندن تمثال فضیلت ارکان حربیه قائم مقامی صلاح الدین ، نمونه حمیت ارکان حربیه بیکباشیسی حسن طوسون ، رفیق قدیم یوزباشی یانیله

مجدالدین ، ملازم سلاطینى محمد علی افندیلرایله کوروشدک ، حسبحال ایتدک . پولیسارله ژاندارمه لرك اوافق بر اشارتیه درحال بر شکل انتظام آلان غلبه لك مناستر رسنه چرچیس چته لرینه بر کذرگاه آیرمشیدی . حریتک ، بوسیاله عدالتک فکرلرده ، قلبلرده حصوله کتیردیکی تأثیرات اعجازنامی هر کس کی بنده حیرت لر ایچنده مشاهده ایدیوردم . بورادهده اوطورمه ، دیکلنمکه امکان یوقدی . بوکتله متجانسه بشریتک هر فردی بلا تفریق جنس ومذهب عسا کر ملیه ایله کوروشمک ، اوپوشمک ایستوردی . بیکلرجه رایاتک ، رایات حریت آیتک التنده کومه کومه طوبلانان خلق بوشانلی شرفلی کونی تأمین ایدن فداکارانی الدن اوموزلرنده کزدیریور ، یشاسون ضابطلر ، یشاسون اردو آوازه سی ایله تکریم وتبجیل ایدیور . چته لرك دیکلنمسنه ، یورومسنه میدان بر اقیوردی . کوجلنکه ضبط اولنان بوهیجان عمومی ایله چته لر نه دن صکرا بر کذرگاه آچیله بیلدی . اوکده یورون موزیقه لرلی اناطولی ردیف طابورلرینی جمعیتک هیئت محترمه کرامی تعقیب ایدیور ، چته لرده صبره سیله بونلره پیرو اولیوردی . خانلر اوکنده لوقظه جاده سنه قدر ایکی طرفی اغاجلق شوسه دن دراخورکنارندن محتله یورویوردق . سوقاقلرده یربوله میان اهانلنک بر قسمی ده دراخورک ایکی طرفنده قهوه خانلرک ماصه لرینه بیکه لرینه ، حدالینه چیقمش ، عقللی داورانانلرده جاده یه ناظر پنجره لره ، بالقونلره دها اولدن یرلشمش ایدی . هر کس بزی سیر ایدیور ، حریتی ، سعادت ملتی القشلا یوردی . اللری بیکلرجه رایاتک تموجاتی ، اغاج داللری ، چیچک دمترلری ، مزهر کوکسلری آلی بیاضلی قورده لالره ، روزه تلره مزین اولان بومسعود وخندان غلبه لك آوازه شوق وشطارتی اکمتین قلبلری اکخسمر وجدانلری بیله بوموشاتیوردی . بوغلبه لك بوآنده دماغی ، قلبی اعصابی ، حسی بر ، بوجود شوق آلوده بکزییوردی . اوکون کیم بیلیر قاج فاسد ملت بوآیین شوقا شوق ایچنده محیجاً متأثر ومتحسس اوله رق خادم استبداد اولدیغدن طولانی کنیدی لرینه لغت خوان اولمشدر . حکومت اوکنده غلبه لك طوردی . رسم قبول اجرا ایدلدی . دعالر ، نطقلر اوقوندى . [*] بن فیض حریتک بوتأثیر لاهوتیسنه حیرن حیرن نکران اوله رق لطیف هیجانلر ایچنده غلبه لك تعقیب ایدیور ، ارقداشلرمله حسبحال ایدیورده . یاریم ساعت صکرا لوقظه جاده سنه (شمعی ۱۰ تموز ۳۲۴ — جاده سنه) تبدیل استقامت ایدن الای والا ایله تا قشله میداننه قدر عینی حرارت ومحبته متحسس برغلبه لكی یاره رق آهسته آهسته ایلرولیوردق .

[*] ممالک متدندهده بلدیله دائره لرنده اجراسی معتاد اولان بوکی مراسم قبولیه یه آترق بلدیله لر مزده امتثال ایده بیله جک بر مکملیت واقتدار تأمین ایدلک لازمدر .

شوصورتله دوام ایدرهك اون دقیقه لق بریولی بر ساعتده قطع ایدره بیلدك. قشله میداننه
كلكك واوراده عموم قطعات عسكریه اوكان وامرا وضابطانی طرفندن پارلاق بر مراسم
ایله استقبال اولندق. طاتلی طاتلی هوالر، مؤثر ومهیج نطقارله تشنیف آذان ایتدك.
بومراسم ایله وقت كچمش، اخشام تقرب ایلشدی. بزى قیود مراسمله اذن انصافسز
غلبهك، استراحته، طعامه احتیاجمزی اعتراف ایتمش ایدی. طاقم طاقم طاغیله رق
بزه كچهك یر حاضرلمش عموم چتلهر ضابطاتی رووایل اولتنه وافرادی خانلر
اوكنه كتیردیله. بتون تفرعاتیله لوازم استراحت وشطارتی جامع اولان بومكمل
ضیافتلریله مناسرت اهایلیسی تراكت وانسانیتك مآثر بالاترینی ایله متحلی اولدقلرینی اثبات
ایلدیلر. برقچ كون صكرا برر ایکیشیر كون فاصله ایله قرچودهن اسلام، رسنه دن بلغار
مغارودهن روم چتلهری ده كلهرك عینی صورتله وبرمسرت عمومی ایله قبول واعزاز
ایلدیلر. بنده كزده بوچتلهرك استقباله جمعیت طرفندن تعین اولنان هیته مأمور
ایلدلیكمدن محشردن نشان ویرن غلبهك حضورنده آلقشالر ایچنده عمرمده هیچ
آلیشمدیغم ناطقه پردازلغه مجبور ایدلمشیدم. بلغار چته سنك ورودی كونی ایراد ایتدیكم
نطق ارقداشلرمدن بری عیناً ضبط ایلدیكندن بورایه درج ایدیورم.

وطنداشالر :

قوه قاهره استبدادك زنجیر اسارتندن قورتلق ایچون مملكتمزده اون اون ایکی
سنه دنبری ابتدارده اناطولیده وضوكتی سنه ظرفنده روم ایلیده وقوع برلان آراقلی
آرهلقسز قیاملرك وتشبثلرك نه ایچون شمیدییه. قدر نمره بخش موفقیته اوله میوب
سورونجمده قالدقلرینی تشریح ایلك اوزره غایت قیصه برقچ سوز سولیکه مجبوزیت
کوربیورم. اناطولیده ارمنی وطنداشلریمزك حكومت مستبد مزه یابدقلری عصیان عناصر
سائر و طنه شمولی اولمیوب منحصر آرمیلرجه وبالاخره روم ایلیده بلغار وطنداشلریمزك

(حاشیه) مناسرت اهایلیسی گبی دنیانك كافه حریتپرورانی طرفندن مظهر تقدیر اولان موفقیته
ملیه دن طولای ممالك عثمانیهك وممالك اجنبیهك مختلف مللرندن بیکارجه تلغرافلره خدمتمزی،
موفقیتمزی تبریک ایتدیله، ایلک دفعه دلالت مرشدانه سیله سبب فیض ورفتم اولان انوربكدن
برقطعه تلغرافنامه آلدكم كه بونك قیمتی نجه جهانده ذكر. انك ایچون عیناً یازیورم.
عن سلانیک :

مناسرت واسطه سیله نیازییه

قرداشم تبریک ایدرم، یشاسون وطن، یشاسون ملت، یشاسون حریت

انور

فی ۱۲ تموز سنه ۱۳۲۴

اجرا ابتدکاری قیام دخی منحصرأ بلغار عنصر نجبه ایقاع ایدلیدکندن و بوبلغار نشی اوزرینه روم ایلیده ساکن مختلف عناصر خرسیتانیه دخی القات خارجیه نتیجه سی اوله رو. چتهلر ترتیب ایله و منافرت مذهبییه ایله برطاقم جنایاته باشلامش اولدقلرندن اشبو مختلف وفاق آور تشبثلرک کافه سی حکومت مستبدیه برحق عناصری یکدیگری علیه قوللانیق فرصتی ویرمش اولدینی و مداخلات اجنبیه نه قدر توسع ایش اولسه مملکت مزده کی قوت و سفاقی ازاله ایدمه چکی عفو سلیمه اربانجه نظر مطالعه یه ائهرق عناصر مختلفه یه عائد خصوصی اتحاد قومیه لرینک توحیدی چاره لرینه توسل قیلنش و بونک استکمالی اول امرده حکومتک قوه قاهره ظالمانه سندن اک زیاده ازیلوب پک جاهل و وحشی ظن اولثان مسلمانلرک اتحاد الله النسی و بوندن صکرا عناصر سائر مملکت اتحاد قومیه لرینک اتحاد عمومی به دعوت اولنمی دوشونلش ایدی . پک منفی و حقوق طبیعیه مرک ایجاب ایتدیردیک اشبو اتحاد عمومی به اینالیله بحق قدر آز برزمانده تشبث اولدینی حالده تشبث معقولات اوزرینه مستبد اولدیغندن هر کونه فدا کارلنی اختیار ایدرهک و بیوک بیوک مهلکه لری کوزیمزه آلهرق و نقط عون و غایت باری به استناد ایدرهک تشبث ایلدک . شوتشتمز پک صمیانه و خالصانه بولندیغندن جناب حق معینمز و ظهیریمز اولمسیله وقوع بولان تشبث پک از برزمانده ثمره بخش موفقیات اولمش و بوندن عناصر مختلفه وطنیه هپ بو اتحاد عمومی الله کیرمش بولندیغندن عناصرک یکدیگری نه اولان ضدیت جنسیه و مذهبییه لر ندن فرصت بولهرق فرلداق چویران حکومت مستبدیه ارتق چار ناچار کندوسندن قات قات عظمتلره ظهوره کلان اشبو اتحاد عمومینک اوکشد بیون اکوب حربت عمومی بی ضامن اولان قانون اساسی بی اعلان ایتکه مجبور اولمشدر . اولیه ایسه وطنداشلر خصوصی اتحادلر ضرر و اتحاد عمومینک ضایت نافع اولدینی جهانده امثالی کورلماش قانسنر و لکه سز موقتیمزله ثبوت بولمشدر . وطنمزی ، حریمتری بزه قازاندران اتحادمزی (الله اتحاددن ایرماون) دعا سیله تقدیس ایدلم .

ایشاسون اتحاد . یشاسون وطن . یشاسون حریت .

خاتمه

حریتك اعلانی اوزریته ، انظار عمومیه تأثیر روزگار انقلابه خواه و ناخواه رفع تقاب ایلین اعضای جمعیه ، اوت مناسرت ولایتده مطلع اول نیرحقیقت و مرکز انتشار حریت اولان نفس مناسترده اك مهم مؤثرات انقلابیه وجوده كترین ، اك مهم معاملات سیاستی اداره ایدن اعضای منجهله انعطاف ایتدی . وجدان عمومی بی هیجان آمیز ، اسرارانكیز بر مراق استیلا ایتشدی . هرکس اسرار جمعیتی ، رؤسای جمعیتی آکلامغه چالیشور ، شو غالیته اك زیاده تأثیر نفوذ صاحبی اولانلری اوکرنمکه صاواشیوردی . یهوده یورولیوردی . رئیس اولیان بووجود نازکترین شخص معنوی جمعیت ، یعنی آرای عمومی جمعیت حکم ایدیوردی . بو ، بنجه محقق ایدی . بونکله برابر عامیه ساری اولان بومراق مهمه تبعیتدن بردرلومنع نفس ایدمدم . بنده حصه چین اضطراب اولمش ایدم . ایشك ایچنده اك مهم خدمتبری درعهده ایدنلرکی بنده اووقته قدر مرکز هیئت اداره ولایته مأمور اولنلری بیلیمور ، بتون اعضای جمعیت کی براطاعت مطلقه ایله مرکزدن آلدیغم امرلری مقدس طانیور ، حرفیاً اجرا ایدیوردم . آنک ایچون بنده بعض صورتلری خاطراتمه کچیردیکم بیانتنامه لری یازانلری ، مقررات مهمه جمعیه ، اوامر مقدسه یه وضع امضا ایدنلری ، بتون وقایع و حادثات مؤثره بی حاضرلیانلری کورمکی ، کندیلرینی تبریک و تقدیس ایتدی جانندن ، کوکلدن آرزو ایدیوردم . هرکس کی بنده بو محترم امرلری بیهوده یره چته لری ، مسافرلری استقباله مأمور اولانلر ، ضیافتلره ریاست ایدنلر جمع ناس محللرده ایراد نطق ایله ابراز حمیه حصر اقتدار ایدنلر میاننده آرامش ، بیهوده یورلمشدم . آرادیغم حقیقی فداکارلری ه جدی قهرمانلری بردرلو کورمه مشدم . بو مراق کوندن کونه قلبی طیرمالادی . هیئت مرکزی بی تشکیل ایدن بوذوات محترمه ایسه سسز صداسیز ، پرده اعتکاف ، ستره احتجاب آلتنده کیزلنیش اسکیسی کی چالیشیوردی . آنردن هیچ بری علناً بو مسأله ملی به اشتراك ایتیمور و وظیفه لرله اشتغال ایدیوردی . میدانلرده کوزه چارپانلری برر برر شخصلری معلوم رهبرلره کوستره رک :

— بك افندی هیئت اداره دنمیدر ؟ دیه رک مراق ایله صوریور . شو جوابلری آلیوردم .

- خیر .
- یا بوذات ؟
- اوده .
- یا شو افندی ؟
- اصلا .

برکون طيانه مدم . ولايت هيئت اداره سنده رهبر عموميك وظيفه سنی ایفا ایدن [*]
سوازی یوزباشیسی دبره لی ذوالنون افندی یه .

— عزیزم ! اعضای جمعیتک بو چوغی سیلابه وقوعاته تابع اوله رق میدان علنیه آتلدی .
هیئت اداره اعضای محترمه سنک صاقلانسنه بر معنا ویره میورم . باخصوص بکا بوقدر
شان وشرف تأمین ایدن آمرلمی طایمق ایستیورم . اوت بنی کندیلرینه تقدیم ایدکر
عرض تعظیم و تشکره بورجلی یم . بو بنم ایچون ایفاسی ، همده مسارعه ایفاسی
ایجاب ایدن برامل ، برامل خاصدر . شرفلی و قیمتدار بر وظیفه در . دیدم .

— باش اوسته . دیدی . کورمک ایستدکر یکنر ذاتاً سزجه مجهول دکلدر . سوازی اون
دردنجی آلایک قوماندانی قائم مقام صادق بکی ، مترجم فخری ، طویچی یوزباشیسی حبیب ، طویچی
ملازمی ضیابکار و مکتب اعدادی رسم معلمی ملازم ابراهیم شا کر افندی خیلی زماندنبری
طابورینه کیتمش بولان ارکان حربیه بیکباشیسی رمزی وخصوصی اوله رق دوام ایدن
ارکان حربیه بیکباشیسی وهیب بک افندیلری البته طابورسکزر .
— اوت دیدم .

— مجسم اخلاق وحمیت اولان صادق ، رمزی ووهیب وفخری بکری طانیرم کندیلرینه
حرمت مخصوصه واردد فقط بوبادمه وظیفه دار اولدقلرینی بیلمیوردم .
سوزینه دوام ایتدی .

— صادق بک افندی مستنار ایچنده مستشامکمل بر آدمدر . صاحب السیف والقامدر .
اک مهم بیاننامه لری ، امرلری پلانلری قلمه آلان بوذاتدر . طول مدت تماسده بولندیغم
هیئت مرکزیه اعضای مبعجله سی دائماً میرنومی الیهک محض اثر کرامت اولان آرای
صائبه سیله اجتهاد ایدرلر . مناسترده هیئت مرکزیه ده شخصی بک محترم اولان بوذات

[*] سوازی یوزباشیسی ذوالنون افندی نیجه او مکمل ادملر ایچنده مکمل بر اخلاقه دهشتلی
برمئات ، آتشین بر جوهر حیثله مشحون مکمل بر قلب و وجدانه بنیه سی قدر صاغلام بر دماغه
مالکدیر . مناسترده جمعیتک ایلك دوره تأسسنده انتساب ایدنلر میاننده اک غیر ومشکل وظیفه لری
درعیده ایدرهك صوك درجه ده بر حسن نیت و اقتدار ایله ایفایه موفق اولمش شایان تقدیس
برضا بطدر .

کمال درایت و اخلاقیه افکار عمومیه بی تسخیر ایتدی . حسیات عمومیه بی دائماً بر نقطه یه جذب ایدیوردی . هیچ بر مکافات طلبنده اولیان بر فداکار لفه سوق ایدیوردی . حبیب ، فخری ، ضیا بکدر سام ابراهیم شا کر افندی ایسه الک خلجانلی زمانلرده کوکره مش بر آرسلان کبی مجسم شجاعت کسپیلان محویتورور صادق بکه امثالده تردد ایتدیلر . بودرت ذات جرأتلر ایچنده جرأت صایله حق مقررات مهمیه تردد ایتدین وضع امضا ایدیور ، انفاذ قرار یولنده آز بر تردد و ملاحظه یه قارشو بالذات ابراز فداکاری یه مسارعت ایدیورلردی . شمسی پاشانک وودی کونی عمومزه بر خاجان و خشیت مستولی اولدی . چونکه پاشانک نه قدر جاهل و مستبد ، نه مرتبه لرده ظالم و متمر داو لدینی باخصوص عسکر قیادتده برشیدن بی خبر و پاشا اوغورنده فدای جانه تشنه ور بر جوق ارن او و دلرله محاط بولدیغی نظر دقته آله رق بر حرب داخلینک ظهوری اندیشه سندن دوچار خلجان اولمش ، احمای وجودی یولنده بیک تدبیر دوشونمش ، اجرایی یولنده بیک انکلی کورمش ایدک : صادق بکله ضیا و حبیب بکدر بو وجود سم آلودک ایفای وظیفه ائسانسده قهرمانانه بر صورتده علماً از الهسی لزومنده اصرار ایتدیلر . مناقشه و مذاکره ایله فوت فرصتک مضرتی قاشوسنده نفسلرینی عرض ایتدیلر . خلجانلی بر ذقیقه ده برر الاری قرآن عظیم الک ان اوزرنده اولدیغی حالده دیگر الاری طبا بحالرینه اوزاتهرق میثاق و تعی بودرخه حدیثله تحکیم ایتدیلر .

خون حیتک فوق العاده غلیانی اوزرینه حرارت وحدیت بشریه نک مرتبه کماله ایردیکر بودقیقه ده شوق قرار قهرمانی اتفاق ایله قبول اولمش ، موقع اجرایه قولتق اوزره هیئت اداره جدیه دنک انتخابی معامله سنه قبول ایدلشدی . بومدهش قرار قلوب اعضای جمعیتی الکتریک شدتیه مسارعت متاثر ایلدی . ملازم ... افندی یالکز باشنه میدان حیمته آتلدی . فداکار لفه حاضر اولدیغی اخبار ایتدی . شجاعت مدنیه نک پک علوی و بالا ترینه بر مثال تشکیل ایدن بویه بر فداکار لفه مکارم اخلاق ، متانت طبعی حیمت و عرفانی مالم ارلان بوضابطک تکلیفی ممنونیتله قبول ایدلشدی . ایشته عزیزم هیئت اداره مزده ایفای وظیفه ایتکده اولان فداکارلر بونلردر . پک زیاده مشغولدرلر . یمکه ، اویقوبه نیله وقت بوله میورلر . اونلر بومسارعمومی وسور ملی نک عادتاً بیابجیبسی قالدیلر . وظیفه اقدم و اقدسدر . بونک ایچون کورونمیور و کندیلرینی کورستمیورلر . مادامکه بودرجه شدتلی آرزو ایدیورسکیز . هایدی سمری الیوم ایفای وظیفه ایله مشغول اولدقلری ذائریه ، صادق بکک خانه سنه کتوریم . دیدی .

— چابوق اولهلم . تشکر ایدهرم .

قنوشه قنوشه یوریورایدک . اودا ائما صادق بکک علوم دینهیه، فلسفهیه، قنون عسکریهیه، ادبیاته، وقوفندن، دها سندن، حقه، حقانیه کمال عشق و ابتلا سندن، مکارم اخلاق، تانت طبع، اتساع قدرت، فرط توکل، فرط شجاعت، کمال تواضعندن بحث ایتدی . بک ضعیف برزمانده انتساب ایتدیکی اعضای جمعیته عائله سی افرادی، با کر کریمه سی، زوجه محترمه سی ایله برلکده فدا کارانه سبق ایدن خدمات عالییه سی حکایه ایتدی . برچوق امثال فدا کارانه سی تعداد ایدیوردی . سوزی دها بیترمه دن محل مقصوده واردق . صادق بکک اوی قپوسنده طورددق . دق باب ایتدک . بزی قرا کلق بر خزنده اجتماع ایدن هیئت مکرمه حضورینه ادخال ایلدیلر . مشارالیهک اتی ، صقالی اویدم .

دیگر اعضا ایلده مصافحه ایتدک . حقیقه هریری مجسم اخلاق و عرفان اولان بوذات محترمه ، بواعضای میجله بی صوک درجهده نزاکت ایله قبول ایتدیلر . صوک درجهده تواضع و محویت ایله اداره کلام ایدهرک حسیاتی تقریره مساعده و یرمدیلر . شرف موفقیته بکا و کمال شخص معنوی جمعیته ، لیاقتی ادعا ایتدیلر . اورادن چیققدق . قضا هیئت اداره سی سؤال ایتدم .

— قول اغاسی عوننی بکی کوریکیز . اوزاتا سزک صمیمی آرقداشکزدرد . هیئت ادارهیه مأموردرد . بنم ایشم وار بکا مساعده اوسره دلالت ایدر دیدی .

ذوالنون افندی آرلیدی . آرادم عوننی بکی بولدم . میرمومی الیه ملازم ضیا بکی عثمان پاشاک خانه سندن قالدیرلمی صورتیله مسئلهیه نهایت و یرن مهم قراره زمین اجرا حاضرلایان بوا بکی محترم آرقداشی ذاتاً بیلوردم . دلائیله قضا هیئت اداره سی ، مرکز ولایتده مناسرتده کی معاملات مهمه یی اداره ایدن ذوات مقتدره یی برررر زیارت ایلدم . عوننی بک بکا اشرفدن بها بکی ، ژاندارمه دن مکتب رفیق ، رفیق قدیم یوزباشی خلیل بکی ، اجزاجی ابراهیم افندی یی تقدیم ایتدی . حسن خدمت و معاونت لرندن طولانی جمله سینه عرض تشکر ایتدم .

الله الله . جدی قهرمان و حقیقی فداکار اولان بوذوات میجله نک همی ده یعنی برامل تعقیب ایدیور، هپ برفکر بسلیور، آلقشیدن ، نمایشدن آلایشندن اجتناب ایدیور ، منزه اولان قوای استبدادییه یی اساسندن محو ایتمکدن بشته برشی دوشونمور و متصل چالیشیوردی . اولر حالابوامل خالص الجا آتیله چالیشیور، چالیشیور دائماً جدیتله ایش کوربور . سلانیک و وجود نازکترین جمعیتک دماغی اولان سلانیک ،

مرکز عمومی جمعیته شرفیخش اجلال اولان اعضای مقتدره نی کورمک ایسه نخبه آمالم ایدی. حسب الزام که بنی و بتون چته لر رؤسائی، ضابطائی، افرادی دعوت ایتدیلر. بزه انسانیتک، نراکتک، آداب معاشرت اجتماعیه مزک الک صمیمی و روحواز آناز مسافرتی کوستردیلر. بزی عادتاً قلبلرینه چکدیلر. طوبیحی میرالایی حسن رضا، ارکان حربیه قائمقاملرندن فائق، ارکان حربیه بیکباشیلرندن فتیح، حتی و دعوی و کیلی رفیق و طلعت بکلری تقدیم ایتدیلر. انور و فتیح بکلر لطفاً دلالت بیوردیلر. مرکز عمومیدن مهم بر مأموریتله یاخته کوندردلر یکنندن اوکونلر سسلانیکده بولنه میان ارکان حربیه قائمقامی جمال، رحمی بکلرله مشرف اوله مدم. ایلک قهرمانلق کوسترن ملازم . . . اقدی ایله ده کوروشدم. ده بر چوق قیمتدار و نادرالامثال مکمل آدملر طانیدم. هیجان عمومی ده دواملی بر سوز بر سرور ملییه تبعیتده مضطر قالان محیطک تأثیراته رغماً بومنین آدملری یالکزر ایش باشنده کورمک قابل اولیوردی. هر درلو مأثر نشاط و موفقیتدن آزاده کور دیکم بو مکمل و سویلی ناصیه لر ایسه بالعکس یک درین مطالعاته تعب آلود مساعیه اشارت اولان خطوط ایله ترین ایتشیدی. اونلر بیوک بر سکونت و اعتدال دله متصل چالیشیورلردی.

علمی بهت و حیرت اینجده براقان شوانقلاب مکملده حرکات مکینه و معاملات جوانمردانه ایله اداره ایدن جمعیتمزک مراکز مختلفه سی هیئت اداره لری بلا استثنا بوکی اوصاف عالی و حسیات فداکارانه ایله مجبول اصحاب ناموسی ایله مالیدر. مناسرده، سسلانیکده ماسکهلری آجیلان شو محترم آدملر کی کافه مراکز جمعیتده ده نیجه ذکالر، دهالر واردر که بوموفقیت عظامک تأمین حصولی اوغورنده انلرده شایان تذکار تأثیرات مهمه اجرا ایشلردر. شمالی ارناؤودلق کی مابین ایله تمامی زیاده اولان برخاقه اوتنه دبرو خصوصیت حالی اعتباریله مساوات افکاری قبوله غیر مساعد طانتدیریلان بوناموسکار و جنکاور اختلافی قومه عناصر مختلفه ایله مساواتی قبول ایتدیره رک انلری لوای حریت و اتحاد الله حلبه موفقیت کی مهم بررول اویشایان اسکوب و کذا طوسقا قومیته سی نفوذلرینی حکمسز براقه رق جنوبی ارناؤودلغی جمعیتک حسن نیتته اقاعه موفق اولان یایه فداکاران جمعیت ایچون الک امین بر التجاکاه اولان مالیشیایی الله ایدره رک دبره لیلری و جمعیت افرادی و باخصوص چته علیهنده پاره ایله استخدام ایتک اوزره اون بیک لیرایه یقین بر صرفیساته مأذون و صلاحیتی واسع و محدود اولان دبره متصرفک تزویرات و افساداتی حکمسز براقان و بومفسدک وجودینی حکیمانه بر صورتله

ازالیه موفق اولان دبره طبق مناسرت کی فی ۱۰ تموز سنه ۳۲۴ کونی کندیلکنندن
اعلان حریت درجه سنده حسیات مفرطه و ظیوراته ایله برر موقع مستتا قرانان
کورجیه ایله سیروز مرکزلی هیئت اداره سنده حازمانه بر فطانتله ابراز مآثر
کمال اقتدار ایدن ذوات حمت سبک برر برر خدمتلرندن بحث ایتمکه خاطراتمک
جمعی ، اقتدارمک و سبی نامساعد اولدیغندن جمله سنی طوبدن تبریک و تقدیس
ایتمکی لوازم قدر شناسیدن عد ایلرم . کذلک عینی زمانه مراکز عمومیه دن بیوک
بر حسن نیتله باشلانان بوانقلابی حسن صورته تاقی ایدن اولاحلر ، بلغارلر ، روملر
صر بلردن بحث ایتمک ، بالخاصه حسیات عالیله و ظیورانه لرینی قلم تقدیر و ستایشله وصف
ایتمک لازمدر . الی سنده برو منافع متضاده تعقیب ایتدکلرندن طولانی یکدیگریسک
خصم جانی اولان اولاحلر ، روملر ، بلغارلر و صربلرک ، اوت ، افرادی چته لری فرصت
بولدقلری یرده بیرهمانه بر صورتده بر برینی قتل ایتمک صورته تسکین عطش حرارت قومیه
ایرین بواختلالجی اقوامک اعاده شوق حیات ایدن ترکلرک بر مقصد علوی ایله قالدیردقلری ملت
بایراغی ، اخوت سنجی آلتیه طویلا نرق بتون منافرتلری ، بتون فناقلری اونودان بیوک
بر علو جناب ایله یکدیگریسه و جمله سنک بردن سله ردنبرو حیاتندن قطع امید ایلدکلرندن طولانی
بر برینی چیکنرجه سنه اوزرینه اوشوشدکلری ترکله ابراز محبت و اعتماد ایله اتحاد و مساواتی
سهولته و حسن صورته قبوله مساعد اولان اوصاف عالیله انسانیت پرورانه و مسیبات جلیله
و ظیوریلری بالخاصه انقلابک لکسز ، قانسز نتیجه نمسنه حسن تأثیر ایدن حسیات میاننده
ذکر ایتمک لازمدر . انقلابک شایان بهت و حیرت بر انتظام و مکملیتله حصولی تأمین ایدن
اسباب و مؤثراتی تعداد میاننده روم ایلده اولدینی کی پای تخته وانا طولی دده عینی اوصاف
جوانمردانی ایله مجبول اولدقلری مآثر بالاترینی ایله واصل مرتبه ثبوت اولان ارمیلرک
استبداد عامهنده اون بش سته بی متجاوز بر زماندنبری ابراز ایتدکلری مساعی مخصوصه
فداکارانه ایله ترکلرک بالخاصه نظراتباه و بصیرتی آچان و تقلید و امثال شایسته کورله رک
تقدیر عامیه مظهر اولان مساعی جانسپارانه ، بی نهایت و فداکارانه مساعی بی فراموش ایله
شمعدی ترکله اتحاد مسارعت خصوصده میدان حمت و انسانیتده ثبوت بولان حسن
نیت و علو مکاتلرینی ده لسان ستایشله تذکار ایتمکی موافق نصف و وجدان عد ایدر
و وقوعات انقلاب کیردن یالکیز بر حقیقه بی احتوا ایدن شوخاظراته ملتکم قوه نامیه سنی اثبات
املیله خارج از صدد اوله رق بعض مهم بختلرک قاریشدیرلمش اولمسندن طولانی قارئین
کر آمدن عقولر دیلر ، شوراده سوزه خاتمه چکرم .

مهرسز نسخه‌لر ساخته در

سائر لسانلره ترجمه ایدلسی

صاحبندن رخصت استحصانه

منوط و مرحق محفوظدر.